

চোড়ি মুন্ডা এবং তার তীর

মহাশ্বেতা দেবী



ଚୋଟି ଯୁଗ୍ମ ଏବଂ ତାର ଡିର



প্রথম প্রকাশ
বৈশাখ, ১৩৬৭
দ্বিতীয় মূদ্রণ ১৩৮৭

প্রকাশক
বামাচরণ মুখোপাধ্যায়
কল্পনা প্রকাশনী
১৮এ, টেমার লেন
কলকাতা-৯

মুদ্রাকর
শিখা চৌধুরী
রূপা প্রেস
২০২এ, বিধান সরণী
কলকাতা-৬

প্রচ্ছদশিল্পী
খালেদ চৌধুরী

উৎসর্গ

আমার বাবা
মনীশ ঘটককে
যিনি আজীবন সংগ্রামী
মানুষের প্রতি আস্থায়
অবিচল ছিলেন—॥

এক

লোকটির নাম চোড়ি মুণ্ডা। চোড়ি একটি নদীরও নাম বটে। নদীর নামে ওর নাম হবার পেছনে একটি গল্প আছে। সব সময়ে ওকে নিয়ে গল্প গজাচ্ছে। ওর পূর্বপুরুষ পুঁতি মুণ্ডা যেখানে যেত, সেখানেই নাকি মাটি থেকে হয় অন্ন বেরুত, নয়তো কয়লা। ফলে তাকে নিয়েও সমানে গল্প গজাত। বউ-ছেলে-মেয়েকে চাইবালা থেকে পালামৌ জেলায় আনল পুঁতি। বন কেটে বসত বাঁধল। এবার ওরু ধেতের মাটির নিচ থেকে বেরুল পাথরে তৈরি হাতিয়ার। সঙ্গে সঙ্গে তা নিয়ে কথা হল এবং হঠাৎ একদিন সায়েব-বাঙালী-বিহারী—নানারকম লোকজন হাজির হয়ে ওকে তুলে দিল বদত থেকে। প্রস্তর যুগের হাতিয়ার মিলেছে যখন, তখন এলাকাটিতে এস্তিয়ার প্রত্নতত্ত্ব বিভাগের।

লোকটির মন খুব ভেঙে গেল। ও মাটি চোটাতে কেন কয়লা অথবা অন্ন বেরোয়? সঙ্গে সঙ্গে হাজির হয় সায়েব-বাঙালী-বিহারী? এর কারণ কি? কোথাও ও শাস্তিতে থাকতে পায় না কেন? যত নির্জন জায়গাতেই যাক ও, সেখানে ঠিক কিছু না কিছু বেরুবে মাটির নিচ থেকে, আর সঙ্গে সঙ্গে সেখানে গড়ে উঠবে একটা মস্ত জনপদ। ওর মুণ্ডারী পৃথিবীটা আরো ছোট হবে। ও তো কিছুই চায় না। ছোট একটা গ্রাম। বাসিন্দেয়া সবাই আদিবাসী, হয়ম দেওতার পূজক। পহানের অনুগত।

তাতে যে ব্যর্থ হচ্ছে, তাহলে কি হয়ম দেও ওর ওপর চটে গেছেন? পহান বিষম গলায় বলল, পুঁতি মুণ্ডা! তুই হিন্দু হতিস, ক্রীশ্চান হতিস, সেও ভাল ছিল। এখন তোকে সঙ্গে রাখলে আমাদের জীবনও এমনি ঘুরে ঘুরে কাটবে।

ওর দ্বীও সেই কথাই বলল। বলল, তুমি যেখানে যাও, সেখানে মাটির নিচ থেকে এটা সেটা বেরোয় কেন?

চল, আর কোথা যাই।

ওরা চোন্টি নদীর তীরে ঘর বাঁধল। নদীর পাড় পাহাড় সমান, সেখানে ঘর। নদীর বুকে সন্ধ্যায় ও মাছ ধরে। একদিন ঝিকিমিকি বেলায় মাছ ধরতে গিয়ে ও অরাক হয়ে দেখল, ওর জালে যে বালি উঠেছে, তাতে সোনার কণা।

ও বালির উপর বসে পড়ল। কয়লা এবং অল্প দেখে সায়েব-বিহারী যে রকম উদগ্র লোভে বাঁপিয়ে পড়ত, নিমেষে আদিবাসী ভূখণ্ডকে এক ঘিঞ্জি টালি ও মকানে কুশোভিত জনপদ করে তুলত, তা ওর মনে আছে। সোনা দেখলে সে সব লোক কি কাণ্ড করবে কে জানে। এই পাহাড়-বন-নদী সব আবার নষ্ট হবে। প্রবল মনোভঙ্গে ও আবার আজলা ভরে বালি তুলল। তাতেও সোনা। এবার ও মনস্থির করল। হিন্দু সদান, ক্রীষ্টান মিশনারী ও চা-বাগানের আড়কাঠি, তিনজনই ওকে পেতে চায়। পুঁতি মুণ্ডা আড়কাঠির খোঁজে চলল। বউ-ছেলে-মেয়ে বাঁচুক। যাবার আগে বউকে বলে গেল, তোর পেটে বাচ্চা আছে। ছেলে হলে নাম দিস চোন্টি।

পুঁতি মুণ্ডা খুবই হতভাগ্য। আড়কাঠির খোঁজে চলতে চলতে এক সমৃদ্ধ হিন্দু গ্রামে ঢুকে ও যে আমগাছের নিচে ঘুমোয়, তার নিচ থেকেই বেরোতে থাকে জমিদারদের চোরাই বাসন। ফলে ও তৎক্ষণাৎ ধরা পড়ে এবং জেলে যায়। জেল থেকে বেরিয়েই আড়কাঠি। এবং মরিশাস। তারপর তার কি হল তা জানা যায় না। কিন্তু তার বংশের ছেলেদের নামকরণে মাঝে মধ্যে নদীর নাম ঢুকে পড়তে থাকে। সেই কারণেই পুঁতি মুণ্ডার প্রপৌত্রের প্রপৌত্রদ্বয়ের নাম নদীর নামে—চোন্টি মুণ্ডা এবং কোয়েল মুণ্ডা। চোন্টি নদীর পাড়ের ওপরেই ওদের বাড়ি। আজও। তবে পুঁতি মুণ্ডার আশা পূর্ণ হয়নি। সোনার খোঁজে বহিরাগত ঢুকে পড়ে জারগাটিকে প্যাঁচমিশেলী করে ফেলবে, এই ভয়ে ও পালিয়েছিল। এখন জারগাটের তিন মাইল দূর দিয়ে সাউথ ইস্টার্ন রেলপথ চলে গেছে। চোন্টি নামে একটি স্টেশন হয়েছে। স্টেশনটি যে জনপদের কারণে, সে

জনপদে বিহারী, বাঙালী, পাঞ্জাবীর বাস। আদিবাসীরা থাকে দূরে দূরে, গ্রামে। বছরে একবার চোটি জায়গাটি আদিবাসীতে ভরে যায়। বিজয়া দশমীর দিন চোটি মেলাতে। সেদিন পঁচিশ-তিনিশটি গ্রামের আদিবাসীরা সে মেলায় আসে। বাঁশের মাচায় কাগজ জুড়ে ওরা অতিকায় বাঘ, হাতি, ঘোড়া বানায়। সেগুলি বয়ে নিয়ে নাচে। মেয়েরাও নাচে। মৌয়া খায়। সে মেলায় নাচের কাছাকাছি অ-আদিবাসী পুরুষদের যাওয়া নিষেধ। গেলে তারা আদিবাসী মেয়েদের সঙ্গে অসভ্যতা করতে পারে এবং শুকনো ঘাসে আগুন লাগা সরকারের অপছন্দ। সে রকম কোন ঘটনা না ঘটে যায়, সেজ্ঞে তোহরি থানা থেকে পুলিশ আসে। এই নাচ চলে সকাল এগারটা থেকে তিনটে অবধি। তারপর শুরু হয় চোটি মেলার আসল মজা। মেলা হয় এক প্রশস্ত মাঠে। সেই মাঠে আদিবাসীদের তীর ছোঁড়ার প্রতিযোগিতা হয়। টার্গেট ক্রমেই পিছানো হয়। শেষে যে আখরি নিশানী বিঁধতে হয়, সেটি খুবই কঠিন। পর পর, দুটি বাঁশের খুঁটিতে বাঁধা হয় লোহার রিং। এরকম রিং থাকে তিনটি। পিছনে থাকে চোখ আঁকা বোর্ড। রিং-গুলির ভিতর দিয়ে সেই চোখ বিঁধতে হয়।

খুবই কঠিন পরীক্ষা তীরন্দাজীর। পুরস্কার, আদিবাসীদের তরফ থেকে একটি শুওর। কিন্তু এখন বছকাল যাবৎ থানার দারোগা পাঁচ টাকা দেয়। তীরখনাথ লالا দেয় পাঁচ টাকা, ইটভাটির মালিক হরবংশ চাচা দেয় পাঁচ টাকা, ফল-ব্যবসায়ী আনোয়ার দেয় পাঁচ টাকা। প্রতি বছরই এই পরীক্ষা জেতা নিয়ে ভীষণ প্রতিদ্বন্দ্বিতা হয়। দারোগা প্রতি বছরই ভাবেন, এই নিয়ে দাঙ্গা লাগল বুঝি। কিন্তু প্রতিবছরই এই শুওর এবং আরো দু-চারটে শুওর মেরে সব প্রতিদ্বন্দ্বীরা মাংস ভাত ও মদ খেয়ে রাত কাবার করে। যারা জেতে এবং যারা হারে, তাদের মধ্যে ঝগড়া হয় না দেখে দারোগা প্রতিবারই বিস্মিত হন।

চোটি মুণ্ডা বলে, ঝগড়া কেন হবে? একেবারে একেক গ্রাম জেতে। এটা তো খেলা এখন। এ নিয়ে ঝগড়া হবে কেন?

বছর আঠারো আগে অবধি চোটি মুণ্ডা প্রতি বছর এই প্রতিযোগিতায় জিতেছে। কিন্তু শেষ যে-বার ও জেতে, সেবার ওর জ্ঞাতি, ডোনকা মুণ্ডা বিচারকদের বলেছিল, এ ঠিক নয়।

কি ঠিক নয় ?

চোটি মুণ্ডাকে মাঠে নামানো।

কেন ?

ওর তীরটা মস্তপড়া, সবাই জানে। ও যদি চোখ বুজে ছোঁড়ে, তবুও তীর নিশানী ভেদ করবে।

চোটি! এ কথা সত্যি ?

চোটি বলেছিল, হ্যাঁ।

তারপর সকলকে অবাক করে দিয়ে ও নিশানী থেকে কান্ন-যেন একটা তীর তুলে নিয়েছিল। ডোনকাকে বলেছিল, তোর ধনুকটা দে।

ডোনকার ধনুকে তীর জুড়ে, ছিলা টেনে ও তীরটাকে বলেছিল, তোর বদনামী বাছা, নিশানী বিঁধতে পারিস নাই, যা তো বাবা : নিশানী বিঁধে আয়।

কথা বলতে বলতেই ও তীর ছোঁড়ে আর নিশানী বেঁধে। ডোনকা হাঁটু ছুঁয়ে সম্মান জানিয়েছিল। চোটি বলেছিল, যত জনা পারে নাই, তত জনার ধনুক নিয়ে দেখাব ? মস্তর পড়া আছে বটে। কিন্তু মস্তরপড়া তীরটা দেখ ব্যবহার করি নাই। যেটাতে নিশানী বিঁধলাম, সেটা আমার নাতিটার তীর। এ কথাও সত্যি ও মস্তরপড়া তীর কাছে থাকতে আমি নিশানাছুট হব না। #

কে যেন বলেছিল, তবে তো তোমার তীর খেলা ঠিক হয় না। ষাট বছর বয়স হল, তা তুমি কেন বিচারক হও না ? একজন তো হয় তোমাদের সমাজ থেকে।

তাই হব।

সেই থেকে চোটি মুণ্ডা এই তীরখেলার হয় বিচারক। দারোগা বলেছিল, এমন হাত তোর। যদি বন্দুক চালাতিস।

চোটি বলেছিল, তীর ছোড়ে হাঁ-মরদ। গুলি ছোড়ে না-মরদ।
চোটি বলেছিল, বলেই দারোগা কথাটা হজম করে। চোটির
কথা কেন হজম করে, সে এক গল্প। চোটি মুণ্ডার জীবনে সবই গল্প
কথা। নানা কারণে।

দুই

চোটি যে বছর জন্মায়, সে বছর চোটি নদীতে বেজায় বান ডেকেছিল।
বানের তোড়ে পাথর ভেসে যাচ্ছিল। চোটি জন্মাবার সঙ্গে-সঙ্গেই
বানের জোর কমে। তখনি ব্রাহ্মণ স্টেশনমাস্টার বলেন, এ ছেলে
সামান্য নয়।

এটি হল আদি গল্প। স্টেশনমাস্টার জানতেনও না চোটি
জন্মেছে। জানলেও ওকথা উনি বলতেন না। বললেও কেউ
বুঝত না। কেন না স্টেশনমাস্টারের জিভ ছিল বেঁটে। কথা এড়ে
যেত। ইশারাতেই উনি কাজ চালাতেন। সে সব কথা বলা
বুধ। গল্পটি বহুকাল যাবৎ চলে আসছে। বানের নিয়মে বান
কমেছিল। সে কথাও কারো মনে নেই।

চোটি ছেলেবেলা থেকেই ছিল জেদী। তীর-ধনুকে কোয়েলের
হাত অনেক পাকা ছিল। কিন্তু চোটির জেদ ছিল, পাকা ধানুকী হবে,
চোটি মেলায় লক্ষ্যভেদ করবে। ও যখন কিশোর, তখন ওর বোনের
খশুরবাড়ি যায়। সেখানে ও দেখে বোনের দাদাখশুর ধানী মুণ্ডাকে।
ও যখন দেখে, তখন ধানীর বয়স নিশ্চয় আশী-নব্বই হবে। ধানীর
কাছে তার বয়সের হিসেব এ রকম, ওর শৈশব থেকে এ পর্যন্ত জঙ্গল
মহলে ছবার শালগাছ, সেগুনগাছ বয়স্ক ও প্রবীণ হয়েছে।

ধানী মুণ্ডা বুড়ো, কিন্তু জরাগ্রস্ত নয়। চোটিকে ও চোখ মটকে বলল,
আমার কাছে একটা মস্তুরপড়া তীর আছে। আকাশে যদি দশটা পাখি
উড়ে চলে, তীরকে যদি বলি তিস্রা পাখিটা এনে দে, এনে দিবে।

সত্যি কথা ?

সত্যি না মিছে, তোর দিদি ওই পরমিটারে শুধা।

বোনের সঙ্গে ছাগল দোয়াতে গিয়ে চোটি বলল, দিদি, ও যা বলল, তা কি সত্যি ?

পরমি বলল, কেউ জানে না। তবে ভীষ ও ছুঁড়তে জানে বটে। কিন্তু ও যদি ভীষ ছোঁড়ে, তাহলে খানায় ওকে ধরে নেবে।

কেন ?

সে আমি জানি না।

চোটি অত্যন্ত উত্তেজিত হয়ে ওঠে। ওর বয়স তখন চৌদ্দ বছর। খরা চলছে। চোটি-অঞ্চল জ্বলে গেছে। পরমির শ্বশুর মামুষটা ভাল। চোটির মাকে বলেছিল, তোরাদের মাঠে ঘাস নাই, নদীর বুকে বালি রোদের তাতে বাতাস পেয়ে ছুটে বেড়ায়। বড় ছেলেটাকে পাঠিয়ে দে। গাইচরী করবে। ওদিকে এখন খরা নাই।

কোয়েল বলেছিল, আমিও যাব।

বোনের শ্বশুর বলেছিল, ছ'জনরে রাখতে পারব না।

সেই কারণেই চোটি পরমির শ্বশুরবাড়ি যায়। বড় গ্রাম। বাস পথের পাশে, থানা-মিশন-সদান আশ্রমের কাছে। গ্রামে একদিন এরাই থাকত, তা আজ আর বোঝার উপায় নেই। গ্রামটিতে বিহারের অম্মাণ্ড জাতিদের প্রাধান্য। গরিব ও উচ্চবর্ণ, ধনী ও উচ্চবর্ণ, ইত্যাদি। মুণ্ডারা থাকে দূরে। তাদের বসতিও বড়। মুণ্ডারা এখানে, এই গ্রামে, হিন্দুদের খেতখামারে থাকে। চোটির শাশুড়ি ছাগলের দুধ বেচে। এখানে খরা তেমন প্রচণ্ড নয়। চোটি এখানে বছরখানেক থেকে যায়। খুব খাটে-পেটে। ফসলের মৌসুমে যখন পরমির শ্বশুর, বর, দেওর, শাশুড়ি, সবাই বেঠবেগারী দিতে যায়, তখন একা ও গরু-ছাগল দুয়েছে, দুধ যোগান দিয়েছে, চরিয়েছে গাই-ছাগল। পরমির শ্বশুর-শাশুড়ির খুব মনে ধরে ওকে। কি আকসোস, যে একটা অবিবাহিত মেয়ে নেই। থাকলে ছেলেটাকে জামাই করে নেওয়া যেত। কিন্তু ওরা ছ'জন চোটিকে একটা কথাই বলে। ধানী মুণ্ডার কাছে যেও না।

কেন ?

সে জানতে চেও না। আর কখনো ওকে তীর-ধনুক ধরতে বোল না। ধানী মুণ্ডা আমাদের প্রপিতামহের ভাই। তবু বলছি, ওর হাতে ধনুক ওঠে যখন, মুণ্ডা সমাজ, মুণ্ডা পরিবার বিপদে পড়ে।

এ সব কথা শুনে চোটির মনে ধানীর প্রতি বিজ্ঞাতীয় আকর্ষণ বাড়তে থাকে। কি করেছে ধানী? কেন তার বিষয়ে সকলের এই সভয় সমীহ ?

ধানীকে আড়ে-আড়ে দেখত ও। ধানী সারাদিন কিছুই করত না। বলোয়া সব মুণ্ডারই থাকে। ধানীর বলোয়াটা আশ্চর্য ধারালো আর বলোয়ার কাঠের হাতলে কি সব হিজিবিজি লেখা। সারাদিন ধরে কাঠ কেটে কেটে ধানী মুণ্ডা শিশুদের সুন্দর সুন্দর খেলনা বানিয়ে দিত। কারো সঙ্গে কথা কইত না। নিজের ভাত নিজে রেঁধে নিত। ঘাটো খেত না। গ্রামের লোহাররা দা-বাঁটি-ছুরি-বলোয়া-হেঁসো-কাস্তে-কোদাল-খুরপি তৈরি করত। কামারশালের সামনে বসে ধানী সে সবের কাঠের হাতল-বাঁট তৈরি করে দিত। কোথায় ও অমন ছুতোরের কাজ শিখল ?

পরমি বলত, কেউ জানে না।

ধানী খুব মাগ্নি-গণি মানুষ ছিল। কামারশালের সামনে শিরিষ গাছের ছায়ায় ওকে না দেখলে ধানী থেকে কনস্টেবল চলে আসত ধানীর খোঁজে। যে পুলিশ হাতে তোলা নেয়, মালিক-মহাজনের বাড়ি যায় দোলে-পার্বণে, সেই সর্বশক্তিমান পুলিশ ধানীর কাছে এসে কি বকম নরম গলায় বলত, কা রে ধানী ? কয়েকদিন দেখিনি কেন ?

মন দুখাচ্ছিল ?

ধানী! জানিস তো সব। কোথাও যাস না বাবা, চাকরিটা চলে যাবে আমার। বুড়ো হয়েছিস, একটু বুঝে চল।

তোর চাকরি, তুই বুঝবি।

দোহাই তোর !

যেদিন ইচ্ছে হবে, মস্তুরবলে অদৃশ্য হয়ে চলে যাব।

যাস না ধানী !

হাটে মুণ্ডা লোকদের উপর জুলুম করে তোলা তুলহিস কেন ?

কে বলল ?

আমি বললাম। দারোগাকে বলতে হচ্ছে। তোলা উঠিয়ে মুণ্ডা লোককে চটালে আবার—! বুঝলি ? তখন দারোগাকেও জবাব দিতে হবে। হাঁ, মুণ্ডা লোকদের খেপাব না আমি। কিন্তু গোরমেন ভি চায় না নয়া জুলুম হোক আর মুণ্ডা লোক রুখে থাক।

নয়া জুলুম নয়, পুরনো জুলুমই হত। কোনটা নয়া আর কোনটা পুরানা তা চোটি বোঝে নি। বুঝল, যখন পরমির শশুররা সবাই কসলের মোশুমে বেঠবেগারী দিতে গেল মহাজনের কাছে।

কোথা যাস ?—ধানী গর্জে উঠেছিল।

বেঠবেগারী !

হাঁ দাদা।

বেঠবেগারী দিতে যাস ? তোরা জানিস না ? সে যত জুলুমের জন্তে লড়েছিল, তার মধ্যে বেঠবেগারী একটা জুলুম ?

সে নাই দাদা। তার নাম ভুলে যাও তুমি।

হা বীরসা ! পনের বছর পার হয় নাই যে। জুলুমের ভয়ে মুণ্ডারা তেমনি কাঁপে।

ধানী বাড়ি থেকে বেরিয়ে গিয়েছিল। দিদি ছপুয়ে চোটিকে বলেছিল, ঘরের লোকরা ডাকলে সে আসবে না। তুই ডেকে আন।

কোথায় গেছে ?

জঙ্গলে।

তুই আমাকে ওর খাবারটা দে না কেন ? কোথা খুঁজব, ডেকে আনব, তবে খাবে ?

আমাদের খাবার খায় না।

দেখি তবে।

চোটি ধানীকে খুঁজতে গিয়েছিল। ওই খুঁজতে যাওয়ার ব্যাপারটা ওকে আরেকটা নতুন ও গুরুত্বপূর্ণ গল্পের সঙ্গে বেঁধে দেয়।

চোটি মুণ্ডার জীবনে সবকিছু একেকটা গল্প। মুণ্ডা জীবনের আরো গল্পের মত মহাকাব্যিক এ কাহিনীও। পৃথিবী কেমন করে সৃষ্ট হল, সে পৃথিবী সেংগেলদার আগুনে কেমন করে পুড়ল, দুটি নর-নারী কেমন করে বাঁচল, কেমন করে সৃষ্টি হল নতুন পৃথিবী—মুণ্ডা জীবনে এগুলি হল চিরকালের গল্প। মুণ্ডা জীবনের নতুন মহাকাব্য বিশ বছর আগে সৃষ্ট হয়েছে, তা চোটি জানত না। ধানী ওকে জানায়। ধানীর সঙ্গে ওর যে সম্পর্ক গড়ে ওঠে, তার ফলে চোটিও মহাকাব্যের অংশ হয়, এবং ফলে তার অস্তিম পরিণাম হয় মহাকাব্যের নায়কদের মত বিশাল ও সম্ভাবনাময়।

এটা ১৯১৫ সালের কথা। চোট্রির বয়স যখন পনের। খুঁজতে খুঁজতে ধানীকে ও পেয়েছিল জঙ্গলের গহীনে। একটি কুণ্ডীর ধারে পাথরে ধানী বসেছিল। চোট্টিকে দেখে ও চোখ তোলে।

চোটি ওয় পা ধরেছিল।

পা ধরিস কেন ?

আমাকে তীর ছুঁড়তে শেখাও।

আমি ?

হ্যাঁ। তুমি তীরন্দাজদের হরমদেও।

কেন শিখতে চাস ? তীর তো সকল মুণ্ডাই ছোঁড়ে। আমি তোরে কি নতুন বিদ্যা শিখাব ?

আমি চোটি মেলায় জিততে চাই।

ও, সেই জন্তে ?

সেটা কি ফেলনা কথা হল ?

চোট্রির জঙ্গলে মুখ দেখে ধানী হঠাৎ হেসেছিল। বলেছিল, কি করে শিখাব ? তীর ধরলে পুলিশ আমাকে আবার জেহেলে নেবে।

কেন ?

সে অনেক কথা। কথাগুলো বলতে চাই, কিন্তু শোনার মানুষ নাই। আর এখানকার মুণ্ডাগুলান্ তো কোমরভাঙা, দিকুদের দমায় বাস করে। চাইবাসাতে আমাকে থাকতে দিবে না। সেখানে

আমার কথা শোনার মানুষ এখনও আছে। সেখানে থাকতে দিবে না।

কে দিবে না ?

গোরমেন্।

কেন ?

সে এক গল্প কথা। তুই তো মুণ্ডা। তোদের সকলের জন্তে একটা মানুষ এসেছিল পৃথিবীতে। ধরতি আবা। বীরসা ভগবান।

তার কথা তো আমি জানি।

জানিস ? কে বলল ?

আমার মায়ের আবা। আমার দাদা।

কি নাম তার ?

হারা মুণ্ডা। খুব নাকি বলোয়া হয়েছিল। ভগবান মরে গিয়েছিল। তা বাদে খুব জুলুম উঠায় পুলিশ। তা বাদে দাদা রাঁচি থেকে এখানে চলে আসে। বাস, আর কিছু জানি না।

আমি, ধানী মুণ্ডা, তার সাথী ছিলাম।

তুমি ! তুমি তো বুড়ো।

তাতে কি ?

তুমি তাকে দেখেছ ?

দিনের পর দিন। জেহেল ভি খেটেছি। তাতেই ঘরছাড়া, আর তাতেই আমার হাতে তীর উঠানো বারণ।

কেন ?

ধানী, যেন কথাগুলি না বলে পারছে না, এমন অসহ কষ্টে বলেছিল, ওরা জানে আমি তীরের হরমদেও। ওরা ভাবে, আমি তীর উঠালে আবার উলগুলানের ডাক দিব।

আমি কাউকে বলব না।

উলগুলান ! কোথায় কি ? কোথায় খুটকাটি গ্রামের দখল ? কোথায় মহাজনের খাতা নাই ? কোথায় বেঠবেগারী নাই ?

কোথায় মুণ্ডারা স্নুখে আছে? তবু এরা ভয় পায়। আমি তীর উঠালে পুলিশ ওদের উপর জুলুম উঠাবে। আমি এখানে থাকব না।

কোথায় যাবে?

তাতে তোর কি? যা, যা এখান থেকে।

সেদিন চোড়ি চলে আসে। কিন্তু যতদিন চলল এই বেঠবেগারী, ততদিনই ধানী সাতসকালে বেরিয়ে যেত। যেন মুণ্ডাদের বেঠবেগারী দেওয়া সে চোখে সহিতে পারত না। নিজের কাজকর্ম সেরে নিয়ে চোড়ি ঘুরত ওর পেছন পেছন। এর মধ্যে একদিন তুমুল হইহল্লা। পরমির শাশুড়ি বলল, কাল হতে আমি যাব না, আমার ছেলেরা যাবে না।

কেন?—ধানী কৌতূহলী হল।

আদিবাসী সমাজে বুড়োবুড়ির সম্মান খুব। পরমির শাশুড়ি বলল, তুমি বয়সে সবার বড়, তুমি বিচার করে বল আমি কেন যাব?

যাচ্ছিল তো।

কেন যাচ্ছিলাম? তোমার ভাই, এই ছেলেদের বাপের পরদাদার জন্তে। তুমি ছিলে লড়াকু, নিজের ভাই-বাপ-ছেলের পরিচয় দাওনি গোরমেনকে। তোমার ভাই কি রকম ছিল?

আমি জানি না। আমি বাদের ভাই মনে করতাম, তারা কেউ নেই। তাদের মত আমি এক জায়গায় মাটিতে বিছন কেলিনি। পাঁওতালদের ছল্-এ আমি কোথায় গিয়াছি, কোথায় কাঁড় শান দিয়াছি সর্দারদের লড়াইয়ে, আজ মনে পড়ে না। এটা ভগবান শিখায়ে দিয়া গেছে, যে রক্তের সম্বন্ধ সব নয়।

পরমির শাশুড়ি শুকনো ও গম্ভীর গলায় বলল, তা জানি। তোমারে সামনে বলি না, কিন্তু তোমার তরে গরব রাখি মনে, আর বলি না কিছু, কেন কি পুলিশ জুলুম উঠালে যাবার ঠাই নাই।

যাক্ বল্ এখন।

তোমার ভাই কবে কোন্ আকালে দশ কাঁচি সের চাল নিয়েছিল, তার তরে বেঠবেগারী দিল, তার ছেলে, আমার দাদাশুন্স দিল,

আমার স্বপ্নের দিল, আমরা দিতেছি তা নয় দিলাম। ডাঙা-সাঁজালে আমার জমি অতটুকু। ছুদিন ছুটি চাই, ধান কাটব, ছুটি দিবে না? না দিক ছুটি, আমি যাব না। কি করবে করুক? তোমারও বলি, ভগবানের উলগুলান যদি হত, তবে মুগুরা বাঁচত। বাঁচল? বল?

ধানী মাথা নাড়ল। তারপর বলল, মহাজনটা তোমাদের ভাল নয়। মহাজন ভাল হয় না। আর সবাই বেঠবেগারী দেয়, তুই একা না দিলে লাভ নাই। আর এ সকল হিন্দু বসত, আদিবাসী কোথা? একা লড়ে মারা পড়বি?

ধান যে হরিণে খায়?

থাবে না।

কেন? হরিণরা ভাল হয়ে গেছে?

ধানী বলল, এও নতুন দিনের রীতকরণ। আগে জানি নাই, বুড়া মামুষ কথা বললে পুতির বউ জবাব করে।

পরদিন ধানী পরমিকে বলল, ঘর হতে চাল লয়ে ভাত রেখে রাখবি। আমি আর চোটি ধান কাটব। তুপুরে চোটি এসে আমাদের দুজনার ভাত লয়ে যাবে। দেখ ফাঁদে খরা ধরেছি। মাংস পুড়াবি।

তখনো জঙ্গল খুব। খরা-বরা-হরিণ-শজারু-তিস্তির-ঘুঘু—মাংসের অভাব ছিল না।

বিঘাখানেক জমি। জমা নেওয়া জমি। ধানী আর চোটিই ধান কাটল। প্রথম দিন ধান কেটে এসে ধানী বলল, রাতে জমিতে মাচাঙে থাকব মোরা। নয়তো হরিণ যত, ময়ূর তত।

চোটি হঠাৎ ধানীর সঙ্গীত্রে, সহকর্মীত্রে প্রোমোশান পেল। হিম-হিম অজ্ঞানের রাতে, তারান্ধরা আকাশটা যখন লুকিয়ে মাটির কাছাকাছি নেমেছে, জাজপুরের রাজার জঙ্গলে 'হাতি বাঁশগাছ ভাঙছে, তেমন এক অপার্থিব সময়ে ধানী চোটিকে বলল, তীর মারতে শিখবি? ওই আঁধারে মন্দা-হরিণটা ধান খায়। তারে মারতে পারিস?

দেখা যায় না যে?

দে তোর ধনুক ।

ধানী মাচাঙে দাঁড়াল । ঈষৎ ঝুঁকে তীর ছুঁড়ল । বলল, কাল
ওটাকে টেনে নিতে হবে । মাংস খাব । চল, কাছে যেয়ে পাহারা দি ।
নয়তো লাকড়া এসে ভুঁকে নেবে ।

চোটির মনে হল সব জাহ্নমস্তরের খেলা । কিন্তু হরিণটা
শক্তি । মস্ত মন্দা চিতল । ছজনে সেখানে বসল । ধানী বলল,
চলে আমি যাবই । তবে তাকে শিথিয়ে দিয়ে যাব ।

আমার ধনুকটা ছোট ।

আমার ধনুক আছে ।

আছে !

নিশ্চয় । জঙ্গলে লুকায়ে রেখেছি । আমার বলোয়াটা হাতে
ন । বাটে আঙুল বুলায়ে যা ।

কি নকশা খুদা আছে ।

তারার আলোয় ধানী অরণ্যের দুর্জয় আত্মার মত হাসল । বলল,
ভগবান নিজে হাতে নাম লিখে দেয় । এটা তার নাম । পড়তে
হুই জানিস না, আমি জানি না । দয়কার নাই । এটাতে আঙুল
বুলালে তোর হাতেও মস্তুর এসে যাবে ।

যাবে ?

নিশ্চয় ।

তখন ?

তখন তুই চোটি মেলায় জিতবি ? তোদের কালে ভগবান নাই,
উলগুলান নাই, মুণ্ডাদের জীবন পালটে যাবে বলে বুকে আগুন নাই,
সে আগুনের তাপে মহাজন-পুলিস-সিপাইয়ে তীরে বিঁধা নাই, চোটি
মেলা আছে । মুণ্ডাদের জাতরে ওই রকমে ভুলায়ে রেখেছে
গোয়ামেন ।

হরিণটা কে মেয়েছে তা সবাই বুঝেছিল, কিন্তু কোন কথা বলে
নি । ধান কাটা হয়ে গেলে ধানী বলেছিল, কাগজী ধানে তোরাাদের
কদিনের খোরাক হয় ? মরিচ আবাদ কর, পয়সা বেশি ।

আমার খণ্ডর দিল, আমরা দিতেছি তা নয় দিলাম। ডাঙা-সাঁজালে আমার জমি অতটুকু। ছুদিন ছুটি চাই, ধান কাটব, ছুটি দিবে না? না দিক ছুটি, আমি যাব না। কি করবে করুক? তোমারেও বলি, ভগবানের উলগুলান যদি হত, তবে মুণ্ডারা বাঁচত। বাঁচল? বল?

ধানী মাথা নাড়ল। তারপর বলল, মহাজনটা তোমাদের ভাল নয়। মহাজন ভাল হয় না। আর সবাই বেঠবেগারী দেয়, তুই একা না দিলে লাভ নাই। আর এ সকল হিন্দু বসত, আদিবাসী কোথা? একা লড়ে মারা পড়বি?

ধান যে হরিণে খায়?

থাবে না।

কেন? হরিণরা ভাল হয়ে গেছে?

ধানী বলল, এও নতুন দিনের রীতকরণ। আগে জানি নাই, বুড়া মানুষ কথা বললে পুতির বউ জবাব করে।

পরদিন ধানী পরমিকে বলল, ঘর হতে চাল লয়ে ভাত রেঁধে রাখবি। আমি আর চোন্টি ধান কাটব। ছপুর্বে চোন্টি এসে আমাদের দুজনার ভাত লয়ে যাবে। দেখ্ ফাঁদে খরা ধরেছি। মাংস পুড়াবি।

তখনো জঙ্গল খুব। খরা-বরা-হরিণ-শজারু-তিস্তির-ঘুঘু—মাংসের অভাব ছিল না।

বিষাথানেক জমি। জমা নেওয়া জমি। ধানী আর চোন্টিই ধান কাটল। প্রথম দিন ধান কেটে এসে ধানী বলল, রাতে জমিতে মাচাঙে থাকব মোরা। নয়তো হরিণ যত, ময়ূর তত।

চোন্টি হঠাৎ ধানীর সঙ্গীত্বে, সহকর্মীত্বে প্রোমোশান পেল। হিম-হিম অজ্ঞানের রাতে, তারান্ধরা আকাশটা যখন লুকিয়ে মাটির কাছাকাছি নেমেছে, আজপূর্বের রাজার জঙ্গলে 'হাতি বাঁশগাছ ভাঙছে, তেমন এক অপার্ণিব সময়ে ধানী চোন্টিকে বলল, ভীৰ মারতে শিখবি? ওই আধারে মদা-হরিণটা ধান খায়। তারে মারতে পারিস?

দেখা যায় না যে?

দে তোর ধনুক ।

ধানী মাচাঙে দাঁড়াল । ঈষৎ ঝুঁকে তীর ছুঁড়ল । বলল, কাল
ওটাকে টেনে নিতে হবে । মাংস খাব । চল, কাছে যেয়ে পাহারা দি ।
নয়তো লাকড়া এসে ভুঁকে নেবে ।

চোষ্টির মনে হল সব জাহ্নমস্তরের খেলা । কিন্তু হরিণটা
সত্যি । মস্ত মন্দা চিতল । দুজনে সেখানে বসল । ধানী বলল,
চলে আমি যাবই । তবে তাকে শিথিয়ে দিয়ে যাব ।

আমার ধনুকটা ছোট ।

আমার ধনুক আছে ।

আছে !

নিশ্চয় । জঙ্গলে লুকায়ে রেখেছি । আমার বলোয়াটা হাতে
নে । বাটে আঙুল বুলায়ে যা ।

কি নকশা খুদা আছে ।

তারার আলোয় ধানী অরণ্যের দুর্জয় আত্মার মত হাসল । বলল,
ভগবান নিজে হাতে নাম লিখে দেয় । এটা তার নাম । পড়তে
তুই জানিস না, আমি জানি না । দয়কার নাই । এটাতে আঙুল
বুলালে তোর হাতেও মস্তুর এসে যাবে ।

যাবে ?

নিশ্চয় ।

তখন ?

তখন তুই চোষ্টি মেলায় জিতবি ? তোদের কালে ভগবান নাই,
উলগুলান নাই, মৃগাদের জীবন পালটে যাবে বলে বুকে আগুন নাই,
সে আগুনের তাপে মহাজন-পুলিস-সিপাইয়ে তীরে বিঁধা নাই, চোষ্টি
মেলা আছে । মৃগাদের জাতরে ওই রকমে ভুলায়ে রেখেছে
গোব্রমেন ।

হরিণটা কে মেরেছে তা সবাই বুঝেছিল, কিন্তু কোন কথা বলে
নি । ধান কাটা হয়ে গেলে ধানী বলেছিল, কাগজী ধানে তোরাাদের
কদিনের খোরাক হয় ? মরিচ আবাদ কর, পয়সা বেশি ।

পরমির খণ্ডর বলেছিল, জমি লালাদের। জমা দিয়াছে, ভাল ফসল উঠে না বলে। যেমন জানবে মরিচ হয়, নিয়া নিবে। মরিচ হয় তা আমরাও জানি। জেনেও কিছু করার উপায় নাই। ওই ধান যা হয়, তাই ভাল।

সকল জমি মুণ্ডাদের ওঁরাওদের আবাদী জমি।

সে তোমাদের আমলে। আমরা কোনদিন দেখি নাই মুণ্ডা-ওঁরাও জমির মালিক। সেই কবে হতে দিকুদের সকল জমি।

আমরাও বা কি দেখলাম।

এখন আরো জুলুম। হরিণটার মাংস সবাই খাব, আনন্দ করব, তা মুণ্ডাদের নাচগান করতে দেখলেও ওরা ডরায়। অমনি পুলিশ আসে কি হল তা দেখতে। পুলিশ এলে খাবে-খাকবে-বাওয়া-আসার খরচ নিবে।

লড়াই ফুরায় না।

তুমি জান, তোমার নাতির ছেলেরা জুজুভাতু থাকে ?

জেনে আমার লাভ ?

ধানী যেন কোথায় কি তাগিদ অনুভব করেছিল। চোন্টিকে ও জঙ্গলে নিয়ে যায়। বলেছিল, জঙ্গলটাকে সে বলত আমাদের মা। তোরে জঙ্গল চিনাই। জঙ্গল চিনলে উপাসে মরবি না। কি নাই জঙ্গলে ?

ধানীর সঙ্গে বসবাস, সে এক দুর্মূল্য অভিজ্ঞতা। তখন চোন্টি শেখে কোন্ লতার মূলে থাকে স্মিষ্ট কন্দ, কোন কুণ্ডীতে আছে মাছ, কিভাবে ফাঁদ পেতে ধরা যায় হরিণ। ময়ূরদের নাচার বিশেষ জায়গা থেকে কখন আনতে হয় ঝরা পালক, বেচতে হয় হাটে।

তীর ছুঁড়তে শেখাবে না ?

বনে আছে লাল ও কালো কুঁচকল। কুঁচকল থেকে তৈরি করা যায় কুচিলা বিষ। ভীষণ তাড়া ছিল ধানীর মধ্যে কোথাও। নইলে কেন চোন্টিকে সে এত কথা শেখাতে যাবে ? চোন্টি তো গরিব এক মুণ্ডা কিশোর। ছুটি খেয়ে বাঁচবে বলে বোনের বাড়ি এসেছিল।

আকালের বছরে। যার জীবনের একমাত্র স্বপ্ন ছিল চোটি মেলায় তীর ছুঁড়ে জেতা।

তাকেই ধানী পাখিপড়া করে শেখাত কবেকার সব বিদ্রোহের কথা। চাইবাসায় স্কুলে যখন বীরসা ছাত্র, তখন ধানীই তাকে বলেছিল, ধরতি-আবা হবি বলে জন্মেছিস তুই।

চিরকালের পাগল ধানী, সাঁওতালদের ছল্-এ ধানী বিশ বছরের ছেলে। খেরোয়ার বিদ্রোহ, সর্দারদের মূলকই লড়াই, শেষে বীরসার বিদ্রোহ। যুদ্ধবিগ্রহও একটা নেশা। মুণ্ডারা শাস্তিতে স্বাধিকারে জঙ্গল আবাদী জমিতে গ্রাম পত্তন করে চাষ করবে, এবং অগ্ন্যাগ্ন আদিবাসীরাও তাই করবে, সেজ্ঞেই সব বিদ্রোহে ও গিয়েছিল। কিন্তু চাষীবাসী শাস্ত মুণ্ডাদের দেখে ও বুঝত, এই শাস্তি ও চায়নি। মহাজন গোরমেন ও দিকু-মুক্ত কোনো অঞ্চলে গেলেও শাস্তি পেত কি না জানা যায় না, কেন না তেমন জীবন ভারতে কোথাও বাপন করে না আদিবাসীরা। নিজেই ভীষণ একলা মনে হত ওয়। অথচ একাশি বছরের বুড়ো ধানী মুণ্ডার হাতে ধনুক দেখলেই পুলিশ সতর্ক হবে। মুণ্ডারা যেন আবার কোন হাঙ্গামা না বাধায়। বড়ই গোলমালে কারবার সব।

তীরের ব্যাপারে সবচেয়ে দরকার মনোযোগ। এক লক্ষ্যে স্থির হবি, তীর ছুঁড়বি। ওই দেখ্‌ পাকা মাকাল ফলটা ঝুলছে। ফেল্‌ ওটাকে। ওই দেখ্‌ হরিণের পাল। মার দেখি মন্দাটাকে? শোন শিকারের কথা। মারবি যখন, এক তীরে ঘায়েল করবি। মিছে কষ্ট দিবি না। ছিলা টানতে হাত কাঁপে কেন?

কোথায় কিসের তাগিদ ধানীর ভেতরে। চোটিকে একেক দিন নির্মম মারত। বলত, এত যত্ন করে শিখাই, সব ভুলে যাস? গাছ থেকে ফলটাকে ফেলে দে, ডালে তীর লাগল কেন?

যেদিন চোটি বিকেল-সাঁঝের বিয়ের আলোয় নিমগ্নিমা বেলায় সবুজ পাতার আড়াল থেকে সবুজ হরিয়ালটা মারল, সেদিন ধানী বলল তোর হরে।—সেদিন মাচাড়ে বসে ধানী বলল, চোটি-ঘুমালি?

না, তারা দেখি ।

উত্তরে ওই তারাটা দেখ । ওটার নড়চড় নাই । জঙ্গলে-পাহাড়ে
মোরা ওই তারাটা দেখে পথ চিনতাম ।

দেখেছি ।

টিশনে সদানরা মহাভারত গায়, শুনছিস ?

হাঁ ।

ভীষের যুদ্ধ ।

হাঁ ।

সে ভীষ হিন্দুদের দেবদেবতা কোথা হতে ছুঁড়তে শিখল ?

কোথা হতে ?

আমাদের কাছ হতে ।

আমাদের ।

হাঁ ।

মনে থাকবে ।

চোটি মেলার জিতবার মত ভীষ হৌড়া তোম শিখতে বেশিদিন
নাই । কিন্তুক, খাস না খাস, রোজ ভীষ ছুঁড়বি । অভ্যাস না রাখলে
বিজ্ঞাপলায় ।

ছুঁড়ব ।

সেই শিখা হয়ে গেলে আসল বিজ্ঞা শিখাব ।

শিখাবে ?

হাঁ শিকার শেষ নাই । এখন আন্ধারে চোখ চালাতে শেখ ।
দেখ্ খেতের কিনারে কয়টা সিধা গাছ ।

তিনটা ।

না, পাঁচটা । সকালে দেখিস । আন্ধারে চোখ চালাতে শিখতে
হবে, আন্ধারে জঙ্গলে চলতে শিখতে হবে ।

কেন ?

জানি না । তোরে শিখায়ে যাই । আমি আর কত দিন ?
আর কোন্ মুণ্ডা ছেলা আমার কাছে ভীষ-ছুঁড়া শিখতে আসবে ?

তুমি কি মরে যাবে ?

হল্ নাই, মূলকই লড়াই নাই। উল্গুলান্ নাই। ভগবান বলেছিল আবার আমি মুণ্ডা মায়েন্ন পেটে জনম নিব ধানী ! তারও চিহ্ন নাই। মুণ্ডারা এখন মাথা ভুমায়ে বেঠবেগারী খাটে, মহাজনের হাতে মরে। সব হয় গেল রেলের পথ, পুলিশ চৌকি, রাজা-মহাজন দারোগার জুলুম—এর শেষ নাই—এমন ছনিয়ায় আমার মন নাই চোটি।

তুমি মরে যেও না।

তোরে আসল বিছা শিখায়ে মরব।

সত্যি বলতে কি, ধানীর সঙ্গে ধাকা ব্যাপারটাই এমন উদ্ভেজক ও আনন্দের, যে চোটি মেলায় তীর হোঁড়ার ব্যাপারটা ক্রমেই গোঁগ হয়ে যাচ্ছিল। তীর হোঁড়া শেখা ও শেখানোর কাজটি সারার জন্তু ধানীকে অনেক পরিশ্রম করতে হত। সকালে পরমিদের ডাঙা-সাঁজাল জমিতে চাষের কাজ করত। দুপুর থেকে জঙ্গলে চোটিকে শিক্ষাদান। বিকেল না হতে কামারশালার সামনে বসতে হত। নইলে পুলিশ ঘরে আসবে খোঁজ নিতে।

তখনো এ রেলপথে বেশি ট্রেন চলে না। আশেপাশে তখনো অনেক জঙ্গল। মারোয়াড়ীরা ঠিকাদার লাগিয়ে পাথর ভাঙিয়ে মোরেইন চালান দেওয়া শুরু করেনি। জঙ্গল মহাল শুরু করেনি প্রাচীন শাল অরণ্য কাটতে। ফলে জানোয়ার ছিল বিস্তর। রাজা-জমিদারও অনেক। খাস জঙ্গলও অনেক। চোটির তীর শেখার দৌলতে হরিণ-শজারুর মাংস খাওয়া হত অনেক। পরমির খণ্ডরও খুশি ছিল। ধানী এখন এদের সঙ্গেই খেত।

কিন্তু ভাত খেত। বলত, ঘাটো খাব নাই রে। ভগবান, মুণ্ডারা দিকুদের মত ভাত খাবে বলে লড়েছিল। যত কারণে লড়েছিল, তাতে ওটাও একটা কারণ।

জঙ্গলের মধ্যে ছোট একটি উপত্যকা। বাসে ঢাকা। গাছের গায়ে চুন দিয়ে চোখ এঁকে দিত ধানী। চোটি তীর ছুঁড়ত। পাঙ্গাউ বাড়িয়ে যেত ধানী। বলত, ভাড়াভাড়ি শিখে নে চোটি।

যেদিন ছ সার ফাঁক দিয়ে একটা গাছের গায়ে আঁকা চোখটা
বিঁধল চোন্টি, সেদিন ধানী বলল, বাস ! এবার তুই রোজ অভ্যাস
করলে চোন্টি মেলায় নির্ঘাত জিতে আসবি।

এবার আসল বিজ্ঞা শিখাও।

শিখাব।

“শিখাব” বলার সঙ্গে সঙ্গে ধানী যেন নিমেষের জন্তে বদলে গেল।
অসম্ভব বয়স বেড়ে গিয়ে ও হাজার-লক্ষ বছরের বুড়ো হয়ে গেল।
এত বয়স হয়ে গেলে জরী ঝরে পড়ে চামড়া থেকে। যেমন বিষণ্ণ-
গড়ের হিন্দুদের দেবতা মন্দিরে। সাতশো বছর বয়স হলেও মন্দিরের
গায়ে খোদাই মানুষ-বানর-হাতি-পাখির বয়স বাড়ে না। তেমন
হয়ে গেল ধানী। নিচু গলায় কাকে বলল, আমি আর একা থাকতে
পারি না। আমার সময় হয়ে গেছে।

তারপর ও চেনা ধানী হয়ে গেল। চোন্টিকে বলল, ছুদিন থাক।
একটু ভাবগতিক বুঝে নিই।

তাড়াতাড়ি করতে হবে।

কেন ?

সামনে হোলি। জঙ্গলে শিকার খেলবে সবাই।

ছুদিন থাক। তুই যা। আমি একটু একলা থাকি।

একা একা তুমি কি শোন কান পেতে ?

নিশ্বাস ফেলে ধানী বলল, কারো কান্না শুনিস ?

না তো ?

সে শুনতে পেত।

কে ?

ধানী সেকথার জবাব দিল না। আগের কথার জের টেনে বলল,
জঙ্গলটা কাঁদত। তারে বলত, দিকুতে-মালিকে-সাহেবে—সবে মিলে
মোরে অশুচ, লেণ্টা, বেবস্ত্র করে দিয়াছে বীরসা, তুই মোরে শুচি
করে নে। চোন্টি কিরা কাড়, তোরে যত কথা বলেছি, কারেও
বলবি না ?

বলব না। তীর ছুঁয়ে কিরা কাড়লাম।

কিরা কাড়ার সঙ্গে সঙ্গেই, চোটি বুঝেছিল, তার বয়সও বেড়ে গেল। ধানীর কথার গোপনতা রেখে চলা—হুজুয় সে তার তাকেই বইতে হবে।

হুদিন বাদে ধানী বলল, চল্ আজ।—বনের গহীনে নিয়ে গেল চোটিকে। বলল, সামনে দেখ।

হুদিনে ধানী খড় দিয়ে মানুষের আদরা গড়েছে একটা। গাছের সামনে খড়ের মানুষটি দাঁড়িয়ে।

চোটি! ওটারে ভাল করে দেখ।

দেখছি তো।

আসল শিক্ষা এটা চোটি।

মানুষ মারব কেন?

মাঝে মাঝে মারতে হয়।

ধানীর গলায় কিসের জরুরী তাগিদ। সময় নেই, সময় নেই ওর। ১৮৩৬ সালে জন্ম ওর। সিদ্ধ-কানুয় জল-এর সময়ে ও যুবক। জল থেকে খেরোয়ার, খেরোয়ার থেকে মূলকই লড়াই, মূলকই লড়াই থেকে উল্গলান, বিজোহ থেকে বিজোহে হাঁটতে হাঁটতে, কুচিলা বিষ জারাতে জারাতে, ১৯১৫ সালে ওর বয়স একাশি হয়ে গেছে। এখন ও খুব বিপন্ন। চাইবাসা থেকে বহিষ্কৃত। “ধানী মুণ্ডা ইজ নট টু এন্টার চাইবাসা পোলিস স্টেশান এরিয়া অন দি পেরিল অফ হিজ ডেথ।” আর ধানী মুণ্ডা শুধু সেখানেই থাকতে চায়। এখনো সেখানে আছে সেই সব গ্রাম, যারা বীরসার লড়াইয়ে शामिल হয়েছিল। ধানী শুনতে চায়, “বোলপে বোলপে” উল্গলানের গান। বীরসার দত্তক ছেলে পরিবা, মন্ত্রশিষ্যা সালীকে দেখতে চায়। মরতে চায় বীরসার শেষ যুদ্ধক্ষেত্র ডোম্বারি পর্বতে সৈলরাকাবে।

এখানে বড় নিঃসঙ্গ ও একলা ধানী মুণ্ডা। কিন্তু চোটি ওর কাছে তীর ছোঁড়া শিখতে চেয়েছে। আসল শিক্ষাটা ওকেই শিখিয়ে যাওয়া-যাক। কোথায় কিসের তাগিদ যেন, সময় নেই। ধানী

১৮৩৬০

আজকাল বুঝতে পারছে যে সময়ে ও বাঁচার মত বেঁচেছিল, সে সময়গুলো অতীত হয়ে গেছে। মুণ্ডারা রক্তে চাষীবাসী। ধানী কোনদিনও তা ছিল না। শান্তিপূর্ণ একটা জীবন ছিনিয়ে নেবে স্বজাতের সঙ্গে, সেজন্তেই লড়াই, কিন্তু যে জন্তে লড়াই তা পাওয়া হল না। চোন্টিকে শেখানো যাক। চোন্টি, খড়ের মানুষ বিঁধতে শিখিয়ে আমি তোরে কিসসা-কহানীর মুণ্ডা জীবনের সঙ্গে গেঁথে দিয়ে যাই। কিন্তু চোন্টি কি বলছে?

কেন মাঝে মাঝে মানুষ মারতে হয়?

আমরা মেরেছিলাম।

কেন?

ষাটো খাব না, মহাজন-দিকু-পুলিসের জুলুম মানব না, আবাদী জমি আর পত্তনি গ্রামে দখল নিব, জঙ্গলের হক নিব বলে।

নিয়েছিলে?

না। কিছু পাই নাই। আমাদের একজন পথ দেখিয়েছিল। আমরা লড়েছিলাম। তোরাদের কেউ পথ দেখাতে পারে। সকল কারণগুলো ত রয়েছে গেল চোন্টি। যদি তেমন দিন আসে তুইও মারবি। আর হাঁ, ধানী মুণ্ডার নাম উঠিয়ে মারিস। তাতে আমার শান্তি হবে।

মানুষ মারব!

যদি দরকার হয়।

তোমার, তোমার হাতে কি?

আমার ধনুক। দেখ্। মারবি বুকে, এই এমনি করে। ষা তীরটা লয়ে আয়। বড় দামী তীর। দেখ তোরে দেখিয়ে যাই। হোই খড়ের মানুষের পিছনে গাছে একটা পাখি। হরিয়াল। এই মারলাম পাখি। ওই পাখির ঝাঁক আকাশে। দশটা মারি? দে তোর তীরগুলান। দেখ তুই! দশটা পাখি, বাড়িতে দশজন। খেতে। এবার দেখ মানুষটার বুকে মারি আবার। ধনু ধনুক উঠা।

একদিন নয়, দিনের পর দিন। শেষে ধানী বলেছিল, আর

যা হবার, অভ্যাসে হবে। জীবনভোর যা শিকার জিনিস, এত তাড়াতাড়ি হয় না।

তুমি কোথাও যাবে ?

কেন ? এ কথা শুধাস কেন ?

ধানী সতর্ক হয়ে গিয়েছিল। চোঁটি কি জানবে, ও ফিরে যেতে চাইছে সালীর কাছে, পরিবার কাছে। যেখানে অনেক শাস্তি।

হোলিতে শিকার খেলব যে ? সব্বারে অবাক করে দিব ?

হোলিতে ? দেখি।

মহাজন মদ দিবে, রং দিবে।

আর কি করবে ?

মহাজনের বাড়ির ছামুতে নাচ হবে।

সবাই যাবে ?

সবাই।

ধানীর চোখ ধূসর হয়ে এল। সামান্য হেসে ও বলল, তাহলে তো দেখে যেতে হয় হোলির মজা।

হাঁ।

হোলির দিন এসে পড়েছিল। ধানী বলেছিল, যা শিকার খেলতে যা। আজকের কথা মনে করে তোর আমায় এই তীরটা দিলাম।

তোমার তীর ? আমাকে ?

হাঁ। খুব তেজী তীর রে, মৈলুরাকাবে এই তীর লয়ে।—এ তীর কাছে রাখার চোঁটি, খুব দরকার না হলে ছুঁড়িস না। এটা কাছে রাখলে তোর কেউ কোনদিন হারাতে পারবে না। তবে অভ্যাস রাখবি।

নিশ্চয়।

মুকুড়িতে সেদিন দোলের মাতন। হিন্দুদের দোল। আদিবাসীদের শিকার উৎসব। শিকারের পর মদ খেয়ে গান ও নাচ। মহাজন আদিবাসীদের মদ দিল, অন্ত্যজ গ্রামবাসীদের দিল রং। চোঁটি

মেয়েছিল একটা দাঁতাল বরা। তাতে ধন্য ধন্য পড়ে যায়। সকলের শিকার বয়ে গ্রামে ফিরতে সন্ধে হয়ে যায়। ধানী ঘরে ছিল না।

সেই যে ঘর ছেড়ে বেরোয়, আর ফেরেনি ধানী। পুলিশ আসে, খোঁজতলাসী হয়, চোটি জানত ধানী আর ফিরবে না।

বীরসা ভগবানের সহকর্মী ধানী মুণ্ডার সঙ্গে দোস্তালি চোটি মুণ্ডার জীবনে আরেকটা গল্প। গল্পের উপসংহার চোটি পরে শুনেছিল। মুরুডি থেকে ফিরে যাবার পর।

কাহিনীটি কিংবদন্তীর মত, যে কিংবদন্তী সর্বদা কোনো না কোনো জায়গায়, কোনো উপায়ে ঘটে চলে সকল সময়ে। ঘটে বলেই ইতিহাস এগোয়। কিংবদন্তীটি এমনই, যে ধানী মুণ্ডা এরদ্বারাই চিরকালীন হয়ে যায়। তার নিরঙ্গ, লড়াই সন্তাটি হয়ে ওঠে মহাকাব্যিক বিশালায়তন বিশিষ্ট।

কিংবদন্তীটি এই রকম।

বীরসা মুণ্ডা নেতৃক মুণ্ডা রায়ট কেসে অভিযুক্ত ও জেলখাটা আসামী ধানী মুণ্ডা রাঁচি জেলে জেল খাটে। বেরুবার পর, তাকে রাঁচি ও চাইবাসা থেকে বাইরে থাকার নির্দেশ দিয়ে পালানো পাঠানো হয় টাহাড় ধানার অধীনস্থ মুরুডি গ্রামে। মুরুডিতে পুলিশচৌকি আছে। ধানী বিপজ্জনক আসামী। তার বিষয়ে চৌকিকে সতর্ক করে দেওয়া হয়। তার, অন্তরীণ অবস্থায় থাকাই বাঞ্ছনীয়। কেননা সে বিশ্বাস করে বীরসার জেলে বসে বলা প্রলাপ, “আমি আবার ফিরে আসব।” মৃতের প্রলাপ বিশ্বাস করা বিপজ্জনক। ধানীর হাতে কোনো অস্ত্র থাকার ঠিক নয়। বিশেষ তীর-ধনুক। কিছুদিন এভাবে রাখতে পারলে সময়ের নিয়মে ধানী মারা যাবে।

ধানী নিরুদ্দেশ হবার কলে মুরুডি পুলিশচৌকি ও টাহাড় ধানার অত্যন্ত বিপদে পড়ে। কিছুতে তার হৃদিস মেলে না এবং রাঁচি ও চাইবাসাকে সতর্ক করে দেওয়া হয়। স্বগৃহে মরতে ভালবাসে মুণ্ডারা। ধানী মানুষটা হিসেবছাড়া। চাইবাসা ওর ঘর নয়, এবং বাদেও ওর কেলে রেখে যায়, তারাই ওর আপনজন। তবে চাইবাসা

ওর একদিন কর্মক্ষেত্র ছিল। ধানী কোথায় যেতে পারে? পনের বছরের পুরনো খাতাপত্ৰর ঘেঁটে বহু গ্রামের নাম মেলে। এই নিয়ে ঘাঁটাঘাটি করতে করতে হঠাৎ ভারপ্রাপ্ত অফিসারকে আলোকপ্রাপ্ত করেন, চাইবাসা মিশনের জনৈক মুণ্ডায়-আগ্রহী মুণ্ডারী-জানা ফাদার। তিনি বলেন, বীরসার মৃত্যুদিনে বীরসার প্রাক্তন সহযোদ্ধারা সৈলরাকাবে যায় ও তাকে স্মরণ করে। গোপনে। অতএব ধানী কোথায় যেতে পারে, সেটি আর বিস্তীর্ণ এলাকা থাকে না। বোঝা যায়, জেজুড় ধানাই তার গন্তব্যস্থলের নিকটতম থানা। জুন মাসে, বীরসার মৃত্যুদিন যেমন এগোতে থাকে, বহু ধানী মুণ্ডা ধরা পড়তে থাকে। “ধানী” নামটি অনেকেরই আছে। ছুঁথের বিষয়, যারা ধরা পড়ে তারা কেউই সজ্জিত ধানী মুণ্ডা নয়। অত্যাৎসাহী পুলিশ, এমনকি হাট ঠেঙিয়ে দশটা-বিশটা ধানী মুণ্ডা ধরে এনে থানাবাবুকে হময়ানি করে ফেলে। ক্রমে মনে হতে থাকে, সমগ্র ঘটনাটি বানানো গল্প হয়তো বা।

সবাই আবার ঝিমিয়ে পড়ে এবং একদিন বিকেলে, জেজুড়ের হাটে জাগে বিশাল চাঞ্চল্য।

ধানী মুণ্ডা আসছে!—বলে সিপাই জানায়। হেড কনস্টেবলকে নিয়ে দারোগা মুনেশ্বর সিং ত্বরন্ত ছুটে যান এবং এক অনশ্বাসধারণ দৃশ্য দেখেন। দেখে ভীষণ ভয়ে বন্দুক বাগিয়ে ধরেন।

এক হাতে বেলোয়া ও অণ্ড হাতে ধনুক মাথার ওপর তুলে ধরে এক ক্ষীণ অখচ পাকানো দেহ বৃদ্ধ মুণ্ডা এগোচ্ছে। তার ছ পাশে আদিবাসী জনতা। সে হেঁকে বলছে, আমি ধানী মুণ্ডা! আমাদের খেদায়ে দিয়াছিল, আমি আবার এসেছি। কুথায় থানা? আমি কোনো থানা দেখে যাই নাই। আমি কোনো নিষেধ জানি না হে, আমি এসেছি।

খামো, দাঁড়াও।—মুনেশ্বর সিং চৈতান।

ধানী নিদন্ত মুখের জরাবলিগুলি কাঁপিয়ে শিশুর আনন্দে হাসে ও বলে, কুন্-অ পুলিশ মোরে রুখতে পারে না। আমি এসেছি হে, আমি সেই ধানী মুণ্ডা।

ধানী মুণ্ডা ! ধানী !

তুই ডোন্কা !

ধানী !

তুই সেই হারা মুণ্ডা !

ধানী !

আরে কহু ! সালী কুখা ? পরিবা কুখা ?

বুড়োরা বুড়োদের সানন্দে সম্ভাষণ করে এবং মুনেশ্বর সিং এর মধ্যে আরেক মুণ্ডা অভ্যর্থানের ভীষণ সম্ভাবনা দেখেন। ধানী দ্রুত উল্লাসে বলোয়া ও ধনুক শূন্যে ঘুরিয়ে নেচে বলে, আমি ঘরে কিয়েছি হে !—সে নিচু হয়ে বসে পড়ে, ধূলা খাই, ঘরের ধূলা খাই ! ঘরের মাটিতে ভাতের সুবাস হে ! মাটি খাই !—সত্যি সত্যিই মাটিতে মুখ ঘষে ও, ডোন্কা কেঁদে ফেলে, ধানী হাসে ও কাঁদে, মুনেশ্বর সিং ধানীর মাথায় গুলি ছোঁড়েন।

এইভাবেই, বহিষ্করণ আদেশ উপেক্ষার ফলে বিপজ্জনক ধানী মুণ্ডার মৃত্যু ঘটে এবং যাদের লিখিত ভাষা নেই, সেইসব মুণ্ডারা ধানী-কাহিনীকে বীরসার কাহিনীর সঙ্গে মিশিয়ে গান বেঁধে ফেলে ধানীকে চিরকালীন করে দেয়।

কাহিনীটি পুলিশের চেইনে মুরুড়ি পৌঁছয় ও ক্রমে চোড়ি জানে। চোড়ির জীবনের সঙ্গে এইভাবে আরেকটি গল্প যুক্ত হয়। চোড়ি মুণ্ডার জীবনে সবই একেকটি গল্প।

তিম

সবই গল্প হে চোড়ি মুণ্ডার জীবনে। মুণ্ডাদের ভাষার লিপি নেই। তাই দ্যোতক ঘটনাগুলিকে ওরা গল্প করে কিংবদন্তী করে, গান করে ধরে রাখে। সেটাই ওদের ইতিহাসও বটে। ধানী মুণ্ডার খবরটি পুলিশী-বিবরণীতে যথাযথই পৌঁছয় মুরুড়ি পুলিশচৌকিতে

চোড়ি গ্রামে এইভাবে খবরটি ক্রমে পৌঁছয় :—বীরসা ভগবান

যখন জেহেলে ছিল, একা ধানী মুণ্ডা জানত, ভগবান আবার কিরে আসবে। তার দেহের মরণ আছে, কিন্তু তার রোয়াঁ, তার আত্মার বিনাশ নেই। সে ধরতি-আবা, পৃথিবীর জনক। ধানী তা জানত। ভগবানের দেহটা মরে যায়। ধানী জেহেল খাটে।

ধানী, তুমি জেহেল হতে বেরালে
বড় পুলিশ সাহেব চোখ লাল করে বলল,
রাঁচি আর চাইবাসা তোমার কাছে নিষিদ্ধ
ধনুক আর তীর তুমি উঠাবে না
রাঁচি আর চাইবাসাতে আসবে না
যখন তুমি জেহেল থেকে বেরালে
বড় পুলিশ সাহেব এই কথা বলল—॥
ধানী, তুমি জেহেল থেকে বেরালে
একটা আগুনের তীর তোমায় পথ দেখাল,
মুরুডিতে এলে তুমি
যখন জেহেল থেকে বেরালে ॥
মুরুডিতে তুমি যাদের কাছে থাকলে তারা পুণ্যবান
মুরুড়ির জল-আকাশ-মাটি পবিত্র হয়ে গেল
ধানী, তুমি মুরুডিতে থাকলে ॥
ধানী, তোমাকে ধরতি-আবা ডাকল
তার দেহের মরণের দিনে সৈল্লরাকাবে
সে তার শিষ্যদের খুঁজতে আসে।
সে পাহাড় কাঁপিয়ে হেঁকে বলে,
কে মোরে মনে রেখেছে হে, কে গিয়েছে ভুলে
কে আছ উলগুলান পাগলা মানুষ !
তোমাকে ধরতি-আবা ডাকল ॥
তুমি বললে, এই এলাম হে—
কালো মেঘে চেপে বসলে তুমি
মেঘে চেপে চলে এলে জেজুড়—
জেজুড়ের হাতে কত মানুষ !
তারা বলল, ভূরা গুড়, যবের ছাতু খাও—
তুমি যখন জেজুড়ে এলে ॥

তুমি বললে ঘরের মাটি আমার গুড়,

তুমি সেই মাটি হাতে নিলে

মাটি হয়ে গেল ভূরা গুড়—

সেই মাটি খেয়ে কালো মেঘে সওয়ার হয়ে

তুমি সোঁ সোঁ করে চলে গেলে ডোম্বারি

সৈলরাকাবে পাথরে মিলিয়ে গেলে ॥

দারোগা কৈদে কপাল চাপড়ে ফিরে গেল

তুমি সৈলরাকাবে মিলিয়ে গেলে ॥

হেঁকে বললে, ধরতি-আবার দেহের মরণ দিনে

তার গলায় গলা মিলিয়ে আমি তোরাবের ডাকব ॥

আঃ! সৈলরাকাবে পাথরে এখন ফুল ফুটেছে

ওই ফুলগুলো তুমি ॥

এই ভাবে, গল্প ও গান হয়ে ধানী চোটি মুণ্ডার কাছে ফিরে আসে। যতদিন আসে নি, চোটি নদীর দিকে চেয়ে পাথর হয়ে বসে থাকত। যখন ধানীকে গানে ও গল্পে ফিরে পেল, তখন সে পাথর থেকে মানুষ হল আবার।

চোটি মেলার দিনে চোটি মুণ্ডাও গেল। বুড়ো সুগানা মুণ্ডা আদিবাসীদের তরফে বিচারক। সে স্বগ্রামে পহানও বটে।

হাটুয়েদের বেসাত রাখবার মাচায় চাটাই পেতে বিচারকদের আসন। সুগানা, দারোগা, লালা বৈজনাথ, এরা বিচারক, পুরস্কার-দাতা। প্রতিযোগিতা শুরু হল। চোটিকে দেখে সুগানা বলল, বিস্ময় মুণ্ডার ছেলা তুই?

হাঁ পহান।

তুই তো গৌঁদাটা রে।

একবার চেষ্টা করতে দাও।

চোটি গ্রামে জোয়ান মুণ্ডা নাই?

তারাও আছে।

একটা তীর কেন?

পারলে একটা তীরে নিশানী বিঁধব।

প্রথম খেলায় নামবি ?

শেষ খেলায়।

যা, নাম্‌গা। গ্রামের নাম ডুবাবি।

চোটি গ্রামের নাম ডোবায় নি। ওর পরনে ছিল হলুদ ধুতি।
কুন্ম ফুলের হলুদ রঙে রাঙিয়ে নিয়েছিল। চূলে ছিল কাঠের কাঁকই।
ধানীর তীরটা ধনুকে জুড়ে ও মনে মনে ধানীকে স্মরণ করেছিল।
ধানীর কথা, সব ভুলে যেতে হবে। তুই আছিস, আর নিশানী চক্ষুটা
আছে।

শুধু ও, শুধু ওই চোখটা।

তীর ছুঁড়েছিল চোটি।

চোখের মণিতে তীর বিঁধেছিল।

আনন্দ। বিস্ময়। উল্লাস। চোটিকে নিয়ে চোটিগ্রামের মুণ্ডাদের
নাচ। রাত। শুওরের মাংস রান্না হচ্ছে। ভাত ফুটেছে। চোটির
বুকে কান্নার সমুদ্র ভাঙছিল। ওর বাপ, বিস্মা ওর হাতে মদের পাত্র
দিল। বলল, আজ হতে তুই জোয়ানটা হলি। মরদ! এবার
তোরে বিয়া দিব।

সেই পহান, সুগানা মুণ্ডা বিয়ের প্রস্তাব এসেছিল। তার একটি
নাতনী আছে। চোটিকে খুব পছন্দ হয়েছে ওর। বোনের বাড়ি
থেকে-মেখে ওর চেহারা খুব ফিরেছে। সাহস যেমন, মাথা তেমন
ঠাণ্ডা।

আমার ঘরে কিছু নাই।

ঘরে কি থাকে কার ?

জমিতে ছ মাসের খোরাকি উঠে না।

সে ওদের ভাগ্য।

তুমি ভাল বর পেতে পার।

ওই ভাল বর। আমি চাই, ঘরের কাছে দিব। নাতনীকে
মাদী শুওর, মাদী ছাগল দিব। তা হতে হাল ফিরবে।

বিস্মা নিশ্বাস ফেলল। বলল, উন্নয়ন মানে বলি।

তোমার ছেলেরে কেন চাই ?

তুমি জান।

ছেলা সামান্য নয়। নদীর নামে নাম।

সে বংশের নিয়ম একটা।

তা বাদে...মুন্ডাডিতে...সবাই বলে, বুঝি বা ধানী মুণ্ডার কাছে
কোনো মস্তুর বা শিখে থাকবে।

একথা থাক। ধানী মুণ্ডা! আমার ছেলাটার কথায় তার নাম
বল কেন? বিপদ ডাকাতে কোনো? পুলিশ ডাকা করাবে?

না না।

তোমার বা তাতে মন টলে কেন? ধানী ছিল বীরসাইত, আর
বীরসা ভগবান তো পহানদের মানত না?

তবু.....!

চোড়িদের সমাজে মায়ের সম্মান বাপের সমান। চোড়ির মা সব
শুনে স্বামীকে বলল, কথা খারাপ নয়। পহানের সাথে দারোগা,
লালা, ঠিকাদার, জঙ্গলবাবু, সবার ভাল সম্পর্ক। আমাদের ত কিছু
বলতে কিছু নাই, পূর্তি মুণ্ডার সোনা পাওয়ার গল্প এক সম্পত্তি।
চোড়ির মস্তুর পড়া তীরের গল্প এখন নতুন আরেক সম্পত্তি
হতে চলেছে।

সে কি!

সবাই বলছে তীরে মস্তুর ছিল। মস্তুর! আসলে ওর হাত খুব
পাকা। এই হরিণ মারে, এই পাখি মারে, আমরা মাংস খাই, তাতে
সবাই রিষ করে। নইলে তীরে কিসের মস্তুর?

তা, বিয়ের কথাটা?

হোক।

সমাজে ভোজ দিতে হবে।

ধার করব।

ধার করব! কেউ করে নাই বংশে?

সবাই করে ।

ধার নিলে শোধ হয় না ।

জানি ।

ঘর-জমি ছেড়ে বেড়াতে হয় ।

ওদের পহান্ ভরত মুণ্ডা বলল, সরেস জমি হলে মহাজন ধার দেয় । তোদের ও জমি নীরেস, মহাজন ধার দিবে না । ও জমি দখলে ওর লাভ ?

তাহলে আসান্ বল একটা ?

বিয়ে হোক । ভোজ পরে দিস ।

তুমি বললে তাই হবে ।

ছেলে কোথায় ?

যে টুক কাজ করার, তা করে, নয়তো কাঁড় মারতেছে বনে ।

এবার তো অনেক পেলি তোরা ।

তা পেলাম । দশ টাকা ।

কি করলি ?

চোটির মা গাই কিনল, আর...

চোটির মা বলল, কনু মুণ্ডা চলে যাবে খুশুরবাড়ি । সেখানে থাকবে । ওর বউ দাসকির বাপের এক সন্তান এখন । ভাইটা মরে গেল । ওর জমিটা নিতে পারলে হত ।

ওর মধ্যে ঘাস না । মহাজনের কাছে বান্ধা জমি ।

তবে যাব না ।

শোন, এখন কার্তিক মাস । ষোল মাইল যেতে হবে । কিন্তু নরসিংগড়ের রাজারা অজ্ঞানে কালীপূজার মেলা বসায় । তীর খেলা হয় । আমার মনে দুঃখ খুব, চোটি গ্রাম থেকে কখনো সে খেলায় কেউ জিতে না । টাকা মিলে, শুওর মিলে, কাপড় ভি মিলে ।

ছোট ছেলে, অত দূরে পাঠাব না ।

মুরুডি পাঠাসনি ?

উপাসে মরবে বলে ।

কিন্তু চোটি নেচে উঠল। সবই গল্প কথা ওর জীবনে। ওর বয়েস যোল। কোয়েলের বয়েস চোদ্দ। বাপও সঙ্গে চলল, পহানও।

কি নিশানী বিঁধতে হবে?

জানি না।

নরসিংগড়ের মেলাও খুব বড়। প্রতিযোগিতাও অনেক। নিশানা, ছিল, উঁচু মাচার ওপর কলসি, কলসির মাথায় কুমড়ো একটা। চূনের দাগ আঁকা। কলসিতে জল থাকবে, কলসিতে তীর লাগবে না, কলসি হেলবে না, কুমড়োটা ফেলে দিতে হবে। চোটিকে দেখে অস্থ তীরন্দাজরা প্রথমে হাসাহাসি করে। তারপর ওর পরিচয় জেনে শুরু হয় কানাকানি। হ্যাঁ, এ সেই চোটি মুণ্ডা বটে, ধানী মুণ্ডার কাছে ছিল। ধানী শব্দ শুনে আঁধারে তীর ছুঁড়ে বরা মারত, সন্ধ্যার চন্দ্রালোকে উড়াল হাঁস মারত। ওর তীরে মজ্ব আছে। ওকে হারানো কারো সাধ্য নয়। চোটি সব কথাই শুনছিল। মনে মনে ও ধানীকে স্মরণ করছিল।

কুমড়োটা তীরের আঘাতে পড়ে গেল, কলসি রয়ে গেল। বিস্ময়া ও পহান সবিস্ময়ে পরস্পরের দিকে তাকাল। তারপর পহান নাচতে শুরু করল। জিতেছে, চোটি গ্রাম জিতেছে। দশ বছর আগে পহানের ছেলে দ্বিতীয় পুরস্কার নিয়ে যায়, তারপর কেউ পারেনি।

একটা শুওর, একটা কাপড়, পাঁচটা টাকা।

শুওরটা মেরে স্থানীয় আদিবাসীদের সঙ্গে উৎসব। যে ছেলেটা দ্বিতীয় হয়, সে চোটিকে বলল, মাঘ মাসে জুজুভাতুর মেলায় যাই চল। সেখানে শুওর দেয়, চাল দেয় দশ সের।

দশ সের চাল!

হাঁ হে। তুমি থাকলে ভরসা পাব।

বাপরে শুধাই। পহানরে শুধাই।

পহান মদ খেতে খেতে বলল, নিশ্চয় যাবে।

চোটি কি ভাবতে ভাবতে ঘরে ফিরল। ফিরে বাপকে বলল, আব্বা!

এক বছরে আশেপাশে যত মেলা হয়, তত মেলায় বেঁটে দিবে?

গিয়ে কি তীর খেলবি ? তাতে জীবন যাবে ?

তোমার মত মহাজনের খেত চষে জীবন যাবে না বাবা । তীর ছুঁড়ে সবাই । কিন্তু এ একটা অভ্যাসের জিনিস ।

কি বলতে চাস তুই ?

তীর খেলে যদি টাকা পাই । সে টাকা হতে ভোজ্য দিবে ।

শুধা চাল কিনলে হবে ?

চাল কিনবে, মদ বানাবে, মাংস আমি এনে দিব ।

বিসরা চুপ করে রইল ।

মা বলল, ধার করব না ?

না । ধার করলে বেঠেবেগারী দিতে হবে, আর বেঠেবেগারী দিয়ে চলবে তোর বংশে সবাই । মুরুডিতে দেখলাম । এখানেও দেখি ।

চোড়ির জীবনে সবই গল্প । কোনো মুণ্ডা ছেলে ওর মত আচরণ করে নি । লালা বৈজনাথ বিস্রাকে বলেছিল, টাকার জন্তে ভাবনা কি ? ধার নে, বেগারীতে শোধ দিবি ।

না, ধার নিব না ।

নিবি না ?

না ।

না নিলি, জংলী বুদ্ধি তোদের ।

দোষ নিও না মহারাজ !

দোষ ? দোষ নেব কেন ? ছেলে তীর খেলছে, টাকা আনছে কত । কিন্তু ও মস্তুরপড়া তীরের কথা কি শুনছি ?

ও গল্পকথা মহারাজ ।

লালা বৈজনাথ পুলিশের দারোগাকে বলেছিল, বিসরা মুণ্ডার মতলব বুঝি না ।

কেন ? সে তো খুব ভাল মানুষ ।

ধার নেয় না কেন ?

না নিল । দেখিয়ে লালাকাবু, ওকে খোঁচাখুঁচি করবেন না । আমার খানার আদিবাসী লোকদের নিয়ে কোনো হাঙ্গামা নেই ।

কোনো হাঙ্গামা চাই না আমি। আর সাত বছর চাকরি আছে, শাস্তিতে চাকরি করে যেতে চাই। আদিবাসী লোকদের নিয়ে গোল বাধলে মুশকিল।

না না, হাঙ্গামা হবে কেন ?

বিস্মার ছেলেটা সবগুলো তীর খেলায় জেতে কেমন করে ?

মস্তুর পড়া তীর ওর।

তা কি হয় ?

জরুর হয়। তবে শুধু এক কহানী।

বলুন।

নরসিংগড়ের রাজাকে জানেন ?

আমি কি জানব অমন রহীস লোককে ? নাম জানি।

ওঁর বৈমাত্র্য দাদা ছিলেন। তাঁরই রাজ্য হবার কথা। গদীতে বসবেন। উনি গিয়েছিলেন শিকার খেলতে, ওঁর জঙ্গলে এক কোঠিতে ছিলেন, খড়ের চালার বাংলা। ওঁদেরই মহালে। বর্তমান রাজার মা দেওয়ানকে ধরলেন। ওঁর ছেলেকে রাজ্য করতে হবে। কিন্তু কমিশনার সাহেব তা শুনবেন না। দেওয়ানজী কথা দিলেন।

এতে মস্তুরের কি আছে ?

ওর এলাকায় ছিল ভরত মাহাতো। খুব বড় গুণীন্দ্র। দেওয়ানজীর কথায় ও বলল, কাজ হাসিল করব, কিন্তু আমাকে নিজের জমি দিতে হবে দশ বিঘা। দেওয়ানজী মান লি য়ো বাত্। ভরত তখন রাতে, মস্তুর পড়ে জ্বলন্ত পিদিম বাতাসে ভাসিয়ে দিল। পিদিম ভাসতে ভাসতে গিয়ে জঙ্গলের বাংলা জ্বালিয়ে দিল। বড় কুমার মরে গেলেন।

ছোট কুমার রাজা হলেন ?

হলেন কিন্তু আরো কথা আছে।

কি ?

দেওয়ানজীর কুবুড়ি হল। ভরতকে ডেকে উনি বললেন, নিয়ে যা দশ টাকা। জমি তোয় হোল না। তো ভরত বলল, জী

মেহেরবান। এ টাকা আপনি রাখুন। কিন্তু কাজটা ভাল করলে তারপর, কাছারিতে বসে আছেন দেওয়ানজী, হঠাৎ সবার সামনে ওঁর সারা দেহে আগুন জ্বলে উঠল। জ্বলতে জ্বলতে মরে গেলেন।

এরকম তো হতেই পারে।

তবে বিসম্ময় ছেলের মস্তুর পড়া ভীষ থাকতে পারে না কেন ?

লালাজী, যার মস্তুর পড়া ভীষ থাকবে, তার কি দিন গুজার হবে ভুখা থেকে, নেংটি পরে ?

যা বলেন।

সে ভীষ যে হাতে পাবে সেই নিশানী বিঁধবে ?

আরে বাবা ! ও ভীষ হল ওর বশ। অন্য লোক সে ভীষ ধরতে গেলে ভীষটা গোহুমন্ সাঁপ হয়ে তাকে কাটবে।

যাক গে ওর কথা। মুণ্ডা লোক, জংলী লোক, ভীষ তো ওরা সর্বদাই ছোঁড়ে। ভীষ ওদের সঙ্গীসাথী।

হাঁ।

চোটি জানেও নি, মুণ্ডাসমাজের বাইরেও ওকে নিয়ে গল্প তৈরি হচ্ছে। ও তখন রোজ ভীষ অভ্যাস করে। আর শিকার করে। হাটবারের আগে। শিকারের পাখি, হরিণের মাংস, চোঁকির পুলিসরা কিনে নেয়। স্টেশনের বাবুও কেনেন। হরিণ মারলে ছালটা নুন ও ছাই ঘষে সাক করে বেচে দেয় বড় হাটে। তাছাড়া মেলা থেকে মেলায় ভীষ ছোঁড়ার প্রতিযোগিতায় যায়। কোয়েল বলল, চোটি ? তুই তো মস্তুর পড়া ভীষ পেয়েছিস। তাহলে পাগলটার মত রোজ ভীষ অভ্যাস করিস কেন ?

ওই অভ্যাসটাই মস্তুর।

চোটি ভীষ খেলে খেলেই এক বছরে পঁচিশ টাকা আনে। ১৯১৫/১৬ সালে পঁচিশ টাকা অনেক টাকা। ওর মা গাই কেনে আরেকটা, ভোজের ভাত, মদ সব হয়, চোটির বউয়ের নাকে রূপোর নখুনি অবধি। সেই খুবই আনন্দের কথা। আর চোটির বাবা-মা ছকনের গ্রাম-মর্যাদাও বেড়ে যায়। বউ আনে একটি শুওর, একটি চোটি-৩

ছাগলী। মায়ের ছুটো গাই। এই সময়ে রেল-লাইন তোহুনি অবধি খোলা হয় ও রেলের লোকদের ছাউনি পড়ে। এরা বহিরাগত। এদের কাছে ছুধ যোগান দেয় চোটির মা।

চোটিদের জীবনে এই সময়টা সব চেয়ে সুখ ও শান্তির সময়। সময়টি তখনই হয়ে যায় খুব সামান্য কারণে।

বিসরা মুণ্ডার সংসারের সুসারটুকু লাল বৈজনাথ খুব সুচোখে দেখে নি। তার অগ্রতম কারণ এই:—বৈজনাথের খেতখামারের কাজ স্থানীয় মুণ্ডা, ওঁরাও, এরাই করে থাকে। এবং কিছু অন্ত্যজ বর্ণের মানুষ। আদিবাসীদের দিয়ে কাজ করানো বৈজনাথের বেশি পছন্দ। আদিবাসীরা অবিদ্বান্য রকম কম মজুরীতে কাজ করে। খাঁচারেঁচি পছন্দ করে না। যেমন কথা দেয়, তেমন কাজ করে দেয়।

আদিবাসীদের ঋণে জড়ানো খুব সোজা। কাগজে একবার টিপ দিলে ওরা জন্ম জন্ম ধরে বেচবেগারী দিয়ে চলে। অবশ্য এ কথা অন্ত্যজদের পক্ষেও সমানভাবেই প্রযোজ্য।

অন্ত্যজদের ও মুণ্ডাদের, বাদের সঙ্গে বৈজনাথের খাতক-মহাজনের সম্পর্ক, তাদের সঙ্গে কাজ করেই শান্তি বেশি। যে ভাবেই হোক, অন্ত্যজ ও আদিবাসীদের গরিব থাকাই ঠিক। বিসরা আর তেমন গরিব নেই। রেগে বৈজনাথ একদিন বিসরাকে ডেকে পাঠাল।

ধার না নিবি, না নিলি। খেতজমিনের কাজে আসবি তো? তোর যে দেখছি দেখাই নেই। তুই না কি মুণ্ডাদের মহাজন হয়েছিস?

বৈজনাথ “মহাজন” শব্দটি গৌরবার্থে বলল। ও ভুলে গিয়েছিল, মহাজনী কারবার মুণ্ডারা বোঝে না। বিসরা কথাটিতে অপমান বোধ করল ও বলল, চোটি, কোয়েল, আমি—গাইচরী, ছাগলচরায়, শুওর তাড়ানো, সব কাজ পেয়ে উঠি না তাই আসি নি। মহাজন বললে মহারাজ? মুণ্ডা ধারকর্জ নেয় কিন্তু মহাজনী করে না। মহাজনী করে ছাইয়ের রক্ত চোবে না। তুনি আমাকে গাল দিয়েছ।

হুজনে হুজনের দৃষ্টিভঙ্গি না-বোঝার কলে হেঁড়া কথা নিয়ে মোটী

বৈজনাথ বলল, মহাজন বললে গাল দেওয়া হয় ?

মুণ্ডা তো মহাজন হয় না।

গাল দিলাম আমি ?

তোমাকে যদি বলি মুণ্ডা হয়েছে ?

গাল দিলি আমাকে ?

গাল দিলাম আমি ?

এর বাড়ি গাল হয় ?

মুণ্ডা কি ? ঘেমার জিনিস ?

রাগের চোটে বিসরা চলে এল গ্রামে। পহানের বাড়িতে গেল
ও বলল, লাল বৈজনাথ মুণ্ডাদের “মহাজন” বলেছে।

ক্রমে চোটি গ্রামের সব মুণ্ডারাই বেকে বসল। “মহাজন”, “সুদ”—
ইত্যাদি শব্দ মুণ্ডাদের কাছে খুবই ঘৃণ্য। বড়ই হুঃখের কথা। মহাজনের
কথা মত কাগজে টিপছাপ দিয়ে ওরা সুদের জালেই জড়ায়। ফসল
বোনার সময়ে মুণ্ডারা এল না।

সবাই বলল, লাল পুলিশের কাছে যাবে।

পহান বলল, যাক না। দোষ করি নাই কিছু। আর দারোগা
মুকুন্দ পাঁড়ে। সে আমাদের চিনে।

বৈজনাথ পুলিশের কাছে গেল। জয় বাবা বিজনাথ! মুকুন্দ
পাঁড়ে থাকলে বলত, আদিবাসীদের সঙ্গে হাংগামা উঠাবেন না
লালাজী। আমার এলাকায় কোই হাংগামা না হয়। সাত বছর
চাকরি আছে আমার, শান্তিতে কাজ করতে চাই।

মুকুন্দ পাঁড়ে নেই। ছাপরায় তার জমিজমায় নিয়ে মামলা
বেধেছে। ছুটিতে আছে ও। বদলী দারোগার নাম মহাবীর সহায়।
তাঁর সামনে পনেরো বছর চাকরি। এবং তাঁর রক্ত গরম, চাকরির
শুরুরেই “শান্তি চাই” বলে চেঁচাতে তিনি নারাজ। চোটি অঞ্চলটি
এমনই সুদূর, যে এখানে কিছু ঘটলে রাঁচি অবধি খবর যাবে বলে
তিনি বিশ্বাস করেন না।

কি হয়েছিল, না হয়েছিল, সব জেনে নিলেন তিনি। তারপর বললেন, আপনি চলে যান, আমি দেখছি।

লালা বৈজনাথ ওই চোটি গ্রামেরই বাসিন্দা। প্রত্যেকটি মানুষ তার চেনা। ও খার দেয়, সুদ নেয়, বেঠবেগারী নেয়। কিন্তু যেহেতু ওর জগৎও ওই গ্রামখানি, সেহেতু এমন কোনো হট্টাকট্টা আচরণ করতে চায় না, যা পরিণামে শোচনীয় হয়। আদিবাসী মজুর চটানো তো ওর মোটে ইচ্ছে নয়। তা ছাড়া ও ভয়ও পায়। ও বলল, বেশি কিছু বলতে যাবেন না যেন।

মহাবীর সহায় বলল, তাই বলি? বেশি বলতে যাবই বা কেন? অল্প বললে কাজ হয় যদি?

বিসন্নাকে বলবেন না। পহানকে বলবেন।

বৈজনাথ একথা বলার মানে হল, আদিবাসী সমাজব্যবস্থায় ওদের পহান বা পুরোহিত হল গ্রামসমাজের মাথা। ওরা কোনো সমস্যা হলে পহানের কাছে বসে আলোচনা করে মিটিয়ে নেয়। এমনও হতে পারে, যে পহান ও গ্রামপ্রধান আলাদা মানুষ। তবে এ ক্ষেত্রে তা নয়। বৈজনাথ জানে, আদিবাসী সমাজের নিয়ম।

মহাবীর সহায় ভাবল, বৈজনাথ ভাবছে, সরাসরি বিসন্নাকে কিছু বললে গোল বাধবে। নিশ্চয় বিসন্না মানুষটি শয়তান। ও দুজন কনস্টেবল পাঠাল বিসন্নাকে ধরে আনতে।

চোটি গ্রামের মুণ্ডা-ওঁরাও কোনদিন দেখেনি, তাদেরকে ধরতে গ্রামে পুলিশ ঢোকে। ওরা বোঝেই নি ব্যাপারটা কি। এ কথাও সত্যি, যে চোটি নদীর উজানে, সেখানে আছে এক ছোট্ট জলপ্রপাত, কেন না নদীর পর্বত সেখানে দুশো ফুট নেমে আবার সমতল, সেখানে যাযাবর হাঁস মায়তে সায়েবের ক্যাম্প পড়ছে। রাঁচির সায়েব। গ্রামবাসীরা ভাবল, সেই ক্যাম্পের কোনো কাজেই পুলিশ এসেছে। তখনো মাঝে মাঝে ঘুরে ঘুরে তাঁবু কেসে জেলা অফিসাররা আঞ্চলিক সমস্যার সমাধান ও বিচার করতেন। কলে আদিবাসী ও গ্রামবাসী-দের বহু নালিশের বিচার অকুস্থলেই হয়ে যেত। গরির বেঁচে যেত

অনেক ঝামেলা থেকে। এই নিয়মে জমিদার-জোতদার-মহাজনের সবিশেষ অনুবিধে হত বলে ক্রমে নিয়মটি অশ্রু অজুহাত দেখিয়ে প্রত্যাহত হয়। অফিসার ও প্রজাবর্গের মধ্যে বাস্তব সম্পর্ক গড়ে ওঠা সরকারের, বিদেশী বা স্বদেশী সরকারের ইচ্ছে নয়। সম্পর্কটি সম্পূর্ণ অবাস্তবতার স্তরে থাকাই সরকারের পক্ষে শুভ। তাহলে অফিসারের চোখে মানুষগুলি থেকে যায় সাপ্লাই করা পরিসংখ্যান রূপ অঙ্কের হিসাব। মানুষের চোখে প্রশাসন থেকে যায় রাজার হাতি হিসেবে। যে হাতি তাদের কাছে লাগে না, অথচ যাকে তাদের পুষতে হয়।

গ্রামের মানুষের চোখে কনস্টেবলদ্বয় প্রথমে থাকে কৌতূহলের ব্যাপার। নিস্তরঙ্গ জীবনে বেটন হাতে লালপাগড়ি ও পট্টী-জুতোর মচমচিয়ে হাঁটা দেখতে বেশ। ছেলেপুলে ওদের পেছন নেয়।

কনস্টেবলদ্বয় যখন গাই-চরানোতে ব্যস্ত বিসরাাকে ধরে নিয়ে যায় কোমরে দড়ি বেঁধে, তখন তারা হয়ে ওঠে প্রথমে বিস্ময়ের, তারপর ভয়ের বিষয়। খবর যায় পহানের কাছে। পহান তখনি বলে, চল, যেয়ে দেখি কি হল।—সহসা তার মনে হয়, সে খুবই বুড়ো হয়েছে। ধানা-পুলিস-প্রশাসন—তার কাছে দুর্বোধ্য ঠেকে। বিসরার মত নিম্ন ও ভিত্তি মানুষকে দারোগার কিসে দরকার হতে পারে, সে ভেবে পায় না। মুণ্ডারা কোনদিনই বুঝে পায় না, প্রশাসনের চোখে কোনটা তাদের দণ্ডনযোগ্য অপরাধ।

ছ-চারজন পহানের সঙ্গে চলে। সনা মুণ্ডা ডাকবাংলায় পাখা-কুলির কাজ করেছে, সে কারণে আশেপাশের মুণ্ডা সমাজে, দিকু ও পুলিসের ভাবগতিক বুঝতে সক্ষম বলে তার খ্যাতি আছে। সে বলে, চল আমিও যাই।—যেতে যেতে পহান বলে, তুই এলি, ভাল হল। কে জানে ও দারোগা মুণ্ডারী কথা বুঝে কি না।—সনা ঘটি নেয় একটা। বলে, পুলিস ধরলে পিপাসা লাগে বেশি। জিহ্বা নড়ে না, জানি বটের আঠা হয়ে যায় মুখের লাল।

তারিা যখন যায়, তার মধ্যেই বিসরাাকে মহাবীর সহায় লাখি-মুন্সি-

কিল-চড় মেয়ে রক্তাক্ত করেছে। পহানদের কাতর প্রশ্নের উত্তরে সহায় বলে, একে ছাড়া হবে না। এ নিজে লালার বৈজনাথের বাড়ি কাছে যায় না, তোদেরও উসকানি দিয়েছে।

এর কি হবে ?

জেহেল হবে।

জেহেল ?

পহানের গলা চিনে বিসরা কেঁদে ওঠে, জেহেলে যাব না আমি।

যাবি কি না, লালার বুঝবে।

সনা বলে, উয়ারে হাজতে রাখবেন ?

নয় তো কি ?

উয়ারে ছেড়ে দেন একটু, জল খাওয়াই।

জল আমার নাই ?

মাথা নেড়ে পহান বলে, চল, লালার কাছে যাই।

লালার বৈজনাথ পহানের সব কথা জেনে খুশিও হয়, ঘাবড়েও যায়। এখনো চোটি এমন ছরস্তু জায়গা হয়নি, যে মামলা করে আদিবাসী-হরিজনকে শাস্তি করতে হবে। লালার কথাই যথেষ্ট। মামলা করতে হলে লালাকে ছুঁতে হয় খালারি। এখন তা সম্ভব নয়। আর এই কারণে যদি আদিবাসীরা বিগড়ে যায় ? আর আর গ্রামের পাঁচটা জোতদার-মহাজন লালাকেই দোষ দেবে। আদিবাসীরা বিগড়াতে পারে। এককাত্তা জাত। সব কিছুই পর, দারোগাও ওপরহাত নেবে। এটা বরদাস্ত করা কঠিন।

বৈজনাথ বলে, আমি যাব, দেখব।

এখনি চল।

এখন কেন ? আমাকে গাল দিয়ে গেল, তার শাস্তি ভোগ করুক একটু ? ভাল কথা বলতে গেলাম, গাল পাড়ল।

পহান বলল, মহারাজ ! তোমাদের কথা আমরা কখনো বুঝি নাই, আজও বুঝলাম না। তুমি ওয়ে বললে, মহাজনটা হছিল। মৃত্যুরীতে ও কথাটা গাল বটে। তোমার দোষ হল না। ও বলল,

মুণ্ডা তুমি। সেটা গাল হল, দোষ ভি হল বিসরা। আমারদের মাঝে আমরা ছাড়া আমারদের আপন কেউ নাই। একজনায় গায়ে লাগলে সবে ব্যথা পাই। আজও পাই, ছেলেরা পাবে কি না জানি না। তা বিসরা কামে আসে না, গাই-ছাগল তাড়ায়। আমরা সবে আসছিলাম। উয়ার অপমান হতে আমরা আসি নাই। তুমি বললে দারোগারে, বিসরা সকল মুণ্ডাদের খেপাতেছে ?

এ কথা আমি বলি নি।

তুমি সাক্ষা বল, না দারোগা বলে ? দেখ মহারাজ, মুণ্ডারা কিছু করে নাই এখনো। বিসরা যদি মরে যায় ধানায়, তবে তোমার দোষে মরবে। তোমার পাপ হবে। তখন সবাই যদি খেপে যায় ? ওর ছেলা আছে, সে তীর খেলায় কত মান পায়, সে মানবে ?

এ কথা শুনেই লালার মনে হল, মস্তুরপড়া তীরের কথা। বাপ রে ! তিল থেকে তাল হল, যদি জানটা চলে যায় ?

চল, যাই আমি।

বৈজ্ঞান্যের সঙ্গে পহানরা আবার ধানায় এল। চোটি এসে বসেছিল। ঘটনা ঘটান সময়ে সে বাড়ি ছিল না।

বৈজ্ঞান্য আর দারোগার মধ্যে কি কথা হল জানা গেল না। তবে দারোগা বিসরাকে ছেড়ে দিল। বলল, ওকে যে জেহলে নিলাম না, ছেড়ে দিলাম, সে জন্তে গ্রাম-জরিমানা হল। মুণ্ডা লোকরা আমাকে ধানায় পাঁচ টাকা দিয়ে যাবি। তিন দিনের মধ্যে।

চোটি এগিয়ে এল। বলল, এখন দিব না। মেলায় খেলা জিতে তোমায়ে টাকা দিব। এখন গ্রামে পাঁচ টাকা নাই।

তুই কে ?

আমার বাপরে ধরেছ।

টাকা দিবি ! তুই দিবি ?

আমি দিব। মুণ্ডা মিছা বলে না।

ওরা চলে গেল। কনস্টেবল দুজন ভীষণ ভয় পেয়ে থাকবে। তারাও এখানেই থাকে ও আঞ্চলিক সংবাদ রাখে। আগেকার

দারোগা ছিল অস্ত্র স্বকম। এই দারোগার কথায় বিসম্বাসে তারা ধরে এনেছে বটে, কিন্তু তারা মারেনি। এখন তারা বলাবলি করল, চোড়ি গ্রামে বসে মস্তপুত তীর ছুঁড়ে ওদের মরতে পারে। চোড়ির তীর যে মস্তুর পড়া, তাতে ওদের কোনো সন্দেহ নেই। মস্তপুত তীর না হলে প্রতি মেলায় চোড়ি জিতত না। ধানা আর দারোগা চোড়ির বাবাকে বিনা দোষে নির্ধাতন করে মরতে চায়, মরুক। ওরা মরতে চায় না।

হুজর্নে পরামর্শ করে রাতের আঁধারে বিসম্বাস বাড়ি গেল। চোড়িকে ডেকে বাইরে এনে হুজর্নেই হাত জোড় করল। বলল, চোড়ি! বাবারে শুধা, ওরে নিয়ে গিয়াছি, গায়ে হাত দিই নাই। তবু আমরাই নিয়াছি, দোষ করেছি। তুই এই রাখ জরিমানার পাঁচ টাকা! আমরা দিলাম। বনজঙ্গলে চাকরি করি, তাতেই ডরাই। তোর তীর পাঠায়ে আমাদের মারা করিস না। আমাদের ঘর আছে, ছেলে আছে।

চোড়ি বলল, তোমাদের মারব বলেছি?

সবে জানে, তুই মস্তুর জানিস। তোর তীর ভেজে দিলে তা দশটা ধানা পারায়ে মানুষ মেরে তোর কাছকে ফিরে আসবে।

ওরা টাকা রেখে পালাল। তারার আলোয় দাঁড়িয়ে চোড়ি বুঝতে চেষ্টা করল, ব্যাপারটা কি হল। ওকে ঘিরে গল্প তৈরি হচ্ছে। ও হয়ে যাচ্ছে কিংবদন্তী? টাকাগুলো তুলে নিয়ে ও ঘরে রাখল। পরদিন পহানকে বলল, ধানা-সিপাই জরিমানার টাকা দিয়া গেল। কি করব?

পহান বলল, তোর উপর হরমদেওয়ার কৃপা।

কেন?

আরে লালা যে ভরে গিছে, মস্তুর পড়া তীর ভেজে তুই তারে মারবি। সে ভি কাল রাতে মোরে ডাকায় বলেছে, তোর কাছে বলতে, যে তুই তারে মাপ করে দে। সে ভি জরিমানার টাকা দিল। সে কি কথা!

তুই তো মস্তুর জানিস বাপ। নইলে মুণ্ডা গ্রামে জরিমানা বসালে লাল্লা সে জরিমানা দেয় কেউ শোনে নাই। যা বাপের কালে হয় নাই, তুই ছেলা হয়ে তা দেখালি।

কিন্তু শোন।

বল।

চোড়ির বলতে ইচ্ছে হল, মস্ত্র সে জানে না। আর এও বুঝল, যে সে কথা বললে পহানও তা বিশ্বাস করবে না।

বল হে—সে আবার বলল।

পহান বিষণ্ণ ও গম্ভীর কর্তে বলল, টাকাটা তোর কারণে, তোরে জানালাম। এখন যার যার টাকা, তারে ফেরত দিতে হবে।

আমিও তাই বলতে এসেছি।

চোড়ি রে! দশ টাকা অনেক টাকা। টাকা টাকা চালের মণ! কিন্তুক মুণ্ডা জাতে এমন টাকা কেও নেয় নাই।

তীর খেলে টাকা দিব বলেছি, তাই দিব। নয়তো আমার ধর্ম থাকে না। আমার বাবা শুওর কাটলে কাঁদে। সেই বাবারে ধরা করাল যে, হাতে ধরল যারা, তাদের টাকা নিয়ে বাবার কারণে জরিমানার টাকা দিব না।

ভাল। আমি টাকা ফিরায়ে দিয়ে আসি। এক কাম ভাল হল। আমরা বিনাদোষে উয়াদের কাছে পনেরো আনা ডরে থাকি। উহার তোর কারণে মোদের কাছে এক আনা ডরে থাকল। লাল্লাও ডরে গেল।

চোড়ি বাড়ি ফিরল। বাপকে বলল, সব কথাই বলল। বিসরা শুনতে শুনতে হঠাৎ বলল, তীর খেলার টাকা হতে আর টু'খানি জমি কিনতে হবে।

কেন?

বিসরা তাড়িত, ব্রহ্ম চোখে বলল, দাস্কির, তোর বোনটার বিয়া হয়ছে। কোয়েলের বিয়া হবে। তোরাদের সংসার বাড়বে। তখন এ জমিতে চলবে?

কিনতে হলে কিনো।

তাও নীরেস জমি। সরেস জমি কিনলে লালা নিয়ে নিবে।

না বাবা, নিবে না।

প্রায়শ্চিত্তও করতে হবে।

কিসের ?

আমারে জেহেলে নিল যে।

জেহেল কোথা বাবা ? থানা যে।

তুই জানিস ? তা জানবি। মস্তুর পড়া তীর তোর !

না বাবা, না।

কয়েকদিন বাদে বিসরা বলল, সেদিন হতে মনটা খুব ছুখাইছে চোড়ি। আচ্ছা, তুই যদি মস্তুর বলে তীর ভেজে দিস, সে তীর দারোগার হাতটা জখম করে দিতে পারে না ?

দেখি।

চোড়ি মায়ের কাছে গেল। মা বলল, ওই বিনা কথা নাই। হাঁ চোড়ি, চোক্ষু ঘুরায়, কি বলে, পাগল হল কি ?

পহান বলল সব শুনেমেলে, এ বড় চিন্তার কথা। তুই আর, তোরে বলব সব। বিসরার মা আমার ছুধ মা। আমি মাওড়া ছেলা।

এখন ধান কাটার সময়।

তুই তো যাস না।

না। মন উঠে না।

তাতে লালা ধরে নিছে, তু ওরে জরুর মারবি। আমি বলি, না মারবে না। তাতে কি বুঝল কে জানে। জলখাই দিতেছে, আর ছ পয়সা।

জলখাই আর ছ পয়সা ?

তুই না যাস, কোয়েলরে পাঠা।

চোড়ির মা পোড়খাওয়া মানুষ। সে বলল, তোর বাপে না জানলে হল। ছ পয়সা ! লবণ-লঙ্কা-তেল—বেসাত হয় যে।

পহানও বলল, বলে দিব চোড়ি সময় পায় না। কোয়েলয়ে দেখলে জানবে তুই উয়ার উপরে রাগ রাখিস নাই।

চোড়ি নিশ্বাস কেলে বলল, সত্যিই সময় পাই না। গাইটা বজ্জাত। খালি জঙ্গলে ঢুকে। বাঘ মেয়ে দিবে কবে।

বাঘের কথা উঠতে পহান বলল, নেউল্লাতে বাঘ একটা খুব জ্বালাইছে। গাই-বাছুর মেয়ে কেলাছে কতগুলো। পহান বলে সেধাকার, তুই মায়লে তোরে চাল দিবে অনেক। তোরে বলতে বলল।

সেধা কেউ নাই ?

কাঁদে পড়ে না, মারা গরুর লাহাশে বিষ দিলে খায় না। বলে, বাঘ না শয়তান। কোনো ছুঁষ্ট রোয়ান হবে। তোর তীরে ঘায়েল হবে।

দেখি।

নিশ্বাস কেলে উঠে এল চোড়ি। বাবার জন্তে ওর মনে খুবই ছুশ্চিন্তা। অমন কেজোকর্মা লোকটা কি স্বকম অবসাদে সদাই বিষন্ন। কথা বলে না পারতপক্ষে। মাঝে মধ্যে আপন মনে ছ একটা কথা বলে। সে সব কথায়ই কি মানে হয় ? সেদিন হঠাৎ বলল, চিরকাল ঘাটো খেতাম, ছেলের কপালে অনেক দিন ভাত খাই, আস্ত কাপড় পরি, তাই জেনে মোরে জেহেলে নিল। মূণ্ডা ভাত খেলে, গোটা কাপড় পরলে দোষ হয়। তা জানত বলে জলে সোনা দেখে আমার পিড়িপুরুষ পলায়েছিল।

আজ উঠোনে দাঁড়িয়ে বলছিল, উ সিধা গাছটা হেথা কোথা হতে এল ? আগে তো ছিল না। গাছটা কাটতে হবে।

গাছটা চিরকাল আছে। ওই গাছের ডালে দোলনা বেঁধে ছেলেদের গুইয়ে রেখে মা কাজ করত। বাবা কি পাগল হয়ে যাচ্ছে ?

সে এক ছুশ্চিন্তা। সংসারের কর্তৃক মায়ের নেবার কথা। মা অবধি কথায় কথায় চোড়ির মুখের দিকে চায়। এই যে সকলের

বিশ্বাস, চোড়ি মস্ত্র জানে, চোড়ি অসাধারণ, এ বিশ্বাসের পাষণ্ডভারে চোড়ি ক্লান্ত হয়ে পড়ছে, একলা হয়ে যাচ্ছে। নেউন্দ্রা গ্রামে গিয়ে সে বাঘ মারবে। এ কি প্রত্যাশা ?

চোড়ির মা বলল, আমি তোরে যেতে দিব না।

পহান বলল।

পহানের ছেলা যাক। বাঘ নয় উ, ডাং-পিশাচ। তুই মারলে তোরে মারবে। কোয়েলটা রুগাভুগা, বাপ বুদ্ধি হারাতোছে, তোরেও খোয়াব ?

তারা কি এসে বলাছে মোরে ?

যাবি না তুই।

বাঘ মারতে হল না চোড়িকে। রেল-ইঞ্জিনিয়ার সাহেব গুলি করে বাঘটা মারলেন। চোড়ি বুল, নিরস্তর অভ্যাস করে তীরের বাজি তাকে জিততে হবে। জেতার মধ্যে আনন্দ আছে, জেতার কলে সম্মান আছে, পুরস্কার আছে। এই বাজির পর বাজি জেতা নিয়ে তাকে নিয়ে সে কিংবদন্তী গড়ে উঠছে, সে কিংবদন্তীকে বাঁচিয়ে চলার দায়িত্ব আছে। কিন্তু কিংবদন্তীর নায়ক হতে চায়নি সে। চোড়ি মেলার তীরখেলায় জেতার যে সম্মান, তাই সে পেতে চেয়েছিল। ধানী মুণ্ডা তার জীবনটা ওলটপালট করে দিয়েছে। কিন্তু কি ভাবে তা করল, তা চোড়ি ব্যাখ্যা করতে পারে না।

দূরে, পাহাড়ের নিচের একটি পাথরে চাঁদমারি করে তীর অভ্যাস করতে গিয়ে তার জীবনে আরেক গল্পকথা জড়িয়ে গেল।

চোড়ি নদীর উজানে এক সাহেব তাঁবু ফেলেছিল। রাঁচির সাহেব। চোড়ির গ্রামের লোকরা ভেবেছিল, সাহেব নিশ্চয় হাকিম হুকুম হবে। কিন্তু কিছুদিনেই জানা গেল সাহেব বন্ধ পাগল। ছুধ-ষি-মাংস যা কিনছে, দাম দিচ্ছে। মাত্র দুজন কুলি ও দুটি ঘোড়া নিয়ে এসেছে। পহান বলল, ঘোড়ার ঘাস কিনলেও দাম দেয়। সান্নাদিন ঘুরে ঘুরে ছবি আঁকে, সন্ধ্যায় তাঁবুতে বসে কি লেখে, মাঝে মধ্যে পাখি মারে।

চোটির মনে এতেও কোনো কোঁতুহল হয়নি। একুশ বছর বয়সে সমর্থ বাপ থাকতে সংসারের ভার তার ওপরে। মন খুব বিষণ্ণ। এখন সে নিজেকে জমিটুকু তাংড়ায়, তাই গরু চরায়। ছুঁছুঁ গরু, তাই তাকে মাঝে মাঝে যেতে হয়। কোয়েলের বয়স উনিশ হল। তাকে বিয়ে, আরান্দি না করলে অসুখ হয়। নিজের বউ পোয়াতি। মায় হাত ছুড়কত একটা বউ দরকার। সময় করে নিয়ে তীর অভ্যাস করে ও। ধানীর দেওয়া তীরটা ও তুলে রেখেছে। তীর খেলার দিনে ও তীরটা সঙ্গে নিয়ে যায় শুধু। ধানী এখন গান। কালো মেঘে সওয়ার হয়ে ও সৈলরাকাবে মিলে গেছে। একেক সময়ে চোটির সন্দেহ হয়, ধানী কি ছিল কোনোদিন? না স্বপ্ন সে, কল্পনা মাত্র? তখন ও তীরটা দেখে। পুলিশ! পুলিশ ধানীকে মেরেছে। পুলিশ ওর বাপকে ধরে নিয়ে নির্দোষে মারল। আবার দারোগাও নাকি এখন ভয় খায়, চোটি তীর পাঠিয়ে তাকে মারতে পারে। তা যদি পারত, তাহলে তো চোটি ধানীর তীরকে বলে দিত, যে লোকটা ধানীকে মেরেছে, তারে যেয়ে মেরে আয়। কোন অলৌকিক কাণ্ড ঘটাতে পারে না যে চোটি, তাকে নিয়েই কত গল্প।

ধানী নেই বলে কত কথা যে চোটির জানা হয়নি, জানা হল না। মুগুরা যবে স্বাধীন ছিল, যখন তাদের জীবনে দিকু আর গোরমেন আর ঠিকাদার আর আড়কাঠি আর মিশনারী ঢোকেনি, তখনকার কথাই শোনা হল না।

ভাবতে ভাবতে ও তীর ছোঁড়ে, ছুঁড়ে চলে। হাত তৈরি আছে নাকি দেখার জন্তে সেদিন ও সন্ধ্যার মুখে কিনকিনে পুর্ণিমার জ্যোৎস্নায় একটা উড়াল হাঁস মারল। মরা হাঁসটা কুড়োতে নদীর বুকে নেমে ও দাঁড়িয়ে গেল। সাহেব। হাতে হাঁসটা। সাহেব পরিষ্কার মুগুরী ভাষায় বলল, তুমি মেরেছ?

হ্যাঁ।

তোমার নাম কি?

চোটি মৃগা ।

নদীর নামে নাম ?

নদীর নামে ।

কেন ? কোন বারে জন্মেছ ?

সোমবারে ।

তাহলে সোমরা, সোমাই, সোমনা নাম নয় কেন ?

নদীর নামে নাম আমাদের বংশে রাখে ।

তুমি তীর ছুঁতে শিখলে কোথায় ?

কেন ? নিজে নিজে ?

বাঃ ! চমৎকার । সন্ধ্যার জ্যোৎস্নায় একটা উড়াল হাঁস, আমি
কখনো মারতে পারলাম না বন্দুক দিয়েও ।

হাঁসটা তুমি নেবে ?

না না ।

নাও, আমি আবার মারব ।

তার চেয়ে কাল এস, তোমার সঙ্গে আমিও মারব ।

সাহেব, তীরে শব্দ হয় না । বন্দুক ফুটালে শব্দ হয় আর হাঁসগুলো
ভয় খেয়ে যায় । তুমি তো তীর ছুঁতে পারবে না ।

এখানে কি করছিলে ?

অভ্যাস ।

কেন ?

মেলায় তীর খেলব ।

কোথায় মেলা ?

সামনে নেউল্লা মেলা ।

কাল এস ।

কেন ?

তোমার ছবি আঁকব ।

আমার ! ছবি !

হ্যাঁ ।

বাড়ি কিরে চোড়ি বলল, মা ! সাহেবটা পাগলা বটে । বলে
কি, কাল এস, তোমার ছবি আঁকব ।

তোমর নামবশ জেনাছে বোধহয় ।

দূর ! পাগলা বটে ।

পরদিন সাহেব ওকে ঠিক ধরে ফেলল । বলল, আমি ছবি আঁকতেই
এসেছি । চল, তোমাদের গ্রামে যাব । আগে আমার তাঁবুতে চল ।

সত্যিই চোড়ির সঙ্গে গ্রামে এল সাহেব । পেনসিলের কয়েকটা
টানে পহানের ছবি আঁকল, হয়মদেওয়ার ধানের । বলল, আমি
এখানে বেড়াতেই এসেছি । আর ছবি আঁকতে । তাই তোমাদের
ছবি আঁকছি ।

মুণ্ডারী বলছে কেন ? তুমি কি মিশনারী ?

না । তবে মুণ্ডারী শিখেছি ।

কোথায় ?

রাঁচিতে ।

সকলে চুপ করে রইল । সাহেব আপন মনে বলল, আশ্চর্য !

এরা নিজেদের মধ্যে গল্প করে, আমার বেলা প্রশ্ন করলে জবাব
দেয়, বাস্ ।

পহান চোড়ির দিকে চাইল । সাহেব মানে গোরমেন্ । গোরমেন্কে
সঙ্গে করে এনেছে চোড়ি । এরকম কাণ্ড আগে কখনো ঘটেনি । তাই
এরকম ঘটলে লোকে কি করে, কি বলে, কেউ জানে না ।

সকলকে বাঁচাল পহানের বউ । সহজ মেয়ে-বুদ্ধিতে । মুণ্ডারী
মেয়েরা সাধারণত হাসিমুখে থাকে । বউ হাসতে হাসতে একটা দড়ি
বাঁধা ছোট টুল এনে সাহেবকে বসতে দিল । তারপর বলল,
তোমরা আস ।

গ্রামের মেয়েরা এগিয়ে এল । একজনের হাতে পেতলের ঝকঝকে
খালার ভুট্টার খই, গুড়ের ডেলা । আরেকজন আনল জল । বউ
বলল, ঠাকুরখানে এসে'ছিস । একটু জল খা । তা বাদে আমারদের
ছবি-বানিয়ে দে ।

আসলে মেয়েরা পুরুষদের ইতস্তত ভাব দেখে মজা পেয়েছে। সাহেব যখন খেতে লাগল, মেয়েরা মুখে মুখে গান বানিয়ে গাইল :—

ঘরে গোরমেন এসেছে
গোরমেন ছবি বানিয়েছে
গোরমেন বন্দুক লয়ে আসেনি
মোরাদেরকে মারেনি
গোরমেন পরসাদ খেয়েছে।

তৎক্ষণাৎ সাহেব বলল, আবার গাও।—সে গানটা লিখে নিল। মেয়েরা গাইল আবার। তারপর সবাই হাসিতে ভেঙে পড়ল। সনার মা জ্ঞানী বুড়ি। সে বলল, পাগলটা নয় রে। ভাল গোরমেন্।

সাহেব তারপর চোটিকে নিয়ে ওদের বাড়ি দেখতে গেল। মুণ্ডার বাড়ি দেখবে, দেওয়ালে আঁকা ছবি দেখবে, ওর অনেক ইচ্ছে।

সাহেবের নাম রোনাল্ডসন। বিহারের ছোটলাটের দপ্তরের সেক্রেটারির ভাই। রাঁচিতে বেড়াতে এসে হকম্যানের ডিকশনারি শেড়ে প্রথম মুণ্ডারী ভাষা ও মুণ্ডাদের বিষয়ে আগ্রহ হয়। আবিষ্কার করে, বিলেতে তাকে দিয়ে কার্যকরী কিছু করানো না গেলেও, মুণ্ডা ভাষা শেখায় তার ব্যুৎপত্তি জন্মেছে। মুণ্ডা গ্রাম ও মানুষ পরিচিতি বিষয়ে বই লিখতে ইচ্ছা জাগে। ছবি আঁকার দক্ষতা তার ছিলই। ইত্যাকার কারণে তার এখানে আসা।

চোটির বিষয়ে প্রবাদগুলি সে জেনে যায় এবং চোটির সঙ্গে সে নেউজ্জা মেলায় যায়। ঝগড়ারীতি চোটি লক্ষ্যভেদ করে। শুওরটি মারা হয় এবং চোটির অনুরোধে মুণ্ডারা এই পাগলা গোরমেনকে তাদের ভোজসভায় থাকতে দেয়। সাহেব তাদের বিস্মিত করে সদনা খেয়ে, বয়ঃসকলকে খুশি করে পেনসিলে ঝগড়ার সকলের অবয়ব এঁকে দিলে। নেউজ্জার পহান বলে, তুই যদি ভাল গোরমেন্ তবু আমাদের এত কষ্ট কেন ?

সাহেব বলে, একবার উত্তর তার জানা নেই, তবে তাদের উচিত,

বখন যেখানে অকিসারদের তাঁবু পড়ে, সেখানে গিয়ে সরাসরি তাদের আঁজি পেশ করা।

পহান বলে, শুনবে কেন ?

দিয়ে দেখেছ ?

না।

দিয়ে দেখো।

অতঃপর চোটি ও সাহেব সাহেবের তাঁবুতে করে। সাহেব, সেই মাঝরাতে, চোটিকে দেখায় তার আঁকা ছবি। হঠাৎ চোটি দেখে, থমুক ও বলোয়া উচু করে ধরে ধানী মুণ্ডার ছবি।

এ ছবি তুমি আঁকলে কোথায় ?

জেজুড়ে।

তুমি জেজুড়ে গিয়েছিলে ?

সাহেব বলে, এ একটা আশ্চর্য মানুষ। যেই দেখলাম ও আসছে, আমি ছবিই আঁকছিলাম, এর ছবি আঁকলাম। কিন্তু দারোগা ওকে মেরে ফেলল। ও মাকি গ্রেট রেবেল একজন। ওর নাম ধানী মুণ্ডা।

ছবিটা আমাকে দেবে ?

নাও। দাঁড়াও, কাল নিও। আমি একটা কপি করে নিই।

মদের নেশাতেও চোটি বলে না যে ধানীকে ও জানত। পরদিন ওর ছবি ও ধানীর ছবি চোটিকে উপহার দিয়ে সাহেব তাঁবু তোলে। চোটি ধানীর ছবিটি লুকিয়ে রাখে। তারপর যায় বাজারে। স্টেশনের ধারে। লবণ ও তেল কিনতে। সেখানে দেখে লাল বৈজনাথকে। লাল সসজ্জমে বলে, চোটি ! তোমার বাবার কথা দারোগাকে বললাম, রাগ উঠে গিয়েছিল। তা বাদে যা যা হল, তাতে বড় লজ্জায় আছি। গোরমেনের সাহেব ভি তোমার বন্ধু। তুমি যেন আমার নামে কিছু বলিস না রে।

কাকে বলব ?

গোরমেনের লোক তো আসে, তাঁবু কেলে।

না, বলব না।

পহান ওকে ডেকে বসায় কিরতি পথে। বলে, তুই হতে মোরাদেব
মান বেড়ে গেল। তা তোরে ডেকেছি বাপের কথা বলতে।

কি বলবে?

পহান নিশ্বাস ফেলে বলল, বাপ-দাদার কাছে শুনেছি, চক্ষে
দেখি নাই। আমাদের মুণ্ডাদের মাঝে কারো কারো মনে ছুঁখ লেগে
যায়। সে ছুঁখ আর যায় না। ছুঁখ মানুষটারে মেরে ফেলায়। বুঝি
বা বিসরা সে পথ নেয়।

চোড়ি নিশ্বাস ফেলে বলল, কি করি?

আমি পূজা দিয়ে দেখব।

দেখ।

এই ১৯১১ সালটি চোড়ির জীবনে খুব মনে রাখার। এই বছর
সে পিতা হয়, এবং ছেলের নাম রাখে ওর না-দেখা এক নদীর নামে।
হরমু। এ নদী সে চোখে দেখেনি। ধানীর কাছে শুনেছিল, হরমু
নিদীর কিনারে না কি ওরা ভগবানকে দাহ করেছিল। মুণ্ডারা করে
ন। গোরমেন্। মুণ্ডারা সমাধি দেয়। গোরমেন্ গোবরের ডেলায়
ভগবানের লাশ জালিয়েছিল। ভগবানের লাশকে অপমান করার
জন্তে। ধানী বলেছিল, জেহেল হতে বারান্নে আমরা হরমুর কিনার
হতে এক মুঠা করে মাটি লয়ে চলে যাই।—মা বলল, সোমবারের
ছেলা, সোমরা হবে না কেন? কুথাকার হরমু নদী?

চোড়ি বলল, পরে ছেলা হলে তোর ইচ্ছামত নাম রাখিস।

ছেলে হল। এ বছরই চোড়ি আশপাশের আরো আরো ভীষ
খেলায় জিতল। এ বছর পহান, বিসরার কল্যাণের জন্তে পূজার
আয়োজন করল। পূজার পর সবাই যখন প্রসাদ খেতে ব্যস্ত, তখন
বিসরা উঠে গেল। সকলের অলক্ষে। সেখান থেকে আধ মাইল
হেঁটে লাল বৈজনাথের বাড়ির সামনের আমগাছে গলার বাঁধল
পরনের ধুতি, বুলে পড়ল।

আত্মহত্যার কেস। লাশ নামাবান পর দারোগা এসেছিল।

চোটি বলেছিল, কি কারণে এসাছ তুমি ? আবার মরল কেন ? আমার আবার কখনো শুওর কাটলে চেয়ে দেখে নাই। তারে নিদোষে মারলে তুমি, তা হতেই আবার মাথা কেমন হয় গেল।

মহাবীর সহায়ের মুখ কালো হয়ে যায়। অশ্রু ক্ষেত্রে সে এমন কথা সে সহিত না। কিন্তু চোটির রাগ এবং আত্মঘাতী বিসম্মার প্রতিহিংস্র আত্মার ভয়ে সে চুপ করে থাকল। বিসম্মার দেহের সদৃশি হল। লালার বৈজনাথের মনে সমগ্র ঘটনাটি অনেক বেশি আঘাত করে থাকবে। কেন না তারপরেই সাধের জ্যোতজমা ছেলে তীরথনাথ লালার হাতে তুলে দিয়ে সে চলে যায় তীরথনাথ কাশীধামে এবং শিবচতুর্দশীর দিন অত্যধিক ভাঙের ঝোঁকে নৌকোর উপর নাচতে গিয়ে গঙ্গাজীতে পড়ে গিয়ে মরে যায়।

এর পরেই ঘনঘন জ্বর হবার ফলে মহাবীর সহায় ছুটি নেয়। পহান বলে, চোটি ! এ তুই খুব ভাল করলি। বিসম্মার মরণের দোষ যাদের, তাদের একজন মরল, একজন ছুটি নিল। তোর ক্ষমতা খুব।

খুব ক্ষমতা তাতেই পাঁচটা পেট ভরাতে পারি না।

লালার খেতে যাবি না ?

যাব। পেটের উপর জোর খাটে না।

পহান বলে, সে ভাল হবে। তুই রইলে তীরথ আমাদের উপর চোট উঠাবে না।

এ ভাবেই চোটির জীবনে আরো আরো কিংবদন্তী যুক্ত হয় এবং কিংবদন্তীর সঙ্গে ছায়াবাজি সম্ভব নয় বলে চোটি হার মেনে নেয় ও কাজের ফাঁকে ফাঁকে চালাতে থাকে তীরাভ্যাস। বছর তিনেকে সে সে আবার পিতা হয়। কোয়েলের আরান্দি হয় সনা মুণ্ডার বোনের মেয়ে মুরীর সঙ্গে। চোটির মা হাট থেকে ফেরার সময়ে সাপের কামড়ে মরে যায়। চোটিতে নামে খরা।

চার

খরা, ছরস্ত খরা। এমনি এক খরায় কবে কোন সুদূর অতীতে
চোড়িকে মা পাঠিয়েছিল দিদির ঘরে। এখন দিদির সংসার বড়
সেখানেও খরা। তা ছাড়া সংসারে পালাবার আয়গা বড় কম।

মুণ্ডা বলল, তীরখনাথের কাছ যাব।

কেন?—চোড়ি জিগ্যেস করল।

ধার করব।

ধার দিবে?

টিপ দিলে ধার দিবে।

টিপ দিলে বেঠবেগারী দিতে হবে কামিয়া বনে গিয়ে।

দিব। এখন তো বাঁচি।

পহান কি বলে শুন্।

পহান বলল, টিপছাপ দিয়া করে বেঠবেগারী দিবি, টুকা খোরাকী
চাল-গমের লেগে, তাথে আমি “হাঁ” বলব না। এই বেঠবেগারী
দশ পুরুষেও শোধ হয় না। ইয়ার কাঁদে সবে পড়ে। ও গজু,
হুসাদ, চামার, খোপা, সবে দেখ্ গা বেঠবেগারীতে বাঁধা আছে।
আমি করে “হাঁ” বলব না। তবে এই কথা, “না” ভি করে বলত
না। কেন বলব না? তখন তোরা বলবি, খতে টিপ দিলে খেবে
পেতাম।

চোড়ি বলল, আসানী কি?

আসানী নাই।

একসঙ্গে কামকাজ করি, তা ও গজু-হুসাদদের শুধাও কেন?

ওদের প্রধান বলল, যার ইচ্ছা টিপখত দিয়ে কর্ত্ত নিবে। আমি
কি বলব? চোড়ি মুণ্ডা শুনি সকল কাম পারে।

কি করতে বল?—চোড়ি রেগে উঠল।

রাগ করিস কেন? তোরা যে গরীব, মোরাও তাই। আমি

বলি, তোহ্মিতে সাহেব আসবে, দেখবে আকাল কি না, তখন খয়রাতি দিবে, আর গোরমেন “আকাল” স্বীকার গেলে মিশনের সাহেব রেমণ্ড আসবে। সেধা যেয়ে আর্জি দে না।

ধানা হতে আর্জি দিবে না ?

এই দারোগা ? এই তশীলদার ?

যেয়ে বলি।

দারোগা বলল, তোদের বুঝাব বা কি ? জংলী ছোটলোকগুলো। হাঁ, খরা হয়েছে। কিন্তু আকাল কোথা ? আকালে মানুষ মরবে, গ্রাম ছেড়ে পালবে, তবে না আকাল ? সরকারের পরসী অতই শস্তা ?

তীরখনাথ বিনা কারো ঘরে চাল-গম নাই।

সে তো দিতে চায়।

টিপ দিতে বলে ?

বিনা টিপে দিবে কেন ?

তুমি আর্জি দিবে না ?

যখন দিবার, তখন দিব।

ধরম ছসাদ ধানা থেকে বেরিয়ে বলল, চোটি ? বুঝলি কিছু ?

কি বুঝব ?

তীরখনাথে দারোগাতে এককাট্টা। দারোগা এখনি যদি আর্জি দেয়, তবে কিছু খয়রাতি মিলে। তাহলে তীরখনাথ বেঠবেগারীর খতে ই গ্রামটা বাঁধতে পারে না। ওর এখন মোঁসুমে ছশো। কিষাণ দরকার। বেঠবেগারীতে কিষাণ মিললে কাজটা নিখরচায় উঠবে। আমি জানি আমার পরদাদা ওর পরদাদার কাছে সাত পাই ভূট্টা নেয় টিপ দিয়ে। আজও সে কারণে বেঠবেগারী দেই।

এই জগু আর্জি দিবে না।

এখন আষাঢ়। জল নাই। কিন্তুক পলাস, ডাহার, কোমাণ্ডিতে জল হয়েছে। হেধাও হতে পারে। তখন কে টিপ দিবে ?

চল, বাই।

যা।

“যা” কেন, চল। সবাই যেতে হবে।

তীরখনাথের কানেও খবর গেল। সে মনে মনে গুমরে রইল। স্টেশন এখানে একটা বেড়াবার জায়গা, তা ছাড়া এই নির্বাসিত অঞ্চলে, স্টেশনে গেলে বাইরের দুনিয়ার খবর মেলে। স্টেশনে বসে ও স্টেশনমাস্টারকে বলল, এই চোন্টি মুণ্ডা খুব শয়তানী জুড়েছে। ওর বাবা আর আমার বাবার মধ্যে কি যে হল, ওর রাগ পড়ে নাই।

কেন? চোন্টি তো খুব শাস্ত ছিলে।

এই খরা, মানুষকে ধান-গম দেব বলে বসে আছি। না নিজে নেবে, না কারুকে নিতে দিবে। আর ওর সঙ্গে জুটেছে যত ছোট-জাতগুলো। কি? না আমি খত লেখাব, বেঠবেগারী নেব। আদিবাসী ওর অছুত সে বেঠবেগারী লেনা তো মেরা ধরম হ্যায়।

তীরখনাথের, এক ধোবি প্রণয়িনী আছে। প্রণয়কাণ্ডটির কুটনিগিরি করেছে মোতিয়া ধোবিন। মোতিয়া স্টেশনে এসেছিল ওর বোনপোর খোঁজে। মোতিয়া ঘরমুখো তীরখনাথকে বলল, তোমার বাপ চোন্টির বাপকে “মহাজন” বলেছিল, তা থেকে এত কাণ্ড ঘটল। তারপর তুমি চোন্টির নামে বললে “শয়তানী জুড়েছে?”

কখন বললাম।

আরে বাপ! এই বলে এলে, “না” বলছ মহারাজ! না কি এও তোমার ধরম? কাকে খেপাচ্ছে চোন্টি?

গমগম করতে করতে মোতিয়া চলে গেল চোন্টির কাছে। সব কথা খুলে বলে বলল, দে বাবা ওকে একটা তীর মেরে। ল্যাঠা চুকে যাক।

চোন্টি বলল, সবে যাব তোহ্মি। সাহেবেরে বলব। তোদেরও যেতে হবে।

গোরমেন মেরে দিবে না ত?

না না। গোরমেনের কাছে গেছি আমি? আমি জানি?

তোর কাছে গোরমেন এসেছিল না?

পহানও বলল, তাই চল।—চোটি বুঝল, পহান থাক। সঙ্গেও তার ওপর চলে আসছে চোটির মুণ্ডা সমাজের নেতৃত্বের ভার। আর তীরের ব্যাপারে ওর মজ্জসিদ্ধতার কথা সবাই বিশ্বাস করছে বলে আপদে-বিপদে হুসাদ-গঞ্জ-চামার-ধোবিরাও ওকে প্রয়োজনে মেনে চলবে। খুবই গণ্ডগোলের ব্যাপার।

১৯২৪ সালের জুন মাসে চোটি থেকে যে দলটি ত্রাহরিতে যায় পাঁচ মাইল বন ঠেঙিয়ে, তেমন দল কখনো এমন উদ্দেশ্যে যায়নি এর আগে। ক্যাম্প ফেলেছিলেন জমি-জরিপ অফিসার। সেই সঙ্গে ও অঞ্চলে ত্রুভিক্স আছে কি না, তা দেখার দায়িত্বও তাঁর ছিল। সে থবর চোটির দারোগার কাছ থেকে আসাই স্বাভাবিক ছিল। দারোগাই গ্রামাঞ্চলে, সরকারের প্রতিনিধি। সরকারের জঙ্গালমহালী অঞ্চল চোটি। নইলে তো রাজা ও জমিদারদের এলাকা সব। দারোগা নয়, এরা কারা? অফিসারটি বাঙালী। এ অঞ্চলে কর্মক্ষেত্র বলে মুণ্ডারী, ওঁরাও, আঞ্চলিক হিন্দী জানেন। তিন পুরুষে রাঁচির বাসিন্দা।

দারোগা বলল, এ কি? মুণ্ডা, গঞ্জ, হুসাদ সব এক সাধ?

আজি আছে।

কি আজি?

হরাস্ত থরা, কাক মরে ঘুরে পড়ে। কারো ঘরে গম নাই, ভুট্টা নাই, চাল নাই, ধান নাই। উপাসে মরি।

আজিটা কি?

ওখানে দারোগারে বললাম, জানায়ে দাও আকাল হয়েছে। সে জানাবে না।

তুমি কে?—অফিসার বললেন।

চোটি মুণ্ডা।

চোটিই তো! তোরে চিনি নাই।—দারোগা বলল।

দারোগা জানাবে না কেন?—অফিসার উত্তরটি জানতেন। এই অভিজ্ঞতাই তাঁর জানা। আঞ্চলিক জমিদার বা জোতদার ও দারোগা পরস্পরের স্বার্থ দেখে।

চোন্টি সকলের দিকে চাইল। তারপর বলল, আমিই বলি।

সব কথা খুলে বলল ও। তারপর বলল, তীরখনাথ বলেছে, আমি সব্বারে লয়ে জোট বাঁধি। হাঁ, জোট বেঁধে গিছে। খিদার জ্বালায়। খেপাই নাই কারুকে।

অফিসার বললেন, সরকার তো এখানে কোনো সেন্টার খুলবে বলে মনে হয় না।

কেন ?

ছগন দুসাদ কিছুদিন কয়লাখনিতে কাজ করেছে। হিন্দী লিখতে পড়তে জানে। সে বলল, আমরা তো ছজুর মরে যাব না খেয়ে।

ধর যদি খয়রাতি আসে, তাতেও তো সময় লাগবে।

এই দারোগার সঙ্গে তীরখনাথের কোনো স্বার্থের সম্পর্ক নেই। সে বলল, তোরা সবাই যদি তীরখনাথ লালার ক্ষেত্রে খাটিস তো সে দিক ?

বেঠবেগারীর খতে ছাপ নিবে।

মাহুমগুলির শীর্ণ ও দীন চেহারা দেখে অফিসার বললেন, দেখি।

প্রশাসনকে আগ্রহী করতে পারেন নি তিনি। তবে জৈন মিশন ও সরতোলির ব্যাপটিস্ট মিশনকে খবর দেন। উক্ত মিশন দুটি চোন্টিতে এসে লজরখানা খোলে ও মাসখানেক চালায় খাতবিতরণের কাজ। তারপর হঠাৎ বৃষ্টি নামে। এই মিশন দুটির সহায়তার কৃতিত্বও চোন্টির ওপর বর্তায়। পহান সগর্বে বলে বেড়ায়, চোন্টির সঙ্গে গোরমেনের পরিচয়। সেই কারণেই এই সাহায্য মিলল।

খুবই জোতক ঘটনা ঘটে অফিসার চলে যাওয়া ও মিশন দুটি আসার মধ্যবর্তী দশ দিনে। বনেও কন্দ মূল ছিল না। গাছের বাকল খেয়ে সনার পিসি পেট কামড়ে বমি করে মরে যায়। তখন চোন্টির তীরখনাথকে চেপে ধরেছিল।

বেঠবেগারীর খতে ছাপ দিব না।

খোরাকী কর্ত্ত দাও।

যারে যা দিবে মজুরী হতে কাটবে।

তারখ বলেছিল, মারবি না কি ? তা আমার উপর চোট কেন ? খয়রাতি দিবে তো গোরমেন। আমি গোরমেন ? টিশনের বার গোরমেনের লোক। তার কাছে যা। আমি খরা আনছি ?

মারতে যদি পারতাম মহারাজ ! মারতে ইচ্ছা যায়। ই ধনুকটো আমার হাতে লড়েচড়ে। তীরটো বলে লো চাই।

মারলে তু কঁাস য়াৰি চোঁটি।

তুমি তো কিরবে না।

এ সময়ে চিলের মত চাঁচিয়ে তীরখের মা ছেলেকে ডাকেন। বলেন, তোর বাপ এ জংলা দেশে জোত করে চোঁটির বাপের পরে চোট উঠায়ে নিজেও মরল। তুইও মরতে চাস ? আমার ভাইয়া এমন সময়ে ধরমছন্তর খুলে দেয়। আমরা জৈন্। দিলে তোর কম পড়বে ? দে ওদের খোয়াকি। মন্তর পড়ে তীর ভেজে দিলে তুই পাঁচবি ? ডর লাগে না তোর ?

বউ বলে, জংলা জাতের রাগ ! জেহেলে-কঁাসে ওদের ডর আছে ? কারোকে রাগের বশে কাটলে ও জাত থানায় চলে যায় লাশ কাঁধে লয়ে। বলে, মেরেছি রাগের বশে। তা বাদে জেহেল—কঁাস যায়। যখন ধোবিন্ ঘর হতে আসে, দিবে তীর মেরে।

হ্যাঁ, তীর মারলে হল।

কে বাঁচাবে ? দারোগা ?

মা বলে, আরে গাধা, তুই মরলে তুই তো গেলি। তা বাদে যার জেহেল, যার কঁাস হোক, তাতে তোর জাহান্টা কিরবে ?

এ সকল কথার সত্যতা বিষয়ে গোমস্তাও দোহার দেয় ও বলে, নয় আমাকে ছুটি দিন। সেই লাতেহারে জমিদার খাজনা বাড়াতে গোমস্তায়ে তীর মেরে দিয়াছে। আমি ও জংলী জাতয়ে ডরাই।

তীরখনাথের মনে হয়, এ তার পরাজয়। যত জমিদার-মহাজন-জোতদার এ সময়ে টিপছাপ নিয়ে বেঠবেগারী কার্যেয় করে নিচ্ছে। বিয়স বদনে সে বলে, গত সনের ভূট্টা দাও গে ওদের। তাতে পোককাটা, বেচতে পারি নাই।

গোমস্তা বলে, আড়াই সের দিলে দশ সের লিখব। ভাবেন কেন ?

এ সময়ে ছগন ছসাদের লিখাই-পড়াই কাজে লাগে। সে মহোৎসাহে বলে, বেঠবেগারী দিলাম না, থোরাক নিব, এ যে গল্পকথা হয়ে গেল ? আমি লিখে লই। নয়তো গোমস্তা হারামি করবে। ও শালা বাঘের ঘাড়ে এঁটুলি।

তীরথনাথ সমগ্র ঘটনাটি দারোগাকে বলে। দারোগা তিন মাস বাদে ছুটিতে রামগড় গিয়ে থানায় গল্প করে আসে। রামগড় থেকে রাঁচি চলে যায় খবরটি। সে ভাঙ্গান রাঁচিতে পৌঁছায়, তা এই রকম :—চোটি মুণ্ডা অস্ত্রাস্ত্র স-ধনুক মুণ্ডা ও স-বলোয়া অস্ত্রাজদের এক বিশাল দল বেঁধে স্থানীয় জোতদার তীরথনাথকে ভয় দেখিয়ে চাবি কেড়ে নিয়ে তার গোলা লুঠ করেছে।

যেহেতু কোনো খবর পুলিশী চেইনে আসেনি, সে হেতু সংবাদেয় প্রথম প্রাপক খবরটিকে আমল দেন না মোটে। সন্ধ্যায় যায় ক্লাবে। সেখানে কথায় বার্তায় ক্রমে নিমেষের জন্তে খরার কথা ওঠে এবং একজন সহাস্ত্রে বলেন, রাঁচি-পালার্মো-চাইবাসা বেল্টটা খুব ভাল। ক্ষুধার্ত জনতাও শস্ত্র লুট করে না। নট সো ইন্.....

তার কথা শেষ হতে পায় না। জনৈক প্রাক্-রিটার্ডার সেনাবিভাগীয় ডাক্তার বলেন, শাস্তিপূর্ণ ? তুমি কি জানো, বাইশ বছর আগে এই ক্লাবঘরে বসে আমরা, ইংরেজরা, বীরসা মুণ্ডার ভয়ে কেঁপেছি। পরে অবশ্য তাকে হারানো গেছে। কিন্তু ওদের পীস্ফুল বোল না। টুইলা বাজাচ্ছে, আখারায় নাচছে, তারপরই গিয়ে ভীৰ ছুঁড়ছে। অত্যন্ত গোলমালে জাত।

ছোটলাটের সেক্রেটারি শুকনো হেসে কর্তৃত্বের গলায় বললেন, ভুলে যাওয়া ঠিক হবে না, সেদিনই সাউথ ইণ্ডিয়ায় ট্রাইবাল আপরাইজিং-এর নেতা আল্লুরি রাজুকে মারা হয়েছে। আদিবাসী বেল্টে কোনো অশান্তি ঘটলে সেটা খুব সিরিয়াসলি নেওয়া উচিত।

কে এই রাজু ?

বিশাখাপত্তনম্ এজেন্সির পার্বত্য আদিবাসীদের নেতা।

মারা হয়েছে মানে ?

শট ভেঙে । কঁাসি হয়নি ।

অহিংস সংগ্রাম, সহিংস সংগ্রাম.....

চোটির সংবাদের প্রথম প্রাপক মনে মনে অত্যন্ত অস্থিতি বোধ করেন । পরদিন অল্পমতি নিয়ে দেখা করেন ছোটলাটের সেক্রেটারির সঙ্গে বাড়িতে । দেখা করে কপালের ঘাম মুছে ঘটনাটি বিষয়ে যা জেনেছেন, বলে যান । শুনে সেক্রেটারির ভাই বলেন, এ রকম একটা খবর, তার কোনো রিপোর্ট নেই ?

না সার ।

তুমি কোথেকে জানলে ?

ভায়া রামগড় ।

আবার মুণ্ডা ইনসারেকশান না কি ? না না, বলছ যে অল্প গ্রাম-বাসীরাও সঙ্গে ছিল । খুব গোলমেলে লাগছে । খুবই গোলমেলে ।

আমি কিছু করতে পারি সার ?

যে বলে, সে ছোকরা সাহেব । “আমি কিছু করতে পারি” বলার সঙ্গে সঙ্গে তার মনশক্ষে ভেসে যায় চলন্ত ছবির মিছিল । মুণ্ডা অভ্যুত্থান ঘটছে । সে গিয়ে খামাচ্ছে । প্রোমোশন । প্রশংসা । তার উৎসাহে জল ঢেলে সেক্রেটারি তেতো ও রুক্ষ গলায় বলেন, কি করবে, শুনি ? থানার গল্প শুনে কোর্স যাবে ? না না । মুণ্ডাদের বিষয়ে সব কথাই হল অত্যন্ত বিপজ্জনক । সাবধানে ম্যানেজ করতে হবে । মহাজন-জোতদারের ব্যাপার তো জানি । অত্যন্ত বজ্জাত । ওরা অবিরত শোষণ না চালালে পীসফুল ট্রাইবাল ভিলেজেস্ দেখা যেত । অত্যন্ত সতর্কতায় এবং সাবধানে দেখতে হবে কি ব্যাপার । যদি দেখি তেমন কিছু নয়, তাহলে ঘাঁটাতে গেলে হয়তো সত্যিই ঝামেলা বাধবে । তখন কে ঠেলা সামলাবে ? তুমি যাও । আমি দেখছি । কি নাম বললে ?

কার ?

মুণ্ডার ?

চোন্টি গ্রামের চোন্টি মুণ্ডা। চোন্টি নদীর ওপরে গ্রাম। নদীর
চরে চমৎকার পাখি শিকার চলে, অঙ্গলে বাঘ আর হাতিও আছে।

বুঝেছি। যাও।

অকিসারটি চলে যায়। এখন আরেকটি চেয়ার থেকে মেলে রাখা
কাগজ সরে যায়। অলস কণ্ঠে চোন্টির পূর্বপরিচিত পাগলা সাহেব
বলে, কি নাম বললে ?

চোন্টি গ্রামের চোন্টি মুণ্ডা।

কি করেছে সে ?

শুনলে না ?

শুনলাম। রাবিশ।

তুমি কি জান যে বলছ ?

গ্রামটা জানি, লোকটাকে চিনি। চমৎকার ইয়ং ম্যান। তীর
ছুঁড়তে ওস্তাদ। আশপাশের যত মেলায় তীরখেলা হয়, সব তাতে
জেতে।

মোটাই ভাল খবর নয়।

কেন ?

তীরে অত দক্ষ হলে মুণ্ডারা ওকে লীডার বানাবে।

আমার ইন্টারেস্ট আছে চোন্টির ব্যাপারে। কি হয়েছে আগে
জানো।

জানছি।

আমাকে বোল।

সত্যি হিউ, তোমার যা সব কাণ্ড !

কেন ?

তোমার পেছন পেছন নাস্টি সব ঘটনা ঘোরে।

কি করলাম ?

জেলুডের হাটে ছবি আঁকতে গেলে, ধানী মুণ্ডার ইনসিডেন্ট।
-চোন্টিতে গিয়ে যার সঙ্গে দোস্তি করলে, সে ব্যাটা রেবেল।
আগে জেনে নাও। তবে দ্যাট ক্যাট লাদা, তাকে আমি দেখেছি।

ব্যাটা শয়তানের হাড়। ওর শিক্ষা হওয়াই উচিত। জানো ?
চোষ্টি গ্রামের অর্ধেক লোক ওর বন্ডেড লেবার ?

তুমি-আমি কি করব ?

বন্ডেড লেবার !

দিস্ ইজ ই ওর ব্রাডি গ্লোরিয়াস ইনডিয়া ।

চোষ্টির ছবি দেখবে ?

দেখি ? বাঃ ! দেখতে ভাল তো ?

শাস্ত, ভালমানুষ লোক ।

ও কথা বোল না। ছোট এক্সপ্লোইনস নাথিং। আমার টাইমের অনেক আগেকার ঘটনা, কিন্তু যারা দেখেছে তারা বলে, বীরসা হ্যাড দ্য স্বেইটেস্ট স্মাইল ।

তোমরা ভূতের ভয় পাচ্ছ। বীরসা ! আমি তো ঘুরে ঘুরে দেখতাম। মুগুরা অত্যন্ত শান্তিপ্রিয়, হাসিখুশি মানুষ।

আমার কাজ আমাকে করতে দাও।

ভাগ্যক্রমে রামগড়ে তোহুরির দারোগাকে পাওয়া যায়। সরকারী তলব পেয়ে বলির পাঁঠার মত কাঁপতে কাঁপতে সে আসে। চোখ মুছে বলে যায় সমগ্র ঘটনাটি। সেক্রেটারি জানতে পারেন, ছুঁড়িকের কথা ঘোষণা করা হল, এ কথা বলতেও চোষ্টি গিয়েছিল।

কেন ? তুমি কেন রিপোর্ট করনি ?

গলত্ হয়ে গেল ছজুর।

বার্ট চোষ্টি ওরাজ কেমিন এরিয়া। কার রিপোর্ট ?

অতঃপর জমি-জরিপ অফিসারও আসেন। তিনি তাঁর বিবরণী বলেন। ছুঁড়িক হয়েছিল, এবং তীরখনাথ বেঠবেগারীর পাটায় টিপ নেবে, সেই সময় দেওয়ার সঙ্গে দারোগা রিপোর্ট করেনি শুনে সেক্রেটারি খেপে যান। দারোগার আর তোহুরি করা হয় না। স্ব-আচরণের কৈফিয়ত দেবার সঙ্গে তাকে ছকুম দেওয়া হয়। তাকে বদলী করা হয় ডিমোশান করে। সেক্রেটারি পুলিশ কমিশনারকে বলেন, ও তোমার দপ্তরের লোক। ওকে বুঝিয়ে দাও, ছোডদারের

স্বার্থদেখতে গিয়ে ট্রাইবাল ও নিম্নবর্ণের লোকদের বিরুদ্ধে ঘটালে ওকে বাকি জীবন জেলে কাটাতে হবে। বোকা বজ্জাং একটা।

নতুন দারোগা তোহ্রি গিয়ে রিপোর্ট দেয়। সব শাস্তিপূর্ণ। কোন হাঙ্গামা নেই। ভীষনাথের তরফ থেকেও কোনো অভিযোগ নেই।

এখন হিউ তার দাদাকে বলে, আরে আমিই তো বলেছিলাম ক্যাম্পিং অফিসারকে তোমাদের অভিযোগ সরাসরি জানাও।

সেক্রেটারি এখন ভাইকে বিলেতে ফেরত পাঠান। তাঁরই ভাই মুণ্ডাদের এ কথা বলেছে, এ কথা খোঁচাখুঁচিতে বেরিয়ে পড়বেই। মুণ্ডারা খুন করলেও সদর্পে স্বীকার করে। একসাহেব এ কথা বলেছে। সাহেব মানেই গভর্নমেন্ট, সে কথা তারা হেঁকে বলবে। হিউকে তিনি ছোটলাটের কাছে ব্যাখ্যা করবেন কি করে? ধানী মুণ্ডা, চোটি মুণ্ডা, প্রত্যেকটা গোলমালে লোকের ছবি এঁকে বসে আছে তাঁর ভাই! ভাইকে বলেন, বিলেতে গিয়ে তোমার হতভাগা বই ছাপাও গে। তাতে আর ও ছবি ছুটো দিও না।

উত্তরে হিউ হাসে এবং যথারীতি, “দি স্লুট অ্যান্ড্ দি অ্যারো” বেরোবার পর তাতে ছুটি ছবিই দেখা যায়। এ নিয়ে আর কোনো হইচই করার অবকাশ মেলে না, কেননা মুণ্ডাওয়ার আদিবাসীদের ছবি আঁকতে গিয়ে ক্রুক গ্রামবাসীর বর্ষায় বিঁধে মরে গিয়ে হিউ ঈশ্বরের ইচ্ছা পূর্ণ করে, ভাইকে স্বস্তি দেয়।

সব প্রশ্নের কয়সালা হবার পরও সেক্রেটারির মাথায় ঘুরতে থাকে, চোটি ভাল শিকারের জায়গা। চোটি মুণ্ডা ভীষন্দাজ জাতের মধ্যেও অত্যন্ত খ্যাত এক ভীষন্দাজ। মেলায় মেলায় সে ভীষের প্রতিযোগিতায় জেতে। কলে তার নামে বহু গল্পগাছা। এহেন লোক যে কোনো কারণে উসকানি পেলে রেবেল হতে পারে। নব-মুণ্ডাদের ওপরেও তার প্রভাব আছে। কার্যকারণ ব্যাধি হোক, এ হেন লোক জেলে থাকাই প্রশস্ত। কিন্তু মুণ্ডারা খুবই বেগুড়বেঁধে জাত। হিঁচকে চুপিয়ে করে না।

মেলাতে মেলাতে ভীষ হোঁড়ার এ প্রতিযোগিতাই বা কেন ? এ প্রশ্নের উত্তরে তিনি গেজেটিয়ার খুলে দেখতে পান, এই প্রতিযোগিতার ঐতিহ্য সুপ্রাচীন। আদিবাসী উৎসবের অঙ্গ। রাজা-জমিদারদের মদতত্ত্ব। তিনি ঘানঅফিসিয়ালি সরকারী ইচ্ছা জানিয়ে দেন, এখন থেকে ছুভিক্ষের খবর প্রচার চ্যানেলে এলে তবেই গ্রাহ্য হবে। তাতে জোতদার-মহাজনরা ক্ষুব্ধ হবে না। প্রচার চ্যানেলকে এ কথাও জানিয়ে দেন। আকাল হলে পরে জোতদার-মহাজনকে মানুষের প্রতি সদয় হতে হবে। হাজার হলেও তারা এখন হাজার রকম প্রোটেকশান পাচ্ছে। পরিবর্তে দু-তিন বছর বাদে বাদে একটু মানবিক আচরণ প্রত্যাশা করা কি খুব অসুচিত ? একটু হৃদ-পরিবর্তন কামনা কি বড় বেশি চাওয়া ? হৃদ-পরিবর্তন ঘটে দানধ্যান করলে তা নজর এড়িয়ে যায় না সরকারের। দানধ্যানে খেতাব মেলে।

ফিল্টার-সিস্টেমে এ সংবাদ চুঁয়ে চুঁয়ে অকুস্থলে পৌঁছয় একদা। তখন সহসা এক অত্যন্তুত আর্জি এসে পৌঁছয় সদরে।

“গরিবের মা বাপ সদাশয় জগজ্জননী গোরমেন্ লাটসাহেব সমীপে নিবেদন করা হইতেছে। এই অধম ভীষনাথ লাল—মোজার—তহশীলের চোটি গ্রামের আদি বাসিন্দা। গত ১৯২৪ সালে জুন মাসে যখন আকাল হয়, ১১৭ জন গ্রামবাসীকে ভীষনাথ প্রত্যহ খাদ্য দানে বাঁচায়, অতঃপর মিশন মেমরা আসেন। ভীষনাথ না থাকিলে গ্রামবাসিরা মরিয়া যাইত। অধমের কথা কেহ বলিবার নাই বলিয়া এই সেবাকার্য অলক্ষিত ও উপেক্ষিত থাকিয়া গিয়াছে। এখন উপযুক্ত খেতাব দানে অধমকে ধন্য করিলে তাহা যথেষ্ট পুরস্কার হইবে। ইহাও নিবেদন, ছোট লাটবাহাদুরের ছুভিক্ষ ত্রাণ ভাণ্ডারে অধম একশত এক টাকা দিয়েছে। ইত্যাদি ইত্যাদি……।”

আর্জিটি সরকার সন্তোষে দেখেন। হৃদ-পরিবর্তনের আশ্বাস্যমান কেস। “রায়ালাহেব” খেতাব দেওয়া হয়।

অতঃপর, এক গুরুপক্ষে, আর কোন কারণে নয়, শিকার বাসনার

সেক্রেটারি চোটি পানে রওনা হল। পথে তোহুরিতে ক্যাম্প কেলা কালে, স্থানীয় জমিদারের অজুয়োধে বান মেলায়। আদিবাসীদের তীরখেলা দেখতে। শীর্ণ অধচ ঋতু ও সতেজ এক মুণ্ডা তীরন্দাজকে দেখে তাঁর চেনা চেনা লাগে। সকলে তার প্রতি কি রকম সসজ্জমে চাইছে, তাও তিনি দেখেন। যুবকটি অবিখ্যাত দক্ষতার সে লক্ষ্য বেঁধে তা দেখে তিনি চমকে যান। সুউচ্চ কাঠের খোঁটা মাটিতে পোঁতা। খোঁটার গায়ে চোখ আঁকা। খোঁটার মাথায় একটি কাঠের থালা বদানো। থালার কিনারায় ফুটো। ফুটো থেকে নেমেছে রঙিন দড়ির ঝালর। দড়ির ডগায় কাগজের পাখি। নিচ থেকে পুলি টেনে থালাটি ঘোরানো হল। বোঁ বোঁ করে ঘুরছে দড়িতে বাঁধা পাখিগুলি। তার ফাঁক দিয়ে কাঠের গায়ে আঁকা চোখটি বিদ্ধ করা হল।

ও কে ?

জমিদার হাত কচলে জানালেন, চোটি গ্রামের চোটি মুণ্ডা হজুর। ও তীরের মজ্ঞ জানে। আজ কতবছর হল, প্রথম হচ্ছে। দেখলেন তো, অস্ত্রা পারল না।

পুরস্কারটা চোটি সেক্রেটারির হাত থেকেই নিল।

ওরা কে ? আনন্দে চোঁচাচ্ছে, বাজনা বাজাচ্ছে ?

গ্রামের লোক ওর।

সবাই মুণ্ডা ?

না না, আর আর ছোট জাতও আছে।

অতঃপর সেক্রেটারি চোটি নদীর পাশে এক দিনের ক্যাম্প করেছিল। সাহেবের দেখভালের সব ব্যবস্থাই তীরখনাধ করেছিল। সেক্রেটারির ভলবে চোটি সভয়ে এল। সেক্রেটারি বললেন, দেখি, জ্যোৎস্না রাতে উড়াল হাঁস মারতে পার কি না ?

পারি মালিক।

জ্যোৎস্না বখন করে হেমন্তের চাঁদ থেকে, তার আলোর মিলে বার হাঁসের ডানা। বাঘাবর হাঁস এরা, নদীর চরে এসে পড়ে এ সময়।

শীত ফুরালে চলে যায় কোথায় কে জানে। চোটি ধুক তুলে স্থির লক্ষ্যে হাঁস মারল। সেক্রেটারি বন্দুকে মারলেন হাঁস। পরদিন বাবার সময়ে বলে গেলেন পহানকে, ভীষ খেল, পাখি মার, কিন্তু তোমার লোকজন যেন কোন গোলমাল না বাধায়।

পহান ও চোটির মাথা নিচু করে রইল।

সত্যিই তোমার ভীষের হাত ভাল।

চোটির দিকে কথাটা ছুঁড়ে দিয়ে সেক্রেটারি উঠে বসলেন স্পেশাল সলুন কারে। তাঁর জগে বিশেষ ট্রেন এসেছিল।

এরপর ভীষনাথের খেতাব আসে। ভীষনাথ চোটির বিষয়ে সপ্রশ্নে বলল, মা! তখন যদি চোটি না আসে, আমি খয়রাতি করি না। করলাম বলে খেতাবটা এল।

বলেছিলাম, ও মস্তর জানে।

চোটির জীবনে আরেক কিংবদন্তী এটি। এরপর ওর কাছে এসেছিল কুরমি গ্রামের তিন মুণ্ডা যুবক। বছর ছয়েক বাদে।

পাঁচ

এই ছয় বছরে চোটির জীবনে উল্লেখযোগ্য কোনো ঘটনা ঘটেনি। মুণ্ডাদের জীবনে ঘটে না। একেবারে মুণ্ডারী গ্রামে, দুঃখ-দারিদ্র্যের মাঝে-মাঝে “করম” বা “সোহরাই” বা “হোন্নি” জাতীয় আধা হিন্দু উৎসব বা হরমদেওয়ার পূজা উপলক্ষে কিছু বৈচিত্র্য আসে। পাঁচমিশেলী গ্রামের মুণ্ডা টোলিতে সে উৎসবগুলিও যেন তেমন করে মনে জলুস জাগায় না। বরঞ্চ শিকার উৎসবের দিনে ওদের উৎসাহ দেখা যায়। আগে শিকার-উৎসব ছিল শুধুই আদিবাসীদের। এখন অগ্ন্যস্ত্র জাতিরাও এতে অংশ নেয়। শিকার উৎসব, আঞ্চলিক মেলা, এই যা আনন্দ।

আর কিছু না ঘটে মুণ্ডারী জীবনে। চোটির মত মুণ্ডার জীবনে। ভীষনাথের খেত চষা, নিজেদের জমিটুকু চষা, তাইকে নিয়ে এই সব চোটি-৫

কাজ। সকল মুণ্ডা মেয়েদের মত ওর এবং কোয়েলের বউও খুব খাটিয়ে পিটিয়ে। চোন্টির বউ খুব প্রভুত্বপন্নায়ণও বটে। কোয়েলের বউ শান্ত মেয়ে না হলে মুশকিল হত। এ বাড়ির বড় বউ গাই ও ছাগল চরায়। ছাগলছানা টিশনে বা জঙ্গল ঠিকাদারকে বেচে দিয়ে যা পায়, তা টিনের কৌটোয় ভরে উন্নন পাড়ে পুঁতে রাখে। উন্ননের কাছাকাছি টাকা পুঁতলে তা চুরি যাবে না কিছুতে। কসল উঠলে হাট থেকে ও চাল বা গম বা ভুট্টা কিনে আনে। ছোট বউ রাঁধে, ঘরের অন্যান্য কাজ করে।

সবই প্রাচীন ছন্দে চলেছে, যেমন চলে থাকে। বাইরে থেকে দেখলে মনেও হবে না কোথাও কোনো অশান্তি আছে। কিন্তু স্টেশনের গায়ে বাস করলে কখনো কখনো বাইরে থেকে খবরাখবর এসে পড়ে। সব সময়ে হয়তো ট্রেন দাঁড়ায় না। কিন্তু যে ট্রেন চলে যায়, তাও বা দেখতে কত ভাল লাগে। ট্রেন মানে আধুনিকতা শক্তি, যন্ত্র। এর সঙ্গে প্ল্যাটফর্মে দাঁড়ানো গরিব মানুষগুলির কোনো যোগ নেই। তবুও দাঁড়িয়ে দেখতে ভাল লাগে। দেখে দেখে আশার ঘরে ফেরা।

১৯৩০ সালে দেখা গেল এ নতুন দৃশ্য। গাড়ির কোনো কোনো কামরায় পুলিশ। যাত্রীদের মাথায় সাদা টুপি। তারা চাঁচিয়ে কি বলে বোকা যায় না।

সনা মুণ্ডা খবর জেনে এসে বলল, দিকুগুলা গান্ধী রাজার চেলা বটে।

চোন্টি বলল, গান্ধী রাজা? সে কে?

আমি জানি? সব বলে খুব বড় রাজা।

চেলা এরা?

হ্যাঁ রে। সাহেবদের ভাড়াবে বলে বলোয়া উঠাতেছে। তাতেই দিকে দিকে জেহেলে লয়ে যায় এরাদের।

তাই। তা এত দিকু? দিকুর শেষ নাই?

চোন্টির অজ্ঞতার সনা হাসল। বলল, দিকু অসম্মান।

আমি তো দিকে দিকে যাই। এত দিহু তো দেখি না ?

দিকুরা রয় শহরে। সেখা কত বাড়ি, কত রাস্তা, কত না কি গাড়ি। তারা আসবে ই জংলা দেশে, যে তুই দেখবি ?

নিখাস ফেলে চোড়ি চলে এল। সনা বলল, তিনটা মেলায় গেলি না এবার। কেন রে চোড়ি ? কি হল ?

সময় কোথা ?

এর পরেই ওর কাছে আসে তিনটি মুণ্ডা যুবক। ছুখাই, বিখনা ও সুখা। চোড়ির পায়ের নিচে কালো মুরগি একজোড়া নামিয়ে দিয়ে তারা প্রণাম করে মাটিতে।

এ কি ? তোমরা কে ?

আমরা কুরমি গ্রামের মুণ্ডা।

এগুলো এনেছ কেন ?

কথা আছে।

কি কথা ?

আড়ালে বলব।

ওরা চলে যায় নদীর ধারে। সুখা বলে, তুমি এবার সকল মেলায় যাও নাই। তাতেও সংবাদ নিতে এসাম। আর এক কথা।

কি কথা ?

এ-ওর দিকে চায়। সুখা বলে, তুমি মোরাদেব শিখাও। মোরাদেব জনম হতে হাতে ধনুক লই। কিন্তু তোমার মত নিশানা বিঁধি না। মস্তুর দাও।

তোমরা আমার মস্তুর চাও ?

হাঁ।

মস্তুর, মস্তুর, সব মস্তুর দেখে আমার। এ হাত দেখ হে, কড়া পড়ে গিয়াছে গুণ টেনে টেনে। আজও অভ্যাস করি। তোমরা করবে ?

করব।

হুপহুপ বিনা সময় নাই।

আমাদেরও ।

তাত বাড়লে বিহানে । খুঁধ উঠার আগে ।

তাই আসব ।

কেন শিখতে চাও ?

সুখা নিম্পাপ গুত্র হাসল । বলল, তুমি মোদের চক্ষে রাজা ।
কিন্তুক মোরাদের ত সাধ যায় মেলায় নিশানা বিঁধি ?

তা যায় ।—সুখা এমন তরুণ কেন ? চোটির বয়স যে তিরিশ
হয়ে গেল । তবু মনে আছে প্রথম নিশানা বিঁধবার পর দর্শকদের
জয়োল্লাসে বৃকের নিচে কি আনন্দ । রক্তে গর্জন, আনন্দে হুৎপিণ্ড
ক্ষেটে গিয়েছিল যেন, একসঙ্গে চোটি থেকে তোহুরির আদিগন্ত
প্রান্তরে ফুটে উঠেছিল যেন লাল পলাশ, বৃকের মধ্যে । হ্যাঁ, এদেরও
সে আনন্দে অধিকার আছে । নিশানা বেঁধার পর মেলায় রাজাকে
কিরতে হয় আঁধার ঘরেই, তবু ।

আর, তুমি যখন রবে না, বলতে পারব তোমার কাছে শিক্ষা ।

তোরা রুখাচড়া । নাকাটার রাজার গোমস্তা হাটে তোলা তুলে,
তা লয়ে তার সাথে বিবাদ । আমি তো ছুটায়ে দম নিকুশে দিব ।
তখন ?

তুমি লাধ মার কেন ? মোরা তোমার পা যেখানে, সেখান হতে
ধুলা খাব । দেখ তুমি, ধুলা খাব মোরা ।

চোটির বৃকের নিচে কি যেন ছিঁড়ে গেল । জেজুড় হাট । ধানী
মুণ্ডা বলছে, ধুলা খাই, দেশের ঘরের মাটি খাই ! বুলেট ছুটে
এসেছিল ।

চোখে গভীর বেদনা, অসীম ভালবাসা নিয়ে চোটি বলেছিল, এস
তোমরা । আমি শিখাব । আমার শিক্ষায় তোমরা নিশানা বিঁধ ।

সুখারা আবার প্রণাম করে চলে গেল ।

প্রথম দিনই চোটি মনে মনে কমা চেয়ে নেয় ধানীর কাছে । আন্ধ
পনের-ষোল বৎসর তুমি নাই । তবু তোমার তরে মনটা মোর ছায়া
হে । বাবা মরতে এমন বিধবুদন খুঁজ দেখি নাই । যখন গান গাই

তখন মনে জাগে, তুমি মেঘে চেপে সৈলুকাবে মিলে গিছ। আকাশে তো কত মেঘ। কোন মেঘটা তুমি, তা বুঝি না। তোমার কাছে আমার শিক্ষা, তা এখন আমি জোয়ান নাই। আজ আমার কাছে ভি শিখতে ছেলেরা আসে। তাদেরকে শিখাব, তুমি শিখিয়েছিলে, তুমি আশীর্বাদ কর।

তারপর ও ছেলে তিনটিকে নিয়ে হাঁটতে থাকে নদীর পশ্চিম পাশে, পাহাড়গুলো যেখানে বড় কাছে দেখায়, অথচ কাছে আসে না। বনের আঁচলে আমলকী গাছ। ফলের ভারে গাছগুলি যেন ঝুঁকে পড়েছে।

দাঁড়াও।—ওদের কিসকিস করে বলে চোড়ি। ওরা দাঁড়ায়। নিঃশব্দে দাঁড়িয়ে থাকে ওরা চারজন। একটু দূরে ঘাস নড়ে ওঠে। কিছুক্ষণ বাদে দম ফেলে চোড়ি কপালের ঘাম মোছে।

বাঘ। শুয়েছিল। উঠে গেল।

আমরা তো দেখি নাই।

তবে এখান হতেই শিক্ষা শুরু। জঙ্গলে চলতে জানতে হবে। তুমি বাঘেরে দেখ না। ও তোমারে ঠিক দেখে। ওর লোমে লোমে চোখ, লোমে লোমে কান। ও হতে সাবধানী কেও নাই।

জঙ্গল ও পাহাড়ের মাঝামাঝি জায়গায় কয়েকটি পলাশ গাছ। নিচে পাথর। সেখানে ওদের দাঁড়াতে বলে চোড়ি। নিজে চলে যায় দূরে। পাথরের গায়ে নিশানা আঁকে শত্রু চূনের ডেলা দিয়ে। ফিরে আসে ও বলে, উঠাও ধনুক। আর কিছু নাই। শুধু ওই নিশানা আছে। নিশানা বিঁধার মস্তুর এই। চোখ তৈরি কর।

চলতে থাকে শেখানো। সুখা ও বিখ্না হাসিখুশি। স্বগ্রামে আখারায় নাচ-গানে খুব উৎসাহী সভ্য। ছুথিয়াকে দেখে যেন কেমন ছুর্বোধ লাগে চোড়ির। একাগ্রতা ও দক্ষতা ওই বেশি। কিন্তু একেবারে কথা বলে না। সর্বদা যেন গুমরে থাকে।

তুই এমন গিমাগিজা কেন, ছুথিয়া ?

ওর কাছ হতে হলুদ নিল, চুড়ি নিল করমি। কিন্তুক আয়াকি করল কনুয়ে।

হুথিয়া বলল, থুঃ! করমির নামে থুঃ!

কেন?

হুথিয়া নাকাটার রাজার গোমস্তার বেঠবেগার। আমরাও। কিন্তু ওর কিছু নাই। জমি-জেরাত, সব টিপছাপে বান্ধা।

শোধ হবে কবে?

হুথিয়া শুকনো গলায় বলল, বেঠবেগারী উয়ার খাতায় শোধ হয় না। আমার বাপের বাপ কর্জ করে বংশটারে বেঁধে রেখে গিছে।

কি নিয়াছিল?

দশ পাই ধান।

দশ পাই ধান।

হাঁ।

কয়েকদিন বাদে হুথিয়া নিজে থেকেই চোঁটিকে বলল, ঘরের সাথে এত টুকা জমি। তাতে মরিচ, রসুন, পিঁয়াজ করি। উ গোমস্তাটা!

কি করে?

হুথিয়া শুকনো ও আর্ত কঠে বলল, বেঠবেগারী বাপ দাদা দিয়াছে, আমিও দিব। দিই না কি বেগারী? দিই। কিন্তুক ও মোয়ে বলে কামচোর! হারামি! শু থুয়াটা! কেন বলে? বেঠবেগারী একোরকমে দিই? সে রাজার কাছারি যায়। আমরা পালকি বহে দিব। সেখা দিন যাবে। সাঁঝে লয়ে ফিরব। ত্যাভখন আমরা তুখা শুকা বসে রব। কোনো দিন একটু গুড়-জলও দেয় না। বলে, তোরা তো উপাসেই থাকিস। না খেয়ে রলে মুণ্ডার কষ্ট হয়?

না, মুণ্ডা তো মাহুয নয়।

হাটে ওই আবাদী কল কেচব, বেচে ধান নিব। তা হতেও তোলা নিবে। কুরমির হাটের তোলা-তুলার মামলা পুরানা। এ কারণে ওঁরাওরা একে একে গ্রামছাড়া হবে। আমার কেমন মনে লয়, পলায়ে যাই।

কোথা যাবি ?

সেই তো কথা !—হুথিয়া গুহ হাহাকারে বলল, যাব কোথা ? কোথাও যাবার ঠাই নাই । কিন্তুক মনে এমন লয় যে কোনদিন কি করে বদি ! গোমস্তা যখন গাল পাড়ে, মনে মনে দোইখোই করি, যে গাল দিও না । গাল দিলে মুণ্ডার রক্ত খেপে যায়, মন চেতে উঠে ।

হুথিয়াকে দেখে বিস্ময়, তাঁর বাবার কথাই মনে পড়ল চোঁটীর । সে ধমক দিয়ে বলল, কি করে বসবি ? উ কথা ভাবিস না ।

ভাবতে চাই না, মনে উঠে ।

আবার কিছুদিন গেল । সুখা ও বিখনা বয়সে তরুণ হলেও সাংসারিক জ্ঞানে জ্ঞানী । ওরা হুথিয়াকে বলল, গোমস্তাটা জ্বর হারামি তা মানলাম । কিন্তুক হাতে তোলা-তুলা লয়ে মোরাও বলে এসেছি কাছারিতে, মোদেরও রাগ আছে ।

হুথিয়া মাথা ঝেঁকে বলল, ভাল জিনিসটায় খাবল মারে ।

হেই মেলায় যাবি, ভীষ খেলবি, নিশানা বিঁধবি, হোক ছোট মেলা, কোন না হু-চার টাকা পাবি ?

টাকা নিব না, ধান নিব, ও কেড়ে নিবে টাকা ।

এ কথা সত্য যে তোরে বেশি গাল দেয় ।

হাঁ । দেয় । কেন দেয় ? কেন দেয় গাল ? তোরাাদের পিছে দাঁড়াতে বাপ-ভাই আছে । মোর কেউ নাই । তাতে গাল দেয় ।

এখন তু মোরাাদের গাল দিলি !

কিসে ?

তোয় কেউ নাই ? মোরা নাই ? মুণ্ডা-গুঁরাও, মোদের ঘরে একোজনার পিছে সকল থাকে । দেখিস না ?

কুসুর হয়ে গেল ।

ভীষখেলায় নিশানা বিঁধলে—চোঁটী বলল, ভীষ খেলায় নিশানা বিঁধলে মন ভাল হবে । হু-চার টাকা পেলি, আনন্দ করলি । উলটা কথা ভাবিস না হুথিয়া । সব যা করে তাই করলেই সুখ ।

চোটি ভেবেছিল ছুথিয়া আত্মহত্যার কথা ভাবছে। “কোনদিন কি করে বসি!” এটি যেন আত্মহত্যার কথাই বটে। ছুথিয়ার কথা ভাবতে গেলেই আজকাল ওর ধানী মুণ্ডার কথা মনে হয়। কেন মনে হয়? মনে হয়, জেজুড়ে গেলে পুলিশের গুলিতে মরতেই হবে, তা জানত ধানী। তবু সে গেল। কেন গেল? ছুথিয়ার কথা ভাবলেই ধানীর বিষয়ে এই একটা কথা মনে হয় কেন?

ছুথিয়াকে ও বলল, একোটা তীরখেলায় যদি জিততে পারিস, তাহলে মনে যা আনন্দ হবে, তার ধাক্কাতে তোর ঘাড় থেকে ভূত নামবে।

তখন গোমস্তা মোরে গাল দিবে না?

গাল হয়তো অত দিবে না।

দেখি। তুমি তো মিছা বলবে না।

“কিছু করে বসব” বলতে ছুথিয়া কি করতে পারে তা চোটি বোঝে নি। হল দেও গ্রামের মেলা। তীর খেলায় ছুথিয়া প্রথমও হল আর ছ’ টাকা নগদও পেল। সত্যিই তাতে ওর খুব আনন্দ হয় এবং চোটিকে সে কথা ও বলেও যায়। বলে, বাপরে! ত্যাত আনন্দ? চোটিতে বান ডাকলে যেমন পাথর ভেদে যায়। এ আনন্দ আমার সব দুখ ভাণ্ডায় নিল। কলিজাটা যেমন খালি খালি লাগে। কতকাল বুকে রাগ আর দুখ লয়ে বাস করি। তাই! তবু খুব ভাল আছি এখন।—এ কথা বলে ছুথিয়া পায়ের বুড়ো আঙুলে মাটি খুঁড়ে বলল, গোমস্তারে দখেও মন চেতে নাই।

চোটি খুবই খুশি হল।

তারপর সব শান্ত, শান্ত। অহিংস সংগ্রামীদের নিয়ে যায় ট্রেনে করে। সে তো বাইরের জগতের ঘটনা। অজ্ঞানে ধান পাকছে। পাখির ঝাঁক এসে পড়ে শুধু, হরণ ভাড়াতে হয় খেত থেকে। আবার যাযাবর পাখির চোটির চরে আসবার জ্যোৎস্নায় উড়াল হাঁস মিলে যাবার সময় আসছে। চোটি একটা বোরা কিনল হাট থেকে। বোরায় তুষ ভরে তাতে ঢুকে ঘুমোবে ওর ছেলেরা নতুন হিমের

দিনে। এরই মধ্যে সহসা বহুলোকের এক ভয়ংকর শোভাযাত্রা চোটির জীবনকে, জীবনবিশ্বাসকে কাঁপিয়ে দিয়ে বদলে দিয়ে গেল। শোভাযাত্রার আগে ছিল হুথিয়া মুণ্ডা।

বেলা তখন তিনটে হবে। চোটি গ্রামের সকলে দেখেছিল কুরমি পাহাড়ের গা দিয়ে আকাশের পটভূমিতে আসছে এক মিছিল। সার বাঁধা মাহুৰ। মিছিলটির নামনে কে যেন কি নিয়ে আসছে বল্লমের ডগায়। মিছিলটি যেন একাগ্র লক্ষ্যে ঢুকে পড়ে চোটিতে এবং সামনের লোকটি হেঁকে বলে, চোটি! চোটি মুণ্ডা হ, আমি হুথিয়া।

এখন সবাই দেখে, চোটিও দেখে, হুথিয়ার হাতে বল্লম ও বল্লমের মাথায় কার যেন কাটা মাথা। ওর মন বলে এ গোমস্তার মাথা ও বুকে ভীৰ বিঁধে যায় যেন। ও আর্ত চোঁচয়ে বলে, এ কি করলি হুথিয়া?

হুথিয়া যেন মাতাল, মাতাল, যেন মুক্তি পেয়েছে নিজের অস্ত্রের সহস্র যন্ত্রণার বেঠবেগারী থেকে। ঈষৎ পা টলে ওর, জগজ্জোড়া বিশ্বয়ে নিষ্পাপ চোখে ও বলে, তুমি বলেছিলে গাল দিবে না ও। তবে হাটে তোলা উঠাতে এসে, আমি এই বসে ছিলাম মরিচ লয়ে— তোলা উঠাতে এসে ও কেন জুতার ঠোকায় আমার হাত সরাল? কবুতর যেমন ছানা আগুলায় তেমন আগুলাছিলাম হে মরিচের ঝুড়ি। আমার হাতে জুতার ঠোকা দিয়ে ও পাইকরে—পাইকের হাতে বল্লম ছিল। পাইকরে বলল, উঠা ওর ঝুড়ি। ভীৰ খেলে মাথায় রক্ত চড়ে গিছে, শালা কামচোর, নিমকহারাম, মোরে বেগারী দেয় বেগার ঠেলা আর নিজের খেতে মরিচ ফলায় বুক দয়া। টুকুচে জল দাও।

ঢক ঢক করে জল খেল হুথিয়া। বলল, তুমি বললে, উ কথা ভাবিস না, ভাবতে আমি চাই নাই। কিন্তু ও মোরে দিয়া এ কাজ করাল। তা বাদে মা তুলে গাল দিতেছিল, শেষ করতে দিই নাই। বলোয়ায় মাথা নামায়ে ওর পাইকের বল্লমে বিঁধায়ে লয়ে চলেছি।

কোথা হুথিয়া কোথা?

বিস্মিত কণ্ঠে হুথিয়া বলল, কেন? তোহুঁরিতে?

জেহেল হবে, কঁাস হবে ছুথিয়া !

তবে ?

তু পলায়ে যা ।

ছুথিয়া যেন প্রগাঢ় জ্ঞানে, গভীর মমতায় বলল, কোথা ? মোর পলাবার জায়গা নাই, তোমারে বলি নাই ? জায়গা রলে বেঠেবেগারী দিই ? মুণ্ডা ভি বাঁচতে চায়, চায় না ? বল তুমি ?

ছুথিয়া, মোর বুক ভেঙে যায় ।

আমি চাই নাই ।

ছুথিয়া যেন বড় আগ্রহে দেখে নিল চোড়িকে, এই নদী, গ্রাম, প্রান্তর । তারপর বলল, চল্ হে । পুনস বুঝে না কিছু । আমি নিজে না গেলে তোরাাদের উপর জুলুম উঠাবে ।

ছুথিয়ার বিচার ও কঁাসি হয় । পরিণামে কঁাসি হবে জেনেও ছুথিয়া গোমস্তাকে কেটেছিল । তখন চোড়ি বুঝেছিল, ধানী কেন জেজুড়ে গিয়েছিল । পরিণামে মৃত্যু জানলেও, নিজের কাছে সাদ্চা থাকার জন্তে, হরম দেওয়ার সৃষ্ট মানুষগুলিকে বিংশতকে পৌঁছে কখনো কখনো কোন কোন কাজ করতে হয় । ধানী ও ছুথিয়া করেছিল ।

প্রথমে জেলে তারপর কঁাসি । তোহুরির দারোগা সদরে সব খবর নিয়ে বলেছিল, মুণ্ডা একটা জাত বটে । সরকার উকিল দিল, উকিল এত করে বুঝাল এই কথা বল । বোকাটা সাচাই কথা বলল । আদে উকিলরে ওর কথা বুঝায় ছুভাবী । উকিলের কথা ওরে বলে ছুভাবী । তিনিও জেনে কেও কারো কথা ঠিক বুঝে না । শেষ অবধি বলে গেল, কেন ? “মারি নাই” বলব কেন ? মেরেছি, শত জনের সামনে মেরেছি । আমি মরিচ লয়ে গিছিলাম, উ জুতার ঠেলায় মরিচের ঝড়ি কেলে দিল কেন ? শহরে-সদরে আন জাতে খুন করে পলায় । একো মুণ্ডা-গুঁরাও-হো-রে দেখলাম না পলাল ।

মুখ-কেরত একথা শুনে চোড়ি বেদনার্ত ক্ষীণ হেসেছিল । “পালাতে হয়” বলে যে জাতটা জানে না, সে জাতের ছেলে পালাবে কেন ?

অজ্ঞান করেছে, যে পালাবে ? পালায় যদি, গোরমেন্ হাঁকড়ে তাকে
বের করবে না। রাজা-জমিদাররা তো পলাতক ধরতে জঙ্গলে কুকুর
ভুঁখায়। জঙ্গলটা কামড়ে ছিঁড়ে কুকুরগুলি পলাতককে ধরে ফেলে।

কেউই পারে না পালাতে, ছুথিয়ার পক্ষে পালাতো আরো কঠিন
ছিল। জন্ম থেকেই সে জানত, সে বেঠেবেগারীতে বাঁধা। সে
মেনে নিতে পারত, কিন্তু গোমস্তা ছিল ছুঁইগ্রহ। মেয়েটিও ওকে
বঞ্চনা করল। নানা রকম বঞ্চনা-বোধে ছুথিয়া যেন পাগল হয়ে
যাচ্ছিল। “কোনদিন কি করে বসি” এ কথা মনে গুমরালে বিস্ময়
করে আত্মহত্যা, ছুথিয়া কাটে গোমস্তাকে, ছুটোই সত্যি। চোটি বুঝল
বিচারকের সামনে গোরমেনের সামনে, একসিকে দামের মরিচের
কথা কত গভীর আকুতিতে বোঝাতে চেয়েছিল ছুথিয়া। ছুথিয়ার
হয়তো মনে হয়েছিল, জেহেল হয়েছে, ফাঁসি হবে, সবই তো সে জানে
এবং মেনে নিচ্ছে। তবু, মরিচের ব্যাপারটি যে কতখানি প্ররোচক,
তা বিচারক বুঝবে তো ? বিচারকের নিশ্চয় মনে হয়েছিল, এই
বিদঘুটে জাতটা, এক বুড়ি মরিচের জন্তো ফাঁসি অবধি যায়। চোটি
মনে মনে জেনেছিল, ফাঁসিতে ঝোলা অবধি ছুথিয়ার চোখে ছিল
সেই জগজ্জোড়া বিষয়। কেন এমন হল ? কেন এক প্রয়োজনীয়
হত্যার পর সে ফাঁসি যাচ্ছে ?

সকলই দুর্বোধ্য হে, দুর্বোধ্য হয়ে গেল ছুথিয়া মুণ্ডার জীবনে।

স্থখা ও বিখনা একটি পাথর বসিয়ে দেয় মুণ্ডাদের শ্মশানে, একটি
শৌলান-বুরু। ওরা গ্রাম-পহানকে জিগোস করে, সেখা তো ফাঁসের
পর জ্বালাই দিচ্ছে লাহাশটো ? তা বুরু একটা দিব ?

দে।—পহান যেন স্বস্তি পায়। ছুথিয়ার ব্যাপারে কুম্মি গ্রামের
রুকে পাবাণ চেপে আছে আজও। কোথা থেকে কি হয়ে গেল।
একটি শৌলান-বুরু স্থাপন করলে যেন তবু সে হতভাগার জন্তো কিছু
কথা হল। পহান প্রয়োজনীয় মজ্ঞ বলে এবং ছুথিয়ার পরলোকবাসী
স্বায়্যায় জন্ত দেয় চাল ও এক সিকা পরস। স্থখা আস্তে বলে, ওই
এক সিকা দামের মরিচই ছিল বুড়িতে।

পরবর্তী গোমস্তা অনেক ধুরন্ধর। মোটে গ্রামে আসে না সে এবং তার পেয়াদা ঢেঁড়া দিয়ে জানায়, বেঠবেগার হও বা না হও, প্রতি হাটের আগে বদাতের এক-চতুর্থাংশ কাছারিতে দিয়ে যাবে, তারপর বেসাত বেচবে।

গোমস্তা হলে খানার সঙ্গে যোগাযোগ রাখতেই হবে। দারোগা সরকারের ইচ্ছা নতুন গোমস্তাকে জানায়, শহরে এবং অ-আদিবাসী বড় গ্রামে অহিংস সংগ্রামের যে হিড়িক, তাতেই সরকার ব্যস্ত, জেল উপছে পড়ছে। এখন, কোনো কারণেই, প্রজাদেয় শায়েস্তা করার উৎসাহে অহিংস কাণ্ড ঘটানো চলবে না। শেষ অন্ধ ম্যাও ধরতে হবে তো খানাকেই? ওই জঙ্গুলে গ্রামে যাবে কে? অবিমূষা গারী আচরণের ফলেই তো সিয়ারাম গোমস্তা প্রাণটা দিল? ছোটলোককে শায়েস্তা করার কাজে খানাও পটু এবং সে কথা গোমস্তাজী যেন মনে রাখেন। এমন কোনো কাজ করা চলবে না যাতে জংলীরা খেপে ওঠে। এরা বোঝে না পরোক্ষ শোষণ। সে নীতিতে কাজ করাই তো ভাল?

এই গোমস্তা পরম বৈষ্ণব। পালকি বইলে ইনি মুণ্ডাদের জলখাই দেন। “বাছা” বিনে কথা বলেন না। ‘সময়ে সেধে সেধে খাওয়াশস্ত কর্ত্ত্ব দেন এবং এঁর সুকৌশলী নীতির ফলে একদা প্রভাতকালে কুরমির পহান মাথায় ছু হাত রেখে বলে, এরই বলে দিকু বুদ্ধি। আঁ? কাল কাছারি হতে জেনে এলাম, গ্রামের সবাই, এমন কি আমি পর্যন্ত উয়ার বেঠবেগার।

কি বুদ্ধি করল উ?

এই বেঠবেগারীর বাপ রুটি গোরমেনের লোকগণনাকে পন্থোক্ষে নয়, প্রত্যক্ষে কঁঁচয়ে দেয়, কিন্তু সে পরে। এই কাঁচাবার বাপপারে ছোট গ্রাম কুরমি হয় বড় গ্রাম চোড়ির পথপ্রদর্শক। কয়েক বছর বাদে। হুথিয়ার কাঁসি, শোঁসান-বুরু, ইত্যাদি হয়ে যাবার পর একদিন হরমু চোড়িক বলে, আবা! আমায়ে একটা ধনুক বানায়ে দিবে?

কি করবি?

আমি তো গাই-চরী করি ?

তো রাখ গাই ধরলে মারবি ?

পিতার অজ্ঞতায় হরমু ক্ষমাসুন্দর হাসল। বলল, আবা, তুমি কিছু বুঝ না। আমি কি দূরে যাই ? যে বাঘের মুখে পড়ব ?

করবিটা কি ?

হরমু চোখ নিচু করে বলল, নোমাই, রূপা, ওরাদের হাতে ধনুক উঠল, পহানের কাছে গিয়ে ওরা ধনুক নিল। তা বাদে ওরা তীর দিয়ে পটাপট কাঁচা আম পাড়ে।

এই কথা !

তোমার মত তো কেউ নাই। খু—ব সুন্দর ধনুক বানায়ে দাও।
তোমার মারে ডাক।

হরমুর মা এল। বলল কি কথা ?

ছেলার ধনুক চাই। ধনুকের গায়ে আমি খাঁজ কেটে যাব।
তুই সে খাঁজে লাল মৃত্তা দিয়ে জড়িয়ে দিও।

আমার সময় কোথা ?

দিস। ছেলা বলে কথা।

তোমার ছেলা তো। আমার ডর উঠে। ধনুক দিলে না জানি
দিনে-রাতে তাই লয়েই মেতে থাকবে।

দিব।

ধনুক নিবে না তো কি নিবে ?

বললাম তো দিব। তুমি যা বল, কখনো “না” বলেছি ?

বউ হেসে চলে গেল। চোঁটি বলল, “না” বলে না কখনো।

আমাদের মারে কেন ?

আমার মাও মারত।

হরমুর জন্তে ধনুক বানাচ্ছিল চোঁটি, সনা এসে বলল, চোঁটি !
তোমারে একবার ধানায় যেতে বলল দারোগা। বলল তাড়া নাই
সময় করে আসে জানি।

চোঁটি বিকেলেই গেল। তোহরিতে হাট ছিল। লাইনের পাশে

পাশে হাঁটা পথে চার মাইল। হাতে আজ বউ গেলনা। চোড়িই বেচল চারটি ভুট্টা, গুচনা লঙ্কা। লঙ্কা গাছগুলো ওর বউয়ের প্রাণ। আর জমিটুকু কোয়েলের প্রাণ। ওই জমিতে ভুট্টা কলানো সোজা কথা নয়। কোয়েল ওর কাছে পাঁচটা টাকা চেয়েছে। কাছেই রাই-তে বড় হাট বনে। সেখানে আসে ওষুধ কারখানার জেঠে আমলকী ও হরতুকি কেনার পাইকার। টাকা দিয়ে কোয়েল হাটতলায় পাকা জায়গা নেবে। জমিদারের নায়েব টাকা পেলে রসিদ লিখে দেবে যে জায়গাটি হাটবারে কোয়েল মুণ্ডার। জেঠে আমলকী গাছ অসংখ্য, হরতুকি গাছও আছে। অতদূরে গিয়ে জিনিস বেচার কথা চোড়ি গ্রামের মুণ্ডারা ভাবতে পারে না। কোয়েল ভাবেছে। ওরও ছেলে হয়েছে। সংসারে খাওয়ার মুখ বাড়ছে। কোয়েলের এক চিন্তা, সংসারটাকে বেঁধে তোলা যায় কি করে। কোয়েল এবং চোড়ির বউ, হুজনেরই এক চিন্তা। চোড়ি বলেছে, তীর খেলার সময় আশুক। তোরে দিব টাকা। হরমুর মা মুরগি পালবে, দিব মুরগি কিনার টাকা। তীর খেলার সময় আশুক।—এই সব ভাবতে ভাবতে চোড়ি রাঙা আলু কিনল, গুওরের রাং এঁকটা, তেল, সোডা। কোয়েলের বউ নোংরা কাপড় দেখতে পারে না। তারপর ও খানায় গেল। দারোগার নাম নন্দলাল সিং। বেশ জবরদস্ত লোক। প্রৌঢ়।

বোসো চোড়ি।

চোড়ি মাটিতে বসল।

খবর কি?

দিন চলে যাচ্ছে হুজুর।

ছেলে কত বড় হল?

গাই চরায়।

একটা কথা।

বলুন হুজুর।

চোড়ি! হুখিরা মুণ্ডার পরলা ইজাহার আমি নিই। ও বলেছিল,

তোমার কাছে তীর খেলা শিখত ও। তুমি ওকে বলোয়া উঠাতে “না” করেছিলে। খানায় আসার পথে ও তোমাকেই সব বলে আসে। তা এত কথা আমি ইজাহারে রাখি নাই। তোমার নাম বাদ দিয়ে ইজাহার পাঠাই। তাতেই তোমার কোনো হাংগামা হয় নাই।

হুজুর! ছুথিয়া বলত, “কি বুঝি করে বস”। তা আমি বুঝি নাই কখনো উ এই কাজ করে বসবে। খুব ছুখে থাকত, হাসত না। আমি ডরাডাম, ধামার বাবার মত ও বুঝি নিজের গলায় কাঁস নেয়।

নিজের দোষ কবুল করে, সরকারী উকিলের ওকে বাঁচাবার চেষ্টায় জল চেলে, ছুথিয়া নিজের গলায় নিজেই কাঁস নিয়েছে। সে কথা দারোগা চোড়িকে বললেন না। অ-মুণ্ডা চিন্তাধারা মুণ্ডাকে বোঝানো যায় না।

চোড়ি! আমি এই খানায় তিন বছর থাকব। এ তিন বছর তুমি কোনো মেলায় কোনো তীর খেলায় নামবে না।

এ কথা বলবেন না হুজুর। তীর খেলার টাকা হতে ভাই হাটে ঠাই নিবে, বউ মুরগি কিনবে, এ কথা বলবেন না।

না চোড়ি। এতে আমার বিপদ। তীরখনাথ বলে, চোড়িও ছুথিয়ার পিছনে ছিল। দারোগা তারে বাঁচাল। কোনো কিছু হলেই তোমার নাম উঠে যায়। তিন বছর যদি তীর না খেল, তবে তোমার উপর মানুষের নজর সরে।

আমি যাই।

আশাতলে কালো মুখে চোড়ি ঘরে কিয়ল। সব শুনেমেলে বউ বলল, তাতে কি? কোয়েল পাকা ঠাই বিনাই আমলকী বেচবে? মুরগি পরে হবে।

চোড়ি কোয়েলকে বলল, দাদার আড়াল দিয়া জনম কাটাল। কেন? আমার ভাই তুই, তুই পারিস না তীর খেলতে?

তুমি আর আমি!

কেন? নাগারা বাজাতে পারিস শুধা আমার তীর খেলার কালে।

চোঁটির উচ্চারিত প্রতিটি শব্দে যন্ত্রণা। কোয়েল বলল, বেশ।
দেখা যাবে। কিন্তু কখনো দাঁও, না জি হলে মোরে মারবে না।

মারি নাকি তোরে? তু ছেলার বাপ।

কোয়েল বলল, এখনো পারলে মার।

কাল হতে অভ্যাস করবি। সুখা পারে, হুখিয়া পারে, তু
পারবি না?

বললাম তো দেখা যাবে।

চোঁটির বউ ভুঁরা গুড় জলে গুলে স্বামীকে দিল। বলল, খাও
টুকচে, ঠাণ্ডা হও। অমুন আন্ধার মুখ কর না। তুমি বলে কথা
করে ছেড়ে দিল। অশ্রু মুণ্ডা হলে মেয়ে শেষ করত।

হাঁ, মস্ত মান দিয়াছে।

মনের যন্ত্রণায়, অবোধ্য বেদনার রাতে চোঁটি হয়ে গেল বর্ষার
রাঙা জল, বউ নদীটা হয়ে বুক পেতে তাকে নিজের মধ্যে নিল,
মিলিয়ে কেলল। ভোরের দিকে চোঁটি বলল, তোর মত মেয়ে হবে
ইবার।

বারের নামে নাম রেখো কিন্তুক।

তাই হবে। মোর মনে লয় মা মোর মেয়ে হয়ে সংসারে আবার
আসতে চায়। জানি তার আশা মিটে নাই।

ই সব দিকু পারা কথা।

হাঁ রে।

ভুলকো তারা ফুটে নাই, ঘুমাও তো?

চোঁটি ঘুমিয়ে পড়ল।

ছয়

লাক ডাকা ভায়ে কোয়েল চোঁটিকে ডাকে। বলে, চল।

কোথা?

পহানের কাছে চল।

কেন ? পহানের বা কি হল, কুন-অ কামটা মোরে বাদ দিয়ে
করতে পারে না। চোটি গ্রামে সবার এক রীতকরণ। তাতেই
দারোগা মোরে দেখে সকল কাজে।

চল চল।

তুইও ওদের শামিল। সকল মুণ্ডার মত যখন পেট চলে না,
নিজের মত আলাদা থাকবি। না দাদা ! আমি চিরকাল থাকব ?
সনার বুঝি, তোর বউ মুরী চিনছে হরমুস মারে, আর তু চিনছিস
দাদা।

কোয়েল বলল, মা মরণকালে বলে গিছে না ? তু ভাই একেসাধ
থাকবি ? মায়ের কথাটো তো মানতে হবে ?

চোটি বলল, মায়ের কথা সাপের বিষে আড়ারে গেল। তবু ভি
তু সকল কথায় বলিস, মা ই কথা বলে গিছে।

ঐ কথাটো বলেছিল।

তুই বড় গির্খোড় হছিস রে কোয়েল।

কোয়েল বলল, ভাল কথা। সি গির্খোড়টো খুব গরম হয়েছে।
শালো বাছুর ধরতে আসে। দিও ওটাকে মেয়ে।

গির্খোড়ও মারব আমি।

চল চল। আলো হয় যে।

পহান বসেছিল ঘরের বাইরে। চোটিকে দেখে বলল, হাঁ চোটি।
কোয়েল ই কি বলল ? তোরে ভীষ খেলায় নামতে দিবে না ?

“না” বলল, শুনে চলে এলাম। দারোগার সাধ কি জুলু
উঠাব ?

না না, বন দেশের মানুষ বটি মোরা। দারোগাই গোলমেন্।

সাত সকালে ডাকলা কেন ?

ভাল কথা বলব বলে।

আর ভাল কথা !

তুই যখন নামবি না, চোটি মেলায় গ্রামের নামটো ভুবি ধাবে ?

কি করতে বল ?

কোয়েল একা কেন, তু সকল মুণ্ডা ছেলারে শিখা।

সকল মুণ্ডা ছেলারে ?

হাঁ রে।

তা বাদে ?

তারি গ্রামে-গ্রামে মেলায়-মেলায় জিতবে।

অতই সোজা ? সে সকল গ্রামে মুণ্ডা নাই ? ওঁরাও নাই ?

তবু ভি যাবে।

আমি এরাদের শিখালে দারোগা জানবে। তা বাদে বলবে, চোড়ি মুণ্ডা সব্বারে তীর শিখায়ে তৈরি করে। বলোয়া উঠাবে। উরা আমাদের সকল কামে বলোয়া উঠাতে দেখে। যদি সকল মুণ্ডা বলোয়া উঠাত ! ওরা থাকত কোথা ?

দারোগা জানবে কেন ? এখুনো চোড়ি গ্রামে কোনো মুণ্ডা এমুন নাই যে আমি “না” বললে যে কথা কারে বলে। ছেলাদের ভি ইজ্জতের কথা ইটা।

চোড়ি একটু ভাবল। তারপর বলল, বেশ। কিন্তুক এমন কাকভোরই ভাল। এর থেকে ভি আগে। কিন্তুক তুমি কথা বলে নিও।

আরে তু শিখাবি জানলে কত গ্রাম হতে ছেলা আসবে।

ওরা তুরে পরনামী ভি দিবে দাদা।

কেন ? শালোদের পয়সা বেশি হয়ে গিছে ?

পহান ক্ষুণ্ণ হয়ে বলল, সকল কাজের রীত থাকে।

যা বুঝ কর না কেন। তুমি বললে আমি কবে কোন কাজে “না” বলছি ? আর শুন। হরমুর হাতে ধনুক দিতে হবে।

দিয়ে দিব। চাঁদের পক্ষ আনুক।

চোড়ি গ্রামের ছেলেরা একজোড়া মোরগ-মুরগি আনল। হরমুর মা বলল, এ আমি খেতে দিব না। এ আমি পালব। কোয়েল, মোয়ে ঘর বেঞ্চে দিবি একটো। আমার ঘরের মত মোটা দেওয়াল দিবি।

চোটি হেসে বলল, মাচার নিচে রাখ্ এখন।

কোয়েল বলল, ই ছুটা খেলে ভাল হত না?

হরমুর মা ঘর আলো করে হেসে বলল, ইশ! তোর দাদার মস্তুরে ছেলারা একজোড়া মুরগি এনাছে। আমার সাধ পুরল।

চোটি বলল, ওঃ, মস্তুর জানে তোর ছেলের বাপ। তাতেই ভীষনাথের জমি চাষ, ছেলার এত শখ, একটো পিতলবাঁধাই কাঁকই কিনতে পারে না।

বউ ঝনঝন করে বলল, বেঠবেগারীও দিই নাই, কর্জও করি নাই। মন্দটা বললা, ভালটো বল? পিতলবাঁধাই কাঁকই! আমার বাপের বাপ পহান। আমাদের ঘরে কখনো তো পিতলবাঁধাই কাঁকই দেখি নাই? এ সকল শহরের হাওয়া গো! টিশনের ধারে গ্রাম, তাতে নানা জিনিস দেখে। কবে বলবে গায়ে জামা দিব।

তু ভি দিবি? ছোট বউ ভি দিবে?

মা গো! লাজ লাগে মোর। জামা পরব কি?

রাঁচির মুণ্ডানীরা পরে।

তাদের লাজ নাই তবে। মুণ্ডানী সাজবে না কেন? সাজবে। কানে দিবে সাদা সোলা, মাথায় পরবে ফুল, চুলে দিবে তেল, আর কাপড় পরবে সাদা। পুঁতির মালা আর পিতলের বালা হল তো ভাল। আমরা তো কাঠের বালা পরেছি।

নে, তোর মুরগি উঠা। গিধোড়টো খেপা হয়াছে। হাঁশ রাখিস।

একটো হাঁস মেরে দাও দেখি? তাতে বিষ মাথায় ওটারে মারি?

কোয়েলের বউ উঠোন নিকোতে নিকোতে বলল, বাছুর ধরতে ঘুরে বুলে। তাড়া করলে দাঁত খিঁচায় কি! ডর লাগে তখন।

চোটি বলল, ওটারে মারা কর কোয়েল। গরুটা, গুয়ারটা, মুরগিটা, ছাগলটা, আমাদের জাহান বাঁচায় রাখে। ই সনে লাকড়া ফিরে দল বেঙ্গে, শিয়াল এ রকম খেপা, সকল দিকে গতিক মন্দ। তুর গঁদাটারে ভি ধরতে পারে। সাবধানে রাখিস বউ। কুরমিতে লাকড়া এসে মায়ের পাশ হতে ছেলা নিল।

বউ বলল, কোয়েলের গঁদারে উর মা পিঠে বেঁকে কাম করে।
যে বেড়া দিয়াছে কোয়েল, এমন উঁচা, সে আগড় না সরালে মানুষের
মাথা দেখি না।

ভুলকো তারা আকাশে, এমন সময়ে চোঁটি উঠল। গ্রামের
যুবকগুলি অপেক্ষা করছিল। জঙ্গলের দিকে হাঁটতে হাঁটতে চোঁটি
বলল, এক সঙ্গে দশ মুণ্ডা দেখলে নানা কথা। তোরা যে যার মত
আসবি। টিশনের কুলিয়াও দেখে যদি, কথা হবে।

সেই জঙ্গল, সেই প্রান্তর। ছথিয়া, স্মৃথা ও বিখ্‌না এসেছিল।
নিশ্বাস ফেলল চোঁটি। পাথরে দাগ কাটল। কিরে এসে বলল, উঠা
ধমুক। তোরা বলিস মস্তুর, আমি বলি অভ্যাস। জাহান লড়ান্নে
দিয়ে চেষ্টা করলে হবে না কেন?

কোয়েল বলল, জিতলে পরে, আঃ! তোমারে মাথায় লয়ে
নাচব।

ধমুক উঠা আরো। নিশানা দেয়। সবার আগে চোখ তৈয়ারি
কর। নিশানা আছে, তোরা আছিস। আর কেউ নাই, কিছু
নাই।

তীরগুলি ছুটে গেল।

যা, তীর কুড়িয়ে আন। আবার উঠা। এই নিশানী সাত দিন।
হুণায় হুণায় নিশানী দূরে সরাব।

তীরগুলি ছুটে গেল।

কুড়িয়ে লয়ে আয়। আবার উঠা। আমারে দেখ্।

ছেলেগুলি চোঁটির দিকে চাইল।

সকাল হচ্ছে, আলো বাড়ছে।

এমনি করে অভ্যাস চলল। দিনের পর দিন। চোঁটি আবিষ্কার
করে, তার তীরখেলা বিষয়ে যা ছিল, তা আগ্রহ এবং ভেদ। এদের
শেখাবার মধ্যে আছে আশ্চর্য আনন্দ। নতুন একটা উদ্ভেজনা।
এরা যদি স্থানীয় এবং আঞ্চলিক মেলাগুলিতে জিততে পারে, এদের
মধ্যেই থেকে যাবে তার উজ্জ্বল আশা। যদি কেউ খুবই সন্দেহ হয়,

বারবার জেতে, তাহলে তার কাছেও হয়তো সেদিনের মুণ্ডা যুবকরা আসবে। বলবে, মোদের শিখাও।

এরা যেদিন জিতবে, যদি জেতে, তাহলে সেই আনন্দ পাবে, যা দুখিয়া পেয়েছিল। এইসব কথা ভাবতে ভাবতে মনে পড়ল, সুখা ও বিখনার খবর নেওয়া হয় না বহুদিন। কুরমি গ্রামেই বা কি হচ্ছে? কুরমির যাওয়ার পথে গভীর জঙ্গল ও আন্দোলিত পাহাড়। ও গ্রামের মানুষ হাট করতে যায় দক্ষিণ দিকে, বিরাডই গঞ্জে। চোটি ও কুরমির মধ্যে কোন যোগাযোগ না ঘটলে ঘটে না। যোগাযোগটা সুখা, দুখিয়া ও বিখনা ঘটিয়েছিল। কিন্তু সবই গল্প কথা হয়ে যায় চোটির জীবনে। দুখিয়া মুণ্ডার জীবনকথাও গল্পকথা হয়ে রইল চোটিকে ঘিরে।

চোটি মেলা হয় বিজয়া দশমীর দিন। মেলাটি সত্যিই খুব বড় ও সুপ্রাচীন। সরকারের খাস জমিতে মেলা বসে। মেলায় বিক্রেতাদের জায়গা দিয়ে তশীলদার ভালই আয় করে। আদিবাসীরা তো আসেই, অন্তরাও আসে। সাতদিন ধরে মেলা চলে। আশপাশের মানুষজন দরজা-জানলা—কাঠের খালা ও বাটি-জাঁতা-উত্থল-বাসন-কাপড়-চাদর-গামছা-মশারি-গুড়-চাল-সবজী সব রকম জিনিস এ মেলা থেকেই কেনে। গরুর গাড়ির চাকাও বিক্রি হয়, লাঙল-কোদাল-খস্তা সবই।

মেলা প্রাঙ্গণে আদিবাসীদের গ্রামভিত্তিক নাচ হয়। তারপর শুরু হয় ভীষখেলা। সহজ প্রতিযোগিতাগুলিতে চোটি অনেক কাল নামে না। সে নামে মোক্ষম খেলায়। এবার ও দর্শকমাত্র। তা সবাই জানে না। এইদিনে বিরাডইতেও মেলা হয়, এবং প্রতিযোগিতা। নাকাটার রাজাদের মহাল বিরাডই। রাজারা তুর্গাপূজা করেন। সে উপলক্ষে সেরাইকেলা থেকে আনান মুখোশ নাচের দল। মুখোশ নাচ দেখতে ও অঞ্চলের গ্রামগুলি ভেঙে পড়ে। কুরমির লোকরাও।

চোটি বিন্মিত হয়ে দেখল, কুরমির মুণ্ডারা এখানে প্রতিযোগিতা

দেখতে এনেছে। বিচারক ও পুরস্কারদাতারা একই লোক তীরখনাথ, দারোগা, তশীলদার সবাই বসেছেন। তীরখনাথ ওকে দেখে হেসে বলল, এ ভালই রে চোটি। তুই বছর বছর জিতিস। এরা একটু স্বেযোগ পাক।

চোটি গ্রামের পহান, আদিবাসীদের প্রতিভূ হিসেবে বিচারকদের মধ্যে একজন। সে গিয়ে মাটিতে বসল। প্রতিযোগিতার সময়ে দাঁড়িয়ে দেখবে। চোটি বিষয়ে দেখল, মেলাতেই এসেছে, কিন্তু কুরমির ছেলেরা প্রতিযোগিতায় নামল না। সুখা ও বিখ্না স্বচ্ছন্দে নামতে পারত। কোথায় যেন গোলমাল ঠেকছে।

চোটি মুণ্ডা নামছে না। অতএব এবার সকলেই বিস্মিত। প্রতিযোগীদের মধ্যে চোটি গ্রামের মুণ্ডাদের অনেকে আছে দেখে দারোগা একটু গম্ভীর হয়ে গেলেন। তীরখনাথ, চোটির না-নামার কারণ পরমুখে শুনেছে, দারোগার মুখে নয়। তাই শ্রুতি সেজে বলল, চোটিরে নামতে মানা করল কে, পহান?

পহান কথা বলল না।

তীরখনাথ যেন স্বগত বলল, ওর কি কম ক্ষমতা? মস্তুরপড়া বাণ ভেঙ্গে দিয়ে ও সব করতে পারে। কতবার দেখলাম।

দারোগা আরো গম্ভীর হয়ে গেলেন। বললেন, রোজ যদি গীতা পড়েন, চাই “রামচরিতমানস”, তাতে যে পুণ্য হবে লালাজী, কোই মস্তুরপড়া তীর আপনার কোনো ক্ষতি করতে পারবে না।

জংলী দেশ আমাদের দারোগাজী!

রামজীর পরতাপ এখানে ভি খাটবে।

জংলী দেশে অনেক কিছু ঘটে যায়, যার হিসাব কিছুতে মিলবে না। এখানে এমন নজীর আছে, বাতাসে পিদিম চালিয়ে দিয়ে বহু দূরে কোঠি পুড়িয়ে দিয়েছে। নাকাটার রাজার ছ ছেলে জন্মান্ন। রাজার বড় রানী বাঁজা। গুণিন্ দিয়ে তিনি এমন মস্তুর করালেন, যে বাপের বাড়িতে ছোট রানী ছবার কানা ছেলে বিয়োলেন। চোটির এমন कहानी অনেক আছে। আপনাকে পরে বলব।

হঁ।

আরে সাহেব এসেছিল, সাহেব। লাটের সেক্রেটারির সহোদর ভাই। সে ওর ভীষখেলা দেখে ওর সঙ্গে দোস্তালি করে গেছে। সেক্রেটারি যখন শিকারে এলেন, তিনিও ওর সঙ্গে কত কথা বলে গেলেন।

কবে? আমি তো জানি না?—দারোগা বিচলিত হলেন।

ভীষখানা খুবই আনন্দ পেল। বলল, কি করে জানবেন বলুন? আপনি লেখাপড়া জানেন, খবর লেন খানার লোকের কাছ থেকে। আমাদের জংলী জানোয়ার ভাবেন। তাতেই বারবার নেমন্তন্ন করলেও আসেন না।

না না, আমি গুরুমন্ত্র নিয়েছি এ বছর। এক বছর কোথাও জল খাওয়াও নিষেধ। আমার গুরু খুবই কড়া, জানলেন?

ওই দেখুন, গুরু হল।

চোটির বুকের নিচে প্রবল উত্তেজনা। প্রথম বার নিজের বেলা তার এমনই হয়েছিল বটে। ভাবতে গেলেও চোখ আচ্ছন্ন হয় বাষ্পে। কবে চোটি ওদের মত তরুণ ছিল? কবে ধনুক ওঠাবার পর বুকের নিচে বান ডেকেছিল?

তুমি কে?—তশীলদার হাঁকল।

চোটি গ্রামের চোটি মুণ্ডার ভাই কোয়েল মুণ্ডা।

দাদার দিকে চাইছে না কোয়েল। ওর চোখে মুখে, চোটির ছেলেদের চোখে মুখে কিসের যেন উত্তেজনা ও সংকল্প।

হা রে! কোয়েল নিশান বিঁধেছে!

কলরোল, কলরোল! চোটির চোখ দিয়ে জল গড়িয়ে পড়ল। ছেলেগুলো কম নয়। কেউ ওর দিকে চাইছে না। কোয়েলও নয়। সুখা আর বিখনা লাফাচ্ছে দেখ। ওদের এত আনন্দ বা কেন?

চোটি বিড়ি ধরাল। ওর নিজেকে বেশ প্রবীণ মনে হচ্ছে।

ভীষ খেলার সহজ প্রতিযোগিতায় প্রথম ও দ্বিতীয় স্থানগুলি নিল চোটির ছেলেরা। পরের, কঠিনতর প্রতিযোগিতায় সনার ভাইপো

রূপা ও কোয়েল পেল দ্বিতীয় স্থান ছুটিতে। কঠিনতম প্রতিযোগিতায় সবাই নামল। যেন বলা-কওয়া ছিল। পাঁচটি গ্রামের যোলজন প্রতিযোগী এলেবেলে তীর মেরে দিল। “কেউই পারল না”—তলীলদার এ কথা বলায় সবাই যেন জয়োল্লাসে চৈঁচিয়ে উঠল। তোহুরির গয়া মুণ্ডা হেঁকে বলল, ও শুধু চোদ্দি পারে যে বাপ সকল। পারিস নাই বলে তুরা কুন্-অ হুখ উঠাস না।

দায়োগা মনে মনে বললেন, খচড়াই! হেরে গিয়ে সবাই চিল্লায়, ও বলে হুখ উঠাস না। নিশ্চয় চোদ্দি নামল না দেখে ওরা এরকম কাজলামি করল।

চোদ্দি গ্রামের ছেলেরাই পেল সবশুদ্ধ আট টাকা। তীরখনাথ বলল এখন আমরা যাই চলেন। এখন ও বেটারা আস্তো শুওর আনবে, মারবে, মদ মাংস খাবে, নাচবে, কত কি করবে।

বরাবর এ রকমই হয়?

বরাবর। এ মেলা তো ওদেরই। আমরা পরে এসেছি। জানেন না, ওদের চোখে আমরা সবাই দিকু?

এবার সকলের উদ্দীপনা অনেক বেশি। অগ্গাশ্চ গ্রামের প্রতিযোগীরাও ঘিরে ধরল চোদ্দিকে। বলল, আমাদেরও শিখাও দেখি? মেলায় মেলায় জিতে তোমার নামটো উঠায়ে দিয়ে আসি?

আচ্ছা, কোমাণ্ডির ভরত মুণ্ডা কোথা।

এই যে চোদ্দি।

ভরত! আমি তো জানি, তুমি শেষ নিশানা বিঁধলেও বিঁধতে পার, অন্তত চোখের কাছে তীর যাবে তোমার। চেষ্টাই করলে না?

ভরত লাজুক হেসে বলল, উ একটো কথা বটে।

কি কথা?

জংলী কথা।

কথাটি কি?

চোদ্দির পহান বলল, তোরে নামতে দিবে না যাতে, সে নিশানী কুন্-অ মুণ্ডা চেষ্টা করাই দেখবে না।

সে কি ?

তুই তো জানিস না, যত জনা যত মেলায় ভীষ খেলে, এখন মনে মনে তোরা নাম লয়ে তবে ধনুক উঠায়।

চোড়ির গলা বন্ধ হয়ে এল। সে বলল, এত বড় মান দাও তোমরা !

ভরত বলল, তিন বছর মোরা ই রকম চালাব ! তা বাদে দেখা যাবে। দারোগাগাটো ভি শাস্তি পাবে, দেখো।

না না, ও সব কথা থাক। এক ছুথিয়া হতে কুরমি গ্রামে যা .. এ কি ? বউ, তোরা যাস নাই ঘরে ?

আমরা, মেয়েরা তো যাবই। তুমারদের মাতন এখন। কিন্তুক একোবার মোরা নেচে লই, তা বাদে যাব।

পুরুষরা পিছিয়ে গেল। মেয়েরা গোল হয়ে নাচল। নাচতে নাচতে চোড়ির বউ বলল, মরদরা কি মরে গেলি ? বাজনা কোথা ?

কোয়েলরা বাজনা বাজাল। মেয়েরা নাচতে নাচতে গাইল।

—“মেলায় চল হে মেয়ে, মেলায় চল”—

—“আহা, কে বলে রে কে বলে ?”

—“আমি তোরা রূপে পাগল রে”—

—“এ চোড়ি নদী পারায়ে মোর হাত ধর না কেন ?

মোরে মেলায় লয়ে চল ?”

চোড়ি কোয়েলকে বলল, হরমুর মায়ে রকম দেখ কেন ? জিতে আসতাম যখন, তখন তো ওর মুখে এমন হাসি দেখি নাই ?

কোয়েল বলল, আজ একটা মানের গরবের দিন আমাদের।

শুওরের মাস আর ভাত। আর মদ। হঠাৎ চোড়ি শুনল, ছেলেরা গাইছে একটা গান। কোয়েল নাগারায় চাঁটি মারছে সঙ্গে।

তুমি ধনুক উঠাও, তুমি নিশানা বিঁধ

তাতে দারোগার বড় ভয় হে—

তুমি যেয়ে গোরমেন্দ্রে আর্জি জানাও

তাতে দারোগার বড় ভয় হে—

তাতে তোমারে তীর খেলতে দিল না ॥

তুমি তীর শিখালে ছুথিয়া মুণ্ডারে

বেঠবেগার ছুথিয়ারে হে—

ছুথিয়া কাটে গোমস্তার মাথা

তাতে দারোগার ডর হে—

তাতে তোমারে তীর খেলতে দিল না ॥

কোন মুণ্ডা জানে তীরের মস্তুর ?

একা তুমি জান হে—

কোন মুণ্ডা হয় গোরমেনের মিতা ?

একা তুমি হও হে—

তাতে তোমারে তীর খেলতে দিল না ॥

গান ধামতে সবাই হাসল। চোটি গামছা তুলে মুখ মুছে বলল,
আর নয় হে। বড় লাজ লাগি যায় আমার। চিনাজানা মানুষের
লয়ে এমন কর কেন ? লাজ লাগি যায় যে ?

এখন অস্ত্র গান ও নাচ চলল। চোটি গিয়ে বসল সুখা বিখনার
কাছে। বলল, তোরা তীর খেললি না ?

সুখা বলল, আনন্দের দিনে কব না মোদের ছুথের কথা। পরে
এসে কয়ে যাব। কি করে গেল ছুথিয়া, গ্রাম জলে গেল।

বিখনা বলল, আজ নয়। আজ মোরা মাংস খাব পেট ভরে,
আমোদ করব। ওঃ, কত দিন হাসি নাই।

আনন্দের রাত ছোট। ছুথের রাত বড়। রাতটা ঝপ করে
কেটে গেল। রোদ উঠতে তবে যে যার ঘরের পথ ধরল। যাবার
সময়ে ভরত মুণ্ডা বলল, ই কথাটো পাকা। যে যেমন আসবে, তুমি
শিক্ষা দিবে।

যা জানি, শিখাব।

উ মস্তুরটো ভি ? “হ্যাঁ” বল, আমি তোমার বেঠবেগার হয়ে

যাই। এই শোন্ তোরা, চোন্টি মোরে মস্তুরটো শিখাবে, আমি উয়ার বেঠবেগার হব।

চোন্টি খুব শাস্ত গলায়, ওর গায়ে হাত রেখে বলল, মস্তুর নাই ভরত। শুধু অভ্যাস, আর অভ্যাস, আর অভ্যাস।

সাচাই বল ?

সাচাই বলি।

তবে ওটাই মস্তুর।

আর কিছু জানি না হে।

ওটাই মস্তুর।

কয়েকদিন বাদেই সুখা এল। রাত করে। বলল, এখন চাপাচাপি খুব মোদের উপর। তোমার কাছে আসলে দোষ। তাতেই! ভালুকের কি ডর হে। সকল বেটা পাকা বোরএর গন্ধে জঙ্গলে ফিরে।

বড় পাঞ্জি জানোয়ার। বাঘ মানুষের দেখে, দেখা দেয় না। উ শালো এসে মানুষের আঁকুড়ে ধরে আর নখে চিরে।

তবে শহরে ভালুক নাচায় কেমনে ?

বাচ্চা বেলায় ধরে।

চল ঘরে বসি। মুণ্ডানী তো গৌসা হবে না ?

না। আয়।

সুখা বলল, কি করে গেল ছথিয়া ! গ্রামটা জ্বলে গেল যেমনি। তোমারে নিষেধ দিল গোরমেন্। মোরা রাজার মহালে থাকি। নতুন গোমস্তা বেঠবেগারীতে বেঁধে নিয়াছে সবারে। তা বাদে জুলুম কত। কথায় কথায় মাল দাও। কাছারীতে উয়ার ঘরে কেউ মরলে বেঠবেগারী নয়, তবে মানুল দাও। উয়ার ঘরে জনমে-বিয়াতে-মরণে-আর দিকুদের তো অগণন পূজা—মানুল উঠায়। রাজারে চক্ষে দেখি নাই, তার ঘরে কিছু হলে মানুল উঠায়। সে কাছারী হতে অস্ত্র কাছারী যায়। মোরা পালকি বই, লয়ে যাব আর লয়ে আসব। সে হাঁটে তো মাথায় ছাতা ধরে দৌড়াব। জীবন জ্বলে গেল।

কি কাণ্ড !

বলে কি, উ চোটি মুণ্ডার শিক্ষায় ছুথিয়া বিগড়াল। তোরা যাবি না উয়ার কাছে। আর ছুথিয়ার গ্রাম কুরমি, ইখান হতে কোনো মুণ্ডা ছেলা তীরখেলায় নামবি না। তোরাদের কোমর আমি ভাঙব।

এর উপায় কি ?

কোনো উপায় নাই। আসানের। তাতেই...

কি ?

সুখা মেঝেতে আঁকিবুকি কাটল নখে। তারপর বলল, তোমারুতে মিশন আছে। সেখা মিশনের মুণ্ডারা ভাল আছে।

সে যে অনেক দূর।

দূর বটে।

ধর্ম ছাড়বি ?

কেন ? ধর্ম ছাড়ব কেন ?

ক্রীশ্চান হতে হবে।

তা হলে ভি কিয় ধর্মে কিয়া যায়।

তা করে বটে অনেকে...

এখন তো বাঁচি। সেখা গেলে, ধর্ম ছাড়লে, মিশনের গোরমেন্‌রা জমি দিবে, বসত করাবে। পলায়ে যেখানে যাব, রাজার নাগাল হতে পালাতে পারব না। ঠিক ধরে ফেলাবে, আর মেয়ে ফেলাবে।

তাহলে ? ধর তু পলালি। বাড়ির লোকজন ?

মিশনে গেলে রাজার এক্তিয়ার থাকে না।

বাড়ির সবে ? গ্রামের সবে ?

গেলে সব্বারে যেতে হবে। নয়তো যে রয়ে যাবে, তার চামড়া লয়ে জুতা বানাবে উ গোমস্তা।

সবে যাবে ?

সেখানেই তো গোল।

তুই বা সুখা। দাঁড়া, আগায়ে দি খানিক। কোয়েলয়ে ডেকে লই।

এই আন্ধারে যাবে ?

তুই একা যাবি ?

ভয়ভর ভূলে গিছি যেমুন।

তাই হবে। কি অন্ধকার মাটি। আকাশে তারার আলোয় নিচের কিছুই আলোকিত নয়। অথচ গুরুপক্ষ। ভয়ভর ভূলে গিয়েছে সুখা। নইলে এল কি করে ? চোটির বউ হারিকেনটা দিল। হারিকেন ওরা অবরেষবরে জ্বালে। কেরোসিন, মিট্রিকা তেল বড় দামী জিনিস। সদাসর্বদা আলোর কাজ ওরা এখনো মহুয়া তেলেয় পিদিমেই সেয়ে নেয়।

পথে চলতে চলতে চোটি বলল, বলোয়া লয়ে আমি আগে যাই। তোরা পিছে আয়। কথা বলিস না।

খানিক এগিয়ে দিল না চোটি। সুখাকে গ্রামের সীমান্তে পৌঁছে দিল। বলল, নয় ভোর রাতে আসিস এ কাজে। রাত করে আসিস না। কি নাই জঙ্গলে ? বাঘ, লাকড়া, গুলবাঘা, ভালুক।

সব ভূলে গিছি আমি। ধরম ছাড়ার কথা ভাবলে বুকের নিচে তীর বিঁধে। লো পড়ে। পূজা-পার্বণে কত আনন্দ।

মিশনে গেলে যাবি। কিন্তুক আড়কাঠির হাতে পড়িস না তোরা। তারা কোথায় লয়ে চলে যায়, কোথায় চা-বাগানে।

না না। মিশন বিনা গতি নাই। গোরমেনের কাছে গেলে তবে যদি রাজার হাত হতে বাঁচি।

কিরে আসার পথে কোয়েল বলে, গান গাব ?

কেন ?

তাহলে ভালুক জানবে অনেক মানুষ যায়। ডরাবে।

কোয়েল, তোমার বুদ্ধি পাকল না। সাড়া দিয়া মরণ ডাকবি ?

হুজনে কিরল যখন, তখন রাত আরো গাঢ়। হিমেল বাতাসে শীত। নদীর চর থেকে কুয়াশা উঠছে।

কুন্নি গ্রামের মৃগারা সহজে গ্রাম ছাড়েনি। যোর জঙ্গল কেটে গ্রাম পত্তন করতে বড় কষ্ট। সে গ্রাম ছাড়তে আরো কষ্ট। কোথায়

তোমার মিশন ? সেখানে কি এমন পাহাড় আছে, চারপাশে এমন মায়েল আঁচলের মত বন ?

তা নেই, কিন্তু গোমস্তাও নেই ।

মিশনের জীবন অশ্রু রকম । সেখানে কি পালপার্বণ আছে ?

তা নেই, কিন্তু বেঠবেগারী নেই যে ?

সেখানে গেলে হরমদেওয়ার পূজা করা যাবে ?

তা যাবে না, কিন্তু বেগর মানুষলও দিতে হবে না ।

পহান বলল, তোরা যাবি তো যা । আমি কারেও থাকতে বলি না । এই কুরমি ছিল আমাদের জঙ্গল হাসিল করা গ্রাম । মুণ্ডারা আগে থাকত তারাদের জঙ্গল কাটাই খুটকাটি গ্রামে । যেই সে জমিতে কসল, তেমনি দিকু-মহাজন ঢুকে পড়ে । মুণ্ডারা গ্রাম ছাড়ে । তেমন করে মোরাদের পিস্তিপুকষরা এ গ্রাম পত্তন করে । অনেক বাদে তো এ মহাল রাজারা ডেকে নিল ।

তুমি যাবে না ?

আমি ? মিশনে ?

পহান গলিতদন্ত মুখে আশ্চর্য হাসি হাসল । গভীর প্রত্যয়ে বলল, আমি কোথা যাব এ বয়সে ? হরমদেওয়ার ধর্ম ছেড়ে ? তারাদের বাঁচা দরকার, তোরা যা । এমুন জুলুমে আমি কারেও রইতে বলি না । তবে—!

কি ?

হোলির দিনে শিকার খেলাটা খেলে যা ? আমি চক্ষু ভরে দেখে লই ? আমার গ্রামের ছেলে-বুড়া দৌড়াবে তীর-বলোয়া লয়ে । গান গেয়ে ক্লিরবে । তা বাদে নাচ হবে, গান হবে ।

পহান একদিন হাটে এল । চোন্টিকে খামকা ডেকে নিয়ে বলল, আর আর মুণ্ডারা রইতে পারবে না ছে । ওরা যাবে ।

কি বলব বল ?

কারেও বোল না ।

ঘর-মাটি ছাড়তে পারেও বলি না। কিন্তুক বলোয়া উঠালে আরেক গোমস্তা মারলেও নিরসন নাই, তা তো দেখলাম।

“বলোয়া উঠালে” বলতে তুমি বললে হাতিয়ার উঠাবার কথা। দিকুরা “বলোয়া” বলতে বুঝে সকলা একজোট হয়ে লড়বার কথা। দিকুদের বলোয়া উঠাতে পারত যদি, তা হত। না কি তাতেও হত না। মুণ্ডাদের লয়ে বীরসা ভগবান তো তেমন বলোয়া উঠিয়েছিল। কিন্তুক তাতেও কাজ হল না।

দিকুদের, গোরমেনের জোর কত, হাতিয়ার কত।

গোমস্তা আমাদের মারা করলে ভি পালকি চড়ে, জুতা পরে, পান খেয়ে বেড়ায়। আর দুখিয়া গোমস্তারে মারা করলে কাঁসি যায়।

গোরমেনের কানুন!

গোমস্তার পরে কানুন নাই কেন? না চোটি, ওরাদের যেতে বললাম, কিন্তুক বুকটা মোর ভাঙি গিছে। আর দেখ, এ কথা পারেও বোল না। জানলে বলবে মুণ্ডারা দিকু “বলোয়া” উঠাতেছে।

আমার ভি মনে দুখ। আমরা কম হয়ে গেলাম।

শিকার খেলে যেতে বললাম। যত বা পরব আছে, ই শিকার খেলাটো মোদের পিস্তিপুরুষের সেরা পরব।

যথারীতি, অবরদান্তি করে গোমস্তা মুণ্ডাদের গ্রাম ছাড়ার ব্যাপারে এককান্টা করল। মুণ্ডারা, কুরমির মুণ্ডারা, এ রকম বিশাল গুরুত্বপূর্ণ সিদ্ধান্তে একমত হয়নি। বয়স্করা তো একেবারে নারাজ ছিল। গ্রাম ছেড়ে আশী-বিরাসী জন চলে যাবে? নতুন প্রজা বসবে? মুরগি-ছাগল-গরু নিয়ে তাদের মত করে ঘরবসত করবে তাদের ভিটেতে? কেউ কেউ বলছিল, দিব বেঠবেগারী, দিব মান্সুল, তবুও গ্রাম ছাড়ব না।

গোমস্তা যথাসময়ে ঘোষণা করল, যেহেতু কুরমি গ্রামের মুণ্ডারা অত্যন্ত টেঁটিহা, সেহেতু এ বছর তাদের শিকার-পরব নিষিদ্ধ।

শিকার-পরব নিষিদ্ধ! খবরটি নিমেষে ছড়াল। প্রচণ্ড আঘাত।

সবাই বিমূঢ়। কোনোদিন কোনো মালিক মুণ্ডাদের পরব নিষিদ্ধ করেনি।

সুখা বলল, এর পরেও যে থাকবে থাকো। মোরা চলে যাব। এরপর আর থাকব না।

সুখার প্রয়োচনায় ওরা মুণ্ডা স্বভাববিরুদ্ধ এক খচড়াই করল। বেপরোয়াভাবে টিপছাপ দিয়ে সবাই ক্রমে ক্রমে ধান ও ভুট্টা কর্জ নিল। তারপর একদিন সন্ধ্যার পর সবাই গ্রাম ছাড়ল। গরুর পিঠে বেঁধে নিল দরজা-জানলার কপাট। ধান ও ভুট্টা ও চাল। গরু-ছাগল-গুওর সব পথ চলতে চলতে বেচবে বলে সঙ্গে নিল। তারপর পহানকে প্রণাম করে ঘর ছাড়ল সকল মুণ্ডা। খুব জঙ্গলে গ্রাম। চট করে খবর যাবে না কাছারীতে। সোজা পথে নয়, জঙ্গলের ছুর্গম পথে ওরা চলে গেল। তোমার দু দিনের পথ।

দোলের সময়ে কাছারীতে পরব। স্বয়ং রাজা আসবেন হাতি চেপে। এবার তিনি এখানে শিকার খেলবেন। বেষ্টবেগার দরকার। জঙ্গল ঠেঙাতে। গ্রামে গ্রামে লোক গেল। পেয়াদা। তারপর জানা গেল সত্যি খবরটি।

পেয়াদা বলল, শুধু পহান বসে আছে মালিক। আর কেউ নাই। বাড়ির কপাটগুলো ভি খুলে নিয়ে গিছে।

কোথা গেল ?

পহান জানে না।

খোঁজ-খোঁজ পড়ে গেল। নেই তারা, কোথাও নেই। শেষে খবর এল তারা তোমার মিশনের শরণ নিয়েছে। গোমস্তা মাঝার জুতো নিয়ে রাজার সামনে দাঁড়ালেন। রাজা বললেন, এক ছটাক রাজ্য নিয়ে মিশনের সাহেবের সঙ্গে লড়াই ?

হজুর, আর্জি দিতে হকুম হয়।

কি আর্জি দেবে ?

খিজোহী প্রজারা এসেছে, কিরিয়ে দাও।

দেয় তারা ? ক্রীষ্টান করবে বলে বসে আছে জঙ্গলে । নতুন গোমস্তা হবে, তাকে কাজ বুঝিয়ে দিয়ে তুমি বিদায় হও ।

জলতে জলতে কাছারিতে ফিরল গোমস্তা । পহানটাকে চাই ।
ও নিশ্চয় সব জানত । সব জেনেও কিছু জানায় নি । প্রজা গেল,
প্রজা আসবে । কিন্তু এই অপমান ! বজ্জাতগুলো কান মলে গেল
একেবারে ? এত এত ধান-ভুট্টা কর্জ নিয়ে গেল ? গোমস্তার
হৃদশয় পয়স প্রীত আমিন বলল, কি আর করবেন ? তোমার
মিশনের সাহেব রাঁচিতে গোরমেনের সঙ্গে দোস্তালি রাখে । জোর
করে ক্রীষ্টান করে ওরা, এ ক্ষেত্রে সেধে গিয়ে এতজন ক্রীষ্টান হচ্ছে,
লে ছেড়ে দেবে ? রাজার উপরেও তো গোরমেন্ খুশি নয় । গদি
রাখাই মুশকিল ওর । ছোটো ছেলেই অন্ধ । তেমন রাজাও নন ।
কি জন্তে শুনবে গোরমেন্ ? ছোট ছোট রাজাদের গোরমেন্
চোখে দেখে না ।

লোকে আমাকে কি বলবে ?—গোমস্তা বলেন ।

আমিন এ কথা জবাবে ঘন ক্রীরের মত থকথকে ও স্বাহু গলার
বলে, উ মং শোচিয়ে আপ । লোকে কি ভাবে, কি বলবে, তা
ভাবতে গেলে কাজ চলে না । আর “লোক” যে বলি আমরা, ও
তো একটা কহাবং মাত্র । লোক কোথায় এখানে ? জংলী দেশ ?
কথা ? কথা তো সব সময়েই হচ্ছে । আমি তো খোদ রাজবাড়িতে
শুনে এলাম । সবাই গোপনে বলছে, এই মুণ্ডাদের তাড়াবার
বাপারটি আপনায়ই বানানো ।

আমার ! কেন ?

আহা, মুণ্ডারা হারামি সে তো সবাই জানে, খুবই বজ্জাত ওরা ।
কিন্তু গোমস্তাজি ! এতকাল এতরকম হল, ছথিমার ব্যাপার তো
সেদিনের কথা,—তারপর তো পুলিশ গ্রামে এসে কি কাণ্ড করল ।
কিন্তু ওরা গ্রাম তো ছেড়ে যায় নি ।

সে আমি শাসনে রেখেছিলাম ওদের ।

ওহি তো বাত গোমস্তাবাবু, আপনি নিজে কবুল গেলেন যে
চোদ্দ-১

আপনি ওদের শাসনে রেখেছিলেন। তা তো রাখবেনই। কিন্তু লোকে, মানে এখানকার লোকে বলছে, ছেলে মানুষ করতে গেলে মারতে হয়, আবার গুড়ও দিতে হয়। আপনি মেরেছিলেন, আবার না কি গুড়ও দিয়েছেন, কাছারির লোকরা বলছে।

কি রকম ?

এই, ধান-কর্জ দিয়েছেন, বুঝিয়েছেন, রাজার গদি বেশিদিনের নয়। সেক্রেটারি সাহেব রাজার ওপর সন্তুষ্ট নন, ছোটরানীর ছু ছেলেই অন্ধ যখন, তখন বড়রানী দস্তক নিয়েছেন যাকে তাকেই দিবে স্টেট। এই সব বুঝিয়ে আপনিই ওদের ষেতে বলেছেন, কেন কি আপনি চান এ লাট নিলামে উঠুক, আপনি ডেকে নেন।

এই কথা ?

হাঁ জী।

লোকে বলছে ?

হাঁ জী।

লোক কোথায় এখানে ? জংলী জায়গা ?

আমিন হেসে বলে, কাজ করবেন আপনি, কথা হবে না ? আমি তো বলব, ওরা চলে যাবে তা গোমস্তাজী জানতেন কিনা জানি না, তবে এবার ঢালাও হাতে কর্জ দিলেন, তা দেখে আমি তাজব বনেছি।

খতে টিপ নিলাম !

বেঠবেগারীর টিপ সহি খতে তো পাহাড় জমিয়েছেন। ধরুন সুখার বাপ সঞ্চা মুণ্ডা। সঞ্চার ঠাকুরদা টিপ দেয়, ওরা এখনো সেই বেগারী দিচ্ছে। সঞ্চাকে দিয়ে আপনি খতে ছাপ দেওয়া হলেন, সে ভি ভাল। সে সুখা আজকের ছেলে। পরদাদার খতের জন্তে বেঠবেগারী দিতে চাইবে না হয়তো, তখন তাকে বলা যাবে, তোর বাপের টিপ-পাট্টা আছে। আবার ভি সঞ্চাকে টিপ দেওয়া হলেন কেন ? একটা লোককে কতবার বেঠবেগারীতে বাঁধবেন ? এই আপনার আগেকার গোমস্তার মাথা চলে গেল, তবু ভি আপনি এত

কড়াকড়ি করলেন, যে আমরা জেনে গেলাম আপনার ধান্দা আছে কোনো। লাট কিনবেন! কিছুন না! নাকাটার কোনো লম্বটের মাটিতে আর গুড় নেই, সব নিমক।

এ সব তাহলে আপনারই কথা?

লোক আর কোথায়? জংলা দেশে?

শিয়াল ও বাঘের গল্পে, টুনটুনি ও বেড়ালের গল্পে, শেষ অবধি যায় বা বেড়াল যে রকম অপদস্থ বোধ করে, গোমস্তারও সেই অবস্থা। আমিন শেষ টিঙ্গনী কেটে যায়, হোলির দিন তো এসে গেল। রাজাও না কি জানতে চেয়েছেন, আমিও শুধাচ্ছি, আপনি ওদের শিকারখেলা বন্ধ করতে গেলেন কেন? আমরা খুব বেঁচে গিয়েছি এবার। শিকারখেলা বন্ধ! ওরা যদি বলোয়া উঠাত?

গোমস্তা বোঝে, সত্যিই তার কপালে এখানের মাটি নিমক হয়ে গেছে, গুড় নেই আর। এবার তাকে পাততাড়ি গোটাতে হবে। এদিকে কাছারিতে হোলির ব্যাপার। রাজা শিকারে আসবেন বলেছেন। তার সমস্ত রাগ গিয়ে পড়ে পহানের ওপর। সে সবই জানত, তবু কিছু বলেনি। ভীষণ ক্রোধে গোমস্তা পেয়াদাকে বলে, চুপ কুরমি।

ওরা কুরমি যায়। পরশু হোলি। পাহাড় ও জঙ্গল লাল-লাল। পলাশ ফুটেছে। কুরমি গ্রামের চেহারা এই সকাফেও অভ্যস্ত ভয়াবহ। কেননা জনহীন গ্রাম। কপাটহীন ঘরগুলি হাঁ হাঁ করছে। পেয়াদা বলে, যেন ভূতে ধরেছে গ্রামটা। কি সুনসান রে!

পহান! পহান আছ? পহা—ন্!

ডাকতে গিয়ে খেমে যায় গোমস্তা, কান পাতে, শুনতে পায় গানের সুর। হোলির প্রস্তুতির গান। মনে অসম্ভব আশা জাগে, আছে কেউ কেউ। উল্লাস। কাজ ছেড়ে যেতে হয় যদি, স্বাক্ষর পাবে উঁকে কোড়া মেরে নিক্ষেপ করে যাবে। পেয়াদাকে বলে, চুপ চুপ! শব্দ পেলেন পালানো ওরা। গ্রামেই আছে নইলে পান গার কে?

আপনি আগান।—পেয়াদার মনশ্চক্রে ঝিলিক দিয়ে যায় ছুখিয়ার হাতে বল্লমে বিঁধানো একটি সত্ত্ব কাটা মাথা। ঘাড়ের হাত বুলোয় ও। তেমন হলে ও দৌড়তে পারবে। গোমস্তা পারবে না। দৌড়ানো অভ্যাস নেই।

গোমস্তা আগে চলে ও পেয়াদা পিছনে। গোমস্তা রাগে অন্ধ। নইলে তার মনে একই দৃশ্য একই ভাবে ঝিলিক দিত। এরা এগোতে থাকে এবং গানের কথা স্পষ্ট হয় :—

পূর্ব দিকে ছিল বাঘ, আহা মরদ বাঘ—

বল্লমে বিঁধলাম তারে—

শিকার পরবের দিনে গিয়াছিলাম বনে

তুমি ছিলে ঘরে গো

দরজা ধরে চেয়েছিলে পশ্চিমের পানে

আমি তো তখন পূর্ব দিকে

শিকার পরবের দিনে গিয়াছিলাম বনে ॥

ওরা এগিয়ে একটি পুটস বোপ পেরিয়ে দেখতে পায় গায়ককে। ঘরের সামনে শাল গাছের নিচে বসে আছে পহান। তার কাছে শুয়ে আছে কয়েকটি কুকুর। শাল পাতা ঝরছে বাতাসে। আঙিনায় উড়ছে পাতা। কুকুরগুলি না খেয়ে নিস্তেজ, তবু ওরা ডাকে ও ছিটকে উঠে সরে দাঁড়ায়। পহান হাতে একটি বল্লম নিয়ে, সেটিতে হাত বুলিয়ে চলেছে। গান গাইছে পহান। গোমস্তাকে দেখে ও গান ধামায় না, গেয়ে চলে, শিকার পরবের দিনে...

পহান। এই পহান, গান ধামা।

পূর্ব দিকে ছিল বাঘ, আহা মরদ বাঘ—

পহান।—গোমস্তার ভয় করে। অথচ পহান বুড়ো, শীর্ণকার, বল্লমটি মরচে পড়া, ও বসেই আছে। ওর গারে গাছের কুটোকাটা।

বল্লমে বিঁধলাম তারে—শিকার পরবের দিনে—

পহান।—গোমস্তার গলার স্বর কীণ হয়। পরিত্যক্ত গ্রামে এক শীর্ণ বৃদ্ধের গলার শিকার পরবের গান এ রকম ভয় বয়্যে কেন ?

পহান

পহান গানটি শেষ করে, ধামে, তারপর বাতাসকে বলে,
কুকুরগুলা! গুলবাঘার ভরে মোর কাছে এল। কুকুরগুলা!

আবার সে গান ধরে এবং অজানিতের ভয়ের চাবুক খেয়ে
গোমস্তা ও পেয়াদা পালাতে থাকে। কপাটহীন ঘরগুলির ভেতর
দিয়ে বাতাস ছোট্টাছুটি করে, শুকনো পাতা ওড়ে। ওরা পালায়।

আড়ালে দাঁড়িয়ে চোটি সমগ্র দৃশ্যটি দেখে। সেও এসেছিল ও
নিশ্বাস আটকে দাঁড়িয়ে ছিল পহানের পেছনে। এখন সে এগোয়
ও পহানের সামনে রাখে ভুট্টার ছাতু, তুরা গুড়, জল। পহানের
কোল থেকে বগ্নমটি নামায়। গান শেষ হলে পহানের শীর্ণ হাতটি
ধরে ছাতুর ওপর রাখে। আন্তে বলে, খাও।

খাব?

হাঁ। আগে আসি নাই উয়াদের ভরে। উয়ারা আবার আসতে
পারে, এখন রব না। আবার আসব, আবার দিয়া যাব।

পহান যেন অনেক দূরে চলে গেছে। দূর থেকে ভেসে আসা
শীর্ণ স্বরে সে বলে, চোটি, চোটি মুণ্ডা। বিসম্ময় ছেলে, এতোয়ার
নাতি, সোমাইয়ের পুতি।

খাও, আমি যাই।

এতোয়ার সঙ্গে আমি এক সময়ে হোলির আগুন জ্বালায়েছি।
আজ জ্বালবে, কাল হোলি।

হাঁ। মনে আছে। এই কুকুরগুলা লয়ে যেতে পারিস?

বাবে?

নাঃ! তোরে চিনে না।

আমি যাই।

যা।

সহসা কাছে চলে আসে পহান ও অসীম উৎকণ্ঠায় বলে, সাবধানে
ধাপ বাপ। গোমস্তা তোরে দেখলে জুলুম উঠাবে। তোয় নাম
লয়ে কত কথা বলত।

“সাবধানে যাস বাপ” শুনে চোড়ির বুকের নিচে কি যেন ছিঁড়ে যায় বেদনায়। পহানের স্বরটি এমন আন্তরিক। সকল ধর্ম বিশ্বাসে মহাপাণী আত্মঘাতী পিতা বিসরা মুণ্ডাকে মনে পড়ে। সে এমনি গলায় এমনি কথাই বলত। চোড়ি বলে, সাবধানেই যাব।

সেদিন সন্ধ্যায়, গ্রামে গ্রামে যখন হোলির আগুন জ্বলে মহাউল্লাসে ছোটদের সে আগুন ঘিরে, কুরমিতে আজ হোলির আগুন জ্বলবে না মনে করে চোড়ির বুকের নিচে যখন ছুঁখ, তখন সবাই টেঁচিয়ে ওঠে ও দক্ষিণপানে হাত বাড়ায়।

পাহাড়ের মাথায় কুরমি গ্রাম জ্বলছে।

সনা বলে, গোমস্তাটা জ্বলাই দিল গ্রামটো।

চোড়ি কোনো কথা বলে না।

পহান চলি গিছে ?

চোড়ি কোনো কথা বলে না।

পরদিন, শিকার পরবের দিনে ভোররাতে উঠে পড়ে চোড়ি। বউকে বলে, কেউ শুধালে বলবি মাঠে গিয়াছি। আমি যাব আর আসব।

কোথা যাও ?

কুরমি। পহানটো বাঁচি আছে কিনা দেখে আসি।

চোড়ির বউও ভিন গাঁয়ের এক পহানেরই নাতনি। সে বলে, পহান কখনো আত্মঘাতী হয় না, তারে লয়ে ভাব কেন ?

তুই কি জানিস, বউ ?

আমার জলের ঘটিটো গেল। আলুমিনিয় ঘটিটো।

তুই জানিস ?

এও জানি, এ আগুন সে দিয়াছে। মন বলছে আমার।

চোড়ি চলে যায়। মাথা ও গা চাদরে জড়িয়ে দৌড়র বলতে গেলে। পথ যেন ফুরায় না আর। তারপর এক সময়ে ও কুরমি পৌঁছয়। শূন্য, শূন্য সব। ছাইয়ের পাঁজা। ছাই ওড়ে। ঘরের কাঁধ এখন শৌলান-বুরু যেন অঁতকায়। গাছের ডাল ভেঙে ছাই

পেটার ও। ছাই পিটিয়ে হাড় খোঁজে পহানের। পহান নেই, কুকুরগুলো নেই। চলে গেল তবে? সহসা ওকে চমকে দিয়ে দূরে কয়েকটা কুকুর ডাকে ও মুখ তুলে ও দেখে এক অবিশ্বাস্য ছবি। গ্রামের ঠিক সামনের পাহাড়ের মাথাটি ছাড়া ও পাহাড়টি লম্বাটে। নিচু পাহাড়। পাহাড়ের ঢাল থেকে মাইল দশেক অতি নিবিড় জঙ্গল। পাহাড়ের মাথা দিয়ে বল্লম উঁচিয়ে হাঁটছে পহান, পেছনে কয়েকটি কুকুর। পহান নামছে ঢাল ধরে। বনের দিকে। শিকার পরবের দিন আজ। পহান নামল, কুকুরগুলি, বন ওদের গ্রাস করে নিল। চোটি মাথা নাড়ল। ও বনের বুকে কোনো পায়ে চলা পথও নেই। ভালুকের ভয়ে ওখানে কেউ ঢোকে না।

পহানের বনে ঢোকাটি প্রতীকী। সেই সঙ্গেই, উষা ও রাতের সন্ধিক্ষণে কুরমি গ্রামের মুণ্ডাদের কাহিনী ফুরাল। তোমার মিশনের যোসেক সুখা মুণ্ডা, দাউদ বিখনা মুণ্ডাদের কাহিনী আলাদা। জন্ম নিল কয়েকটি কিংবদন্তী। সকলই গল্প কথা হে চোটি মুণ্ডার জীবনে। গল্প থেকে গান।

বড় জুলুম উঠিয়েছিল দয়ালরাজ গোমস্তা
কুরমির মুণ্ডাদের বেঁধেছিল বেঠবেগারীতে
বেঠবেগারী দিতে দিতে দিতে দিতে—
সুখা মুণ্ডা গিয়েছিল চোটি মুণ্ডার কাছে।
চোটি ভেজে দিল তীর তোমার মিশনের দিকে
বলে দিল, তীরের পাছে পাছে যা ॥
চোটি ভেজে দিল আগুন মুখা তীর
কুরমিতে জ্বলল হোলির আগুন ॥
চোটি ভেজে দিল তীর পহানের কাছে
পহান তীরে চেপে চলে গেল অনে—ক দূর ॥

বছর দেড়েক বাদে কুরমি গ্রামে নতুন প্রজা পত্তনি হয়। জঙ্গল আবাদ করে তারা ঘর তোলে সবাই। কুরমিতে প্রথম যে সবজি আর ভুট্টা ফলে, তা যেমন সতেজ, তেমন বড় বড়। ঘরপোড়া ছাইয়ের

মায়ে পুষ্টি। প্রথম কলনের কল ও শস্য আদিবাসীরা দেওয়ালির পর দিন সূর্য দেবতাকে দেয়। তারপর আবার যেমন ছিল তেমনি হয় গ্রাম। ছাগল চরে, কুকুর ডাকে, ঘরের চালে মুরগি, উঠোনে ন্যাংটো ছেলেদের কলরব। জীবনে কোনো কিছু শূন্য পড়ে থাকে না।

সাত

কুরমি গ্রাম জ্বলল, পহান চলে গেল। চোটির নাম তার সঙ্গে জড়িয়ে গেল। বউ বলল, তুমি যেন চোটি নদীটা। ই নদী বাদ দিয়া আমারদের কুন্-অ কাজ চলে না, তোমারে বাদ দিয়া কিছু ভাবতে পারে না এরা।

বুঝলাম। ওটা কি? বলতাকে?

থরা। হরমু মারল।

বড় শিকারী হচ্ছে।

সেদিন ওরা, ছেলেরা লাকড়া মারল না?

কোথা সে?

ওই তো।

হরমু!

এই যে।

ওটা কি মারছিল?

হরমুর পরের ভাই সোমচর হেসে বলল, থরা ওটা। যেমুন ঘাসের ভিতর দৌড়ায়েছে, অমনি দাদা মেরাছে। মা রেঁধে দিবে।

চোটির হাসি পেল। তবু ব্যাপারটি গুরুত্বপূর্ণ। সে গম্ভীর হয়ে বলল, হরমু! ওটা মাদীটা। তুই বুঝিস নাই?

মারার পর দেখলাম।

কখনো জানি না-দেখি। মাদী জানোয়ার, মাদী পাখি হতে জীবের সংসার বাড়ে। মাদী জানোয়ার-পাখি তোমারে চিনালাম কেন?

আর মারব না।

সোমচর মায়ের দিকে চেয়ে বলল, মায়ের পেটে বুন, নয় বাবা ?

চোটি এবং বউ দুজনে দুজনের দিক থেকে মুখ কেরাল। বউ বলল, যা মুরগিগুলা দেখ গা সোমচর। দিনেমানের শিয়াল কিরে।

শিয়াল এলে লাঠি দেখালে যায় ?

তোরাও কি ধনুক চাই ?

ভীর বিঁধে মেরে দিব শিয়াল।

চোটি ধমক দিয়ে বলল, ধনুক অমুনি নেয় না। সময় হলে ধনুক দিব। যা শীঘ্র ? আমাদের মা বললে মোরা দৌড় মেরে কাজ করতাম।

দৌড়াব কেন ? মায়ের পেটে কেন বুন হবে ? কেন আমি তখন কাকীর কাছে ঘুমাব ? কেন তখন মা আমাকে ভাল বাসবে না ?

বিটিছেলা লয়ে মা থাকে। পুরুষ ছেলা থাকে বাপের কাছে। তুই তখন আমার কাছে থাকবি। হল তো ? এখন যা। দাদারে ডেকে দিস।

বউকে বলল চোটি, মহারাজ চিনাবাদাম লাগিয়ে আমার জ্ঞান নিকুশে দিল। গোড়ার মাটি ঢিলা কর, যত্ন কর, যেমুন দিকু ঘরের বিটিছেলা।

লাভ যে ছনা ?

তা বটে। উ লাগাবার আগে কেও জানে নাই এমুন জমিনে এমুন চিনাবাদাম হবে। এখন সব লাগাতেছে।

কিছু কিনে না ভীরখনাথ।

লবণ আর কেরোসিন। তাও যদি জমিনে ফলত তবে কলাত।

চোটি আর হরমু বেরোল। কোয়েল গেছে রাই। সকালের ট্রেনে যায়, ফিরতে রাত হয়। তবু ওই হাটে দামটা মেলে বেশি। হরমুর সঙ্গে ধনুক। ধনুকে প্রোমোশান পাবার পর ওর কাঁধ থেকে ধনুক আর নামে না। হরমুর মুখ-চোখ বেশ ভাল। বড্ড ময়লা হয় সাদা ধুতি, তাই মা ওর ধুতি কুশুম রঙে রাঙিয়ে দেয়। স্টেশনমাস্টারের

মা ওকে দেখলেই বলেন, বালক রাম যেন। হরোয়া চলতে চলতে বলল, বাবা ! দাঁতাল বরা না কি বাদাম খেতে আসতেছে একটা ?

হাঁ রে।

হাতির মত বড় ?

বরা কি হাতির মত বড় হয় রে ?

বল না।

খুব বড়।

বরা মাহুষ মারে ?

মারে না আবার। আমার বাবা তখন জোয়ানটা। আমি ছ বছরের গঁদাটা। কাকারে আমার শিকার পরবের দিনে একটা দাঁতাল বরা পেট কেড়ে দেয়।

তা বাদে ?

ঘরে আনতে আনতে কাকা মরে গেল।

তখন ?

বাবা বলল, উ বরা না মেরে জল খাব না। সেই বরা মারল বল্লমে, তবে জল খেল। কিন্তুক বাবা গুওর কাটলে চেয়ে দেখে নাই। শিকারে এমন হাত, ওধারে মুরগি কাটতে পারত না। তা লয়ে মা হাসত কত।

ই বরাটো তুমি মারবে না ?

না রে, দারোগাবাবু মারবে।

তুমি তো মারতে পার।

তার শখ। শিকার করবে।

এই দাঁতাল বরা শিকার করতে গিয়েই দারোগার প্রাণসংশয় হয়। চিনেবাদামের খেতটি বেড়া, উঁচু কণিসিজের বেড়ায় ঘেরা। কাঁটায় জখম ও রক্তাক্ত হয়ে চোড়িয়াই এই এক বর্গমাইল খেতে মনসার বেড়া দেয়। তখন তীরখনাণের আলুর খেত বানাবার শখ ছিল। তখনি বেড়া দেওয়া হয়। কয়েক বছরে গাছগুলি বড় হয়েছে, বর্ষার জলে ক্রমে পাতা থেকে নতুন পাতাও বেরিয়েছে।

চুকবার আগড় তীরখনাথের খেতের দিকে। জমিটি তিন ভাগ ডাঙার, তারপর জমি ঢালু। তারপর একটি নালা। ভগবান যাকে দেন, ছাপ্পার ফুঁড়ে দেন। সেই কারণেই তীরখনাথের ১৫০০ বর্গ একর জমির মাঝখান দিয়ে বয়ে গেছে একটি সরু নদী, এদের ভাষায় নালা। নালাটিতে গ্রীষ্মেও তিরতিরে জল থাকে। কলে আশ-পাশের জমি সরস। এই জায়গা, যেখানে কুয়ো ছাড়া জল মেলে না, সেখানে এ একটা মস্ত ভরসা। ডাঙা জমি ও নাবাল জমির মাঝে নালায় গা দিয়ে কয়েকটি আমলকী গাছ। গাছের আড়াল থেকে ও দিকটা চোখে পড়ে না। ডাঙা জমির প্রান্তে বেড়া, কণিসিজের দুর্ধর্ষ বেড়া ভেঙে ফেলেছে দাঁতালটি। চিনেবাদামের গাছ নষ্ট করেছে সমানে। দারোগা ওটাকে মারবেন বলেছেন। কয়েকবার এলোমেলা তীর খেয়ে বরাটি মানুষ দেখলে রুখে ওঠে। ওর ধোতখোতানি শুনলেই চোড়িরা পালায়। তীর খেয়ে ও মরেনি জেনে দারোগা হেসে বলেছেন, তীরের কাজ নয়। বন্দুকে মারতে হবে। তীরে হয় তো পাখিটা, খরগোশটা মারা চলে।

এতদিন মারা হয়নি, দারোগার সময় হচ্ছিল না। তীরখনাথের মাও “উনি বরাহবতার” বলে জেদ করেছিলেন। কিন্তু বরাহবতারের জন্তে হাজার টাকার চিনেবাদাম নষ্ট করা চলে না। এখন তিনি বলেছেন, মারা হলে পরে একসময়ে তিনি কাশীতে গিয়ে প্রায়শ্চিত্ত স্বরূপ বিশ্বনাথ মন্দিরে সোনার তুলসীপাতা দেবেন একশো আটটি। শিব এবং বিষ্ণু আসলে এক।

এত কথাই পর দারোগা এলেন একদিন। নাবাল খেতে কাজ করতে করতেই সনা বলেছিল। কয়েকদিন দেখা নাই, উ শালো আসবে। উঃ, যে পথে আসে, কন্দ খুঁজে খুঁজে মাটি কেড়ে ফেলাছে।

চোড়ি বলেছিল, তোরে খুঁজতে আসে।

কেন?

তু ওরে তীর মেরে পলাছিল।

এমুন বড়। ভাবলাম মারতে পারি যদি, খুব মাংস খাশ
সবে।

তাই পাছায় মারলাম।

আরে ঘুরে গেল যে? তু ভি তো মারলি না তা বাদে।

দারোগা মারবে।

বরা মারতেই দারোগা এলেন।

ভাঙা জমিতে, যেখানে বরাটা বেড়া ভেঙে কাঁক করেছে, সেখানেই
দাঁড়ালেন তিনি। বেড়ার থেকে একটু দূরে একটি মাচাং। তার
ওপরে ছাউন। এই মাচাঙে বসে কসল-ডাকাতি করতে যারা আসে,
সেই হরিণ ও শুওর তাড়াতে পাহারা থাকতে হয়। মাচাংটি কয়েকটি
খুঁটির ওপর। চোটি বলল, উয়ার আড়ালে দাঁড়ালেন হুজুর?

দারোগা বললেন, শুওর এক দিকে চেয়ে চলে। ও আমাকে
দেখার আগে আমি ওকে গুলি মারব। তোমরা চলে যাও। বিরজু,
তুমি থাকো।

কনস্টেবল বিরজুর হাতে বল্লম।

চোটি বলল, আমরা নিচে থাকি হুজুর, শিকার দেখব।

তোমরা ক জন আছ?

ছয় জনা হুজুর।

সঙ্গে আছে কিছু?

বলোয়া তো রাখি, আর নিড়ানি। কাম করতেছিলাম।

একেবারে কথা বলবে না।

না হুজুর।—চোটিও খুব উত্তেজিত। ও চলে এল নাবাল জমিতে
ঢালের গায়ে গা লাগিয়ে ওরা দাঁড়াল। সবাই উত্তেজিত।

ঘোত ঘোত শব্দ। সনা ফিসফিস করে বলল, আসতেছে।

চোটি ওর মুখে হাত চাপা দিল।

দারোগা শিকার করেছেন আগে। এ সব জায়গায় এখনো
বিস্তর শিকার। শীতকালে সন্ধ্যার পর পথ চলেছে, মাঝে-মধ্যে
বাঘ দেখেনি, এমনটি হয় না। বুনো বরাও মেরেছেন। কিন্তু অখমি

বরা উনি মারেন নি। হাতের টিপও ভাল। বন্দুক বাগিয়ে দাঁড়ালেন। উনি ভাবতে পারেন নি বরাটি বেড়াতে ঢোকার আগেই ঠেকে দেখেছে।

ওঁর হিসেব উলটে দিয়ে বরাটি ফাঁকা জায়গা দিয়ে না চুকে ওঁর পেছনের বেড়ায় গাছ যেখানে পাতলা, সেখান দিয়ে সবেগে ঢোকে এবং মনসাকাঁটার ছড় লেগে আরো খেপে যায়। বস্তুত খেপেই সে ঢোকে এবং বল্লম ফেলে বিছাৎ বেগে বিরজু কনস্টেবল লাফিয়ে ওঠে মাচাতে এবং দারোগা ঘুরে দাঁড়িয়ে গুলি করতে না করতে পাঁজরায় গুলি খেয়ে বরাটি তাঁর ওপর এসে পড়ে। তাঁর আর্ত চিংকারে বিছাৎস্পৃষ্ট হয়ে চোন্টি লাফিয়ে ওঠে ডাঙা জমিতে। শিকারী সে। শিকারের হাতিয়ার তীর-ধনুক, কচিং বল্লম। কিন্তু শিকার ওর যুক্ত। শিকারে চিন্তার কিপ্রভা সমান দরকার। বরাটি দারোগার ঝাঁ হাত চিরছে। বিরজু ওপরে, মাচাঙে। চোন্টি তীর বেগে ছোটে, বিরজুর বল্লম নেয়। “হরা হরা হরা” বলে বরাটিরও হাড়কাঁপানো গর্জন করে। বরাটি দারোগাকে ছেড়ে ওর দিকে ঘোরে। চোন্টি বল্লম নিয়ে ছুটে আসে, বরাটির কানের নিচ থেকে ত্যারছাভাবে বল্লম বিঁধায়, চেপে থাকে সর্বশক্তিতে, পাহাড় যেন বরাটি। কাত হয়ে পড়েও সে উঠছে, উঠছে, উঠল। পায়ের কাছে ছুঁড়ে দেয় বলোয়া সনা, ওরা বলোয়া তুলে আসছে। চোন্টি বলোয়া ওঠায়। দাঁতে চিরেছে ওর পা। মাথার ভেতর ভীষণ আক্রোশ। বলোয়া দিয়ে কোপাতে থাকে ও, তারপর ওর সাধীরাও। সাহসী পশুটি প্রবল বিক্রমে বোঝে, কিন্তু এক সময় তাকে মরতে হয়।

দারোগাকে বয়ে নিতে হয় স্টেশনে। মালগাড়ি দাঁড় করিয়ে নিতে হয় ডালটনগঞ্জের হাসপাতালে। তোহুরি থানা থেকে স্টীক আনাবার সময় নেই। তীরখনাথ, বিরজু ও হুজন কুলি যায় সঙ্গে, গার্ডের কামরায় মেঝেতে দারোগা।

চোন্টি, তুইও বা—স্টেশনমাস্টার বলেন।

না, সেয়ে বাবে।

চোন্টি খুঁড়িয়ে খুঁড়িয়ে কেয়ে। পহান চলে আসে লম্বাপাতা
বেটে নিয়ে। অখম দেখে বলে, হাড় বাঁচি গিছে, ভাঙে নাই।

চোন্টির পা বাঁধা হয়। চোন্টি অস্ত্রদের বলে, শালো ময়ি পড়ি
আছে, কেটে কুটে খেতে হবে লয়ে আয়।

বরাটি বিশালকায়। দশজন মুণ্ডা হিমসিম খায়। বরার মাংস
গল্প, ছসাদ, ধোবি টোলিতে, কুলি লাইনে বিলি হয়। দাঁত ছটো
য়েখে দেয় চোন্টি। বলে, দারোগা বাঁচে তো তারে দিব। বড়, মাংস
আচার বানিয়ে রাখিস। পাকা মাংস।

রক্তে ভাসি গিছ, আচারের কথা মাখায় আছে।

আরে, অনেক মাংস, অনেক মদ খেলে ব্যথা আপনি বাবে।

চোন্টির ক্ষত শুকাতে দিন সাতেক লাগে। দারোগার সার্বতে
লাগে দেড় মাস। হাসপাতালে থেকে বেরিয়ে উনি চোন্টিকে ডেকে
পাঠান। দাঁত ছটি পেয়ে খুশি হন খুব। চোন্টিকে ধন্যবাদ জানাতে
বিস্তৃত বোধ করেন খুব। তা বাদে বলেন, তোমার অস্ত্রই বেঁচেছি
সেদিন। আমি ভাবিনি ওদিক থেকে আসবে।

অখম হলে শয়তানী বাড়ে।

ময়েই যেতাম।

চোন্টি হাসে। বলে, খুব বড় বরা।

চোন্টি! তোমাকে.....দারোগা পকেটে হাত দেন।

না হজুর। নিব না।

নেবে না?

আমি যদি ওর নাগালে পড়তাম, আপনি যদি বাঁচাতেন, আমি
কি আপনাকে দিতে পারতাম কিছু!

দারোগা হেসে বলেন, দিলে নিতাম কিন্তু।

চোন্টি বললে, এই অনেক। আপনি বেঁচে এলেন, সেই অনেক।

দারোগা এবার বলে কেললেন, তুমি ভীষ খেলার নেমো আবার।
নিষেধ তুলে নিলাম। আর একটু দাঁড়াও। আমার স্ত্রী তোমার

ছেলেদের নাম করে, মানে আমি কিরে এসেছি, পুজো হল তো ?
মিঠাই দিয়েছেন ।

এত মিঠাই হজুর ?

এত আর কি !

সে মিষ্টি সকলকে বেঁটে দিয়ে তবে খেল চোটি ।

এর পরে পরেই তার মেয়ে হয় । শুক্রবারের মেয়ে, নাম
মুখনি ।

দারোগা যে ওর ভীষখেলায় নিষেধ তুলে নিয়েছেন, এ কথা
জানাজানি হতে সকলেই খুশি হয় খুব । এ ঘটনাটিও ক্রমে তার
কৃতিত্বের ও অলৌকিকত্বের আরেকটি ব্যাপার হয়ে দাঁড়ায় । সকলই
গল্প হে চোটি মুণ্ডার জীবনে, সকলই গল্প কথা হয়ে যায় । গল্প
আর গান । গানের কথায় বরাটা হয়ে যায় সচল পাহাড়, এবং খুবই
চিন্তায় কথা, গানে চোটি এক নতুন হাতিয়ার পায় ।

তুমি ঘাস উঠায়ে নিলে

ঘাস হয়ে গেল বল্লম

বরাটারে বিঁধলে

বরাটা ময়ল তখনি

আর দারোগা ?

সে বলল, মহাবীর তুমি

ঘাও, সকল খেলায় নামো

তোমারে নিষেধ করে আমার এই শাস্তি ॥

চোটি বউকে বলল, ঘাস উঠালে বল্লম হয়, কিন্তুক ভীষ লালার
খেত না চষলে পেটে স্নাত জুটে না ।

আমাদের জীবন এমনই যায় । দাদী পরদাদীর কাছে কাহিনী
শুনছি, মুণ্ডাদের এত ছিল, তত ছিল । কিন্তুক ছিল ঘর—আবাদ-
শিকারের লেগে বস । কুন্-অ দিন তারা গল্পকথায় বলে নাই মুণ্ডার
কোঠাঝড়ি ছিল । আমরা তো সে সব দেখি নাই । দেখে গেলাম,
মহাজনের থাকে কোঠা, মুণ্ডা থাকে পাতার ঘরে, মহাজনের খেত

চবে।—বউ মেয়েটাকে ছুধ দিতে দিতে প্রশঙ্গাস্তরে গেল। বলল, কুরমির মাটিতে কি আছে গো ?

কেন ?

কোয়েল দেখে বলে, এই এত বড় মরিচ, এত বড় কুমড়া কলে সেখা।

ঘরপুড়া ছাইয়ের সার, জঙ্গল হয়ে গিছিল, পাতা পচা সার।

তুমি সুখনিরে দেখ টু থানি, মুংরি ছাগল লয়ে যাবে, ওরে খেতে দেই। রশি নাই, জানলে ? রশি আনতে হবে।

আনব।

চোড়ির হাতের বানানো দোলনায় ছলছে সুখনি। মেয়েকে দোলা দিতে দিতে চোড়ি অক্ষুটে বলল, বাপের নামে গান শুনবি কানে। চক্ষে দেখবি বাপ মাসে তিন টাকা মজুরী আর জলখাইয়ের লেগে লালার খেত চবে।

মেয়েটা ঘুমোচ্ছে। চোড়ির মনে পড়ল কুরমির কথা। “কুরমি” বলতেই মনে পড়ে ছুথিয়ার মুখ। মনে পড়ে সেই ছবিটা। পাহাড়ের মাথা দিয়ে আকাশের গায়ে আঁকা সচল ছবির মত পহান চলে যাচ্ছে কয়েকটি কুকুর নিয়ে। তোমার পথ ছিল না ওটা। ও রকম হুর্গমে কোনো পথই নেই। নেমে গেল বনে। যে বনের চারদিকে শুধুই পাহাড়, সেখান থেকে বেরবার পথ নেই, সে বনে গেল কেন পহান ? নিজের কাছে সাচাই থাকার জন্তে খানী যায় জেজুড়, ছুথিয়া গোমস্তার মাথা নিয়ে যায় খানা, পাহানকে যেতে হল ওই বনে ? চোড়ির নিশ্চিত বিশ্বাস, কোনো দিন সে বন চিরে চিরে খুঁজলে পহান ও কুকুরগুলির কঙ্কাল দেখা যাবে।

এই বছরই, চোড়ি কোনো মেলায় তীর খেলতে বাবার আগেই চারটি মুণ্ডা যুবক তার কাছে এস। নামিয়ে রাখল একটি ভাল্য। ভাতে ছিল রাঙা আলু, একটা কুমড়া, ভুয়া গুড় ও অনেকখানি ছাড়ু। মাটিতে প্রশাম করে বলল, ভরত মুণ্ডা মোদেরকে পাঠাল।

এতদিন বাদে ?

জমিদারের হাটতোলা উঠানো নিয়ে মোরা খুব অশান্তি হয়
আছি।

মিটে গিছে ?

উয়ার জীবন আর আমারদের জীবন থাকতে ই মিটবার নয়।
মোরা যাব পাথরের তলায়, উ যাবে খড়ির তলায়, তবে যদি মিটে।

ভরতের কি খবর ?

সে গ্রাম ছাড়ার উপায় নাই।

কেন ?

হাটতোলা লয়ে প্রতি হাটবারে হাংগামা।

তোমরা শিখবে ?

হাঁ।

কখন আসবে ?

যখন বল।

ভরত পাঠিয়েছে, আমি ভি শিখাব। কিন্তুক বলতেছ হাটতোলা
নিয়া অশান্তি ! তোমরা কিছু করে বসলে আমারে হুসবে।

আমি বুধা। ভরত মোর কাকা লাগে। একটা কথা বলব ?

বল।

তুমি শিখাবার শিখাবে। তুমি শিখাছিলে বলা তো ছুথিয়া উ
কাজ করে নাই ? গোমস্তা ছেঁচা ছেঁচা করে উসকাছিল।

তাও সত্যি।

তাতে ভি তুমার দোষ দেখে থানার লোক। পুলস সকল সময়ে
মুণ্ডার দোষ দেখে। আমি এই সুগানাটোরে গরু তাড়াতে লাঠি
দিলাম। সে মেয়ে এই কনুটোর মাথা ভাঙি দিল। তাতে আমার
দোষ ? আমারদের কপালে যা জমিদারের শালোটো। যদি কিছু হয়
তো উয়ার দোষে হবে। কাকা বলে, সে কথা জমিদারেরে বলবে।

চোটি বুঝল, সময় যেমন যাচ্ছে, মুণ্ডাদের কথাবার্তা, চিন্তাধারাও
পালটে যাচ্ছে। বুধার কথায় ধার আছে, কিন্তু কথাগুলির যুক্তি
অস্বীকার করা যায় না।

ভবু সে বলল, পুন্স বড় জুলুম উঠায়, তাতেই বলি।

হাংগামা কে চায় ? কিন্তুক এমন তোলা উঠায় যে বলবার নয়।
ভাল যা, সবই যদি নিবে, তবে কি বেচব, কি খাব ?

জমিদার লোক কেমন ?

জমিদার যেমন হয়। ইয়ার পায়ে গোদ, চলতে পারে না।
জুতা কিনে না, গড়াতে হয়। এক পায়ে বড় জুতা, এক পায়ে ছোট
জুতা।

আরেকটি ছেলে, সে বীর শাস্ত্র। সে বলল, জমিদার চৌধা বিয়া
করাছে। তিনোটারে আলাদা করি দিছে। জমিদারনীয়ে লয়ে
সে থাকে বাগিচা কোঠিতে। জমিদারী দেখে তার শালা। ই
বউয়ের ভাই, তাতেই গরম এত।

বুধা বলল, জমিদার বা কি ! এখুনো কুনো মুণ্ডা গায়ে পিয়ান
দিবে না, পায়ে জুতা পরবে না, মাথে ছাতি লিবে না, কাঁসাপিতলে
ভাত খাবে না। একোজনের ছল ধরলে গোটা গ্রাম জরিমানা দিবে।

গয়া বলল, আর কি, সবই তো জান। বেঠবেগারী দিতে দিতে
কলিজা ছিঁড়ে। আর কথায় কথায় জরিমানা। শালাটো মুণ্ডারী
জানে, কিন্তুক কথা বলে হিন্দীতে। এমন গরমে কথা বলে যে বুঝি না।

উপসংহারে বুধা বলল, কিসের ডর ? কুরমির মুণ্ডারা পথ দেখায়ে
গিছে। তেমন বুঝি তো চলে যাব মিশনে ?

ওখানে মিশন কোথা ?

হোখা নাই তো চাইতে আছে ? নতুন মিশন ? মিশন জমি
নিতেছে। নিলেই মোরাদেব বসত করাবে।

চোন্টি বলল, এসো তোমরা, শিখাব। কিন্তুক যত কম জনা জানে,
ততই ভাল। কথায় কথা ছড়ায় আর দারোগা ভাবে আমি দিকু-
বলোয়া উঠাতেছি।

বুধা বলল, সুখারী একটো মন্দ কাম করি গিছে। উরা যে কর্ত্ত
লয়ে ভাগল, তা হতে এরা কথায় কথায় বলে, কর্ত্ত নিবি ? খোয়াকি
লয়ে তো তোরা পালাবি। কুরমি গ্রামের মুণ্ডারা ভাগি গেল ?

চোঁট্টি বলল, কামটো মন্দই হচ্ছে। কিন্তুক মুণ্ডা জাত চুন্নি-চোঁট্টাই জানে না, করে না। খুন করলে ভি ধানায় বেয়ে কবুল খায়। আজ যদি চোঁট্টাই করে থাকে, তবে তা দিকুর কাছে শিখা।

এই তো সাচাই কথা।

দশ পাই ধান নিলে দশ জনমে শুধে না।

বুধা বলল, সে মোরা লিখাই-পড়াই জানি না বলে চোঁট্টাই করে। মিশনে লিখাই-পড়াই ভি শিখায়।

শিখায় কিন্তুক মিশন-মুণ্ডা দিয়া তো গ্রাম-মুণ্ডার কুনো উপকার আসে না বুধা। মোরা যেথা আছি, যেমুন আছি, তেমুন থাকি।

এ ভি সাচাই কথা।

আমারদের একা কেন? গ্রামে হুসাদ-গঞ্জু সবার এক হাল।

আমরা আজ যাই।

বুধার কথাবার্তা চোঁট্টিকে বিষণ্ণ করে ফেলে। ভেবে পায় না ও, এ রকম চলবে আর কতদিন। বুধার কথাগুলি তো মিছে নয়। ভরতের সঙ্গে দেখা হলে হত। পহান সব শুনে-মেলে বলে, আন গ্রামের কথা চিন্তাস পরে। নিজেদের কথা ভাব্।

কি ভাবব?

আমি আর কতদিন? নতুন পহান্ হবে কে?

তুমি যারে করবে?

আমার তো পুরুষ সম্ভান নাই।

তোমার ভাইয়ের ছেলা নাই কুনো?

না। বউগুলা শুধু বিটিবিয়ানী।

তুমি বাঁচবে এখনো।

পহান হাসল। বলল, তোর বয়স কত?

আমি হতে গোরমেনের সাল শুরু।

সেদিনই শুনেছি ই আটত্রিশ নম্বর সাল। তবে তুই আটত্রিশ বছর হা। তোর জনম কালে আমি কোন্ না হু-বিশ সাল হয়? নাভিনেরও বিয়া হয় গিছে। তা হলে কত হয়? সনারে ডাক।

সনা মুণ্ডা বলল, আর দু বছরে চার-বিশ হবে গো।

পহান বিজয় গর্বে বলল, তবে? এখুনো বাঁচব?

আমারে কি করতে বল?

মোরে একবার ভরকুণ্ডা লয়ে যাবি?

সেধা কি আছে?

আমার কাকার বেটারা। তাদের গোতে কেউ থাকতে পারে।

লয়ে যাব, কথা দিলাম। আমার সুখ-নিটা গাঁদা। ওর আরান্দি করাও। তোমারে গুড়-হলুদ-সুপারি দেই, তা বাদে লয়ে যাব।

আরো কতদিন বাঁচতে হবে, হাঁ চোটি?

সনা বলল, কম করে এক-দশ, এক-পাঁচ বছর।

পহান নিশ্চিন্ত হয়ে আঙিনার বেগুন চারা ঘিরে বেড়া বাঁধতে বসল। সনা বলে, এখুনো হাত চলে কি, তুমি মোদের শৌসান-বুরু দেখে মরবে।

চোটি ঘরে গিয়ে দেখে ভরত এসেছে। হরমু ও সোমরাকে খুব জমিয়ে চোটি ও গোরমেনের বন্ধুত্বের কথা বলছে।

তোমার কথাই স্মৃজিলাম ভরত।

মনে জানলাম যে।

তাতেই এলে?

তাতেই। তুমার নাম লয়ে মোরাদের এত গরব, তা ই ঘরে আমার ঘরে কুন্-অ তকাত নাই দেখি। মুণ্ডাদের ঘরে ঘরে একোই রকম।

আছে তকাত।

কই?

সেই গরিব মোরা, মালিকের খেত চাষি, মিলে তো ভাত খাই, নয় তো ভুট্টা সিজায়ো ঘাটো। কিন্তুক তোমরা, বোকারা, আমারে লয়ে গান বাঁধ।

উ কথাটা ছেড়ে দাও হে। উ তুমার বুঝায় নয়। আমরা বুঝি। ভাল।

এই করেই তো বেঁচে আছি চোটি। তবু তুমারে লগ্নে গরব করতে পারি। গরব করার তো নাই কিছু এখন মোরাদের।

হুথ্‌ হুচে না মুণ্ডার।

এই হাটতোলাটি কুখা হতে আল চোটি ?

দিকুদের আমদানি। দিকুরা আনে, গোরমেন্‌ মদত দেয়। দিকুতে-গোরমেনে বাপ-বেটা জানি। মুণ্ডাদখলী গ্রামে মুণ্ডা রয়, ঔঁরাওদখলী গ্রামে ঔঁরাও রয়, ই না দেখলাম মোরা, না দেখবে ছেলারা।

তাই দেখে !

কুন্‌ ঠাঁই আছে হে, যেখা হাটতুলা নাই, কর্জ নাই, বেঠবেগারী নাই ?

শালোরা বেগারী দিতে ডাকে সকল সময়ে। তা দিলাম। কিন্তুক খেতের কসল, আঙিনার সবজি, ঘরপালা মুরগি-ছাগল, এ ভি যদি বেচতে না পারি, তবে জাহানটো বাঁচে কেমন করে তাই বল ? পেটে তো খাব ছুটা ?

ওরা বুঝে না।

এখন ছেলেরা গরম হয় গিছে। বলে, তুমরা থাকো তুমারদের মুণ্ডা-জীবন লগ্নে। কুরমির মুণ্ডারা পথ দেখায়ে গিছে। মোরা যেয়ে মিশনের মুণ্ডা হব। মিশনের মুণ্ডারে কুনো জমিদারের শালা তাড়তে পারে না।

বুঝলাম। কিন্তুক ইটা কি একটা পথ হল ভরত ? আজ গোমস্তা, কাল জমিদারের শালা খেদাবে, যেয়ে মিশনে ঢুকব ?

তাতে কি ?—ভরত খুব শাস্ত গলায় বলল, ভেবে দেখ তুমি। মিশনে যেতে কষ্ট, যেয়েও সব সুখ নাই। মুণ্ডার মুখ দেখতে কেউ তারে নেয় না। কুনো না কুনো কায়দা উঠাতে নেয়। রাজা জমিদার, দিকু, সবাই সে কারণে মুণ্ডারে সহন করে। মিশনের সাহেবও কুনো না কুনো ভাবে কায়দা উঠাবে। কিন্তুক এমুন হাটতুলা তুলবে না, বেঠবেগারী নিবে না, কথায় কথায় গাল দিয়ে মার উঠাবে না।

চোটি করণ হেসে বলল, ক্রীড়ান হলেই মিশনের কায়দা উঠে
গেল।

সেধা পূজা কি রকম ?

গোয়মেনের দেবতার, বিশুর পূজা-ভজন। শুনাছি, জানি না।

কে জানে ! চোটি ?

কম মুণ্ডা, কম ঔঁয়াও তো মিশনে গেল না !

অনেক গিছে।

তারারা গোয়মেনের দেবতারে পূজে ?

নিশ্চয়।

মোরা তো হরমদেওরে পূজি ?

হাঁ।

তাতেই মনে চিন্তা উঠি গেল।

কি চিন্তা ?

বুরি বা মোদের হরমদেও ভি এত রেল, হাওয়াগাড়ি, শহরে
না কি ছবি চলে, কথা বলে—ই সব দেখে দেখে বুড়া হয়ে গেল।
তাতেই সন্তানদের যেথা সেথা যেতে দিছে। ভাবছে, যা বাপ সকল,
চা বাগানে যা, মিশনে যা, পয়ের খেতে চাষ কর, যেথা গেলে জীবনে
বাঁচবি, সেথা যা। নয়তো এমুন হবার তো কথা নয় ?

ভরত, তুমিও কি তাই মিশনে যাবে ?

সাচাই বলি ভাই, এখুনো জানি না। কে ছাড়তে চায় বল
গ্রাম ? চিনাজানা দেশ ? বেঠবেগারী বল, হাটতোলা বল, সকল
সয়েও থেকে যেতাম, যদি রাতদিনে জমিদারের শালা না তাড়ত।
শালা শিকার করে কুকুর লয়ে। গোয়মেন হচ্ছে যেমুন।

তবে ?

তবে হাঁ, কি করব জানা নাই। তাই বলতে এলাম, তীর
খেলাটো ছেলাদের শিখারে দাও। যতদিন থাকি, মেলায় মেলায়
তীর খেলে লই। যে জিতুক, মাংস-মদ খেয়ে পড়োশি মুণ্ডাদের সাথে
আনন্দ করে লই। কে জানে ভাই, কাল কি হবে।

বুকের নিচে হুখায় ভরত। যত মুণ্ডা চলে যায়, কলিজায় তীর
বিদ্ধে যায়।

কুরমির পহানের খোঁজ মিলে নাই ?

না।

এখন গোমস্তা বুঝদার খুব। কুনো জুলুম নাই।

আগে যদি ইয়ায়ে আনত !

আরে দিকু যখন ভাল কাম করে, জানবে ডরে করতছে। প্রজা
চলে যায়, মিশনে সব বলে, গোরমেনের কানে উঠে কথা, তাতেই
ভাল গোমস্তা আনে।

চোটির বউ এক ঘটি গুড়ের শরবত দিল ভরতকে। খেয়ে ভরত
বলল, জাহানটো বাঁচাইলে মুণ্ডানী। সেই কতদূর যাব, সে কি
এতটুনি পথ ? হাঁ চোটি, বুধাটোর মাথা খুব। তুমার কাছে যেদিন
যেমন শিখে, আর ছেলাদের শিখায়। আখারায় যেয়ে ত্যাগ নাচ,
ত্যাগ গান, সব ভুলি গিছে। এখন শুধা কাঁড় আর ধনুক !

চোটির বউ খরখর করে বলল, তারারা যদি দশটা হুখিয়া হয়ে
কুনো কাম করে, তাতে মোর মরদের নাম জানি না উঠে।

নাম তো মুণ্ডা উঠায় না, দিকু উঠায়।

ভরত চলে গেলে চোটি বলল, কেন ? মরদ লয়ে ত্যাগ গরব
কুখা গেল ? মরদের নাম লয়ে গান শুনিস যখন, হেসে তো মরিস।

না না, ই কথা ভাল নয়।

কি কথা ?

উ যা বলে গেল। সে বুধার কোনো কন্দি আছে।

সে আমিও জানতেছি। যা হবে হোক্‌ গা।

উ কি কথা ?

উয়ারা যদি হাংগামা করে, নিজ বুদ্ধিতে করবে, আমায় কথায়
করবে না, যদি না করে, সেও নিজ বুদ্ধিতে। বুধার হাত এমনিতেই
ভাল।

ভাল হাত ! কি কাজ করে তা দেখ।

মুণ্ডাদের মেজাজ পালটাতেছে। মোদের ছেলারা বড় হবে যখন, তখন না জানি কি কথা কবে, কি কাজ করবে।

দেখ! তবে তোমার ডরে হোক, যা হোক, লাল। কিন্তুক টুনি নয়ম পড়াচ্ছে। এখন আর তেমন চেতে না।

ভরসার কিছু নাই রে। কবে বিগড়ায়।

তীরখনাথ বিগড়ে যাবার আগেই পরপর কয়েকটি মেলা হয়। সবগুলিতে চোটি যেতে পারেনি। গ্রামে বসেই খবর পায় বুধারা বেশ কয়েকটি মেলায় পুরস্কার জিতেছে। ভরত ছুটি মেলায় গিয়েছিল। দু'জায়গাতেই প্রথম হয়েছে। ফলটি তার পক্ষে ভাল হয়নি। খবরটি দিল সনা। মাথা নেড়ে বলল, জানি না, চক্ষে দেখি নাই। মোর বাপ তখন জোয়ানটা।

কখনকার কথা বলিস?

বীরসা ভগবানের লড়াইয়ের কথা।

ভরতের কথায় সে কথা।

বুকার মত বলি না।

সনা, চিরকাল দেখি এক কথা বলতে তু'র আন কথায় গোড়া দিয়া কথা ফাঁদিস। ফলের কথা বলতে শিকড়ের কথা!

শিকড় হতে গাছ, গাছ হতে ফল।

তা শিকড়ে আছিস, না গাছে উঠছিস?

শিকড়ে ছিলাম, গাছের কথা বলি! তা সে লড়াইয়ে মুণ্ডারা জানত, ভগবানের রাজ্য এসাছে। চায়বাস ছাড়ি দিছিল তারা, খেতের ফসল খেয়ে নিছিল, নতুন কাপড় পরে নতুন মেজাজে চলত ফিরত।

বলিস কি! ভরতরা তাই করে?

ফলের কথায় আসি গিছি। ভরত সব্বারে বলতাছে, কাল কি হবে, ভাবতে লায়ব বাপ। মেলার তীর বিক্রে টাকা মিলে যখন, খেয়ে দেয়ে লই। কি হবে খেত চষে, ফসল কর্ত্ত শোধে যান্ন। কি হবে সব্বজি আবাদ করে, হাটতুলায় চলে যাবে?

মাথাটা বিগড়ায়ে গিছে ?

ইয়াতে অমিদারের শালা ছুয়ে-ছুয়ে চায় করতাহে ।

কি রকম ?

বলে, ই শালোদের কন্দি আছে কুনে।। কুরমির মুণ্ডারা ঢালাও
কর্জ নিয়ে পেটে থেয়ে ভাগি গিছিল। ই শালোরা বুঝি বা ভাগে।

ভাগবে তা তো বলি গিছে এক রকম। কিন্তুক মুণ্ডা হয় বুকা।
যা করে খুলাখুলি করে ফেলায়, দিকু জানি যায়।

ভাগবে কুখা ?

নিশ্বাস ফেলে চোটি বলল, কুরমি গ্রাম পথ দেখাই গিছে। হয়তো
বা মিশনে যাবে বলি ভাবতেছে। তাদেরো বা দোষ দিব কি!
দিকুদের জুলুমে সব ষেয়ে মিশনে ঢুকে। নয় চা বাগান। নয়
কলিয়ারি। কোখা বাংলা মুলুকে না কি খেতমজুরী কামে বহুত
মুণ্ডা চলি গিছে।

সনা বলল, যেখা যাক, দিকুর জুলুম, গোরমেনের জুলুম তো সাথ
সাথ গিছে, তাই নয় ? দেশ ঘর ছেড়ে ভি জুলুম সাথ ছাড়ে না বখুন
তখন দেশে থাকাই ভাল। না কি বলিস চোটি ?

মনে তো তাই বলে। আবার ই ভি সুঝে দেখি, কি এত লাধ
খাওয়া যায় না রে। মাঝে মাঝে মনে ঘিন্ আসি যায়, তাতেই
মুণ্ডা রুখাচড়া কাম করে। লয় তো সিয়ারাম গোমস্তার মাথা কান্ধে
থাকত, ছুথিয়া ঘরে থাকত, সুথারা গ্রামে থাকত। তু সুঝে দেখ্
মনে কতখানি ঘিন্ আসিলে সুথারা কর্জ নিয়া, ছাপ দিয়া তবে
পলাল ? ই কাম দিকু পারে, মুণ্ডা পারত ?

রুখাচড়া ভাব আসি তো যায় মনে। কিন্তুক মোরাদের গ্রাম
পাঁচমিশালী। মোরা হেখা কমজোর, তাতে ভরসা আসে না।
পুলুসের ভর লাগে।

সিটাও ভাবতে হয়। রুখাচড়া কাম আমি করলাম, কিন্তুক
জুলুম ? কারে ছাড়ে ? আমার বাপের কারণে গ্রাম জরিমানা করে
নাই ?

প্রতিটি কাজে উসকানি লাগে। জতুগৃহ তৈরির পরেও চকমকি ঠুকতে হয়েছিল। ভরত মুণ্ডাদের উসকানি দিয়েছিল জমিদারের শালা। নায়েব প্রাচীন ও বিচক্ষণ। ব্রাহ্মণ তিনি। সে কারণে অত্রাহ্মণ জমিদার তাঁকে খানিক মায়া দেন। নায়েব নিজেও প্রচলিত শোষণগুলি করে থাকেন, কিন্তু বাড়াবাড়ি করেন না। অন্তত তাঁর কথা যতদিন থেকেছে, যতদিন তাঁর মতে কাজ চলেছে, ততদিন মুণ্ডারা সদলে চলে যাবার কথা ভাবেনি। বেঠাবেগারী দিয়েছে তারা, কিন্তু নিজেদের জমি চষার সময় পেয়েছে। হাটতোলার ব্যাপারে তাঁর নীতি ছিল অশ্রুয়কম।

হাটতোলার ব্যাপারে এ অঞ্চলে প্রাচীন জমিদার ও রাজাদের মধ্যে এই নিয়ম প্রচলিত ছিল এতদিন—হাটের দিন মালিকের গোমস্তা হাটতলায় বসে। আদিবাসীরা কিছু জিনিস তার সামনে রেখে তবে জিনিস বেচতে হাটে বসে। কেউ যদি বলেছে, ছুটা মুরগি বেচতে এসেছি, দিতে পারব না—তাও মেনে নেওয়া হয়েছে। কারণ হল, পুরনো কেতার লোকরা জানে, আদিবাসীরা পারতপক্ষে অসদাচরণ করে না। ভরতরা যে জমিদারের প্রজা, সেখানে পুরনো নিয়ম অনুযায়ী, যেহেতু আদিবাসী প্রজা মহালে বেশি, এবং তাদের নানাভাবে দোহন করেই জমিদারী চলে, সেহেতু তাদের বড় উৎসবগুলিতে জমিদার কাছারি থেকেও পহানের কাছে সিধা গিয়েছে, একটি খাসি ও চাল। এখানে হাটতোলাও চলত সেই নিয়মে। এ রকমই হয়ে এসেছে বলে প্রজারাও তা মেনে নিত। নায়েব জমিদারের প্রতি অনুগত। এখানকার বাসিন্দা। যাদের নিয়ে চলতে হয়, তাদের সঙ্গে, ভরতদের সঙ্গে তাঁর একটা চেনাজানার সম্পর্কও ছিল। ভরতদের সুবিধা হয়েছিল যাতে, তা হল, নায়েব নিজে মারদাকায় ভয় পেতেন। তাঁর কথা যতদিন চলত, ততদিন জমিদার মাঝে মধ্যেও মহালে ঘুরেছেন।

চতুর্থ বিয়ের পর নায়েবের ছুর্গতির শেষ নেই। বউ নিয়ে জমিদার আলাদা বাড়িতে। তিনি বসতে গেলে সব অধিকার

দিয়েছেন শালাকে। ভিন বিয়েতেও নিঃসন্তান, বয়স অনেক। এখন তিনিও মেনে নিয়েছেন, সন্তান লাভ তাঁর কপালে নেই। অতএব নিঃসন্দেহে তাঁর উত্তরাধিকারী হবে শালা। তাঁর ছেলেকে দত্তক নেবেন বলেও জমিদার এক রকম মন ঠিক করেছেন। আগের ভিন বউ নায়েবকে ধরেছেন, সরকারের কাছে আজি জানিয়ে তাঁদের ভরণ-পোষণের ব্যবস্থা করা হোক। ভরতরা হাটতোলার ব্যাপারে নায়েবকেই প্রথম ধরে। নায়েব এ নিয়ে বলতে গিয়ে রীতিমত অপমানিত হন জমিদারের কাছে। শালা তার কাজকর্ম চালিয়ে যেতে থাকে, যাচ্ছে। নায়েব বুঝলেন কোনো একটা গোলমাল ঘটতে চলেছে।

এরই মধ্যে হাট বিষয়ে ভরতরা অসহযোগ শুরু করল।

নায়েব বললেন, এ কি গুনছি ভরত? তোরা নাকি হাটে আসিস না আর। ক্ষেতের সবজি খেয়ে নিচ্ছিস?

খেতাম না তো, বেচতাম।

বেচছিস না কেন?

কি বেচব? ভাল জিনিসটা লাল ঘোড়া চেপে শালাবাবু নিবে। গোমস্তারে ভাগ দিয়ে তবে বসতাম। সে ভাগ দিব, শালাবাবুরে দিব, শালাবাবুর আলাদা গোমস্তা হয়েছে, তারে ভি দিব, বেচব কি? হাট উঠে যাবে।

হাট কি রাখতে চাও তোমরা? হাট হতে মোরা যা পাই, তাতে তোমাদের খাজনা উঠে। তা সেই কথাই বললাম বাবু তোমাদের, কতবার বললাম। তাতে তুমি বললে, তোমার আর কিছু করার এজ্জিয়ার নাই। আমরা কার কাছে যাব?

নায়েব মনশ্চক্রে জমিদারীর সর্বনাশ দেখতে পেলেন। ঘটনা কোন দিকে যাচ্ছে, তা তিনি টের পাচ্ছিলেন। বললেন, ভরত, এ লোকের রাগ বিস্তর।

চিরকাল সবজি বেচি, জানি নাই খেতে কেমন বা। কত হুখে বেচার জিনিস খাই মোরা, তা তুমি বুঝলে না বাবু।

রাগ বিস্তার শালাবাবুর। জুলুম উঠাবে। হাটে যা।

কবে জুলুম উঠাবে নাই ?

নায়েব বুঝলেন, ভরতেরা বেপরোয়া যখন, তখন কোনো সিদ্ধান্ত নিয়েছে। বললেন, ভরত ! আমারে তোরা চিরকাল দেখিস, আমি তোরাবাদের চিনি।

হাঁ বাবু।

মাচ্চাই বল বাপ, তোরা কি মিশনে ভেগে যাবি ?

জানি না বাবু। তবে এ জানি, বারবার মোরা আর্জি জানালাম, কাছারিতে হেঁটে হেঁটে পায়ের তলায় ঘা হয়ে গেল, কিন্তুক গরিবের কথা কেউ শুনল না।

ভরতের কথা বলার ধরনেই নায়েব তাঁর প্রশ্নের উত্তর পেলেন। ভরত আরো বলল, বসতবাড়ি, টুকা জমি, সকলই বেঠেবেগারে বাজা। দশ পুরুষের বসত ভূঁয়ে কোনো মুণ্ডার আপন বলতে কিছু নাই।

ঋণ শুধলে সব তোরাবাদের হবে বাপ ?

বাবু, তোমারে কত মাগু দিচ্ছি। ই কি বল তুমি ?—ভরত দুঃখে ও হতাশায় হাহাকার করে বলল, তুমার মত কে জানে, যে মুণ্ডার ঋণ শুধে না ? ধান-গম-ভুট্টা পাঁচ-দশ-পনেরো পাই লই না মোরা, সোনা লই যেমুন। নয়তো ঋণ শুধে না কেন ? কত দাম হয় যত ধান-ভুট্টা সকল মুণ্ডা লিছে, তার ?

ভরত চলে গেল। নায়েব এখন জমিদারের নায়েব হয়ে গেলেন। টাট্টু ঘোড়া চেপে চলে গেলেন জমিদারের কাছে, আট মাইল দূরে। জমিদারকে বললেন, অনেক কথা। এ কথা আপনাকে শুনতেই হবে।

কি কথা ?—কেন, লালমোহনকে বলুন ?

বাঘের কাজ শিয়াল দিয়ে হয় না। আপনার বাপ-দাদার জমিদারীর বিপদ, তার কিছু নয়। আমি কি আপনাকে মিছে জ্বালাচ্ছি ? কি হয়েছে ?

নায়েব সবই খুলে বললেন। বললেন, ওরা চলে গেলে আমাদের সমূহ সর্বনাশ। আমাদেরই ক্ষতি। ওরা চলেই যাবে।

রাজা ভাচ্ছিলোয় হাসি হাসলেন। প্রজা যাবে নতুন প্রজা আসবে।

হুজুর প্রজারা যদি বদমাশ, দাঙ্গা উঠানেবালা হত, তা হলে ম্যাজিস্ট্রেট সাহেবকে বলার মুখ থাকত। ভরতরা কোনোদিন কোন হাঙ্গামা করেনি। হাকিম জিগোস করলে কি বলবেন হুজুর? হাকিম তো জানবেন।

তাই বটে।

হাকিম জমিদারদের ওপর খুশি নন হুজুর।

তা আমি কি করব?

শালাবাবুরে বুঝাবেন। তাঁর জুলুমে যদি হাট বন্ধ হয়, তাহলে আশপাশে আপনার নামে কথা উঠে যাবে। এমনিতেই কথা হয় কত।

কি কথা?

সে সব কথা শুনে কি হবে হুজুর?

আমাকে কি করতে বলেন?

একবার সদরে চলুন। ওদের কথা শুনে রায় দিন।

যাব।

কিন্তু নায়েবের পরেই এল শালা। লালমোহন চৌধুরী। জমিদারকে সে বুঝিয়ে দিল। নায়েবের কথার পেছনে কোনো সত্য নেই। প্রতিপত্তি হারাবার কলে নায়েব ঈর্ষাবশে মুণ্ডাদের উসকানি দিচ্ছেন। জমিদারের যাওয়ার দরকার নেই কোনো। লালমোহন চৌধুরী কাল নিজে যাবে আর সব বদমাশকে চিট করবে।

তাই করো। কিন্তু মারধোর করো না। তেমন হলে হাকিম জমিদারী নিয়ে নেবে, কেন বন্দোবস্ত করে দেবে। তেমন করছে।

বনগাঁয়ে শেয়ালই রাজা। শালা বলল, অত ভয় কিসের? শালাদের বন্দুক দেখিয়ে ভয় খাইয়ে হাটে নিয়ে তুলব।

গুলি চালিও না।

না না।

কিন্তু সব সময়ে মানুষ বন্দুক চালায় না। বোকা বজ্জাত মদমত্ত হলে বন্দুকই তাকে উসকানি দিয়ে মজা দেখে। তেমন লোকের হাতে বন্দুক পড়লে বেগড়বেঁয়ে কাণ্ড ঘটে যায়, তার প্রতিক্রিয়াও হয় বেগড়বেঁয়ে।

ভরতরা আসতে চায়নি, নায়েব তাদের বুঝিয়ে-সুঝিয়ে রাজী করিয়েছিলেন। হুজুর সরকার সরাসরি সব জেনে গেলে সমাধান একটা হবেই। জমিদার কথা দিয়েছেন। কাছারির সামনে মুণ্ডাদের জমায়ত। নায়েবও আছেন। অপেক্ষা, অপেক্ষা। সহসা লালমোহন চৌধুরী ঢুকে পড়ে অকুস্থলে ও তার পাইকরা মুণ্ডাদের এলোপাতাড়ি লাঠি মারতে থাকে। বুধার হেঁচকা টানে জনৈক পাইক পড়ে যায়, লালমোহনের ঘোড়া তাকে কেলে দেয় মুণ্ডাদের চীংকারে ভয় খেয়ে। নায়েব চেষ্টাতে থাকেন, থামো, থামো, মেরো না।—কিন্তু লালমোহন ততোধিক ভয় খায় এবং বন্দুক ফোঁটায়। ফলে নায়েবের পাঁজরে গুলি লাগে। সত্যনাথ হো গিয়া, বরম্ভোন হত্যা হো গিয়া বলে চেষ্টিয়ে পাইকরা পালায়। হুঁদিয়া নায়েবের টেঁটিয়া প্রাণ। লালমোহনও পালায়। তিনি ভরতকে বলেন, আমাকে ধানায় নে, বন্দুকটাও নিয়ে চল। তোদের জন্তেই প্রাণটা দিলাম।—যে কথা বলেন, তা নিজেও বিশ্বাস করেন ও বোঝেন, ছোটজাতের হাতে মরতে হয় যদি, তাকে যথাসম্ভব হজিমত দিয়ে মরাই ব্রাহ্মণের কর্তব্য।

ভরতরা যথাআজ্ঞা কাজ করে। ধানায় গিয়েও নায়েবের বিশ্বাস থাকে যে তিনি মরছেন। মুণ্ডারা এবং শালাবাবুর মধ্যে তৌল করে শালাবাবুকে বাঁশ দিতেই সদিচ্ছা যায় ও শালাবাবুকে ফাঁসিয়ে এক এজাহার দেন। ব্রহ্মশাপের ভয় দেখিয়ে দারোগাকে যথাকর্তব্য কর্ত্তে বলেন। অতঃপর দারোগা তাঁকে, স্বয়ং গিয়ে ট্রেনে চাপিয়ে হাসপাতালে নেন সদয় শহরে। সেখানেও নায়েব, আরো বড় পুলিশদের কাছে একই কথা বলেন। নিজেকে খুব ধার্মিক মনে হয় তাঁর। বলেন, যুধিষ্ঠির কুকুরটি ছেড়ে স্বর্গে যাননি। আমি মুণ্ডাদের

ফাঁসিয়ে স্বর্গে গিয়েও নিশ্চিত হব না। সকল কথা বললাম।
আংরেজ সরকার ধর্মরাজ। এখন ব্যবস্থা হোক।

ব্রাহ্মণের উপর এ অত্যাচারে পুলিশ অফিসাররাও বিচলিত হন।
শ্রদ্ধা বহুদূর গড়ায়। কেননা শালাবাবু গ্রেপ্তার হয়। জমিদার
পুলিসী তদন্তের ভয়ে পালাতে চেষ্টা করেন ও গোদা পায়ের কারণে
তুরস্ক গা ঢাকা দিতে পারেন না। মুণ্ডাদের প্রচুর জিজ্ঞাসাবাদ করা
হয় ও তদন্তকারী পুলিশ জমিদারের খরচে গুরুভোজন করে। মোক্কা
বুঝে তিন রানী নায়েবের ছেলের মাধ্যমে এসে পুলিশ অফিসারকে
যা বলেন, তাতে এই সত্যই প্রকটিত হয় যে নায়েব অতীব সজ্জন।
জমিদার এক রাক্ষসীর পাল্লায় পড়েছেন। শালাবাবুর হাতে
জমিদারী যাবার পর তিন রানীর খাওয়াদাওয়াও বন্ধ হতে চলেছে।
মুণ্ডাদের ওপর শালাবাবু প্রবল অত্যাচার চালাচ্ছে। নায়েব জমিদারের
হিঠৈবী। তাই তাঁকে খুন করার ইচ্ছে লালমোহনের ছিলই।

আইনের ঢাকা নড়তে থাকে। শালাবাবুর জেল হয়-হয়,
জমিদারের অপদার্থতা প্রমাণ হয়-হয়, এমন সময়ে কেস বিলা করে
দেন নায়েব। তিনি অপারেশনের পর বেঁচে ওঠেন। ক্রমে তাঁর
আপত্ত্তান করে। স্বয়ং জমিদার তার কাছে এসে কেঁদে পড়েন ও
চতুর্থী জমিদারনী এসে গলার গিনিমালা খুলে দিয়ে ভাইয়ের জান
বাঁচাতে বলেন। সাক্ষ্যদান কালে নায়েব এখন ভয়তদের ঘাড়ে
দোষ চাপিয়ে শালাবাবুকে নির্দোষ প্রতিপন্ন করার চেষ্টা করেন।
সরকারী উকিল ধমকান, আপনি ঘুষ খেয়েছেন।

নায়েব ভড়কে গিয়ে তা স্বীকার করেন ও নিজেকে জটিল জালে
কেলেন। রায় বেরোয়। শালাবাবুর জেল হয়। জমিদার ওয়ার্নিং
পান। খবরগুলি এইভাবে ভয়তদের কানে আসে,—নায়েব তাদের
জবর ফাঁসিয়েছেন। বলেছেন, তারাই বিকোভ গুরু করেছিল।
পুলিস এসে তাদের নিয়ে চষবে।

ভয়তরা অগত্যা, মুখাদের দৃষ্টান্ত অনুসরণ করে। যাবার সময়ে
মুখা বলে, সবে যাও, আমি পরে যাব।

তখন পালাবার সময়। সবাই চলে যায় চাই মিশনের পথে। গরু-ছাগল-মোষ পথের হাটে হাটে বেচে বেচে যায়। বুধা, গম্মা ও আরো দুজন মুণ্ডা টোলিতে আগুন দিয়ে যায়। জ্বলন্ত খড়ের গোছা কাছারিবাড়ির চালে ও নায়েবের বাড়িতে ছুঁড়ে দিয়ে যায় তারা। ভরতরা দুদিনের পথ এগিয়ে গিয়েছিল। গম্মা, বুধা এরা ছিল গা ঢাকা দিয়ে। অতএব সকলেরই মনে হয়, মুণ্ডারা চলে যাবার দুদিন বাদে সহসা এত আগুন কে জ্বালাল? ঘটনাটি অলৌকিক বলে ব্যাখ্যাত হয়। গৃহ প্রত্যাগত নায়েবেরও মনে হয় এ দৈব ঘটনা বা গুণিনের কর্ম হবে। সরকারের বিচার ষা, তাতে তো মুণ্ডাদের পালাবার কথা নয়?

ধানার দারোগা প্রবল ভয়রাশি দেখেন। বলেন, বয়্যাস্তানের রক্তপাত, তাতে ধরতি সহিলেন না। আগ জলে গেল।

কথাটি শুনে ভাল। কিন্তু তাহলে নায়েবের ঘর জ্বলবে কেন? নায়েবানী বললেন, তুমি ওদের নামে আদালতে বলতে গিয়েছিলে, সেই রাগেই ওরা বাণ মেরে ঘর জ্বালিয়েছে।

বাণ মারতে কে দেখেছে?

সে বাণ নয়। তারা চলে গেছে। টোলি সুনসান। হ্যাং আগুন জ্বলল। এ হল সেই বাণমারা। হবে না কেন? আমি শুনলাম ভারতের ভাইপো চোটি মুণ্ডার কাছে বাণমারা শিখতে যেত। চোটি বড় গুণিন।

নায়েব কাজে ইস্তফা দেন ও যে টাকাকড়ি রামগড়ে সরিয়েছেন, তার ভরসাতেই কেটে পড়েন একদা।

সরকারী রিপোর্ট: “মুণ্ডারা হোমল্যাণ্ড ছেড়ে চলে যাচ্ছে। মিশনে যাচ্ছে প্রধানত। এজ্ঞা দায়ী অপদার্থ জমিদার, দুর্বৃত্ত লোভী মহাজন ও অজ্ঞাত ক্যাক্টর। বলা হয়, এরা সহজেই খেপে ওঠে। কিন্তু মিশনে এদের কন্ডাকট অত্যন্ত পীসফুল ও কোম্পারেটিং। চাষবাস করতে দিয়ে দেখা যাচ্ছে, শীঘ্রই সুন্দর সুন্দর ক্রীশ্চান মুণ্ডা গ্রাম গড়ে উঠবে এবং তা দেখে অজ্ঞ মুণ্ডারা আকৃষ্ট হবে। অবশ্য

গ্রামবসত করানো ততদিনই চলবে, যতদিন অল্প মুণ্ডাদের আকর্ষণ করা যায়। নইলে গ্রামবসত করিয়ে চলা গিশনের উদ্দেশ্য হতে পারে না। এ বিষয়ে সরকারের মত হল.....”

“কল্পম” উৎসবের মেলায় বুঝার গ্রামের মুণ্ডা পহান চোড়িকে বলে, গ্রামভ্যাগী ভরত মুণ্ডাদের হয়ে বাণ মেয়ে গ্রাম ও কাছারি জালিয়ে দিকুদের কিঞ্চিৎ নাজেহাল করে চোড়ি মুণ্ডা সমাজের মনে কিঞ্চিৎ বল যুগিয়েছে। মিথ্যাবাদী নায়েবটা চলে গেছে, শালাবাবুটা জেল খাটছে, এও খানিক লাভ।

সবই গল্পকাহিনী হয়ে যায় চোড়ি মুণ্ডার জীবনে। বুঝারের পহানের মুখে কথাটি শুনে চোড়ি চমকে গিয়ে টুক্চে মদ নিল ভাঁড়ে, হাতে নিল লক্কা ও পোঁয়াজ। তারপর উবু হয়ে বসে মদ খেতে খেতে ভাবল, এ কি ব্যাপার? যেখানে যা ভাল কাজ করে মুণ্ডারা, সব কিছুই কৃতিত্ব তার ওপর বর্তায় কেন? সে কি রকম মুণ্ডা? মুণ্ডাদের আশাপূরণ? কিসে? সে তো ওদের মত সাহসী নয়? ধানী, হুখিয়া, সুখারা, পহান, ভরতরা সবাই নিজের কাছে সাচাই থাকার জন্তে কোনো সময়ে কোনো মরিয়া কাজ করেছে। চোড়ি কিছুই করেনি। তবু কেন এই শ্রদ্ধা? ওর মনে হল, এর পেছনে আছে এক দাবী। চোড়ি এমন একটা কিছু করুক, যাতে সকল মুণ্ডার মৃত জীবনে নতুন রক্ত বহে যায়। কিন্তু কি সে কাজ? সে কাজ কি একদিনে হয়? তবে মুণ্ডারাও বদলে যাচ্ছে। সুখারা মিশনে গেল, ভরতরাও। কিন্তু বুঝার আগুন লাগানোর মধ্যে শত্রুকে চিনিয়ে দেবার ব্যাপারটি স্পষ্টতর।

চোড়ি জানত না কয়েক বছরের মধ্যেই তাকে একটা ছোটক ঘটনায় নেতৃত্ব দিতে হবে।

আট

চোড়ি নদীর বুক দিয়ে যেমন অনায়াসে জল বয়ে যায়, তেমনি করে কেটে গেল কয়েকটা বছর। আগস্ট আন্দোলন চোড়িদের জীবনকে স্পর্শও করেনি। স্বাধীনতার জন্ম সে যেন ছিল দিকুদের সংগ্রাম। দিকুরা কখনো আদিবাসীদের মনে করেনি ভারতীয় বলে। নেয়নি স্বাধীনতা সংগ্রামে। যুদ্ধ এবং স্বাধীনতায় চোড়িদের জীবন থেকে যায় অপরিবর্তিত। চোড়িরা দূরে দাঁড়িয়ে দেখে যায় সব। হরমু ও সোমচর বড় হয়। হরমু বিয়ে করে গ্রামের মেয়ে কোয়েলীকে। পহান মরে যায়। মরার আগে তার জ্ঞাতি-ভাইকে নিয়ে এসে পহান করে যায়। নতুন পহানের বিশেষ সুবিধে হল, ক্রীশ্চান মুণ্ডা গ্রামের কাছাকাছি বসবাস করার ফলে সেও শিখেছে হিন্দী লিখাই পড়াই। জনৈক গোলদারের কাছে কাজ করতে গিয়ে হিসেব রাখতেও শিখেছে।

কোয়েলী এ গ্রামের ডোনকা মুণ্ডার মেয়ে। ডোনকার কিছু নেই বলতে কিছুই নেই। সে বলল, টোকাতে টুকিতে মন বসছে, তাতেই আরান্দি। নয়তো আমার কি পুণ্য আছে যে চোড়ি মুণ্ডার বেয়াই হব? আর বেঠবেগার আমি। নাই বলতে কিছু নাই। জ্ঞাতিদের ভোজ দিব কি করে?

চোড়ি বলল, মানুষ ভোজ দেয় কেমনে?

তুমি সাহায্য করলে পারি।

আমারে ভি ভোজ দিতে হবে, নয়?

হরমুর মা বলল, এখন দিন তেমন নাই। শহরের হাওয়া।

উ মেয়ে চুল ছেড়ে ঘুরে বুলে। উয়ারে বউ করব না।

তোমর-আমার কথা খাটবে না বউ।

কেন?

উঠানের সিঁধা গাছটা চেয়ে দেখ্। আমি যখন উ গাছের ডালে বান্ধা দোলনার ছলতাম, তখন উ জোয়ান। গাছটা বুড়া হচ্ছে।

পহান বলে আমার বয়স দুই কুড়ি আট। তোমর চুলে রূপা, আমার চুলে রূপা। আমাদের জীবন এখন পছিমে হেলে বউ। হরমু নতুন জীবন।

দনাদন ভীষ ছুঁড়ে মেলায়, দনাদন জিতে, তাতে উয়ার গরম এত। আর তুমি! ছেলাদের বল না কিছু।

বলে লাভ হয় না কিছু।

উ মেয়ে ভাল নয়।

হরমু বুঝবে।

ঘর বা কুখা?

লালার কাছ হতে মাঙি লিব বনের ধারে ডাঙাটো।

দিবে?

পড়ি আছে তো।

হরমুরে দিবে?

উরা ছু ভাই, কোয়েলের এতোয়াটো, উয়ারা জমি হতে যা পারে করুক? হরমুরে ঘর তুলে নিতে হবে।

সে কি কথা? ভাইরে ছাড়লে না, ছেলায়—

কোয়েলের বউ ছিল তোমর বয়সের মানুষ। ই নতুন বয়স, ইয়ারদের বয়সমত অস্ত্র। নিজেদেরটা নিজেরা বুঝুক।

সব শুনেমেলে হরমু বলল, তোমাদের হতে দূর করি দিবে? কেন? আবার কাছ না রলে আমি বাঁচব? তার বলে বল।

ওদের ঘরের পেছনেই ঘর বাঁধল হরমু। কোয়েল বলল, ই ভাল হল। আমার এতোয়া তোমার সোমচর, ইয়ারা দূরে থাক। হরমু হল বড় ছেলা। সি কাছকে না রলে হয়?

শুনে মুগি নিখাস ফেলল। হরমুকে সেও ভালবাসে। হরমুর মা তার ছেলেকে ভালবাসে। কিন্তু স্বামীর কথাটি তার পছন্দ হল না।

ভীষনাথ বলল, নিবি জমি, নে।

কি বলোবন্তে?

তুই বল।

তিন সাল খাজনা দিব না।

তার পর ?

দিব।

খাজনা কেন ? আশা কসল দিস।

লিখাপড়া কর।

তুই কি লিখতেও শিখলি ?

পহান আছে, না ?

লিখাপড়া করে কি হবে ? মুখের কথা।

দাঁড়াও, পহানরে বলি।

তীরখনাথ মধুর হাসল। বলল, চিরকালের চিনাজানা মানুষে কারবার করব। ও পহান কে ? বাইরের লোক ও। লিখাপড়া তোয় সাধ ? তুই কি বেঠবেগারী দিবি, তাই ছাপ নিব ?

না। বেঠবেগারী দিব না। তোমারে কি বলব বল ? বেঠবেগারী জনম জনম দিলেও ধার শুধে না।

চোটি ! চিনা মানুষের সাচাই কথাও বুকে বাজে। হাঁ, বেঠবেগারী লই আমি। কিন্তুক তোরে কোনোদিন জোর করি নাই। বেঠবেগারীটা দেখলি। আর অকালে-খরায়, ভুট্টা-ধান-গম দিই না ?

শুধা হাতে দাও ? আমরা ছাপ দিই না ?

তোয় ই কথা বলা সাজে ? তুমি তো ছাপ দাও না বাপ।

এই পর্যন্তই রইল কথা। তিন বছর বেগর খাজনা জমির মামলা অবশ্য পরে বহদুর গড়ায়। তার আগে বেঠবেগারী প্রসঙ্গে তিল থেকে তাল হয়। স্বাধীনতার পর।

১৯৫০-এ নামে খর। এ অঞ্চলের প্রাচীন ও চেনা অভিশাপ। কোনো খরায় যা হয়নি, এবার তাই হয়। চোটির জলও অদেখা হতে থাকে। জলের তরে জাগে হাহাকার। স্টেশনের ধারে দাঁড়ায় মানুষ। ইঞ্জিনের জল নেয়। ঠাণ্ডা করে ব্যবহার করবে। গ্রামের পাঁচটি কুয়োই শুকোয়। স্টেশনের কুয়ো ও তীরখনাথের কুয়োর পাশে মিছিল। জল চাই।

অবশেষে চোটি বলে, শুধায়ে মরব না কি ? বাপদাদা শিখায়ে দিয়া গিছে উপায় ।

চল উপায় করি ।

কি উপায় করবে ?—হরমু বলে ।

চল দেখাই ।

সনা বলে, তাইতো ! ই কথা মনে জাগে নাই আগে ?

চোটি নদীর উজান বহে হেঁটে চলে ওয়া । যেখানে নদী ছুটি সুউচ্চ পাড়ের মাঝ দিয়ে বইছে, সেখানে পাড়ের ঝোপজঙ্গল বুকে পড়েছে বলে জল ছায়াঢাকা । পাথর বড় বড় নদীর বুকে । পাথরে পাথরে জল বেধে আছে ।

ইখানে সাহেবের সাথ উড়াল হাঁস মারছি ।—চোটি বলে । সনা বলে, ইখানে মোদের বিটিয়া নাহাতে আসত থরার দিনে । যখন কুখা জল নাই, হেখা আছে । খানিক জল হেখা থাকেই ।

কিসে থাকে, তা ভুলে যেছিস ?

কি ভুললাম, চোটি ?

না, মুগুয়া আপন ভুলে সদাই ।—চোটি নিখাস কৈলে ও বলে, পহানের কথা মনে নাই ? থরার দিনে হেখা এসে নদীর বুকে গভীর গাড্‌তা খুঁড়াত মোরাদেয়কে দিয়ে । বালিতে গাড্‌তা বুজাবে বলে, গাড্‌তার গায়ে বালক শাল চারু কেটে ঠেকো দিয়াছি । আমার জীবনে তিনবার খুঁড়ছি এমুন গাড্‌তা । দেখ, এখুনো তাতে জল জমে আছে ।

তবে ?

এমুন গাড্‌তা খুঁড়ব ।

মোতিয়া ধোবিন এখন খুনখুনে বুড়ি । তামাশা দেখতে এসেছিল সে । এখন মোতিয়া বলল, আমরা কোথা যাব ?

নদী কি আমার ? ছসাদ-ধোবিদের ডাক মোতিয়া ।

হগন আর পারশও এসেছিল । তারা বলল, আমরা আছি ।

এমন ছায়াঢাকা পাড় আধমাইল লম্বা গিছে। তোরাও গাড্‌টা খুদা। একটা কথা বলি। শুন্ তোরা।

বল চোটি।

চোটি পাথরে হেলান দিয়ে দাঁড়াল। বলল, সেই কতকাল আগে, মনে আছে? আকালে দারোগা আকাল বলে না, গোরমেনের কাছে গেলাম?

মনে আছে। তোর বেটা, মোদের বেটারা কি জানবে, বাপেরা কত কাজ করছি গ্রামের বিপদে।

খয়রাতি লয়ে গোরমেন আসে নাই।

না, সাহেবের মিশন, হিন্দুর মিশন এল।

হেঁখা কে দেখতে আসবে মোরাদের কি কষ্ট। কিন্তুক মানুষ বটি মোরা। পিপাসায় তোরাদের যে কষ্ট, মোরাদেরও তাই।

মোরাদের সাথ তোরাদের কারাক নাই।

তাতে বলি, গ্রামটো বড় হয়ে গিছে। রেল ভি বেশী চলে। বাজারের লোক ভি আসছে। পাঞ্জাবী আসছে, ইটভাটি করবে। কলকাতার মাড়োয়ারি আসতেছে, কয়লা মিলে কি না দেখবে। তাতে কি বুঝিস?

কি বুঝব?

রুজির পথ বাড়বে হয়তো বা।

হয়তো বা।

যদি না বাহারের লেবর আনে।

যদি না আনে।

কিন্তুক আমরাদের মনে রাখতে হবে, নিজেরা বিনা নিজেরদের কেউ নাই। আর এ ভি মনে রাখতে হবে, নিজেরদের হুখ নিজেরদের দেখতে হবে।

তীরখনাথ জল দিছে এখন।

উনারে চিনি। থরা বাড়লে বলবে, বাপ সকল! কুয়াতে গজা

বান্ধা নাই। জল শুকায়ে যেছে। সকলারে দিতে লারব, যারা
বেঠবেগার তারা নিবে জল। উ চিনে বেঠবেগার !

হাঁ, তাই তো বলে !

ই সনে আর বলতে দিব না। নদীর নিচে জল আছে। গাভ্‌তা
খুঁড়ে লই আমরা, সবে খন্তা নিলে দশ গাভ্‌তা হবে। জলের কষ্ট
পাব না আর। এখন তো জেঠ্‌ মাস। বনের ঘাস টেনে দেখলাম,
মূলে ভিজা মাটি। আষাঢ়ে জল হবে। নিশ্চয় হবে। যখন হয় না,
তখন ঘাসের মূলে মাটি ধুলা হয়।

কখন আসব ?

চাঁদের পক্ষ এখন। ঠিক সাঁঝে বাঘে-বরায় জল খায়। সাঁঝ
পারায় আসব ? তখন তাতে কষ্ট নাই।

মোতিয়া বলল, বিটিয়াও আসবে। তোরা বালি কাটবি, মোরা
দূরে ফেলাব। জলটো তারাও খাবে, তবে তোদের মেহনত খাবে
কেন ?

হয়মু বলল, কিন্তু লালার সাতটা কুয়া, জলভি থাকে।

মোরাদের কুয়ায় জল থাকে না কেন গ্রামে ?

মাটির নিচে যে নদী বয়, তার জলে টান ধরছে বলে।

লালার কুয়াতে জল থাকে যে ?

তার জমিন দিয়ে নদী যায়, নয় ? হোথা জল আছে।

মোতিয়া বলল, লালার ধরম ধরম করে, তা মোরাদের কুয়া কেটে
জল দিলে তো ধরম হয়। হয় না ? দিবে না।

দিলে জানবে আরো মতলব করে কুনো। বাঘ এসে চুমা খায়
কখন ? যখন সে ঘাড় ভাঙতে চায়।

ছগন বলল, এ বাঘ তো ঘাড় ভেঙে রেখেছে কবে।

আরো পারলে আরো ভাঙবে।—নিশ্বাস ফেলল চোটি। বলল,
তুই আছিস মোরাদের পঞ্চায়ত প্রধান।

নামেই হে ! গতক দেখ না ? গোরমেন পঞ্চায়তগুলিরে খোঁড়া
করি দিছে। আমার বাপ দাদার আমলে থাকতাম গহন গ্রামে, কি

করি না করি দেখতে গোরমেন আসে নাই। তখন চুরি হলে, ঘরে পড়োশিতে বিবাদ হলে ভি পঞ্চায়েতের রায় সবে মেনে নিছে। গহন গ্রাম! ধানা হতে বা পনের মাইল দূর। তাহাতে কুয়া কাটলে সবে মেহনত দিছি, রাস্তা কাটলে সবে মেহনত দিছি। কুনো আপত্তি করে নাই কেউ। ধীরে ধীরে গ্রাম আর গহন থাকল না। ধীরে ধীরে গোরমেন কাড়ি নিল পঞ্চায়েতের ক্ষমতাগুলি। হাঁ চোন্টি পঞ্চায়েত আছে মোদের, আমি তার প্রধান ভি আছি। কিন্তুক!

কিন্তুক কি?

কিন্তুক আজ আমার ক্ষমতা ওই বিয়া-জনম-মরণ লয়ে কথা হলে মিটাতে। পড়োশি বিবাদ মিটাতে। তবু হেথা মোরা আছি ভাল। যেথা আদালত, সেথা পড়োশি বিবাদে ভি মানুষ মামলা করে।

মোতিয়া নিদন্ত হেসে বলল, আমরদ কে খায় তা লয়ে ভি মামলা করে, হাঁ! আমি জানি গো।

চোন্টি বলল, তা কেন করবে না? মামলা বাধাতে চায় উকিল। মামলা হলে তার পেট চলে।

ছগন বলল, কি যেন বলতেছিলি?

হাঁ। কাজের কথা। তা ছগন! তোদের যে হাল, মোদেরও। পুরানা জমানা, সাচাই মুণ্ডারী গ্রাম নাই। পহানেরও সকল ক্ষমতা চলি গিছে। পহানও মোদের সমাজের রীতকরণে পথ দেখায়, পড়োশি বিবাদ মিটায়। ফারাক আছে এক। তোদের মাঝে ভি জাতপাঁতের ফারাক। বরাস্তোন, চাই লালার কাছে তোরা ছোট জাত। তোরাদের কাছে মোতিয়া ছোট জাত। মোরাদের জাত বিচার নাই। কিন্তুক কথাটো বললাম ই কারণে, যে গ্রাম এখন পাঁচমিশাল। আকালে-খরায়-বেঠবেগারীতে তোরা-মোরা সাধে মরি। ফারাক করতে চায় লالا। তা দরকার পড়লে তোরা-মোরা একসাথ যাব ই কথাটা বলি।

এক সাথেই চলি চোন্টি।

না ছগন, আমার বাপের কারণে খেতে চাষ করতে যায় নাই

তুখা মুণ্ডারা। আকালের আর্জি উঠাবার সময়ে? হাঁ। তখন এককাট্টা।

বুঝলাম চোঁটি। কিন্তুক ই ভি সমঝ কর, যে তোরে মোরা মান্ত দেই। কুনো তীরখেলা হয় না, যাতে তু জিতলে মোরা আনন্দ করি না।

ভাল। এখন ই কথা বললাম, কেন কি, থরা দেখে ডরাই, কুন দিক হতে বা তীরখনাথ ঝামেলা উঠায়।

হরমু বলল, আবা?

কি?

আজ হতেই গাড্‌তা কাটবে?

হাঁ রে।

গাড্‌তা খোঁড়ার কাজটি মুণ্ডা ও ছগনদের যৌথ উৎসব যেন। পুরুষরা বালি খুঁড়ল, গাড্‌তার গায়ে পরপর ফাঁক না রেখে কাঠ কসাল। মেয়েরা বালি ফেলল দূরে, পাড়ে। ক্রমে দশটি গাড্‌তা হল। জল উঠল তাতে। এখানেই জল মিলল ওদের। চোঁটি বলল, কেউ এ জল কাপড় ধুয়ে বা নাহায়ে ময়লা করিস না। বড় সাধের জল।

তীরখনাথ বলল, কি হল? জল নিস না তোরা?

গাড্‌তা খোঁড়ার কথা কেউ বলল না। বলল, এখনো নদীতে জল মিলতেছে, তাতেই আসি না।

এতদিন এলি কেন?

কে জানত উজানে গেলে জল পাব?

তা ভালই। বেঠবেগার যারা তারাপু যায়?

হাঁ মহারাজ।

তীরখনাথকেও সংবাদ সংগ্রহ করে চলতে হয়। সে হেসে বলল, মহারাজ তো চোঁটি। তার কথায় তোরা নদীর বুক কাটলি।

সনা বলল, যা বল।

ভালই করছিস। দেখিস বাপু, নদীর জল শুকালে মোর কুয়ায় এসে হামলা উঠাস না যেন।

মোতিয়া খারাপ হাসি হেসে বলল, নিশ্চয় আসব। জল চুরাব।
তোমার বাবা কি বলত? জল চুরালে দোষ নাই?

এই, এই মোতিয়া! কুয়া ছুঁয়ে জল নাশ করিস না। দিব
জল। আমার লোক জল উঠায়ে দিবে।

তীরখনাথের কুয়ো থেকে জল নিতে হলে হয়তো ঝামেলা বাধত।
চোন্টি ও ছগনরা জল নিত যখন, সে ছিল তীরখনাথের একটি কবজা,
ওদের ওপর। বনাঞ্চলে দীর্ঘদিন একাধিপত্য করলে স্বভাবে ঢুকে
যায় নানান অভ্যাস। জলের জন্তে ওদের রোদে দাঁড় করিয়ে কুয়ো
পাড়ে গরু ও মোষকে স্নান করাতো চাকররা। তীরখনাথের তা
দেখতে ভাল লাগত। চোন্টির ওকে সে সুখে বঞ্চিত করল।
মনটায় খোঁচা যেন বিঁধছিল। আষাঢ়ে বাদল নামল, খর বরিষণ।
সাতদিনে কুয়োতে জল, নদীনালা উবুটু, লাল মাটিতে সবুজ ঘাস
গাছপালার চেহারা কিরে গেল।

এখন কিষাণ ও খেতমজুররা মাঠে নেমে পড়ল। ধানের বীজ
রুইতে এটুকু দেরি হল, তা হোক। ধান বোনার ব্যাপারটি বড়
মনোহর। চোন্টি ও ছগনদের মাতিয়ে রাখে কাজটি। “এ ধান
মহাজনের গোলায় উঠবে” শব্দ কয়টি মনের শাসন এড়িয়ে জলে
ঝাঁপাই-হোঁড়া ছুঁ ছেলেদের সঙ্গে পালিয়ে যায় যেন।

চোন্টি ও ছগন তীরখনাথের কাছে গেল। তীরখনাথ ওদের
গাড্‌তা খোঁড়াটি সুনজরে দেখেনি। বহুকাল এ উপদ্রব ছিল না।
সেই আকালের কালে ওরা জোট বেঁধেছিল। সেটি খুব অস্বাভাবিক
ব্যাপার। তারপর বহু বছর গেল নিরুপদ্রব। চোন্টির ও ছগনরা
একজোটে কাজ করলে তা উপদ্রব বই কি। তীরখনাথ তাতে
উপদ্রুত বোধ করে। ওদের কার্যকর রাখা দরকার। মৌকা মিলে
গেল। কেন না চোন্টি ও ছগন খোরাকী কর্জ চাইল। চোন্টি যেমন
বেঠবেগারী দেয় না, তেমনি একসের ভুট্টা নিলে ওর প্রাপ্য থেকে
যায় শুধুতে ছেলের কাটান্ যায়। এ ব্যবস্থা বহুদিনের। ছগনদের
অধিকাংশই ধান ও ভুট্টার দামটি ঋণ হিসেবে পায়। অর্থাৎ নেয়

ধান বা জোয়ার বা ভুট্টা। খাতার খাঙশস্ত্রের দামটি লেখা হয়। সে টাকার অঙ্ক যথারীতি বাড়তে থাকে। বেঠবেগাররা বেগারী দেয় যেমন, জলখাই ও পরস পায় মাঝেমধ্যে। খুব গোলমাল করলে। প্রত্যেকের হিসেবই যথেষ্ট জটিল। তবে ভীষনাথ বলে থাকে, অসীম দয়ার বশে সে ওদের ঘরদোর এবং জমা নেওয়া সামান্য জমি নিয়ে নিচ্ছে না। ইচ্ছে হলেই নিতে পারে। আইনসম্মত উপায়ে। নিলে কারো কিছু করার নেই।

খোরাকির প্রসঙ্গে ভীষনাথ বলল, সে তো পাবিই। কাল সকালে আসিস। তখন দিব।

পরদিন চোটি গেল অকাজে। তার গাইটি ঝোপের ধারে বাছুর বিইয়েছে। গাই-বাছুর সে তুলতে গেল গোহালে। হরমুকে পাঠাল মুণ্ডাদের সঙ্গে। খোরাকি কর্ত্ত নিতে।

ঘণ্টাখানেক বাদে সোমচর আর এতোয়া এল।

তুমি চল।

কেন ?

গোলমাল বাধি গিছে।

কিসে ?

চল, যেতে যেতে বলব।

পথে সোমচর বলল, দাদা আর আর মুণ্ডাদের লয়ে জোট বাঁধি বসি গিছে কাছারিতে।

কি হল, বলবি তো ?

সেই কুরমি গ্রামের মুণ্ডারা খোরাকি কর্ত্ত লয়ে পলাছিল ? সে কথা লাল ভুলে নাই আবা। বলে কি, হরমু! ভোরাদের সাথ আলাদা হিসাব। ভোরাদের দিব। আর দিব ছগনদের। দাদা শুধাল, আর আর মুণ্ডাদের ? তখন লাল বলে কি, হিসাব দেখে লয়ে তবে দিব। দাদা বলে, কেন ? তখন লাল বলে, কুরমির মুণ্ডাদের মত ভোরা ভি খচড়াই করতে পারিস।

বলল ? “খচড়াই” বলল ?

বলল। তখন দাদা বলে, এতদিন করজ দিতেছ, কবে কোন মুণ্ডা
তুমার সাথ খচড়াই করছে? তখন লালা বলে, করে নাই করতে
কত্থন? দাদা চেতে উঠল খুব। তাতে লালা বলে, তোরে তো
দিছি। দাদা বলে, আমারদের একার পেট আছে, আর কারে
নাই? তাতে লালা বলে, তোর সাথ কথা নাই, বাপরে ডাক তোর।
তোরা ই জমানার ছেলা। মোরাদের কথা বুঝিস না।

চোড়ির মনে পড়ল তার বাপ এবং তীরধনাথের বাপের কথা-
কাটাকাটির কথা। তারই পরিণাম বিস্মার আত্মহত্যা।

চোড়ি বলল, চল্ যেয়ে দেখি। ছগনরা কি করে?

বসি আছে। বলে, চোড়িরা মোরা এক সাথ।

চোড়ি দেখল, সবাই কাছারির সামনে উঠোনে বসে আছে।
তাকে দেখেই ছগন বলল, কয়সালা কর চোড়ি, করজ বিনা ভুখা
মরব।

চোড়ি ঢুকল। হরমু ওর পেছন পেছন এল।

চোড়ি, তোর বেটা আমারে আঁখ স্নোটা করে রুখা কথা বলল।
তাতেই বলি, তোরে ডাকুক। তোদের পহান, উয়াদের প্রধান, সবে
তোর কথা মানে। তুই বললে কথা বুঝি।

চোড়ি কিছুক্ষণ চুপ করে থাকল। তারপর বলল, আমি কি
বলব? মহারাজ! তোমার বাপে আমার বাপে কথাকাটাকাটি হয়।

সে কথা এখন কেন?

চোড়ি বলল, বেশ জোরেই বলল, তাতে মোর বাপ গলায় ফাঁস
নিছিল। ফাঁস যে নেয়, তার রোয়ান শাস্তি থাকে না। বা-বাতাসে
চিকুর পেড়ে সে রোয়ান ঘুরে। মোর বাপের রোয়ানে শাস্তি দিতে
আমি টাকা দেই, কাপড় দেই, তবে বাপের সামাজ কাজ হল।

পুরাতন কথা টানলি যদি—মোর বাপের তরেও বহুৎ প্রায়শ্চিত্ত
আর যজ্ঞ পূজা করতে হয়, সে কথায় লাভ কি?

মহারাজ! এত কাল পরে সে সকল কথাই যে কিরা আসে?
কুমির মুণ্ডার যে কাজ করে গিছে, তাতে মোরা লাঞ্জে মরি।

কিন্তু কত দূখে মুণ্ডা এমুন কাজ করল ? সি সকল চিন্তে দেখছ তুমি ?

তোমাদের কি দিতে চাই নাই ?

সকলে এগিয়ে এসেছে । অনেক, অনেকদিন বাদে চোন্টি আবার এগিয়ে এসেছে সামনে । হেঁকে কথা বলছে ।

চোন্টি পেছন না কিরেই বলল, সবে শুনে রাখ । সেদিনই জানি মহারাজ, তুমি মোরাদের সাথ ছগনদের কারাক উঠাবে । এখন দেখি মুণ্ডায় মুণ্ডায় ভি কারাক উঠাও ।

কি কারাক উঠালাম ?

চোন্টি বেদনাদীর্ঘ হাসি হেসে বলল, আমি সি চোন্টি মুণ্ডা বটি হে মহারাজ । কুনো দিন অজ্ঞায় করি নাই । আজ হুথের দিনে আমি লয়ে যাব করজ, আর ও মুণ্ডারা ভুখে মরবে ? না ।

তুই মোরে ভয় দেখাস ?

না মহারাজ । এত জমিন, এত টাকা তোমার, দারোগা তোমারে এত মানে, আমি তোমারে ভয় দেখাব ?

কি বলিস ?

চোন্টি ভীষণ ক্রোধে বলল, উ “খচড়াই” কথাটো কিরাতে হবে । কুনো খচড়াই না করে ই বদনাম লয়ে করজ নিব না । ছগন !

বল্ চোন্টি ।

তোমরা চাস, করজ লে ।

চোন্টি, তা কেমন করে হয় ?

না ছগন, নিতে হয় নে । কিন্তুক আমিও বলি মহারাজ, কথা না কিরালে তোমার খেতে কারেও নামতে দিব না । মুণ্ডা খচড়াই করে—চোন্টি চোঁচিয়ে বলল, খচড়াই করে না মুণ্ডা, কায়দা উঠায় না । তা জানলে দারোগারে বাঁচালাম বরা মেয়ে, টাকা লিতে পারতাম না ? উ কথাটা কিরাও তুমি । জান লড়ায়ে তোমার আবাদ রাখি । ডাকু-চোর তোমার একদানা গম নিতে পারে না । উ কথা না কিরালে জান যাবে, তবু ভি খেতে কারে নামতে দিব না ।

ধনুক লয়ে একা লড়ব। আনো পুলস, মারা করাও মোরে, কিন্তু শেষ কথা বললাম।

তুই, তুই বলোয়া উঠাবি ?

এ যদি বলোয়া বল, বলোয়া উঠাব। যাও, কারাক কর। ছগনরা নিলে নিবে করজ। আমি নিব না।

এই তোর কথা ?

এই কথা। ডাক পুলস। খচড়াই কারে বলে দেখাব তখন। পুলস আসার আগে জ্বালায়ে দিব সব আগুনমুখা তীরে।

চোড়ি চূপ করল। ছগন বলল, মোরা তোর সাথ আছি চোড়ি। মহারাজ ! এ আপনে কা বোলা ? আদিবাসী লোক যাচাই হোতা হায় হজোর। ভুখা থাকবে, কাম করবে, লেকিন্ বুরাই বাত শুনবে না।

তীরখনাথ বুলল, সব কিছু বড় কঠিন হয়ে উঠেছে। বলল, কাল জবাব দিব। আজ আর কথা নাই।

চোড়ি হাসল। বলল, ই কথাটি কিরাবে কি না এখন বল মহারাজ। ঘর আমি যাব না। ছেলা ধনুক এনে দিবে। এখন হতে তোমার খেত আটক দিব। মোর ছেলারা আছে, সনারা আছে। যুগ্মগুলাকে মেরে কেলাও। তা বাদে লাচাই মানুষ লয়ে কারবার কর।

চোড়ির কথায় ভীষণ প্রতিজ্ঞা ছিল, হুজুয় জেদ। তীরখনাথ আস্তে আস্তে কেটে কেটে বলল, মুখ হতে বারান্নে গিছে কথাটা। উ কথা বলতে চাই নাই। কাল করজ দিব। কিন্তু হিসাব দেখে দিব।

চোড়ি বুলল, সর্বনাশ হতে হতে সামলে গেল। এখন ও বিজেতা। ও কীণ হুর্বোধ্য হেসে বলল, হিসাবটো আমারদের হয়ে পহান দেখবে। ছগন ভি দেখবে। হিসাবটো ভাল কথা বটে। আমারদের আর ছগনদের ভি জানা ভাল কে কত লিছে।

জানবি।

ভীষনাথ চেয়ার সজোরে ঠেলে দিয়ে উঠে গেল। বলে গেল আমি বলে তবু করজ দিব। আর কেউ দিত না।

তুমিই তো দিবে। মোরা আর কার কাছে খাটি?

পরদিন করজ মিলল। পহান এবং ছগন হিসেব বুঝতে গিয়ে কুল পেল না। প্রথম সুযোগে ভীষনাথ গেল দারোগার কাছে।

সব শুনেমেলে দারোগা বললেন, আদিবাসীদের বিষয়ে সাবধান হয়ে চলবেন। এখন ওদের জন্তে মন্ত্রী হয়েছে, দপ্তর হয়েছে। চোটি মৃগা বললেন না? কোনো অপরাধ করলে খবর দেবেন।

ভীষনাথের মনে প্রাচীন ভয় দেখা দিল। সে বিরস মুখে বলল, না না। চোটি কোনো অপরাধ করার লোক নয়।

অন্ত খাতকদের তো আপনি জব্দ করতে পারেন।

এরা এককাটা।

বলেন কি?

যাক গে, ভুলে যান কি বলেছি।

ভয় পাচ্ছেন না কি?

ভীষনাথ নিশ্বাস কেলে বলল, দারোগা জী! আজাদীর পরেও এ জায়গা জংলী জায়গা। অনেক কিছু হয় এখানে, যার কিনারা কোনো খানার সাধ্য নয়। ধরুন আপনি খেতে বসলেন, যতবার খানায় হাত দিলেন, দেখলেন খানা রক্ত হয়ে যাচ্ছে। এ রকম হলে আপনি কাকে অপরাধী ধরবেন?

বলেন কি?

বললাম তো।

চোটি এ সব পারে?

কা জানে? আমার বাবা ওর বাবার সঙ্গে ঝগড়া উঠায়। ওর বাবা গলায় কাঁস নিল। তারপর কি হল জানেন? আমরা দেখলাম চোটি এখানে আছে। কিন্তুক ওর বাণ খেয়ে কাশীধামে আমার বাবা নৌকো থেকে গঙ্গাজীতে পড়লেন। অপঘাত মৃত্যু হয়ে গেল। সব জানলাম, কিন্তু কিছু করা গেল না।

দারোগা বললেন, এ হয় না।

ধাকুন কিছুদিন। নিজে বলবেন, এ রকম হয়।

তাহলে আপনার কথাই রইল। ভাববেন না। এখন কিছু করলাম না, কিন্তু চোখ খুলে রাখলাম আমি। একটা সুবোঝ এলে দেখে নেব।

সে যা বোঝেন। কিন্তু অল্পত কিছু ঘটে গেলে মনে করবেন, তীরখনাথ বলে গিয়েছিল এই কথা।

আমার অনেক আগে, আংরেজ আমলে, এক দারোগার জান ওহি চোটি মুণ্ডা বচায়া, তাই না ?

হ্যাঁ। ও রকম কাজ ও কত করেছে।

সবই গল্প কথা হয়ে যায় চোটি মুণ্ডার জীবনে। গল্প আর গান। মুণ্ডারী ভাষায় নেই লিখিতব্য লিপি। তাই মুণ্ডারা সব কথা বেঁধে রাখে গল্পে ও গানে। তাদের জীবনে নিরন্তর দুঃখ ও বঞ্চনা। তাই চোটির গান গেয়ে তারা ক্ষণিকের তরে ভুলে যায় সব। তারা গাইল,

তীরখনাথ বলেছিল সকল মুণ্ডা খচড়াই

চোটি বলল, কথা ফিরাও হে

নয়তো বাণ মেরে তোমার খেত দিব জ্বালায়ে

তোমার গোলায় জ্বালাব হোলির আগুন

লালা বলল ফিরালাম কথা

নাও করজ নাও ধান

করজ নাও ভুট্টা

মোর মুখ হতে অমন কথা বারাবে না আর।

সকল শুনে তবে চোটি তার বাণগুলিরে ডেকে ফিরাল

বাণগুলি নেচে উঠেছিল হে, ছুটে গিয়াছিল প্রায় ॥

চোটি গান শুনে বলল, ভাল। কিন্তুক ই আমি বলে দিলাম হরমু, একদিন লালা শোধ নিবে এই অপমানের।

হরমু বলল, নিবে না। নিলে নিত। ধানায় গিয়াছিল।

চোটি দেখছিল, মুণ্ডাদের সব কিছু যেন পালটে যাচ্ছে। বদলে যাচ্ছে জীবন। চোটি স্টেশন আরো বড় হল। সেখানে এখন রাতে দিনের মত উজ্জ্বল বাতি জ্বলে। চোটির আনন্দ, এখানকার মাটিতে ওদের নতুন করে করার কিছু নেই। চোটির মাটি ওদের শুধু কসল দেবে হাড়ভাঙা মেহনতের পর। তীরথনাথের কসলের ঠু অথবা ঠু ভাগ ওরা পাবে তীরথনাথের হিসেবে। নিজেদের খেতে বা কসল, তা দেবে মাটি। কিন্তু মাটি কখনো চোটিদের বা ছগনদের ধনী করেনি।

সব তুলে রাখছিল দিকুদের তরে।—চোটি পহানকে বলল। হরমদেওয়ার খানটি এবং পহানের ঘরটি ঘিরে ওরা বেড়া দিছিল। মনসার বেড়া। এ কাজে যে যেমন পারে তেমন মেহনত দেয়।

কি তুলে রাখছিল?—পহান বলল।

সব।

কে?

এই ধরতিটো।

কি বলিস?

চক্ষু নাই? দেখ না?

তোমার মত চক্ষু পাব কুখা?

তুমিও সেই পহানের মত কথা বল।

দেখ, সুন্দর ঘিরা হল।

এখন পহানীয়ে বল, ঘরে মাটি দিক, চিত্র করুক।

করবে কখন? সে ছাগল লয়ে ব্যস্ত। আমিই করব।

তুমি?

দেখিস। কি বলতেছিলি?

চল বসি।

বসে চোন্টি বিড়ি ধরাল ও বলল, ই ধরতিটো দেখ । ইয়ার সেবা করি মোরা জনম কে জনম কাটাই । কিন্তু কখনো কুনো মুণ্ডারে দেখি নাই ধনী হল, অনেক জেরাত করল, অনেক মুনিষ খাটাল ।

পহান হেসে বলল, দেওতা মুণ্ডাদের ককির বানায়ে ভেজে দিছে বুঝি বা ! তুই কি দেখবি, কেউ দেখে নাই ।

কিন্তু একদিন এমুন ছিল খুটকাটি গ্রাম !

খুটকাটি গ্রামের কথা তোরে কে বলল ?

শুনাছি ।

পহান কি বলতে গিয়ে বলল না । বলল, বল, কি বলিস ।

এখন দেখ সেই ধরতি দিকু চিনছে । পরতাপ চাচা আসছে, ইটভাটি বানাল । কুথায় কলকাতা, সেখা হতে চিরঞ্জীরাম মাড়োয়ারী কয়লা কাটাবে হেখা । আর কলবাগিচা এক নতুন কারবার । আসন্নাক শেখ হোই সাত বিঘা জমি কিনছে, বাগিচা বানাবে । তা এত ইট, এত কয়লা, এত কল, সব উঠায়ে রাখছিল ধরতি, ই দিকুদের তরে ?

লালা ভি বাগিচা বানাবে । মাটিতে কল হয় কি ! এত পাপিতা, এত সন্নিকা, এত আমরুদ, এত আম ! দেখনা, মোরা অঙ্গল হতে মোয়া কল কুড়াই, সেও বা কত হয় বল ?

মোদের কিছু দেয় নাই ।

না ।

কেন দেয় নাই বল ?

কপালে নাই মোদের ।

না ।—চোন্টি গম্ভীর হয়ে গেল । বলল, যে নিতে জানে, তারে দেয় । মোরা লিখাই-পড়াই নই । বাপ-দাদা ভি নতুন কাম করে নাই । মোরা জানি না কিছু ।

শুনি এবার গোরমেন মোদের ইসকুল করি দিবে ।

কুখা ?

কে জানে ?

এমুন শিখাবে না যে নিজেরা হক বুঝি নিতে পারি। আর
শিখে বা কি লাভ ? কিছু নাই আর মুণ্ডাদের নিজের বলতে।

তুই তবু তীর খেলে টাকা পাস।

আর টাকা।

সবারে হাওলাত দিস।

দিতে হয়।

কিরত পাস ? ছগনদের কাছে ?

তা দেয়।

কি ভাবতে ভাবতে চোটি বলল, একটো কথা।

কি ?

তুমি ভি চল, ছগন ভি চলুক।

কুখা যাব ?

চল, উ পরতাপের কাছে যাই। বলি, মাটিকাটা কামে মোদের লাও।

তাতে মোরাদের ভি জাহান থাকবে, আর তীরখনাথ যে পরজা না হলেও
মোরাদের পরজা বানায়ে রাখছে, উয়ার হাত হতে খানিক বাঁচব।

ভাল বলেছিস।

আর এক কথা।

কি ?

কয়লা তো হেখা মাটির উপর। কয়লাকাটার কামে ভি ঝেতে
হবে। দেখ, আগে ভাবি নাই এমুন কথা বলব।

এ কি আর তুই বললি ? সময় তোরে দিয়ে বলল।

চাচা ওদের কথা মন দিয়ে শুনল। বলল, তোমরা কতজন
আছ ? আমার তো অনেক লোক দরকার হবে।

তা পঞ্চাশ-পঞ্চাশ জন মুণ্ডা। পুরুষ বিটিয়া আছে। ছগনরা
তো শতখানেক হবে।

বেশ। তা দায়িক হবে কে ?

মোদের পহান। এ ছগন।

দিন বারো আনা দেব। অলখাই দেব না।

জলখাইয়ের ছুটি দিবেন ।

এক ঘণ্টা । বর্ষার সময়ে কাজ হবে না ।

মোরা সংবাদ লয়ে যাব ।

আচ্ছা ।

কবে হতে কাজ হবে ?

জানাব । কিন্তু এক কথা ।

বলুন মহারাজ ?

তীরখনাথের কাছে যে কাজ কর, তার যেন ব্যাঘাত না ঘটে ।

এখানে আমরা তুজন আছি । নিজেদের মধ্যে বিবাদ চাই না ।

বিবাদ হবে না মহারাজ ।

বেরিয়ে এসে ছগন বলে, চোড়ি ?

বল ?

কামটো গুনতে ভাল, পরসা ভি দিবে ?

জানি, বেঠবেগার তুরা, লালা কি করে ।

তাই ভাবি, মোদের কি কপাল আছে, যে লালার ওখানে খাটব, হেথা খাটব, বিশ্বাস যায় না মনে । তা তুই যে মোরাাদের কথা ভাবলি, ইতে মোদের গরব উঠে গেল ।

চোড়ি কীণ হেসে বলল, দেখ্ না কেন ? বসে মজা দেখ্ ? সকল জায়গায় যা হতেছে, হেথাও তাই হবে ।

কি হবে ?

কে আসবে, জঙ্গল উড়িয়ে পাথর ভাঙার ঠিকাদার হয়ে, কে আসবে জঙ্গল মহলের গাছ কাটার ঠিকাদার হয়ে । তারা ভি কুলি আনবে, মোরা ভি যাব । সকল জায়গায় এমুন হতেছে, টেন কত চলতেছে দেখিস না ? নতুন টিশন ভি হতেছে । এখানে ভি মাহুৰ বাড়বে বসন্ত বাড়বে । মৃত্যুরা কি আসবে ? মোরাাদের সামাজ্যটো বড় হবে ।

ওঃ, ভাবলে ভি বুঝা লাগে । তখন ঝগড়া-বিবাদ-মামলা, বহোৎসাহগামা উঠে যাবে ।

কিন্তুক সে দিন আসতেছে ।

যে ক্রিয়ে চোটির মনের মেঘ কাটে না। সেদিন আসছে। নিজস্বতা নিয়ে আর বাঁচতে পারবে না মুণ্ডারা। ছগনদেব মত বান্ধা ব্রাত্য দেশের সকল উন্নতিতে, তাদের সঙ্গে এক হয়ে করতে হবে খেতমজুরি, ঠিকাদার ও ব্যবসায়ীর কুলি কাজ। তখন গায়ে থাকবে জামা, হয়তো বা পায়ের জুতো। তখন “মুণ্ডা” পরিচয় থাকবে শুধু উৎসবে—সামাজিক ব্যবহারে।

তেমন দিন আসছে। এখন নিজের বলতে যা আছে, তা আঁকড়ে ধরতে হয়। যেমন মেলায় তীর খেলাটা? মুণ্ডা যুবকরা আসে কই? কই বলে, তীর খেলা শিখাও?

চোটি যা ভাবে তাই হয়। নরসিংগড়ের রাজা নেই এখন। “রাজা” নাম মুছে তিনি এখন হয়েছেন জঙ্গলের রাজা। চিতাবাঘ, বাঘ, ইত্যাদির চামড়া রপ্তানির ব্যবসার সঙ্গে যুক্ত হয়েছেন। জঙ্গল বিষয়ক আইন তাঁর বিষয়ে প্রযোজ্য নয়। কোনো আইনের আওতাতেই তিনি পড়েন না। কোম্পানীর রাজপুত হাবিলদারের পতনী এই রাজবংশ। “রাজা” খেতাবের উৎস অসংগত স্বল্প ব্রিটিশ আনুগত্য। কয়েক পুরুষ আগে তৎকালীন রাজা গুলি চালিয়ে জনা তিরিশ প্রজা মারেন ও ঘোষণা করেন, আমি হচ্ছি সূর্যবংশীয়। কোনো আইনের এক্তিয়ারে পড়ি না।

সত্যিই তাঁর কোনো সাজা হয় না। সেই থেকে যিনি গদিতে বসেন, তাঁরই মনে থাকে, তিনি সূর্যবংশীয়। এ রাজাও তা জানেন। উক্ত জানের বলে বলীয়ান তিনি, জল খাবার কুণ্ডীগুলি বিবাক্ত করে বাধ মেয়ে চলেছেন। অস্ত্রাস্ত্র জীবজন্তুও মরে চলেছে। রাজা ইত্যাকার কাজে ব্যস্ত। তাঁর খাস জমিতে আছে মুণ্ডা-ওঁরাও-কুর্মি-দোঁসাদ ইত্যাদি প্রজারা। রাজার সময় নেই। নারের তলীলদার সিং অভাব, স্বাভাবিক নিয়মে প্রজাদের শাসনে রাখে। হাতিয়ার একই। কন্নড়-চক্রবর্ত্তিন্দ-বেঠবেগারী। ইদানীং তলীলদার, কোনো প্রজার ওপর কষ্ট হলে হাতি চালিয়ে ঘর ভাঙছে। ফলে নরসিংগড়ের বাতাসে কোভ। দারোগা বা থানা সূর্যবংশীয় অত্যন্ত

অনুগত। এমন কি, ট্রেন পৰ্বন্ত শের কা চাম্ ওঠাবার দিনে “নো হল্‌টেজ” স্টেশনে দাঁড়ায়। এখন, এই সময়ে নরসিংগড় থেকে পুরাণ মুণ্ডা এল। পুরাণের বয়স খুব কম নয়, বছর চল্লিশ। চোন্টির পায়ের কাছে নামিয়ে রাখল ওর ধনুক। বলল, আমারে শিখাও।

তোমারে? বছর বছর জিতে আস।

চল তুমি।

তুমি তো ছেলাদের সাথ আসতে।

চল না তুমি।

যথাস্থানে এসে পুরাণ বলল, হাতটো ঠিক নাই। ভাবলাম, তোমার কাছ অভ্যাস করলে যদি হাত ফিরে।

সত্যিই পুরাণের হাত কাঁপে।

ই কি পুরাণ?

পুরাণ নিষ্পৃহ গলায় বলল, আমার ঘরটো হাঁধি চঢ়ায়ে ভাঙি দিছে। তা মুণ্ডার কি বুদ্ধি থাকে? কাঁপায়ে পড়লাম। ছেলা টেনে নিল তাতে হাঁধির নিচে পড়ি নাই। কিন্তুক হাতটো চাপা গিছিল কপাটের নিচে। সে হতে হাতে বশ নাই।

চোন্টি ধনুক হাতে দাঁড়িয়ে রইল, পাথর হুয়ে গেল যেন, হাজার বছরের পুরনো দেওদেওতা হয়ে গেল। কতকাল ধরে যার কাছে এসে মুণ্ডারা বলে যায়,

ঘরে হাঁধি চঢ়ায়ে দিল।

বেঠবেগারী দিতে লয়ে গেল।

তার ঘরে পয়ব, তাতে খাজনা নেয়।

করজ নিছিলাম, তাতে সকল কসল নিয়া গেল।

যেন বলে যায়, বলে যায় মুণ্ডারা। প্রতিকার পাবে না যেনে মাল্লুসকে বলে না, বলে অক্ষয় দেওদেওতাকে। দূরে পাহাড় থাকে, শুকনো ঘেসো মাঠ, বনের আঁচলে আমলকীবন বাতাসে কাঁপে, মাঝে মাঝে পাথরের ঢিবা, পাথরের কাঁকে কাঁকে বাসের গোছা, কোথাও বাজে গরুর গলায় ধনুক, ডাকে টিটি পাখি।

চোঁটি পাখরের দেওদেওতা নয়। রক্তমাংসের মানুষ। সে বলে,
তা বাদে ভীষখেলাতে জিততে চাস বলে মোর কাছ আসছিস ?

এলাম।

কেন আসছিস পুরাণ, কেন ?

আমি একাটো, মোর পাশে কেউ নাই।

ছেলে ? মুণ্ডানী ?

সব ভাইয়ের কাছে পাঠায়ে দিছি, লাতেহারে।

তুই কোথা থাকিস ?

তশীলদার সিং জানে আমি ভি লাতেহারে।

আছিস কোথা ?

লাইনের পাশে পুরানা রেলকামরা। চারদিকে বন হয়ে গিছে।

লোহার ঘর ! এ ঘর বুঝি বা হাঁধিও ভাঙতে পারে না।

সেখা আছিস !

হাঁ রে, শিখা ?

চোঁটি বলল, দেখ্ তবে। কাছকে আয়।

কিছুক্ষণ গেল। চোঁটি বলল, তশীলদার জানে তুই লাতেহার
গিছিস ? সাচাই বল পুরাণ। চালাকি করিস না।

পুরাণ একই রকম, ঈষৎ বিস্মিত ও সম্পূর্ণ নির্লিপ্ত গলায় বলল,
হাঁ রে ! সে যে বলেছিল, বেরা গ্রাম হতে। তা বাদে, তখন চলি
ষেয়ে দানু মুণ্ডার ঘরে বসলাম। উরি গিছিলাম খুব। পরদিন
লাতেহার চলি গেলাম। কদিন গেল। তা বাদে বউ বলে, বুঝি
উয়ার রাগ পড়ি গিছে, যেয়ে দেখে এস কেন ? তা এসে যা দেখলাম
সে আশ্চাজ্জ কথা।

কি দেখলি ?

ঘরটো—গোহালটো—মাচাংটা—কিছু নাই, চষা জমি যেমন।
ফিরি যদি, সেজন্তু ঘর-আঙিনা সব হাঁধি মাঢ়ায়ে দিছে। আর আর
মুণ্ডাদের কোড়া মারি বলিছে, উ জমিনে কাঁটা গাড়ি দে।

তারি দিছে ?

দিছে।

পুরাণ স্বকাহিনীর উপসংহারে বলল, খুব মোটা কোড়া। চামে বাক্স। একবার মারছিল মোরে। পা ভাঙি গিছিল চোন্টি, হাড়ভাঙা লতা বাটি দিতে তবে পা সারল। তা মোদের মুণ্ডারা তো মন্দ নয়, তবে ভি কেন উরা মোর জমিনে কাঁটাটো বুঝল তা ভাবি। তাতে দাসু বলে, পুরাণ! তোরে যেথা রইতে দিবে না, সেথা আর কেউ আবাদ করবে কেন? তাতে কাঁটা বুনি জমিন আকলা করি দিছি। কিন্তুক ইটা বুঝল না, উ জমিনটো আমার। রাজার কাছকে পাট্টা ভি আছে, একবার দিছিল গোরমেনের সাধ মামলা হয় যখন, তখন দিল। তা ইটা বুঝল না মুণ্ডারা, জমিনটো আমার। ছেলেরা পাপিতা ভালবাসে ইবার গাছ বুঝতাম।

তা যেন বাস না।

যাব না?

না।

যদি জমিনটো ফিরত পাই?

পাবি বলে জানি না। তবুও বলি, খবর লয়ে আমি তোরে জানাব। দেখ, আমি শুনি নাই, কিন্তুক দাসু ঝুঁরাও শুনেছে, বুঝি বা সদরে মোরাদের, আদিবাসীদের ভালমন্দ দেখতে গোরমেন বসতেছে। সেথা জানালে হয়?

কে জানাবে? তুই? সদর অনেক দূর।

সদর মুণ্ডা হতে দূরেই থাকে পুরাণ। কাছে থাকে না। আমরাদের দরকারে চেষ্টা করি দেখতে হয়, কিছু কাছে যেতে পারি কি না। ইচ্ছায় সব হয়। তু যেমন মোর কাছ এলি?

সে তু বা বলিস চোন্টি। মোদের তু খুব কাছের মানুষ। তোরে কাছে আসতে পথ জানি ফুরায় নিমেষে।

হাতে যে জোর নাই তোয়।

হাতটো কাঁপে।

বাঘের চর্বি মালিশ কর।

ঘরে ছিল, জানিস চোটি...

চল, আমি দিব।

পুরাণ কিন্তু কোনো মেলায় তীর খেলতে এল না। নরসিংগড়ের মুণ্ডারা বলল, লাতেহার চলি গিছে উ।

চোটির খুব ইচ্ছে হল, পরিত্যক্ত ওয়াগনটি দেখে আসে। আবার মনে হল, পুরাণ তো গোপন আস্তানাটির খবর জানাতে চায়নি। সে কথা বলা ঠিক হবে না। সে যদি দেখতে যায়, তাতেও জানাজানি হবে।

গ্রামে কিরে চোটি গেল পরতাপ চাচার হিসাবরক্ষক উধম সিংয়ের কাছে। ছোকরাটি মানুষ ভাল। শিকারের কারণে চোটির সঙ্গে তার বন্ধুত্বও হয়েছে এক ধরনের। সদরে তার সদাই যাতায়াত। চোটি তাকেই একদিন সব কথা খুলে বলল। বলল, তুমি যখন সদরে বাবে মহারাজ, একটু পুছতাছ করে আসবে? —চোটি সব কথাই শুকে বলল, শুধু পুরাণের নাম, নরসিংগড়ের নাম বলে নি।

কিন্তু পঞ্চাশের দশক পুরাণ মুণ্ডার দশক।

ততদিনে পঞ্চাশের দশক ষাটের দশকের কাছে এগোচ্ছে। একদা মধ্যাহ্নকালে জানা গেল, রাজার শিকার খেলায় মদত দিয়ে কিরছিল তশীলদার সিং। ঘোড়ায় চড়ে। সে সময়ে তার পিঠে তীর বেঁধে। তীরের মুখে বিষ ছিল। তশীলদার ঢলে পড়ে। ঘোড়া তাকে কেলে দিয়ে নিশ্চিন্তে ঘাস চিবায়। সমগ্র ঘটনাটি আবিষ্কার করতে বিকেল গড়ায়। ততক্ষণে তশীলদার গ্যাঙ্গলা ভাঙছে মুখে। রাতেই সে মরে যায়। এ ঘটনায় সকল প্রজাকে জড়াতে পারলে সূর্যবংশী খুশি হতেন। খুবই দুঃখের কথা, ঘটনাস্থলের আশেপাশে জনমানব ছিল না। প্রজারা বেলা দুপ্রহরে যে দ্বার নির্দিষ্ট খেতে মালিকের কাজে ব্যস্ত। কারকেই সন্দেহ করা যায় না। সত্যযুগ নয় যে ঘোড়াটি কথা কয়ে সাক্ষী দেবে। ততদিনে মুন্ডারহস্ত বহুস্ত থাকতে থাকতেই তশীলদারের ভাইপো কাকার রক্তিতাকে নিয়ে উধাও হয়। রক্তিতাটি কাছারির দরওয়ানের

বিধবা ও ডাঁটালো দলমলে বোন। কাকা-ভাইপো দুজনেই একে নিয়ে পরস্পরের বিষয়ে বিদ্বিষ্ট ছিল। কলে ব্যাপারটি পারিবারিক কেচ্ছার উপসংহার হিসাবে গণ্য হয়। কোন পর্যায়েই পুরাণ মুণ্ডার প্রতি সন্দেহ বর্তায় না। চোটির মনে গভীর উদ্বেগ দেখা দেয় ও এক জ্যোৎস্না রাতে সে, স্টেশন যখন ঘুমোচ্ছে, তখন যায় সেই ওয়াগনটির কাছে। ওয়াগনটি পরিভ্রান্ত। কেউ নেই। নিশ্চিত হয়ে সে ফিরে আসে। সদর থেকে উথম সিং যে খবর আনে, তা নেতিবাচক। আদিবাসী কল্যাণ ও উন্নয়ন আধিকারিক উচ্ছিন্ন মুণ্ডাকে কুটিরশিল্পে মদত দিতে পারেন, হৃত জমি পুনরুদ্ধারে নয়। হৃত রাজ্য রাজাদের খাস জমির ব্যাপার অতীব গোলমালে। তার দপ্তরের সাধ্য নয় যে পুরাণের জমি উদ্ধার করেন। তা ছাড়া, চারটি চারটি করে মুণ্ডা-ওঁরাও-হুসাদ-কুর্মি-গঞ্জু-ধোবি মিলিয়ে থাকলে সে এলাকা তার এক্টিয়ারে পড়ে না। খাঁটি আদিবাসী অঞ্চল পেলে তিনি তাদের কুটিরশিল্পের প্রয়োজনীয়তা বোঝাতে পারেন।

এরকমভাবেই মাস দুয়েক কাটে। তারপর একদিন সহসা শোনা যায় এক চমকপ্রদ খবর। মুণ্ডা জাতীয় বিলুপ্ত-অস্তিত্ব মাহুঘরাই এ ভাবে সংবাদ দিতে পারে।

পুরাণ ধরা পড়েছে। ধরা দিয়েছে।

অত্যন্ত প্রতীকীভাবে সে তিনটি তরুণ পঁপে চারা নিয়ে গিয়েছিল স্বগ্রামে, স্বভিটায়। চারাগুলি পুঁততে গিয়ে সে দেখে তার ভিটায় নতুন ঘর। সে ঘরে আরেক মুণ্ডা পরিবার।

সে পরিবারের পুরুষটি বোঝে, পুরাণ তার সঙ্গে বিবাদ করে জমির দখল নিতে আসেনি, পুরাণ তাকে বলে, মোর পাট্টা ছিল।

সে পাট্টার জোর নাই আর।

জোর নাই ?

কাছারি হতে বলিছে।

তা ই গাছগুলান ?

দোষ না নিলে হেথা পুঁতে দাও। আর মোর ঘরে বস, খাও।
দোষ না করেও দোষী বটি হে। কিন্তুক বড় ছুখে এসেছি।

পুরাণ গাছগুলি পৌঁতে। অতঃপর বলে, দাসু! উপা! মোর
সাধ ধানায় চল তুরা।

কেন?

পাট্টাই জোরদারী নাই আর। তবে আমি তশীলদারেরে মারলাম
কেন? সি তো ঠিক করি নাই?

তু মারছিস?

হাঁ। দারোগারে বলে দিয়া যাই।

বলবি কেন?

কি করব?

তু পলা।

কেন?

তারে মারছিস, তোর ফাঁস হবে।

ঘরটো আর জমিনটো পাব নাই, বুক ভাঙি যায়, তা জীবন লয়ে
করব কি? ই কারণে বলি নাই। আর মানুষটো মন্দ ছিল বিস্তর
লয়? তারে মারলে ফাঁস হবে কেন?

সমগ্র ব্যাপারটি ক্রমে জটিল মনে হয় মুণ্ডাদের। অতঃপর ওরা
ধানাতেই যায়। পুরাণ সব খুলে বলে।

দারোগা তাকে ধানায় আটকে রাখেন। বহুকাল ধরে তাকে
বোঝান, যে কেস মিটে গেছে, তা নিয়ে ঝামেলা করে লাভ নেই
কোনো। এ কি সোজা ঝামেলা? আবার কাইল খোল, কেস
সাজাও, সাক্ষীসাবুদ যোগাড় কর। কিন্তু পুরাণকে কিছুই বুঝিয়ে
উঠতে পারেন না।

অবশেষে পুরাণ বলে, তবে কি হবে?

দারোগা অতিষ্ঠ হয়ে ওঠেন। আবার বলতে থাকেন,—কেস
বন্ধ হয়ে গেছে। এখন তুমি বলছ, তুমি খুন করেছ। এ নিয়েও
কেস হতে পারে। কিন্তু আইনের পথ আলাদা মতে চলে। তুমি

খুন করেছ বললেই খুন হবে না। সাক্ষী-সাবুদ চাই। প্রমাণ চাই।
কারণ চাই।

মোর ঘর ভাঙি দিল।

কবে? সে তো ঘটনার পাঁচ মাস আগে। তশীলদার খুন
হবার দু মাস আগে থেকে তোমার জমিতে অস্থায়ী লোক বসবাস
করছিল। তোমার কথা আমি জানি। তশীলদারের ওপর কার রাগ
খাকতে পারে, তা তদন্ত করতে গিয়ে তোমার খোঁজও নিয়েছি।—
এবার দারোগা “তুই”তে নামেন। রেগে বলেন, গাধা! উজ্জ্বল!
তোকে আমি বাঁচাতে চেয়েছি। তোকে খুনী দাঁড় করাতে গেলে
আমাকে বিস্তর খাটতে হবে। এখন আমার অনেক কাজ।

কাজটি সূর্যবংশীর এজেন্টের সঙ্গে। সাতটি ব্যাজচর্মের দাম
এসেছে একুশ হাজার টাকা। দারোগা কম করে হাজার টাকা
পাবেন। এখন এ হেন ছেঁড়া কেসে ফাঁসার ইচ্ছে তাঁর নেই, সদরে
ও গৃহদণ্ডের দারোগার যথেষ্ট খুঁটি আছে। খুঁটির জোরেই তিনি এ
কথা বলতে পারেন।

কে সাক্ষী দিবে? বোড়াটো ছিল। আর হাঁষিটো।

হাতি কোথায় পেলো?

হাঁষিটো উয়ার সাথ ফিরে। মোর ঘর ভাঙছিল।

বুঝেছি। মাথা খারাপ তোমার।

বাবু, আমি তোমার “দিকু” কথা বুঝি না।

কে বললে বুঝবে?

বাবু! চোটি গ্রামের চোটি মৃগা সব জানে।

চোটি মৃগা! সে তোমার সাথে ছিল?

হাঁ ছজুর। সে ভরসা দিচ্ছে মোরে।

এখন কেসটি চিত্তাকর্ষক হয় ও সিনেমার দেখা ফুলের মত খত
ডাইমেন্ডনে বিকশিত হয়। খানার পুরাণকে রেখে দারোগা রাজার
এজেন্টের সঙ্গে দরকারী কাজটি সারতে যান। পরদিন চোটিকে
খবর করতে বলেন কন্সটেবলকে। পুরাণের কথা শুনেমেলে

কনস্টেবল সসজ্জমে বলে, হজোর ! তা কেমন করে হয় ? যে দিন তশীলদার খুন হয়, সেদিন চোড়িরে আমি হাটে দেখলাম। হাটেই ছিল ও, মোরা কথা ভি বললাম। ওদের খানার সেপাই ভি ছিল।

দারোগা পুরাণকে বলেন, বটে ! চোড়ি তোর সঙ্গে ছিল ?

না না, হাটে গিছিল, গেলেও উ মোর বুক বসি থাকে।

দারোগা ওকে বেজায় ধমক দেন। বলেন, হাতি ছিল ! চোড়ি মুণ্ডা ছিল ! যা ঘরে যা। নয়তো আমি তোকে মেরে শেষ করব।

অত্যন্ত বিব্রান্ত হয়ে পুরাণ বলে, তবে কি ঘরটোর লেগে চিন্তে চিন্তে মাথাটো মোর বিগড়ায়ে গিছে ?

বেরো এখান থেকে।

হাঁথিটো ভি দেখলাম, চোড়ি ভি সাথ ছিল...

চোড়িরা ভেবেছিল, পুরাণ এতক্রমে চালান হয়ে গেছে। কিন্তু পুরাণকে আসতে দেখে ওরা চমকে যায়। পুরাণ ওকে সব কথাই বলে। ওর মাথা খারাপ বলে দারোগা ওকে ছেড়ে দিয়েছেন জেনে চোড়ি বলে, আর, বোস। সকল কথা বল। আগে কিছু খা।

ভুট্টার ছাতু জলে গুলে লবণ ও লব্কা দিয়ে খেয়ে পুরাণ বলে, দারোগা বিশ্বাস হল না যে আমি তশীলদারের মারছি।

সে কেমন হল ?

বুঝি নাই।

পুরাণ সকল কথাই বলে গেল। হাঁথিটো দেখতাম, তু রতিল মোর বুকের মাঝে স—ব মিছা ?

পুরাণ তু আজ যেম্ন বাঁচছিস এম্ন কোনো মুণ্ডা বাঁচে নাই কুনোদিন। তু এখন বুঝিস নাই কি বাঁচা বাঁচল।

পহান বলল, ওরে ঘরে রাখ। তা বাদে উয়ার কে কথা আছে সেখা লরে জিন্মা করি দে।

চোড়ি ওকে নিজের ঘরে রাখল। পরদিন পুরাণকে নিয়ে ও এবং পহান গেল লাতেহার। ট্রেনে। ট্রেনে বসে চোড়ি বলল, তু মোরাদেবের হেলে ভি চাপালি। কুনোদিন ভাবি নাই রেলে চাপব।

য়েল ভাল। আমি তো থাকতাম।

চুপ যা এখন। সে কথা ভুলি যা।

হাঁ চোন্টি, বুকাটা ভি শূনা, হাঁথিটো ভি দেখি না? তখন ট্রেনের
গাড়িতে শুতাম, হাঁথিটো দেখতাম সদাই?

হাঁথিটো হাঁস হয়ে উড়ি গিছে, যাঃ।

তিন জনেই খুব হাসল। হাসতে হাসতে ওদের মনের তার
হালকা হয়ে এল। লাতেহায়ে নামল তিন হাসিমুখ মুণ্ডা। গায়ে
পড়ে কুলিদের বলল, পরথম রেল চোপেছি গো, হাঁস উঠছে তাতে।

পুরাণ বলল, চোন্টি, মদ কিনে লই চল।

আগে ঘর চল।

ঘরে গিয়ে পহান ও চোন্টি পুরাণের ছেলেদের সমগ্র ঘটনার
গুরুত্ব বোঝাল। বলল, কুখাও যেতে দিবি না।

হেতায় বা কতদিন রব?

কুখা যাবি?

ঠিকাদার বলে গাছকাটা কাজ।

কোখা?

কুখায় জানি। গোরমেনের জঙ্গলে।

তাই যা। কিন্তু ওরে ছাড়বি না।

পুরাণ বলল, মদ খাবি না?

পরে এসে খেয়ে যাব।

কিন্নল ওরা হেঁটে। অনেক রাতে কিন্নল। পহান বলল, চোন্টি?
উ কি দেখি? হাঁথি? আমি কি পুরাণ হলাম?

না না। উটো মাদীহাঁথি। টাহাড়ের ঠাকুর মন্দিরের হাঁথি।
মাহুটো উয়ে নিয়ে ঘুরে বলে।

তাই বল। পুরাণটোর মাখায় বা কি হচ্ছে জানি। এখনো
বুঝ পায় নাই কুন হজিমত হতে বাঁচল।

আমি তো এখনো বুঝি নাই।

এমন হল কেন?

দারোগাই জানে।

সবই গল্প কথা চোটির জীবনে। সবাই বলল, পুরাণের বৃকে বসে তুই তারে সাহস জুয়ালি ?

পুরাণের মাথার ঠিক নাই।

পুরাণের সপরিবারে ঠিকাদারের সঙ্গে চলে যায়। ঘুরতে ঘুরতে রামগড়ের রাজার কলিয়ানিতে। সেখানে তারা মিশে যায় অশ্ব এক জীবনে। সে জীবনে সুখ নেই। তবে তর্জীসদার এবং “হাঁথি”ও নেই। চোটি গ্রামের মোতিয়া ধোবিনের ছেলে বাস রুটে ছোলা ভাজা বেচে। তার সাফাং পেয়ে পুরাণ বলে পাঠায় চোটিকে, এখানে সব কিছুই তার কাছে অচেনা। ভাল লাগছে না। কিন্তু ইউনাইন আছে বলে ওরা সবাই কাজ পেয়েছে। তবে যে ঠিকাদার ওদের যোগান দিয়েছে, সে টাকা নিয়ে নেয় অনেকটা।

চোটি বলল, নিক। জানে বেঁচে থাকুক।

পুরাণের ব্যাপার মিটে যায়। পুরাণকে জেলে যেতে হয় না। কিন্তু নিজের ছেলে হরমুর বেলা চোটি জেল নিবারণ করতে পারে নি।

দশ

সময় এগিয়েছিল। কোনো বছরই চোটি, চোটি গ্রামের মেলায় তীর খেলায় যেতে ছাড়ে নি, বিজ্ঞতা হতে দেয় নি অশ্ব কাউকে। তার কাছে যারা শিখে গেছে, সেই সব ছেলেরা মেলায় মেলায় জিতেছে। পরতাপ চাচা চলে গেছে বোখারোর দিকে, আরেকটি ইটভাটি খুলতে। হরবংশ চাচা এখানে ইটভাটি দেখে। কাঁপা ইট তৈরি করে ও। অত্যন্ত শক্ত দরে খাটে বলে, গ্রামের লোকগুলিকেই সে কাজ দিতে পছন্দ করে। তীরখনাথের কাজ পাঁচিয়ে চোটিরা ও ছগনরা কাজ করে সেখানে। স্টেশনের কাজকর্মে লোকগুলি আর কুলি কাজ পায় না। ঠিকাদার কুলি আনে। তবে অবৈধভাবে গাছ মেয়ে পাহাড় নির্বাক করে পাথর ভেঙে মোয়েইন

তৈয়্যির কাজ গ্রামের লোকেরা পায়। পরতাপের ঘোষিত বারো আনা দিনমজুরী সবাই দিয়ে থাকে। ছগন বলে, মোরা এখন বারো আনার সিপাই। যেখানে যে কাজ, তাতেই লড়ে বাই। কাজ যেমন হোক, বারো আনা আর এক টাকা হবে না। হাঁ চোটি, একবার সবে যেয়ে বললে হয় না ?

কি বলবি ?

এক টাকা দাও।

দিবে না।

কেন দিবে না ?

তু লিখাইপড়াই মানুষ, বুঝিস না ?

তুই বল। তোহার দিমাগ আচ্ছা বা।

কেন দিবে তাই বল।

তুই বল না।

চোটি ক্ষীণ হেসে বলল, কাজের মানুষ অগণন। কাজ কম। মোরা না করলে আশপাশ হতে লোক আসবে। খর্রা আকালের দেশ। আমরা দিয়া তো সকল কাম আসান হয় না। তাতে হরবংশ এখন আকালের কালে চারআনা আর গোরমেন রিলিকের মাইলো দিয়া কাম করছে।

তাই বল ! তাতেই বাহারের লেবারের সাধ মোরাদের কথা কতে দেয় না। তাতেই তারা ভি মোরাদের সাধ মিশে না।

হাঁ। দেখ কেন, জায়গা বড় হচ্ছে, রকম রকম মানুষ। কত রকম কাজ ভি হতেছে। কিন্তুক মোরা যেথা ছিলাম সেথা আছি। একটা ভালাই দেখি। আগে তীর্থনাথ করজ না দিলে খেতে পাই নাই। এখন পাথর ভাঙি বা মাটি কাটি, করজটো কম হয়। আর দেখি হালচাল বদলাছে। হরমু ভি গায়ে জামা দেয়, মুণ্ডা বিটরাও জামা পরতাছে। আমরাদের চাল আর নাই।

না। আর থাকে ? এখন হাটে হাটে শতাব্দী জুতা চটি, হরেক রকম জামা-কিতা-চুড়ি-টিপ কত কি ? রক্ত জল করা পরমা তাতে যায়।

তোরাাদের ছেলারা ইশকুলে যায় না কেন ?

আর ইশকুল ! একে তো চল নাই, পাঠাতে কত মারতে হয়, তাতে মাস্টার বলে কি, তোরা পড়ে করবি কি ? যা গরু চরা ।

মুণ্ডাদের তো ছেলা দেখলে খেদায় ।

লিখাইপড়াই মোদের জন্ত নয় ।

আইনে সবার জন্ত, কাজে নয় ।

পড়ুক গা ব্রাহ্মণ-লালা কায়স্থদের ছেলেরা ।

চোটি হেসে বলল, আমার ছুথ নাই । সনার বূনের ছেলা দেখে আসছে, রাঁচিতে মুণ্ডা ওঁরাও বিটিরা মিশনে পড়াই করে ভি কাম পায় না কুনো । রেজা কাম করে, কয়লা কাটতে যায় ।

তাতে ভি পয়সা ।

সেখা পয়সা । হেখা নয় ।

চোটি পহানের কাছে গেল । হরমুর মাসির মেয়েটি সোমচরের বউ হবে । সোমচরের প্রথম বউটি মরে গেছে । আরান্দির দিন একটা দেখতে হয় ।

পহান বলল, তুই বলেছিলি ঠিক ।

কি কথা ? তোমরা তো আমার সব কথাই “ঠিক” দেখ ।

ওই যে বলে গেলি মেলায় ? ভোজের কালে ।

কি বললাম ?

বললি, মুণ্ডার আর নিজের মত কিছু রবে না । বাঁচতে হলে ছগনদের সাধ এক হয়ে ছিঁড়াছুটা কাম করতে হবে । তীর ধমুকের খেলাও ফুরাল । শিকারখেলায় বন ঠেঙায়ে শজারু মিলে না । এখন মুণ্ডা মুণ্ডা হবে পালাপার্বণে, বিয়াসাদীর মত সমাজের কাজে । তীরধমুক হই গেল মেলায় খেলা জিতবার খেলনা । যা ছিল হাতিয়ার, তা এখন খেলনা ।

চোটি নিখাস ফেলে বলল, খেলনাই থাকুক । পুরাণটো বাঁচি গিছে বরাতজোরে । নয় তো তারে ধরলে নরসিংগড়ে সকল আদিবাসী ঘর হাঁধি দিয়া ভাঙা করত । দেখা যখন যা হয়, তাতে চোটি-১১

যদি মুণ্ডার উপর জুলুম উঠায়, তাতেই তো মুণ্ডারা আরো দেশঘর ছাড়ি চলি যেছে।

মিশনে আর যায় না।

মিশন! সুখাদের সাথ সাথ মিশনের সুখ শেষ। মিশন আর জমি দিয়া মুণ্ডা গুঁরাওরে চাষীবাসী করে না এখন। গঞ্জ টাউনে যাও, দেখবে মিশনের মুণ্ডা ভি মোদের মত পেটের খান্দায় যে যার কাম খুঁজে ফিরে। আগে ছিল গোরমেনে-মিশনে স্বপ্ন-জামাই। এখন আজাদী গোরমেন মিশনরে ভাল চক্ষে দেখে না।

তবে ভি মুণ্ডারা আপন ধরমে ফিরে না কেন ?

পেটের চিন্তায় সব ভুলে থাকে।

তবু, ধরম বলে কথা !

মোরা ধরমে আছি, তাই রব। কিন্তুক পেটের খিদা, বেঠবেগারীর জালা, করজের কোড়া, ই হতে তো খালামুপাই না ?

তোর তবু নিজের জমিটুকু আছে।

সে হরমু, সোমচর, এতোয়ার। আমার আর কোয়েলের বলতে বাপের আমলের ডাঙা টুক।

হরমুর জমিটো ভাল।

আমি তো বাল, উ জমির কসল বেচে তুরা আর ভি জমি কেন। নয় তো সবার সংসার বাড়তেছে, খাবি কি ?

হরমুর সেই জমি নিয়ে এতকাল বাদে, অপ্রত্যাশিত গণ্ডগোল বাধল। এই ১৯৩১ সালে। এ বছরের আরেক উল্লেখযোগ্য ঘটনা হল, চোটি মেলায়, চোটির বেয়াই ডোনকা মুণ্ডার আচরণ। মেলায় শেষে, তীরখেলায়*সে বলে বসল, চোটির তীরখেলা ঠিক হয় না আর। মস্তরপড়া তীর উয়ার, তীর নিশানী বিদ্ধে তাই। এ ঠিক নয়।

চোটি বলল, তুই পারিস নাই, সে রাগে বলিস। তু তো ছোট মোর চেয়ে। আমার বয়স তিন-কুড়ি-এক হল। ঠিক আছে। আমি খেললাম না তীর। তোর তীর দে। সবার তীর দে।

সবই গল্পকথা চোটির জীবনে। সকলের তীরেই সে লক্ষ্য বিঁধল। নিশানী চোখটি হল তীর কণ্টকিত। তারপর চোটি বলল ছ-কুড়ি পাঁচ বছর জিততেছি, অনেক হচ্ছে আর খেলব না।

দারোগা বলল, সে কি কথা ?

হরবংশ চাটা বলল, তোমার খেলায় মেলার জোশ।

পহান বলল, তবে আমি এক কথা বলি। তু যখন বলছিস, কথা ফিরাবি না জানি। তবে—দারোগা, তীরখনাথ ও হরবংশকে বলল পহান, তবে ও কেন বিচারক হোক না? আমি পহান বলে বিচারক হই। কিন্তুক ধনুক হল ওয় বশ। ও বিচারক হোক ?

আমাদের আপত্তি কি? কিন্তু চোটি মেলায় চোটি গ্রামের পহানই বিচারক হয়, তাই নিয়ম দাঁড়িয়ে গেছে।

চোটি গ্রামের পহানই তো আপনা হতে ছাড়ি দিচ্ছে জায়গা, আর চোটি মুণ্ডারে ভি ছকুম দিছে।

চোটি হাসল। বলল, যা বল।

সনা বলল, ই ডোনকা কি করলি ?

চোটি বলল, ঠিক করছে। বুড়াটা হই গেলাম, তবে ভি তোরাাদের দেখায়ে দিতে হল, যে চোটির মস্তুর হাতে, তীরে নয়। হাঁ, সে একটো তীর আছে বটে। তারে বহোং দিন বুক করে রাখি। মেলায় লয়ে আসি, লয়ে যাই। সে তীর নিশানা জিতার তীর নয়। কাছে রাখবার। হাঁ, বুড়াটা হই গেলাম। তীরখেলা মোর গদি নয় যে ধরে রাখব। জোয়ানরা দেখুক। তারাদের ভি খেলতে দিতে হবে, নয়? না, কোন ছখ নাই মোর।

কে পারবে, বল ?

চোটি হেসে বলল, অভ্যাস করলে মোর সোমচর, তোর ভাইয়ের পুত জিতা, উরাই পারবে? হরমুটো চেতে উঠে। উয়ার মাঝে ধীরস্থির নাই। কিন্তুক আগে উয়ার হাত খুব ধির ছিল রে। টোকা যখন, তখন সবুজ পাতার আড়াল হতে সবুজ হরিয়াল মারছে কত।

এখন সি জমিটো হচ্ছে উয়ার জাহান। উয়ার মা বলে, ছেলা হতে জমিন্ ভালবাসে উ। জাহান জমিটো।

জমিটো জাহান মোর—অজ্ঞানে কসলভরা খেতের দিকে চেয়ে কয়েক দিন বাদে হরমু বলেছিল, জাহান মোর ইটা।

ভীষনাথের গোমস্তা ধীরভাবে সব শুনে বলেছিল, লালার জমি। তুয়া বছদিন আবাদ করলি। বছৎ কসল উঠালি।

বছৎ কসল উঠালাম! লালারে আশা দিই না?

ছি ছি ছি! এমন কথা তো সে বলে নাই?

কসল কাটা হতে তার লোক মোতায়েন থাকে। তার সামনে ওজন হয়। খড় বল, তুষ বল, সব আশা দেই।

নিশ্চয় দিস।

তবে সে জমি চায় কেন?

তার জমিন্, সে চাইতে পারে।

বাবার সাধ কথা আছে তার।

এই দেখ।

কি দেখব? কথাটো কি বরাবরের নয়?

তু যেয়ে তারে বল্ গা। আমি কে? ছকুমের চাকর। ছকুম হল, বলে গেলাম। এখন যা করবি কর্। কসলটা তো লয়ে বাবি। তখন কথা বলে নিস তার সাধ? আমি যাই।

হরমু বাবাকে অভিযুক্ত করেছিল, কেন লালার সাধ লিখিপড়ি কর নাই আবাবা? এখন যে জমিটো চলি যায়?

সে কি কথা?

তুমি যেয়ে কথা কও।—ভীষণ উদ্বেগ হরমুর গলায়, বুঝ না কেন লালার জমি চায়? এত বুঝ তুমি?

তু কি বুঝিস?

আছিল পতিত কালনা জমি। আমারদের তিন ভাইয়ের মেহনত খেয়ে তা এখন কলনা জমি। কসলে-কলে হাসে যেমুন। ধান গাছ জোয়ান হয় যখন, মোর সাধ কথা কর। ওরে কসল দেই, এই

বড় বড় ভূঁটোর দানা, এই মোটা মোটা ধান। তা দেখে ও ঝিষ করে।

জমি তো আমারে দিছে লালা।

অত্যন্ত বিচলিত হয়ে চোটি ছুটে যায়। সঙ্গে থাকে হরমু ও অশ্রু মৃগারা। লালা বলে, মার উঠাবি নাকি ?

আগে বল মহারাজ, জমিন্ তুমি কিরত চাও ?

হাঁ চোটি।

জমি তো আমার।

তোর যদি হবে তা হলে তুই মোরে আধা ফসল দিস কেন ? বল আমারে ? আমি যে সকল জমির মালিকানা রাখি, তার ফসল কারেও দেই ? যখনি ফসল দিস্ তখনি প্রমাণ হয়, তোরে আধাভাগে দিছি।

জমির খাজনা নাও নাই ?

নিছি।

কার নামে জমা দিছ ?

মোর নামে। মালিকানা যার, সে দিবে খাজনা।

কিন্তু মহারাজ ! মণিরাম ছত্রীর কথা ধর। সে তোমার জমি চষে, আধা ফসল দেয়। তার জমির খাজনা তোমারে দেয়, তুমি বা নিজের নামেই জমা দাও। কিন্তুক তার জমি ত নাও না। আধা ফসল, আধা হক নিয়ম তো তার বেলা মেনে নিছ ?

সে হিন্দু, স্বধর্মের লোক।

তবে লিখাপড়া করতে দিলে না কেন ? কেন মিছা কথা বললে ? বলেছিলে, মুখের কথাই সব ?

যখন বলেছিলাম—

হরমু বলল, তখন ভাব নাই সেই কাল্‌না জমি ফল্‌না হবে। তাই ভাবছিলে মহারাজ।

তোর সাধ কথা নাই মোর হরমু।

চোটি বলল, মোর সাধ বল।

আর কি বলব ? বললাম তো ।

শুধা হিন্দু কেন ? আদিবাসীয়ে দাও না ? ভিকন ঝুঁরাওয়ে দিছ, বুঢ়া মুণ্ডারে দিছিল। কার নামে জমি বেকড আছে ? আর মহারাজ, আধা কসল এতগুলো বছর নিতেছ । তাতে তো একথাও সাধ সাধ প্রমাণ হয়, যে এ বন্দোবস্তী তুমি মানি নিছ । নয়তো জমি নিতে, নয় কোনো বেবস্থা করতে । মেহনতীতে ভি হক আসে ।

চোটি, কথা বাড়িয়ে লাভ কি ? জমি বন্দোবস্তে দেই । পছন্দ না হলে ফির বন্দোবস্তে দেই ।

তুমি তখন বন্দোবস্তী লিখতে দিলা না কেন ?

চোটি ! সাচাই বলি, আগে জানি নাই জমি কল্‌না ।

কল্‌না ছিল না জমি । তিন ভাই বাঁক লয়ে জঙ্গলের পচা পাতার সার বহিছে, কত মেহনতে জমির গৌসা ভাঙয়ে জমিন্‌রে হাসায়েছে । তবে জমি হাসল । আর ই কথাটো বল, ই তুমার মনে ছিল, নয় ? বল তুমি ?

তু বুঝিস না চোটি ।

চোটি আশা ভঙ্গে, অপমানে, দুঃখে, এবং বুক ভেঙে দেওয়া আকুল আবেগে বলল, তুমি না মহারাজ ? কোনো দিন শুনলাম না বুঝি । তবে মহারাজ, বুঝিয়ে দাও ? একবার দেখি দিকু-কথা বুঝে না কি মুণ্ডা । বল, বল আমায়ে ? লিখাপড়া থাকে না, খাজনা দিয়া চলে, তবু ভি আদিবাসী বল, ছগনরা বল, ফাল্‌না জমিতে আধা হক পায় । কত সময়ে তা লিখা থাকে, কত সময়ে থাকে না । অনে—ক কাজে মুখের কথায় সব হয় । তুমি বল এত করজ নিছিস, তা মুখের কথা । তুমি বল এত কাটলাম, তা মুখের কথা । বুঝিয়ে দাও, যে পড়তে জানে না সে মুণ্ডা কেমনে বুঝে ই মুখের কথাটো সাচাই রবে না ?

তীরথনাথ বুঝছিল, সে ঠিক কাজ করছে না । এ কথা সত্যি যে সে বা তার মত মালিক কোনোদিন ভাল জমি এদের দেয় না । পাথুরে জমি, বাঁজা জমি, শুকনো জমি, বহুদূরে পড়ে থাকা ভাঙা

জমি, জঙ্গলের কিনারে জমি, এগুলিই দেয় ভাগে। আধা ফসল আধা হকেই দেয়। কেননা মানুষগুলি তেমন জমিকেই স্বর্ণপ্রসূ ভূমিজ্ঞানে বুকের রক্তে লালন করে। যে জমিতে ফলেছে শুধু চোরকাঁটা ও চিনা ঘাস—সেই জমিতেই ওরা ফসল ফলায়। নিম্ন-স্তরের। সেটুকুই মালিকের লাভ। ওরাও জানে, এর মানে এই নয়, যে এর ভিত্তিতে ঢালাও ভাবে, ভাগের জমিতে আধা ফসল আধা হকের কোনো ঐতিহ্য গড়ে তোলা যাবে। যে জমি নেয়, যে মরে গেলেই এ হক চলে যায় না। সবটাই মালিকের মজি। কিন্তু পুরনো ঐতিহ্য বলে মালিকও ফাল্গুন জমির ক্ষেত্রে হক মেনে নেয়।

ফাল্গুন জমি এমন করে ফলনা হয়নি কখনো। কোনো নজির নেই। নেই বলেই তীরখনাথ নজির স্থাপনা করতে চলেছে। এটি মালিকদের পক্ষে লাভজনক। অতএব এ নজির থেকেই আদত দাঁড়িয়ে যাবে। মরকুটে অপুষ্ট ভুট্টা ও ধান দেখলে তীরখনাথ এমন করে জমি নিতে চাইত না। তীরখনাথ এও বুঝল, প্রচলিত আদত উপেক্ষা করে ও সম্ভবত বিশ্বস্ত ও সং চোটির প্রতি অগ্নায় করছে। কিন্তু চোটির প্রতি অগ্নায় হচ্ছে কি না, তা দেখতে গেলে তীরখনাথের চলে কি ?

শোন চোটি—

বল, বল তুমি।

ঝগড়া উঠায়ে লাভ নাই। ই জমিটা আমি লই। তোরে নয় আমি জমি দিব কুরমির দিকে ? ফাল্গুন জমিটা ?

হাঁ মহারাজ। সে জমি দিবে, তারে বুক হতে লোঁ মেচ করে ফলনা করব, তখন সেটা লবে। তারপর কোথায় চোটির জমি দিবে মহারাজ ? ধরতিতে যত ফাল্গুন জমি সব কি তুমি কিনে নিছ ?

তীরখনাথ বুঝতে পারছিল, চোটি, চোটি মুণ্ডার সঙ্গে কথা বলছে সে। চোটিকে অঞ্চলের মুণ্ডার দেবতা জ্ঞান করে। চোটির কাছে, চোটির মত আদিবাসীদের কাছে সে অনেক পায়। চোটির আছে মন্ত্রপড়া ভীষ। সে ভীষের ক্ষমতা অনেক। তবু তীরখনাথ নিজেকে

ফেরাতে পারছিল না। মালিক-মহাজন সে। যে কথা বলেছে সে কাজ না করলে মন্দ নজির রেখে যাওয়ার অপরাধে অভিশপ্ত হবে সে। এখন স্বাধীন ভারত। রাজা-জমিদার এসব ফালতু ঝামেলা ছেঁটে গেছে। সে না হয় মাঝারি জোতদার। কিন্তু তার মত জোতদাররা, তার মত এবং তার চেয়ে বড় এবং তার চেয়ে ছোট জোতদার-মালিক-মহাজনরা এ গোরমেনের মস্ত বড় বল-ভরসা। গতবার ভোটে তো সে টাকা দিয়েছিল মাথাপিছু ছটো করে, তারপর তার কথায় এরা ভোট দিয়ে এল। বড়ই আকসোস, তীরখনাথ জংলা জায়গার মালিক মহাজন। তেমন শিক্ষিত নয়, সংগঠিতও নয়। এবার সামনের বছর ভোট। তেমন ধনী ও সংগঠিত হলে তীরখনাথের থাকত ট্রাক। চোড়ি ও ছগনরা হাতে পেত টাকা। তারপর তীরখনাথের নিজস্ব লোকজনই ট্রাকে চেপে ভোট দিয়ে আসত। কিন্তু চোড়ির সঙ্গে এমন ব্যবহার করা কি ঠিক হচ্ছে তার? চোড়ির কারণেই কত অল্প বয়সে তীরখনাথ অংরেজ গোরমেনের কাছে “রায় সাহেব” খেতাব পেয়েছিল। সে এবং চোড়ি প্রায় একবয়সী। চোড়ির সঙ্গে এমনটা করা তার মোটে উচিত হচ্ছে না। কিন্তু এখন আর ফেরা চলে না। ভয়ের বা কি আছে? গোরমেনের দলের আপিস তো তিন স্টেশন বাদেই। সেখানে গেলেই মদত মিলবে। তীরখনাথ বলল, ওহি বাত।

বাস মহারাজ? হয়ে গেল?—চোড়ির কণ্ঠে ছিল শুষ্ক হাহাকার। কি হয়ে গেল? বিরাট কোনো ঘটনা? তীরখনাথের অস্বস্তি হচ্ছে কেন? সে কি করেছে? ঘরে এত লোকই বা কেন? চোড়িরা ছিল, মুণ্ডারা। এরা কখন এল, ছগনরা? সকলে হুর্বোধ্য চোখে নীরবে তার দিকে চেয়ে আছে কেন? কি করেছে তীরখনাথ? একদা এক মুণ্ডাকে বলেছিল আধা কসল আধা হকে ফাল্না জমি তোরে দিলাম। লিখাপড়ার দরকার নাই। আজ বলছে সে জমি নিয়ে নিলাম। এতে অস্থায়ি কি আছে? তীরখনাথ বুঝল, তার নিজের মনই বলছে অস্থায়ি হয়ে গেল। বুঝল, তাকে নিয়ে যে গঞ্জ জায়গার লোকরা বলে, জংলী মহাজন—তা সত্যি। আজীবন পরিচয়ের

ব্যাপারটিতে লাধ মারতে হলে অনেক শক্ত কলিজার প্রয়োজন।
তীরখনাধ তেমন শক্ত এবং হিন্মতদার নয়। ভীকু যখন অস্তায় করে,
বর্বর হয়। তেমন বর্বরতায় তীরখনাধ বলল, ওহি বাত।

ওই কথা!

হাঁ। আর, আর শুন, এবার ফসল দিতে হবে না।

এবার কি পুরা ফসল—হক ছুট? না মহারাজ, মুণ্ডা তোমার
নিয়ম বুঝে না। ফসল দিব।

তীরখনাধ চৈঁচিয়ে উঠল, মোর সব কথায় অস্তায় দেখছিস তুই।
আমি মন্দ! মন্দ মানুষ করে বলে জানিস তুই? খবর নিলে দেখবি,
আর কোনো মালিক-মহাজন, মুণ্ডা ওঁরাওরে কোঁচা দিয়া ধুতি পরতে
দিছে না, কাঁসার ধালায় খেতে দিছে না, জুতা পরতে দিছে না।

হরমু এতক্ষণ তীরখনাধকে নির্নিমেষে দেখাছিল। এখন বলল, সে
তুমি না বললেও হয়। আছে।

কি রকমে? আরে হরমু কি রকমে?

ধুতি কিনার পয়সা নাই, খাটো ধুতিতে কাছা মেয়ে লেংটি পারা
পরি, পয়সা নাই যে কাঁসার ধালে খাব, পায়ে জুতা পিন্ধে বেড়াব।
তাতেই বুঝ কি রকমে।

যা, তোরা যা।

ঘরে এসে চোটি বলল, কাল ওর ফসল দিয়া দিবি।

তারপর?

হরমু! নিজের কাছে সাচাই রতে হলে অনেক সময়ে অনেক
কাজ করতে হয়, তা সকল সময়ে বলার দরকার নাই।

কি বল আবা?

বলছি।

কি বল?

মোর সাধ কথা হছিল, কিন্তু তোর জমিন্।

মোর জাহান।

লালা যা বলবার তা বলি দিছে। আমারদের যা করবার তা

করব। উয়ার সাধ বাজবে মোর। ই জানি, সে আগে ধানায় জানাই
রাখে, তার জোর খানিক। কাল যাব।

কি বলবে ?

তোরে বলে কি হবে ? ওঃ, বুকটো জ্বলি যায়। কত দুখে মুণ্ডা
ঘর ছাড়ে বাপ, কত দুখে দেশান্তর যায় ?

হরমু বলল, উঠ, হাতমুখ ধোও, খাও।

আজ খাব, কাল ?

খাও।

একটো কাম ভাল করছে লالا।

কি ? হাস কেন ? আবা ? হাস কেন ?

বহুৎ ভাল করছে লالا। বুঝিস না ? সকল মুণ্ডার মত
আমারদেরও দশা। উ জমিটা ছিল বলে দুটা খাছি, ভুলে থাকছি
যে মুণ্ডা হয়ে আমারদের কোনো সুখে হক নাই। জমিটো যেছে,
তাতে আবার সকলার সাথ শামিল হব। ই ভাল হচ্ছে।

জমি “যেছে” বল কেন ?

হরমু ! তু সিদিনা টোকা। তু ভি বাপ হুছিস। কিন্তুক আমার
চক্ষু তু কুখা পাবি ?

আঙুল তুলে অন্ধকার দেখিয়ে চোন্টি বলল, জমি এমনিতে দিব
না। এমুন অপমান ! এমনিতে দিব না। জাহান চলি যায় তো
যাবে। কিন্তুক হরমু ! তখন ধানা-পুলুস-আইন-আদালত। সকল
পাক ঘুরে মুণ্ডা আমি, মরব আবার। মুণ্ডারে কি শুধা মালিক-মহাজন
মারে ? আইন মারে, আদালত মারে, পুলুস মারে। সবাই মারে।
জমি চলে গেছে হরমু, আমি দেখতে পেছি চক্ষু। আদিবাসীকে
দেখিতে অপছার হচ্ছে, সে ভি বলে, ঘরে বসে মাহুর বুন, চেঙারি বুন,
মদত দিব। জমিজমা লয়ে কথা বললে কিছু করতে লারব বাপ।
আইন-আদালত কর গা। আইন ! আদালত ! কুনোদিন বিশ্বাস
পাই নাই। কোথা পাব উকিল ? উকিল টাকা নিবে, সে কি বলবে
মুণ্ডা বুঝে না। মুণ্ডা কি বলে সে বুঝে না, উকিল মুণ্ডার কথার অ্যাং

বললে ব্যাং বুঝায় আর হাকিমরে উলটা বুঝায়। হাকিম উলটা বিচার করে।—কিন্তুক—

কি “কিন্তুক” আবা ?

কিন্তুক জমিন্ লয়ে হাংগামা উঠলে ভৈষা গাড়ির ছুট চাকা যেমন গড়ায়ে গাড়্‌ডায় পড়ে, তেমন সে হাংগামা গড়ায়ে আদালতের গাড়্‌ডায় পড়বে। তখন কি আর জমিটো রবে ? আদালত কখনো কুনোদিন মুণ্ডারে দেখে নাই, দেখবে না।

দেখবে না।

না হরমু। সকল গোরমেনের। গোরমেন মুণ্ডার হক দেখলে সকল মুণ্ডা এমুন করে কাঙাল বনি যায় ? দিকুর লাখে দেশ ছাড়ে ? দেখবে না হরমু। হরমু ! বাপ মোর ! বউটো বসি আছে, যা, ছুটা খেয়ে ঘুমা গা। আমি টুকচে বসি। আন্ধারটো বেশ লাগছে রে ! আন্ধারটো যেমুন মা, ইয়ার কাছে কুনো লাজ লাগে না।

আবা ! সকল সময়ে তো তুমি ছগনরে বল ?

ই কথাটোতে ছগনরাদের কি বলব ? ই যে এক মুণ্ডার সাথে এক লালার হিসাব। ইতে উরা আসবে কেন ?

আসবে নাই ?

না। উরাদের সাথ, অন্ত আদিবাসীদের সাথ তো কুনো হাংগামা উঠায় নাই লালা ? যাতে পুলস-থানা-আদালত, তাতে উরাদের ডাকাও ঠিক নয় হরমু।

উরাদের পরও তো চোট আসতে পারে।

খুব পারে। কিন্তুক হরমু ! মালিকের সাথ হাংগামা উঠবে। তা জানি আগাছি মোরা। মোরা জানছি, আর পথ নাই। এমুন করে আগালে আইন-আদালত হবে, সেখাও লাথ খাব, জেনেও আগাছি। সবে যখন এমুন করে লোয়ের আগুনে বুঝবে, যখন আগাবে, তখন এককাট্টা হতে পারি। বলতে পারি চল্‌ তুরা। তেমন করে আগাবে কে ?

ডরপুকা উয়ারা।

না বাপ ! ভুথারুগা মানুষ, লাধ খাওয়া মানুষেরে দোষ দিও না কখনো । পিছনে কেউ নাই, বুদ্ধি দিতে কেউ নাই, টাকা নাই কারো, কারে দোষ দিবে বাপ ? যাও । খাও গা ।

তুমি ?

ওই যে বললাম, আন্ধারে বসি ।

হরমু চলে গেল । চোটির বউ এসে চোটির কাছে দাঁড়াল । বলল, জানলাটো খুলি দিব, শুয়ে আন্ধার দেখো । এখন খাও, শোও । কাল থানা যাবে, কাম আছে ।

তুই শুনছিস সব ?

শুনছি । চল ।

চোটি উঠল, ঘরে গেল । হরমুর মা ওকে খালা এগিয়ে দিল । ডাল আর ফেনা ভাত । এখন জঙ্গলে শিকার মেলে না । ওরা ডাল আর ফেনাভাত, তেঁতুলপাতার ঝোল, হাটে কেনা শুওরের মাংস মাঝেসাঝে, এই সবই খায় । মিশনের লোকরা খরা-আকালে খয়রাতি দিতে এলে বলে, এত কম পুষ্টির খাদ্য খেয়ে বেঁচে থাকার অভ্যাস আছে বলেই অনাহারে আদিবাসীরা মরে কম । খাওয়ামাথা দেহ হলে অনেক বেশি মরত ।

খাওয়ার পর চোটি বলল, ঘুরে আসি ।

কোথায় যাবে ?

বলোয়াটো দে ।

কারে কাটতে যাও ?

কারেও নয়, অভ্যাসে লই । মানুষের ভয় তো নাই, আর সে সূতের দিন নাই যে বাঘ এসে ঝাঁপ দিবে ।

চোটি বলোয়াটি হাতে চেপে ধরে বেরোল । টিলা পেরিয়ে প্রান্তর । কোনাকুনি হেঁটে গেলে তার জমি । এখন আর পাকা ধানের গন্ধে আসে না হরিণ । নেই । যার ইচ্ছে, যেমন ইচ্ছে শিকার করে করে শেষ করে দিয়েছে সব । যদি কিছু জানোয়ার থাকে, মানুষের ভয়ে চলে গেছে গহীন বনে । জমির সামনে পৌঁছে চোটি ক্ষণেক দাঁড়িয়ে

খাকল। মনসায় বেড়ায় ঘেরা জমি। ধান দেখে উড়ে পড়ে পাখি।
কোয়েলের ছেলে এতোয়া আর সোমচর সারাদিন পাখি তাড়ায়।

ধান গাছগুলি লুয়ে পড়েছে। এক টুকরো জমি। কালই ধান
কাটা হবে, নেয়া হবে লালার কাছারিতে। মেপে আখা দিতে হবে।

কে?—চোটি পায়ের শব্দ শুনেছে।

দাদা, আমি।

কোয়েল? তু এলি?

রাই হতে ফিরে সকল শুনলাম।

আমি এখানে, তা জানলি কেমনে?

মনে জানলাম।

কাল ঘরে থাকিস, আমি থানা যাব।

গিয়া কি হবে দাদা?

জানি না। তবে দিকুরা দেখছি, কিছু হলে আগে থানায় জানায়ে
আসে। পরে কিছু হলে সে টুক কাজে লাগে।

তোমার কথা নিবে?

জানি না। এমনিতে তো দারোগা ভাল কথা বলে। সেদিনও
বলা গিছে সনারে কিছু হলে তুরা থানায় জানাস। নিজেরা দাঙ্গা
উঠাস না। সনা বলছে, আমরা বললে তুমি শুনবে? দারোগা
বলছে, নিশ্চয়। গোরমেনের চক্ষে সকল প্রজা সমান।

চল, ঘর চল।

চল।

পরদিন চোটি গেল থানায়। পহান, কোয়েল, সনা সকলকে
যেতে বলল হরমুর সঙ্গে ধানের ভাগ দেবার সময়ে। হরমুকে বলে
গেল, কুনো গোল করিস না।

তুমি কিছু চিন্তা কর না আব।

চোটির জীবনে সবই গল্পকথা হয়ে যায়। দারোগার সঙ্গে
আরেকজন গল্প করছিলেন। চোটিকে দেখে তাঁকে বললেন, এই
দেখুন! যার কথা বলছিলাম, সে এসে গেল। ইনি আমার

খণ্ডের চেনাজানা লোক। আদিবাসীদের ভালাই করবার অফিসার। সদয়ে থাকেন। আমার এখানে বেড়াতে এসেছেন, ঠুঁর আদিবাসী লোগদের খবর পাত্তা ভি নিচ্ছেন। আমিই বলছিলাম, একজন আদিবাসী আছে এখানে, আমাদের গরব, তীরের জাহুকর, আশ-পাশের মুণ্ডা সমাজের সব কথা জানে, সে হল চোঁটি মুণ্ডা। এ কথা বলে চায় পিয়েছি, ঠুঁর তুমি এসে গেলে।

আদিবাসী অফিসার বললেন, তোমার কথা হচ্ছিল।

মহারাজ! আমি আপনাকে চাইছিলাম, আপনিও আমার কথা মনে করলেন, তাতেই যোগাযোগ হল।

কি ব্যাপার, বল।

আদিবাসী অফিসার দেখলেন, লোকটির বয়স বোঝা যায় না। ছিপছিপে দেহ, চামড়া সতেজ। চোখ দুটি খুবই প্রাচীন ও ভারাক্রান্ত। ওর কথা বলা, বসা উবু হয়ে, সব কিছুই মধ্যে কিন্তু অভিজাত্য আছে। দেখেই বোঝা যায়, সম্মানে ও অভ্যস্ত। কোঁতুল জাগে।

চোঁটি আস্তে আস্তে, ধেমে ধেমে, সব কথাই বলল।

দারোগা বললেন, কিন্তু চোঁটি, জমি তো লালার।

মহারাজ! কালনা জমিতে আদিবাসীদের আখা ফসল আখা হক তো রেওয়াজ আছে।

আছে।—আদিবাসী অফিসারও বললেন। বললেন, সাধারণত এ রেওয়াজ জমি মালিক ভাঙে না। কেননা তেমন জমিই তারা দেয়, যাতে বিঘায় ছ মণের বেশি ধান হয় না। সেও সূঁটা ধান।

আমি তো শুনি নি কখনো?

আপনি শোনেননি লালজী, কেন না আদিবাসী ঠুঁর অগ্ন পাঁচটা জাত মিলেমিশে গ্রামে গ্রামে বাস করে।

এ রীতি কি শুধু আদিবাসীর জগে?

না না, কখনো কখনো অগ্ন তপশীলী জাতও পায়। তবে একেবারে বাঁজা জমি তারা নিতে সাহস করে না সাধারণত।

চোড়ি, তুমি কি বলতে চাও ?

আমি তো বুঝি মহারাজ, এ একটা হকের ব্যাপার। এ কথা সত্যি যে এমন জমি বেশি আদিবাসীর নেই। হয়তো আদিবাসী ঠর অশ্রুজাত মিলিয়ে সবশুদ্ধ জনা দশেকেরই আছে আপনার ধানায়। কিন্তু এরপর কার কি ভরোসা থাকবে মহারাজ ? বললাম লিখে দাও। তাতে লাল্য বলল, মুখের কথায় কাজ হবে।

জমি কি খুব ফলনা ?

মহারাজ ! জমি ছিল পাথুরে, মাটি চোটাতে পাথর উঠত। বাঁজা জমি। কেউ কোনোদিন লাঙলে চোটায়নি। সেই পাথর ছু ভাই আর তিন ছেলে মিলে সরালাম। কাঁড়া নাই মহারাজ। পহানের কাঁড়াটো মেঙে নিয়ে কাজ করলাম। কুনো বছর দেড় মণ ধান। আখা মণ অটুর, এর বেশি পাই নাই। জমিন্টো হাসত না। তখন ছেলেরা বাঁকে বহে আনল জঙ্গলের পচা পাতা, কুণ্ডী হতে জল। মদত করতে করতে তবে জমিন্ হাসল। তিন বছর হয় পাঁচ মণ ধান উঠে। লাল্য যে নিবে মহারাজ, সে কি এত মদত দিবে ? জমিন্টো বাঁজা হয়ে যাবে এবার।

দারোগা বললেন, কালই যাব আমি। একটু দরকারও আছে। আমি কথা বলব। বুঝিয়ে বলব। সমঝোতা একটা করে নিতে হবে চোড়ি। তুমি বলছ বলে এতটা করব। আমি ভুলিনি ধানার সিপাইয়ের সঙ্গে কুঞ্জরা লোকের মারামারিতে তুমি না বাঁচালে সিপাইয়ের মাথা ভাঙত।

অফিসার বললেন, কুঞ্জরা কারা ?

ফলের পাইকার। আমরুদ-সরিষা কিনতে আসবে, সব ফল তারা কিনবে জলের দরে, হাটে কাউকে ঘরের ফল বেচতে দেখলে মার উঠাবে। আসবে রাঁচি ঠর গোমো থেকে। অশ্রু জেলার লোক সব। মেয়েদের গায়ে হাত দিবে। আমার তো বদনাম খুব। গরীবের ভালাই দেখি। তাতেই আমাকে এই বরবাদী ধানায় পাঠিয়েছে।

আপনি যাবেন মহারাজ ?

হাঁ চোন্টি। আর দেখ, সকলের হক রাখার চিন্তা তোমায় করতে হবে না। ওসব কথা বললে মনে হয় বলোয়ার মতলব ভাঁজছ। তীরখনাথ আর তোমাদের সম্বন্ধ প্রাচীন।

মহারাজ, জাহান দিয়ে তার ধান-গম-ভুট্টা রাখি। আমরা না থাকলে ওর কাছারিতে ভি ডাকাত পড়ত। কতজনের কাছারিতে ডাকাতি হয়েছে আপনি জানেন।

যাব আমি।

মহারাজ, আপনার ভাল হোক। মারদাঙ্গা কে চায় মহারাজ ? কুনোদিন করি নাই।

চোন্টি চলে গেল। আদিবাসী অকিসার বললেন, সরকার তো আদিবাসীদের ভালোই চায়, নইলে দণ্ডের খুলত না। কিন্তু মালিক মহাজন বেশির ভাগ অশিক্ষিত। পুরানা আদত ছাড়বে না। মহাজনের কাছে যাদের হাত-পা বাঁধা, তাদের ভালোই করতে হলে আমাদের অন্যান্য ক্ষমতাও দিতে হয়। কুটিরশিল্প করবে কখন ? বেঠবেগারী দিবে, মহাজনের খেতে মজুর খাটবে ? চাষীবাসী জাতিকে কি চট করে হাতের কাজ করতে শেখানো সম্ভব ?

আরে, আমি জানি না ? কিন্তু—

কি ?

কালই যেতে হচ্ছে। তীরখনাথের মত মহাজনরা আমার অভিশাপ। এই দেখুন না, ওর কত জমি। জমির সিলিঙে ধোড়াই কেয়ার করে এরা। তীরখনাথের বাড়িতে যত ঠাকুরদেবতা, সবার নামে জমি দেবত্র করা আছে। কালনা জমি ফলনা হল দেখে তুই যে খেপে উঠলি, এর পরিণাম কি ? আদিবাসী লোক খেপে যাবে। খেপে গেলে তারা বুঝবে না, এ রকম জমি খোয়া গেলে সামান্য ক জনার যাবে। “হকের” কথা বলল না চোন্টি ? তীরখনাথ জানে না, চোন্টি মুণ্ডাদের কাছে কেন, হিন্দু ছোটলোকদের কাছেও সম্মান পায় ? হাঙ্গামা হলে পুলিশ যাবেই। তখন সেটা হবে কগ্নাই-

জেল অফেন্স। সে কাজ করলে সরকার চেপে ধরবে আদিবাসীদের উপর চোট উঠাও কেন? আদিবাসী ভোটের জায়গা, সামনে ভোট, ১৯৫২তে। চোট না উঠালে আমার ডিপার্ট বলবে, সব জায়গায় আমি বলোয়া উঠানেবালা লোকদের মদত দেই। তেমন হলে আমার সাসপেনশন হবেই।

কি করবেন?

তীরথনাথকে বুঝাব। বলব, চোটের জমিন নেবেন না। আমি বলে দেব সরকারকে, আপনি খুব ভাল লোক। অনেক ভাল কাজ করেন। অংরেজরাজে “রায়সাহেব” হয়েছেন, এ রাজে দেখব “পদমঞ্জী” মেলে কিনা।

বললে মানবে?

মানতে হবে। ও চোট না হয়ে অচ্চ কেউ হলে, দাঙ্গা উঠাছে বলে পাকড়া নিতাম। ওর কথায় মুণ্ডা সমাজ ওঠে বসে। তা করতে গেলে আমার ডবল বিপদ। “আদিবাসী সমাচার” কাগজের আনন্দ মাহাতো বহোৎ খচড়াই, ওর যথেষ্ট খুঁটির জোর আছে ওর। একবার খবর পেলে গুড়ের বোরাই নিমক ঢুকে যাবে।

তীরথনাথ মানবে?

মানতে হবে। ওর এক টুকরো জমির জন্তে কি আমি বিপদে পড়ব? বলব কি! আমার চাকরি নিয়োটান পড়বে। চোটিকেও বলি! জমির মালিক জমি নেবে, তা দিবি না কেন?

এ কথা মানব কি করে লালজী? আদিবাসীরা কত গরীব হয় আপনি জানেন না। ওর হক এটা।

দেখি কি করতে পারি।

দারোগার সদিচ্ছা ছিল পরদিন যাবেন, কিন্তু আঁচাবার কালে চৌবাচ্চার কাটলের ত্রুট কাঁকড়াবিছেটির কথা তিনি জানতেন না। ঠাণ্ডা পড়লে কাঁকড়াবিছে বেরোয় না, নিজেজও থাকে। অতএব নিয়ম মত দুদিন বিছের বিষে জ্বললেন না তিনি। একটা দিন অসহ্য কষ্ট পেলেন।

একটা দিনই দরকার ছিল বিক্ষোভের জন্ত। দারোগা যেদিনটা বিছের কামড়ে পড়ে আছেন, চোড়ি গ্রামে চোড়ি মূণ্ডা তখন আরেক দহনে জ্বলছে। দারোগা তার কথা রাখলেন না। এলেন না। হরমু সারাদিন ঘরে শুয়ে থাকল। বাবাকেও তার শত্রুপক্ষের লোক বলে মনে হচ্ছিল। জমিটো তার জাহান। ভীষনাথ এই দিনটি অপেক্ষা করে দেখল।

পরদিন চোড়ি আবার গেল খানায়। তখনো ভোর। বসে রইল সে। দারোগা এলেন ন টা বাজলে। বিরস মুখে বললেন, চল যাচ্ছি আমি।—আদিবাসী অফিসারকে বললেন, আপ ভি চলিয়ে।

কিসে যাব ?

দশটায় ট্রেন যাবে।

কত দূর ?

চার মাইল।

যাবেন বলে তৈরি হচ্ছেন, সনা ও পহান এসে হাজির। হাঁপাতে হাঁপাতে তারা যা বলল, তার মর্মার্থ হচ্ছে, সকালেই হরমু গিয়েছিল জমিতে। ভীষনাথের লোকজন জমির দখল নিতে যেতে ওদিকে হরমু, সোমচর, এতোয়া, জিতা, বুধনা মূণ্ডা এবং ভীষনাথের দশ জন লোকে দাঙ্গা বেধেছে। দাঙ্গা হচ্ছে এবং ভীষনাথের কাছারির দরওয়ান মথুরা সিং বন্দুক আনতে গেছে। এখন মহারাজের যাওয়া বিশেষ দরকার।

খানা সিপাই, কনস্টেবলদের নিয়ে দারোগা চললেন। আদিবাসী অফিসারও চললেন সঙ্গে। চোড়িয়াও ট্রেনে চাপল।

ট্রেন পৌঁছল। অকুস্থলে পৌঁছে দারোগা দেখলেন প্রবল মারামারি চলছে, দরওয়ানের হাতে বন্দুক। সিপাই ও কনস্টেবলরা শান্তিরক্ষায় লাঠি তুলে নেমে পড়ল। চোড়ি চৌকাল, হরমু বেরিয়ে আয়।—কিন্তু বন্দুকের শব্দ হল। কনস্টেবলের হাতে গুলি লাগল, ভীষণ চিংকার, তারপর সব নিশ্চূপ। দেখা গেল হরমু ভীষ মেয়ে ভীষনাথের তিনজন লোককে জখম করেছে। দারোগা খেপে

গেলেন। পুলিশকে জখম করা? তীরখনাথও পরিস্থিতির গুরুত্ব দেখে দৌড়ে এল। কনস্টেবলের হাতে তীর বেঁধে নি, বিঁধেছে গুলি। বহুৎ আকসোস! আদিবাসী অফিসার সাক্ষী থাকার ফলে ঘটনাটি চাপা দেওয়া সম্ভব নয়। তীরখনাথ দারোগা ও আহত কনস্টেবল দুজনের সঙ্গেই ছু-তিনের খেলা খেলতে প্রস্তুত ছিল। পকেটের টাকা পকেটে রইল। হরমু, সোমচর, মথুরা সিং ও তীরখনাথের লোকজন সবাই চালান গেল। সরকারী অফিসারদের অব্যাহিত উপস্থিতিই এ হেন নয়-ছয়ের কারণ। আদিবাসী অফিসার সাক্ষী, কোঁতুহলী স্টেশনমাস্টারও সাক্ষী। অস্ত্রের হাতে ট্রেন পাস করাবার দায়িত্ব দিয়ে তিনি এসেছিলেন তামাশা দেখতে। কুঞ্জরাদের ব্যাপারে তিনি দারোগার উপর চটা। কুঞ্জরাদের দৈনিক ঘুঘুটি তাঁর জায়্য প্রাপ্য। দারোগা কুঞ্জরাদের খেপিয়ে রেখেছেন। তিনি অত্যন্ত উদ্বিগ্ন মুখে বললেন, সকলকে চালান দিন।— তীরখনাথের টাকা দারোগার পকেটে যাবার পথ বন্ধ করে তাঁর নির্মল আনন্দ হল।

কেস সদরে আদালতে ওঠে। প্রমাণভাবে সোমচররা পায় খালাস। হরমুর হয় মারদাঙ্গার অপরাধে ছুবছর সশ্রম কারাদণ্ড। মথুরা সিংয়ের পাঁচ বছর। লাইসেন্স বিহীন বন্দুকটি বাজেয়াপ্ত হয় এবং ওটি যে তীরখনাথের সে কথা কখনোই ওঠে না। চোদ্দি বাধ্য হয় সদরে আসতে। আদিবাসী অফিসারটি তার সঙ্গে খুবই ভাল ব্যবহার করেন। বাড়িতে থাকতে দেন, উকিল ব্যবস্থা করতে চান। চোদ্দিকে বলেন, বলছ বলে উকিল দেখছি। কিন্তু উকিলের খাঁই কি ভূমি মেটাতে পারবে?

কত খরচ হবে?

হাজার টাকা কম করে।

হাজার টাকা! একশো টাকা নাই।

তবে সরকার উকিল দেবে। ভাল উকিল পাও বাতে, দেখছি।

ভাগ্যক্রমে ভাল উকিল মেলে। ছোকরা উকিল। ভালভাবে

কেন্দ্র করতে পারলে তার দাঁড়াতে সুবিধে হবে। কিন্তু আদিবাসীকে কাঠগড়ায় তুললে সে শেখানো কথা বলবে না, সত্যি কথা বলবে। এ সব মেনে নিয়েই সে হরমুদের কেন্দ্র করে। তীরখনাথ মথুরাকে বাঁচাবার তেমন চেষ্টা করে না। সমগ্র ব্যাপারটি তার কাছে হৃঃস্বপ্ন হয়ে দাঁড়ায় এখন। চোটি যখন বোঝে ছেলের জেল হবে, সে আদিবাসী অফিসারের বাড়িতে আর থাকে না। আদালতের সামনে গাছতলায় থেকে যায়। হরমুর কেন্দ্র রায় বেরোনো অবধি। সদর শহরের উদ্ধত উন্নতির চেহারা তার চোখে পড়ে না, হরমুর মুখ মনে ভাসে। রায় বেরোলে হরমু তার দিকে চায়। চোটি বলে, ছুটা বছর চলি যাবে বাপ।

হরমু মাথা নাড়ে।

উকিল বলেন, দু বছর শুনেতে, তবে কেটে যাবে।

চোটি মাথা নাড়ে। তারপর গিয়ে বাসে চেপে বসে। বিকেলে ছাড়ে বাস, চোটি পৌঁছয় রাত আটটায়। সারা বাস চুপ করে থাকে ও। বাসটি হরবংশ চাচার। সপ্তাহে এই রুটে বাস চলে। কণ্ডাকটর চোটিকে যথেষ্ট চেনে এবং চোটিকে অবাক হয়ে সে বেহুত পৌঁছলে চোটিকে খাবার কিনে খাওয়ায়, বিড়ি দেয় ও বলে, তীরখনাথের কপালে শাস্তি আছে অনেক।—চোটিতে নেমে চোটি দেখে অনেক লোক তার জন্তে অপেক্ষা করছে। পহান সপ্রশ্ন মুখে চায়।

দু বছরের জেহল।

কেউ প্রশ্ন না সুধোতেই চোটি বলে এবং সবাই যেন বোঝা হয়ে থাকে। ছগন বলে, তখন গেলাম-এলাম তোরা সাথে। এখন গেলে ভাল হত।

না, কোনো কষ্ট হয় নাই।

একা এলি।

উ আদিবাসী অফিসারটো ভাল লোক। সাক্ষী ভি দিছে ভাল। দারোগা তাতেই কোনো উলটা কথা বলতে পারে নাই। এই প্রথম দেখলাম, দিকু হয়ে মুণ্ডার কথায় সাচাই কথা বলে।

মথুরা সিং ?

পাঁচ বছর। মথুরা মোরে বলে পাঠাচ্ছে, চোন্টি যেন বাণ না
মারে ওরে, দাঙ্গা উঠাছিল হুকুমে। আমার মনে লয়, উ ডরাচ্ছে।
ডরাতে পারে।

কিসের ডর ? যা বুঝলাম, উকিলটো মূণ্ডারী জানে, সেই বলল।
পুলিসরে মারছে বলে উয়ার সাজা হল। হরমু উয়ার গুলিতে মরি
গেলেও বা সাজা হত না। হরমু যে চেতে গেল। নয়তো—

কি বলিস সনা। হরমু মান রাখছে মোর। উ না উঠালে,
মোরে ধরতে হত ধনুক, আর আমি ফেলি দিতাম কটারে।

সোমচররা সেদিন এল ?

উয়াদের তো কেস হল নাই তেমন। থাকবে কেন ?

পহান বলল, কথা আছে।

কি কথা ? ঘর যাই। তারা ভাবতেছে।

কথা এই, হরমু জেল হতে বেরালে ভি তারে পূজা দিতে হবে না।
ই কুনো পাপ নয়।

ছগন বলল, দেখ্ লালা কি বলে। আমরা ভি বুকে বল পেছি
চোন্টি। কেন কি, লালা ডরে গিছে খুব।

তার কথা থাকুক।

তোরে উ জমি দিয়া দিবে।

আর কে নিবে জমি ? হরমু জেহেলে।

পহান বলল, ঘর চল্ তু। কতদিন শুধু যাস আর আসিস।
এবার তো কতদিন সদরে।

চল।

ঘরের পথে হাঁটতে হাঁটতে চোন্টি বলল, সদরে আছিলাম, চক্রে
পড়ে নাই কিছু। হরমুটার কথা ভাবতাম। তা ই কথা সাচাই,
হরমু বলে ছ বছর জেহেল হল। আমি হলে ফাঁস যেতাম। কেন
কি, মারতাম কয়টারে। মথুরাটোরে।

ছগন মিছা বলে নাই। সে হতে লালার বিস্তর নাকাল।

দারোগা বলছে, তুমার কারণে আদিবাসীরা কঠে গিছে। আমার আমলে তুমি হাজ্জামা উঠালা। আমার কনস্টেবলের ডান হাতটো কাটা গেল, সে পোড়ো হই গেল। ভোটের আগে এ তুমি বুঝাই করলা।

লালা কি বলে ?

শোন কেন তুই ? তা বাদে গোরমেনের দলের ঝাণ্ডা বাবুয়া আসি গেল। লালা তাদের বসতে বলে, তা বসল নাই। বলল, তুমার বদ মতলবীর ভরে যদি ভোট নষ্ট হয়, তাহলে তুমার ঘাড় ভাঙি উত্তল করি নিব। আগামী বছর ভোট ! তুমি মোদের পঞ্চাশ হাজার টাকা দিবে। লালা বলে, তুমরা মাপ কর মোরে। তুমাদের সাথ বিবাদ করে পারব নাই। তারা বলে, মোদের লোক আড়াই-তিন হাজার ভোটে জিতে। ভোটের দাম অনেক। তুমার কারণে চার হাজার মুণ্ডা ভোট নষ্ট হবে ? জমি-টমি বুঝি না। বিবাদ মিটাও। নয়তো এই কেস ভাঙিয়ে উলটা দলের লোক জিতি যাবে। জলে বসে নৌকা ফুটা কর তুমি ? ই কথা হচ্ছে। তাতেই ছগন বলল, তোরে জমিটো দিবে লালা। তু জমিটো নিলে ঝাণ্ডা বাবুদের কাছে উ পার পায়। ঝাণ্ডা বাবুদের সাথ বিবাদ করে উ পার পাবে না। নয়তো পঞ্চাশ হাজার টাকা চলি যাবে উয়ার।

তামাশা জমি গিছে।

বলতে পারিস।

তামাশা নয় ? আখা কলনা জমি মোরা পাই। উয়ার জমিই এমুন বন্দোবস্তে আছে। মোর হকটো মানি নিলে কুনো হাজ্জামা হয় না। এখন সে জমি দিবে ! কেন ? বিবাদী জমি। মুণ্ডা টোলি পারায়ে উ জমিতে যেতে উয়ার লোক ভি সাহস পাবে না। ঝাণ্ডা বাবুয়া ভোটের কথা উঠাছে, টাকা দিতে বলছে। সেও ভি কারণ। দারোগা ভি চটে গিছে। এখন আমি জমিটো নিলে উ বাঁচি যায়। ঝাণ্ডা বাবুয়া কোলে বসায়, দারোগা ভি খুশি থাকে।

তু নিবি না জমি।

ভাবি নাই।

নে, ঘর আসি গিছে। মোদের মনটো ছুখায়েছে খুব। ই কি
হই গেল নিমেষে।

তুমি যাও।

ঘরে ঢুকে চোড়ি বলল, সব্বারে ডাক্ বউ।

সব্বাই এল।

চোড়ি বলল, কাঁদবি না কেউ। হরমুর জেহেল হচ্ছে। হু বছর
জেহেল খাটবে! তা বাদে খালাস পাবে।

বউ বলল, কাঁদব না?

না।

কেন কাঁদব না?

চোড়ি বলল, আদালতে মুণ্ডা! উয়ার দশ বছর ভি জেহেল হতে
পারত। উকিলটা ভাল ছিল, আদিবাসী অফসরটো ভি সাচাই
আদমি। তাহাতে বাঁচি গিছে। নয়তো কি হত কি জানি?

উকিল দিলে?

গোরমেন দেয়। অফসরটো সব করছে। আমি কি জানি কুখা
কি করতে হয়, কি দিতে হয়।

টাকা লাগে নাই?

খেতে লাগছে কিছু। হরমুটারে থাওয়াছি।

হু বছর।

হরমু মোর মান রাখছে। আমি কাঁড় উঠালে জাহানে মারতাম,
কাঁস ভি যেতাম, কোয়েলী কুখা?

হরমুর বউ সামনে এল কান্না চাপতে চাপতে। চোড়ি বলল,
এখন তু মোরাদের বেটা-বিটি ছই। তোরে দেখে তার হুখ ভুলব।
কাঁদবি না, হু বছর কি একটা সময়?

জেহেলে মারবে।

উকিল বলছে, আদিবাসী জেহেলে গেলে ভাল হয়ে কাম করে।
তাতে আগে ভি খালাস মিলতে পারে। মারবে না।

পায়ে বেড়ি দিবে।

না না, সকল জেনে আসছি।

থেতে দিবে না।

হু বার তো দিবে। ঘর হতে ভালই থাকে।

কোয়েলী ঘাড় নেড়ে বলল, আচ্ছ।

কোয়েল বলল, হরমু খুব দুখাইছে ?

না না, মরদ ছেলা। নে, এখন খাওয়া চুকাই। ঘুম লাগছে আজ, কতদিন ঘুমাই না।

চোটিদের পরিবারটি আজ বহুদিন ধরে উদ্ভ্রান্ত, দিশাহারা। চোটি প্রথম প্রথম কোয়েলকে নিয়ে সদরে আসত যেত। তারপর যেদিন দেখল বাড়িতে সবাই বসে থাকে না থেয়ে, তারা কখন কিরবে বলে, সেদিন থেকে ও গ্রামের পাঁচজন বা কোয়েলকে যেতে দেয় নি আর। একাই গিয়েছে। এবার তো সদর থেকে আসেনি আর। চোটিকে এতখানি আত্মস্থ দেখে সবাই যেন হালে পানি পেল। কোয়েল চোখ তীক্ষ্ণ করে দেখল। দাদা ওর যতখানি চেনা, ততখানিই অচেনা হতে পারে সময়ে। এখন দাদার মুখ অত্যন্ত অচেনা। ছেলে জেলে যাবার পর দাদার যেন মাথাটা আরো উঁচু হয়ে গেছে।

দাদা ?

কি ?

লালা তো সে জমি দিতে চায়।

শুনছি সব। কোয়েল ?

কি ?

বেড়াটো হেলি গিছে, তুর ঘরের ডোয়াতে দিমাগ লাগছে। বাড়িতে তু ছিলি, এতগুলো মানুষ, কি করতেছিলি ? কালই হাত লাগাবি। কাম ফেলে রাখতে নাই। কাপড়ের ফুটা না সিঁয়ালে ফুটা বড় হয়, সংসারেও তাই। কালই হাত দিবি এ সব। ছেলেরা কোথা ?

সোমচর ও এতোয়া মাথা নিচু করে এসে দাঁড়াল। চোটি বলল, কাল জানি দেখি বেড়া মেরামত, ঘরের চাল উচা, সকল কামে দিশা। হাল ছাড়ি দিছিস তুয়া? খাওয়াবার মাহুষ আছে?

কোয়েলের বউ চোটির বউকে বলল, ঘরটো ঘর মনে হচ্ছে কির, এতদিন যেমন দিশা পাই নাই।

চোটির বউ কোয়েলীকে বলল, কাল চুলে তেল দিবি, কাপড় কাচবি, এমুন রলে হরমুর বুয়াই হয়।

হরমুর কোলের মেয়েটির বয়স চার বছর। সে ঠাকুমাকে বলল, হরমু বলিস কেন? আঁা?

কি বলব?

আবা বলবি।

না বললে?

তোরে মারব।

সকলেই হাসল। ঘরের পরিবেশ হালকা হল। শুয়ে পড়ার পর বউ বলল, ছিলা কুখা?

প্রথমে অফসরের ঘর। তা বাদে যখন বুঝলম, জেহেল উয়ার হবেই, তখন থাকতম আদালতের সামনে, গাছতলা। হোখায় রলে তারে আদালতে আনার সময়ে দেখতাম, পুলিশের বলতে “না” বলে নাই, উয়ারে টুকচে খেতে দিলাম। আর দিন ভোর তো আদালতে।

খুব দাম সব কিছুর?

খুব।

খুব একা লাগত?

আরে সদরে চলতে কিরতে মুণ্ডা দেখা যায়। তারা আসি কথা বলত। মোরা এত হুখে ভি ভাল আছি। তারাদের কুনো সুখ নাই।

সদর ঘুরে দেখ নাই?

চোটি বুঝল বউ ইচ্ছে করে ছেলের কথা বলছে না। বড় ছেলের ওপর বউয়ের টান অনেক বেশি।

সে বলল, সদর দেখতাম গাছতলে বসে। ঘুরে দেখার কথা মনেই উঠে নাই। তা বাদে হাঁটতাম।

সদরে ?

হাঁরে। হেঁটে হেঁটে ঘুরে বলে যখন শরীর থেকে যেত, তখন কিরতাম। তখন নিদ লাগত চক্ষে। তেমন ঘুরে ঘুরে—

কি ?

একদিন সি পাগলয়ে দেখলাম। পুরাণ মুণ্ডা। সে মোরে জড়িয়ে ধরল। রামগড় হতে সদর কাছে। উ যায় আসে। সি মোরে লয়ে হুদিন ঘুরাল।

কি দেখলো ?

কিছু না। দেখছি হয়তো সব কিছু, কিন্তু চক্ষের সামনে পলুস হই আছে হয়মু। আর কুনো ছবি যেম্ন ভিতরে ঢুকে না। একটো সাগর সমান কুণ্ডী দেখলাম রে, জল কত ! আমি তো হেঁটে বুলতাম মনের জ্বালায়। পাগলটো ভি হু দিন সাথ সাথ হাঁটল। তাতে একদিন—

কি হল ?

রাত হচ্ছে তখন। সদর আন্ধার জানে না। সকল যেন আলোর কটকট করে। তা এক জায়গায় দেখি একটো, জানি বা তামাতে-লোহাতে ঢালি মানুষ বানাচ্ছে ! খুব উচ। মানুষটোর নিচে বসি আছি আমি। তা বাদে দেখি এক ভিথারি এসে বলে, আমি হেথা শুই। তুমি জায়গা ছাড়ি দাও।—দিলাম ছাড়ি। তা বলি, তুমি কি হেথা কার মানুষ ?—সে বলে, হাঁ।—আমি বলি, ই মানুষটো কে ? দেখতে বড় ভাল লাগছে আর মনে হচ্ছে মুণ্ডা উ।—তাতে ভিথারি বলে, উ মুণ্ডাই ছিল, বীরসা মুণ্ডা। বীরসা ভগবান ভি বলে কতজনা।—শুনি মোর মনটো কেমন হই গেল জানি বউ। দেখ ! মুণ্ডা উ, কিন্তু লোহাতে-তামাতে ঢালি উয়ার আদ্রা বানাইছে সদরে। সদর জানি দিকুর, দিনেমানে। রাতে জানি সদরটো উয়ার হই যায়। সদরেই তারে রাখছিল জেহেলে। হা জানিস বউ, হয়মু নালাটো ভি সদরে...

চোন্টি বুঝল, বউ ঘুমিয়ে পড়েছে। দীর্ঘদিনের উদ্বেগ, রাতজাগা, বৃকে হুঃখ চেপে রাখা। চোন্টি বুঝল ওরও ঘুম পাচ্ছে। হরমুর মায়ের গায়ে হাত রেখে না শুলে ঘুম আসে না যেন। আবার মনে হল, হরমু ওর মান রেখেছে। চোন্টি ঘুমিয়ে পড়ল।

এগার

হরমুকে জেলে পাঠাবার ব্যাপারটি অঞ্চলের পক্ষে বহুমুখী পরিণামী হয়। সমগ্র ব্যাপারটিতে তীরখনাথের মুখ কিঞ্চিৎ হাসে, চোন্টিদের ঐহিক লাভ হয় না কিছু। তবু মান বাড়ে।

চোন্টি মানেই গল্পকথা সব।

হরবংশ চাচা পরোক্ষে, না জেনেই চোন্টিদের সহায়ক হয়। চোন্টিকে বলে, আমার মামাত ভাই জঙ্গলের ঠিকাদার হয়েছে। ছ মাস ধরে গাছ কাটা চলবে, সেই বর্ষা নামলে বন্ধ হবে। গাছ দাগানো চলছে। ভোমাদের তো উপায় নেই সে কাজে যাবার।

কেন মহারাজ ?

চোন্টি সবসময়ে সম্মান জানিয়ে কথা বলে, কিন্তু তার মধ্যে নেই দীন ভীরুতা। এটি হরবংশের খুব ভাল লাগে। তীরখনাথের সম্পদ চাষে-সুদী কারবারে। হরবংশ্ খানিকটা আধুনিক। তার সম্পদ ইটভাটি। ফাঁপা ইট। বোথায়ো, চাস, পত্রাতু, এ সব জায়গা উন্নীত হবে বলে সে শুনেছে, এবং সে উন্নয়নে সে ঢুকে পড়তে চায়। তীরখনাথের সঙ্গে সে ভাল সম্পর্ক রেখে চলে। আবার তীরখনাথ এবং তার ঋণদান ব্যাপারটি তার মনে হয় মধ্যযুগীয়। সে মোটর কেনে না, রেডিও বাজায় না, সদরে ছোট্টে না সিনেমা ও হোটেল-বার ঘুরতে—সে হেঁটো ধুতি ও গদা পাঞ্জাবি এবং মুচির তৈরি টেকসই জুতো পরে ঘোরে—বার প্রমোদের ধারণা “রামলীলা” শোনা—হরবংশের চোখে সে গাঁইয়া এবং অসভ্য। সুদী কারবার করে ছোটলোক,

হরবংশের মতে। বেঠবেগারী ও গরিবদের কম মজুরিতে কাজ করানোও তার কাছে ছোটলোকের আচরণ। হরবংশ নিজের মধ্যে কোনো দোষ খুঁজে পায় না, যদিও চোন্টিদের সে বারো আনার বেশী মজুরি দেয় না এবং আকালের কালে চার আনা মজুরিতে মাটি কাটায় দুর্ভিক্ষভিত মানুষদের দিয়ে।

হরবংশ বলল, ও ঠিকাদার। টাকা টাকা মজুরি দেবে। কাঠ যাবে তোহরি। সেখানে ওর কারখানাতে চেরাই-কাড়াই হবে। মজুরির ওপর জলখাই দেবে চার আনা। তোমাদের পেলে তো ভালই হয়। শ'খানেক লোক দরকার। কিন্তু লালাজীর খেতে বেঠবেগারী দিতে হয় না তোমাদের? যো আদত ভি তো বুয়াই হয়। মেরা পঞ্জাব মেঁ চাষ বহোং সমুধ্‌ হয়। লেকিন্‌ অ্যাংলা বুয়াই আদত উধার নেহি হয়।

মহারাজ! একটা কথা বলি?

বল।

যা হয়ে গেল তা তো আপনি জানেন।

জানি বই কি। খুবই দুখের বাত। আরে, লালাজীর কি বুদ্ধি তা তো বুঝিই না আমি। ওই এক টুকরো ফালনা জমি নিয়ে এত রোখ? আরে ওঁর যত আঙিকৈলে বুদ্ধি। এত ঝামেলা কেন? কৃষি ভি মডার্ন হোনা চাহিয়ে। ট্রাক্টর চালাও, তিনগুণ কমল উঠাও।

ট্রাক্টর চালালে গরিবরা বেকার হয়ে যাবে বলেই চোন্টির ধারণা। সে কথা ও বলল না। বলল, আমি বেঠবেগার নই। আমাদের গ্রামে এমন মানুষ আরো আছে যারা বেঠবেগার নয়। আপনি তিরিশ বত্রিশ জনকে লাগিয়ে দেবেন? তা কেন? পঞ্চাশ-পঞ্চাশ জনের কথা বলুন।

কোনো হাজ্জামা তো উঠবে না?

মুগ্ধদের হয়ে আমি কথা দিচ্ছি। ছগন ভি কথা দেবে, আমি জানি + আপনার ভাল হবে মহারাজ।

হরবংশ, বলল, পরশু বলব তোমাকে।

চোড়ি গ্রামে এল। ছগনকে বলল, মোদের পহানের কাছে আসবি একবার। দরকারী কথা আছে।

ঘরে এসে বউকে বলল, যখন মনে হয় কোনো দিকে কোনো পথ নাই, পথ বারায়। শুধু ভাবতেছিলাম, লালার কামটো তো আর করব নাই। কেমন করে পেট চালাব। তা পথ একটো হতে পারে।

কি পথ ?

দেখি। ছগনরাদের বলছি আসতে।

ওরাদের সাথ এককাট্টা হও কেন ?

আজ আর উপায় কি ? এক মালিকের কাছে এক কাম করব, আর যা কাম সব এক সাথ। আমরা কম আছি, উয়ারা বাড়তছে। আমরা জ্ঞাতের তরে লাথ কি, তা জানি না। উয়ারা সে লাথ খায়। বুঝিস না, মুণ্ডা কমি গিছে কত ? এক সাথ হয়ে মাটি কামড়ালে যদি টিকতে পারি। নয় তো সব ছাড়ি পথে বেরাতে হবে।

পহানের সামনে বসে চোড়ি সব কথা খুলে বলল। বলল, আমার ই কথাটো মনে ধরছে। কেন কি, ঠিকাদার ছ মাস কাম দিল। কাম দেখাতে পারি তো সে যেথা যাবে মোরাদের লয়ে যাবে। এ ভি জানি, ঠিকাদারি ধরে যখন, তখন দেখে কত কমে মজুর পাই। উয়ার কাছে পাঁচসিকা পা-ঝাড়া ধুলা। গাছ কাটা মেহন্নতের কাম। কিন্তুক মোরাদের তরে তাই ভাল ?

ছগন বলল, বেঠবেগারীটো সামলাব কেমন করে ?

বেঠবেগার নই, এমুন মানুষ কত ? ত্রিশ-বত্রিশ হব ? আমার বুদ্ধি শোন্। তোর ঘরে মানুষ দশজনা। আটজনা যাস বেগারী দিতে। চারজনা গেলি, চারজনা রলি ? মোরাদের মাঝেও ঘরে-ঘরে বেঠবেগার। এমুনি ভাগ করে নিব ? দেখ, মোরাদের বিটিয়াও যাবে। তুরাদের বিটিদের ভি যেতে বল। যারা বেঠবেগার আছিস, আছিস। নতুন করে কেও টিপছাপ না দিলে বাঁচবি। বাঁচবার পথ মোরাদের নাই প্রায়। যে পথ পাই, তাই ধরে বাঁচব, না কি মন্দ কথা বললাম ?

পাঁচ সিকা দিবে।

হাঁ টাকা টাকা মজুরি, সিকা সিকা জলখাই।

আমি বলি সব্বারে। ধনুগা সব্বে রাজীই হবে।

পহান বলল, লাল। করতে দিবে ?

তার কাজটো হলেই হ'ল ? হাঁ, এটা ভি দেখতে হবে যে তার
কামটো ঠিকমত হয়। তাতে সে কথা উঠাতে পারবে না।

কথা উঠাবে।

আমি দেখব তখন ? মোর হরমুরে জেহেলবাসী করছে, ওর উপর
রাগ মোর যাবে না। কিন্তুক সকল উন্নার কিনা, তাতেই কৌশল করে
চলতে হবে। বনে যেমুন বাঘ থাকে, তেমুন খরা-শজারুও থাকে।
নয় ? কৌশল করি বাঁচবে। তেমনি বাঁচবে ? কৌশলের কথা বলি
তুন্নাদের, মুণ্ডাদের লাগি। আমার আর ভাঙ্গ লাগে না কিছু।

যাই, সব্বারে বলি। জানতাম তুই এলে একটা বল পাব। যতদিন
সদরে গিছিস, যেন মরে ছিলাম সব্ব।

পহান বলল, হরমুরে দেখতে যাবি না ?

যাব। আগে ই কামটো সারি ?

এমনি করেই চোন্টি গ্রামের মুণ্ডারা ও নিম্ন তপশীলী জাতের
লোকরা স্বাধীন ভারতের জাতীয় আর্থনীতিক প্যাটার্নে প্রবেশ করে।
এই প্যাটার্নে তাদের অন্য কোনো ঠাই সরকার রাখেনি। স্বাধীন
ভারতের জনসংখ্যার অধিকাংশই নিম্নবর্ণ জাতি, এক গুরুত্বপূর্ণ অংশ
আদিবাসীরা। সে কারণেই জাতীয় আর্থনীতিক প্যাটার্নে তারা ত্রাত্য।
কিন্তু ত্রাত্যদেরও বাঁচতে হয়। সেই তাগিদেই চোন্টিরা ও ছগনরা,
কোনো দল বা সংস্থার মদত ব্যতীতই লালার মুঠকে কথঞ্চিৎ দুর্বল
করতে চেষ্টা করে ও সক্ষম হয়। কলে পরে আরো আরো জটিলতা
দেখা দেয় ও বাড়তে থাকে।

চোন্টিরা যায় ঠিকাদারের নির্দেশে গাছ কাটতে। তীরখনাথের
রবি কসলের পরিচর্যা করতে যায়। যায়, তাদের দিকে চেয়ে তীরখনাথ
বলে, চোন্টি আসে নাই বুঝি ? কোয়েল বা সোমচরদেরও দেখি না।

হুগনের ছেলে পরসাদ বলে, কুখা গিছে।

তীরখনাথ ভেবেছিল চোঁটি আসবে না, আবার চোঁটিকে না-দেখে ও নিরাশও হল। ও ভেবেছিল, চোঁটির সঙ্গে সম্পর্কটা যাতে না কাটে তা দেখতে হবে। চোঁটিকে ও জমিটা দিতে চাইবে আবার। চোঁটি তো এল না। তাহলে কি ও যাবে চোঁটির কাছে? কংগ্রেসী ছেলেদের কথায় যথেষ্ট শাসানি ছিল। চোঁটি যদি জমি না নেয়, তাহলে আদিবাসীদের মনে তার প্রভাব পড়বে। ভোটের ব্যাপারটি আসন্ন। আদিবাসী ভোট কমবে, ভাগ হবে। তীরখনাথকে তার কারণ বলে চিহ্নিত করবে ছেলেরা। পঞ্চাশ হাজার টাকাও খসবে। জংলী জায়গাটি যদি জংলীই থেকে যেত, তাহলে তীরখনাথ হুগনদের ঘর জ্বালাত, চোঁটিদের উচ্ছেদ করত। জায়গা যে তেমন “দুন্ন অস্ত্” নেই আর। “আদিবাসী সমাচার” কাগজের আনন্দ মাহাতো হরমুর জমির লড়াইয়ের ব্যাপারটি লিখে বসে আছে। তাতে তীরখনাথকে অবধা “আদিবাসীর শত্রু”, “রক্তচোষা মহাজন”, “আদিবাসী উচ্ছেদের কারণ” ইত্যাদি বলা হয়েছে। চোঁটিতে এখন পাঁচমিশালী মানুষের বসতি। টাকাওয়ালা লোকদের মধ্যে হরবংশ চাটা তীরথকে মনে করে গাঁওয়ার গাঁইয়া। তীরথ আনোয়ারকে মনে করে “গোঁ-খোর মেলছ।” এই যখন অবস্থা, তখন তীরথকেই যেতে হবে চোঁটির কাছে মান খুইয়ে। ওর খেতের কাজেই বা কম লোক এল কেন?

মোতিয়া ধোবিন খরখর করে বলল, তোমার মাথা ঠিক নেই। পঞ্চাশ পঞ্চান্ন জনের বেশি মানুষ কবে একসাথে খাটত তোমার আবাদে? ঠিক পঞ্চান্ন জনই এসেছে, তারা কাজ করছে।

তা বটে। কিন্তু অন্তরা কোথায়?

যেথা থাক?

বেগারী কামে বিটিদের দেখি?

তাতে কাম চলছে না?

চলছে তো, তবে...

আমাদের মুখ দেখতে এত ভাল লাগে, তো একদিন ভোজ

দিয়ে দাও।—মোতিয়া হেসে বলল। প্রস্তাবটিতে খোঁচা আছে।
তীরখনাথ বহুকাল চুপচাপ থেকে ক মাস আগে তার খোবিন
রক্তিতার গর্ভে একটি পুত্রের জন্ম দিয়েছে। সমগ্র ঘটনাটি নিয়ে
হোলিতে ওরা গান গাইবে।

তীরখনাথ খোঁচা হজম করল। এখন ওর গরজ। বলল, চোটি
কোথায় জানিস? ওর সঙ্গে দরকার ছিল।

কোথা গিছে।

হা মোতিয়া, তোরা করছিস কি?

কি করলাম?

মুণ্ডাদের সাথ চলিস, তাদের পহানের কাছে যাস।

এক গ্রামে বাস, তাতেই সাথ চলি? পহানের আঙিনাটো
সাক্ষাতুরা। বসে কথা বলতে ভাল লাগে, তাতেই যাই?

ওরা রুখাচড়া জাত। তোরা হিন্দু।

মোদের উপর তো রুখাচড়া করে নাই।

সন্ধ্যায় হাঁটতে হাঁটতে তীরখনাথ বেনে দোকানে গেল।
সেখানেই বসল গদিতে। সন্ধ্যায় গ্রামের লোক মগুদা নেয়। চোটি
এল। তেল কিনলো একশো গ্রাম, চাল ছ সের।

চোটি, ভাল আছিস?—তীরথ বলল।

যেমন রাখছ মহারাজ।

আমি যেমন রেখেছি?

চোটি নির্মল হেসে বলল, বুড়া বয়সে হাতের লাঠি হরমুটো
জোহলে গিছে। তাতেই বলি তুমি যেমন রাখছ, তেমন আছি।

নিভা আগুনে ঘর জ্বলে গেল যেমন। নইলে এত বড় কাণ্ডটা!
চোটি, একটা কথা বলতাম।

বল।

উ ধার চল।

একটু নিরালায় এসে তীরখনাথ বলল, উ জমিটো তুই নিয়ে নে।
এবার আর মুখের কথা নয়। লিখে দেব।

না মহারাজ ।

রাগের বশে বলিস না, ভেবে দেখ্ ।

চোটি একই রকম নির্মল হেসে বলল, রাগ করি নাই । ভেবে দেখছি । আর আমি নয়, লিখাপড়া নয়, কিছু নয় মহারাজ ।

অমি হতে দুখ ঘুচত থানিক ।

মৃগা জনম লিখি যখন, তখন দুখে মোর হক । হকটো ছাড়ব নাই ।

চোটি চলে গেল । তীরখনাথ দোকানে ফিরল তার লাঠিটি নিতে । দোকানী বলল, চোটি যায় না আপনার কাছ ?

না । কি করে এখন ?

জললে গাছ কাটে । গ্রামের অনেকে যায় ।

কে দিল কাম ?

চাচার ভাই ঠিকাদার । চাচা দিছে ।

পরদিন তীরখনাথ রুমালে বেঁধে কিছু কাজু-পেস্তা-মনকা নিয়ে হরবংশের কাছে গেল । ইটভাটির যথেষ্ট প্রশংসা করল এবং তারপর বলল, এ কি ঠিক কথা হরবংশজী, যে তুমি আমার গাঁওয়ালী মজুর ভাঙিয়ে নিচ্ছ ?

কৈসে ?

তোমার মামাতো ভাইয়ের কাছে কাজ করছে তারা । আর পাঁচ সিকা ভি পাচ্ছে । ভৈয়া, এ জংলী দেশে আমি তুমি পরস্পরের ভালাই দেখব । বারো আনা দিলেই ঠিক হত । আট আনা মজুরি ঐর সিকা জলখাই । তাতেই কাজ করত । রেট বাড়ানো ঠিক নয় । এতে আধেরে আমি তুমি ভুগব ।

এতে রেট বাড়বে কেন ? ও যা দিচ্ছে দিক । আমি জে বারো আনার ওপরে উঠব না, তা ওরা জানে । তা নিয়ে কোন গোল হবে না । কেন না ওরা জানে, এখানে লেবার অগণন, কাজ নেই । কেন ওরা গোল করবে ?

ভৈয়া, কেন ওদের ভাঙালে ?

হরবংশ চটে গেল। বলল, এ কি কথা? আপনার আবাদীতে পঞ্চাশ জন খাটত, তাই খাটছে। সব কোইকো অন্ন কে দেবে? আমি না আপনি?

ভৈয়া, তুমি বুঝবে না।

না, বুঝতে চাইও না।

কিন্তু বুঝতে হবে।—তীরখনাথ কঠিন গলায় লাঠি ঠুকে বলল, সবাই কাজ করে না। যারা করে না তারা দাঁড়িয়ে দেখে। তারা জানে আমি ছাড়া ওদের উপায় নেই। তাতে দুঃস্থ থাকে। ওরা বংশ না থাকলে আমি এখানে টিকব কেমন করে?

হরবংশ রক্তচোষা, কিন্তু খুদে শিল্পপতি সে, মানসিকতাও আধুনিক তীরথের চেয়ে। আগামী পঞ্চবার্ষিকীসমূহে সে এ অঞ্চলের মেজ শিল্পপতি হতে চায়। তীরখনাথের জমিকেন্দ্রিক মানসিকতা তার কাছে খুবই ঘৃণ্য। তার খুবই ইচ্ছে, তীরখনাথের চেয়ে সে ক্ষমতাবান হয়। সে উত্তপ্ত হয়ে বলল, রাজাদের জমানা চলে গেছে লালাজী। আপনি ওদের কহকোতলের কর্তা হয়ে থাকতে চান, কিন্তু তা সম্ভব নয়।

তুমি মদত দিলে তা সম্ভব হয় হরবংশ।

আরে! আপনি কি স্বপ্ন দেখছেন? আপনি কাজ দেবেন না, ওরাও কাজ করবে না? আপনি এ নিয়ে বেশি গৌরাত্ম্য করতে যান তো বাধ্য হয়ে আমি কাংগ্রেসীদের জানিয়ে দেব, আদিবাসী লোকদের ঔর অছুতদের সঙ্গে গায়ে পড়ে ঝগড়া বাধাচ্ছেন আপনি। এতে ভোটে কাংগ্রেসের মুশকিল হবে। চোন্টির সঙ্গে আপনি অস্তায় ঝগড়া করেছেন। দশ মাইল, বিশ মাইল দূরে দূরে গ্রাম, এখানে অস্ত্র লোক এনে ভোট দেওয়ানো মুশকিল। এদের দিয়ে জোড়া বলদে ভোট দেওয়াবেন কি করে? ভোট নিয়ে গড়বড় হলে কাংগ্রেস আপনাকে ছেড়ে দেবে?

তীরখনাথ হাল ছেড়ে দিয়ে উঠে পড়ল। বলল, রবি উঠাবার কালে সিন্ধিক বেঠবেগার ঔর বাইরের মজুর নেব। দেখাব ওদের।

যা ইচ্ছে করুন গে। নিজের আখের নিজে বুঝছেন না।

কাংগ্রেস কি চায় আমি ওদের পায়ের নিচে থাকি ?

মোটাই নয়। কাংগ্রেসের আইন যা হোক, কাজের বেলায় চু চু। আপনি সিলিং ফাঁকি দিন, বেঠবেগার চালান। করজে পিষে মারুন ওদের—মদত পাবেন। এক কথা, ভোট ঠিক রাখতে হবে। প্রজা নয় যে ছমকি দিয়ে ভোট দেওয়াবেন। টাকা দিয়ে ভোট দেওয়াবেন। তা এবার তো কাংগ্রেসের বিপক্ষে তপশীলী প্রার্থী। তাকে মদত দিচ্ছে আনন্দ মাহাতো, শুদ্ধানন্দজী, এরা সব। তপশীলী ভোট ভাগ হবে। রইল আদিবাসী। আনন্দ তপশীলী আদিবাসী ইস্যু এক করে ভোটের প্রচার চালাবে। এখন আমার আপনার জেদাজেদির জন্তে ভোট ভণ্ডুল হলে কাংগ্রেসী দখল টলে যাবে। তখন কি আপনি তপশীলী প্রার্থীর মদত পাবেন ?

ভীষনাথ নিশ্বাস ফেলে বলল, এ খুব গোলমালে লাগছে।

রাজ্যে কাংগ্রেস জিতলেও অঞ্চলে ননকাংগ্রেস জিতলে অঞ্চল মদত পাবে না। তখন লাভ হবে কিছু ? আপনি চান গরুর গাড়ি, আমি চাই উড়োজাহাজ। এখানে রাস্তা চাই কানেকটিং। বাস চালাতে চাই হপ্তায় সাত দিন। চারদিকে ইন্ডাসট্রিয়াল টাউন বসতে চলেছে, এহি তো মোকা।

আমি কিন্তু চাই না। আমি ঔর বেঠবেগারী ঔর করজ সে আমার চলে যাবে। ইনডাসট্রি তো আজকের বাত। জমিন্ চিরকালের।

তো ট্রাকটর সে চাষ করেন না কেন ?

কেন করব ? তার চেয়ে এদের লেগায় শস্তা।

আমি আপনি পরস্পরকে বুঝব না।

সময়টি ভীষনাথের পক্ষে ভাল থাকে না। ভোট ক্যাম্পনে আনন্দ মাহাতো চোড়িতে মুণ্ডা ও অচ্ছুতদের নিয়ে মিটিং করে। সে বোঝায়, বর্ণহিন্দু মহাজনদের অভ্যাচারে আদিবাসী ও অচ্ছুত সমান নিগৃহীত। মিছে ভরসা দেয়, তার প্রার্থী আদিবাসী ও অচ্ছুতদের

স্বার্থ দেখবে। সভা খুব জমে এবং চোন্টির সদলে যোগ দেয়। ভোট এবং রবি কাটা সময়ে সময়ে পড়ে। তপশ্বীলী প্রার্থী ভাল মার্জিনে জেতে। তীরখনাথ কাংগ্রেসীদের পঞ্চাশ হাজার টাকা দেয়া সঙ্গেও ভোটের ব্যাপারে ঝাড় খায়। প্রতিশোধ নেবার জন্য সে বাইরের মজুর ঠিক করতে যায়। কিন্তু যার মাধ্যমে ঠিক করতে যায়, সেই গোবিন্দ করণকে চোন্টি বলে, আনলে আনতে পার, কিন্তু তুমি প্রাণে বাঁচবে না। আমি তোমার খতম করে দেবই দেব।

মারবি আমার ?

চোন্টি মজা পায় ও বলে, থাকব থানায় বসে। হাতে থাকবে না কিছু। কিন্তু তীর আমার তোমাকে খুঁজে বের করে বিঁধবে। মজুর তুমি আনবে না, আর লাল একথা জানলে আমি জানবই। তখন দেখো। লালার বাবা কান্ধী পালিয়েও বাঁচে নি। আগুনমুখা তীরে কুম্মি গ্রাম জলেছিল।

গোবিন্দ তীরথকে কিছু না বলে লেবার আনার খরচা হিসেবে একশো টাকা হাওলাত নিয়ে কেটে পড়ে। তীরখনাথ তাকে টাকা দেয়। তারপর, চোন্টির বিষয়ে গল্পকথা জমিয়ে তুলতে চলে আসে ডাকাতি। এ সময়টা ডাকাতির মরনুমণ্ড বটে। তীরথের গদিতে হয় হুঃসাহসী ডাকাতি। ডাকাতরা সিনেমার ডাকাতির মত মালগাড়ি ধামিয়ে তার উপর চেপে উত্তর মুখে যায়।

তীরথ বোঝে, চোন্টিকে চটিয়ে তার এই ছরবছা। দারোগা তার কোনো সাহায্য করতে পারেন না। রবি কাটার সময় হলে চেনা মুখগুলি চলে আসে। তীরখনাথ তাদের সাহায্যেই রবি ওঠায় এবং এই প্রথম গঞ্জ টাউনের ব্যাঙ্কে খোলে অ্যাকাউন্ট। হরবংশ চিপটেন কেটে বলে, ব্যাঙ্কে টাকা ?

যে কালের যে নিয়ম।

পথে এলেন তা হলে ?

হ্যাঁ বল।

সব কিছুই, মুণ্ডাদের মনে, চোন্টির ব্যক্তিগত সাকল্য বলে মনে

হয় এবং ঘটনাগুলি গানের মাধ্যমে চোটির মাহাত্ম্য বোষণা করে।
বহুকাল পরে আদিবাসী ও ছগনদের সোহরাই উৎসবে শোনা যায়
গান। গান শুনে শুনে চোটি কোয়েলকে বলে, শুনহিস কি বলে
গানে ?

আঃ, শুনে দিবে তো !

আধা কসল আধা হকের জমি কাড়ি নিলে
হরমু, আহা সোনার ছেলা, তারে পাঠালে জেহেলে
যরে যেয়ে ভীরের সাথ কথা বলে কে ?

চোটি মুণ্ডা কথা বলে—

ভীর বাতাসে মিলায়ে ধেয়ে যায়
এখন সকল যেন খেপা বাউরা হয় যায়
নইলে বিহর মাহাতো কেন জিতে চুনাওতে ?
গোবিন্দ করণ কেন পলায়ে যায় ?
কেন ডাকাত পড়ে তুমার গদিতে ?

আঃ আঃ আঃ তুমার কি হল ?

চোটি শুনে বলে, ওঃ। এক চোটি মুণ্ডারে চিনছে উয়ারা।
এমুন ক্ষমতা তার, যে ছেলারে জেহেলে রেখে যরে ধুমার।

আঃ, শুনে দিবে তো ?

এমনি করেই গল্পকথা গড়ে ওঠে আবার। গান। সকলই
গল্পকথা হে চোটি মুণ্ডার জীবনে।

চোটি নিখাস ফেলে বলে, বড় দরকারে গান বাঁধে ইয়ারা।
সকলই তো জলের মত হাতের কাঁক দিয়া পলায়। গানটো বেঁধে
ইয়ারা ভরসা খুঁজে।

কাল হরমুরে দেখতে যাবে কে ?

কেউ না। পাঁচ সিকা কামাই করতে শরীর ছুথায়, তবু ভি
একোদিনের কাম না করলে নয়। হরমুরে বলছি সকল কথা।

সি অকসরটো কি বলে ?

বলে, আদার দরকার কি ? খরচ বিস্তর।

কামাই তো করতেছি।

একো পরসী বাজে খরচ নয় কোয়েল। উ জমিটো জমা লিব।
লিখাইপড়াই করি। হয়মু এলে জমি পাবে। জমির হুখ বুকে
নিয়া জেহেল গেছে উ। এলে দেখবে জমি আছে।

বেনের জমিটো দাদা, কালনা। জঙ্গল ভি কাছে লয়।

মুগুরে কলনা জমি দিবে কে ?

সবটো জমা দিবে ?

হাঁ। কি করবে ?

জমিটি নীরস ও পাথুরে। বেনে পেয়েছিল শস্তায়। পাঁচ বিঘা
জমি। তার ছোট দোকানটি চালিয়ে ও জমিকে কলনা করার টাকা
ওঠে না। উঠতে পারে, এবার উঠবে, এই ভেবে ভেবে এগারো
বছর কেটেছে। তীরধনাথ তার ছই আত্মীয়কে দিয়ে ছটি দোকান
খুলিয়েছে গত বছর। বেনের এখন চোড়িতে পাততাড়ি গোটাবার
সময় এসেছে। মুগা ও অছুতরা ছাড়া তার খদ্দের নেই। স্টেশনের
পেছনে টানা দালানে সার সার ঘর তুলে তীরধনাথ ছটি দোকান ও
আটাতাড়ি কল বসিয়েছে। তীরথের সঙ্গে প্রতিযোগিতা চালানো
অসম্ভব। মুগা ও অছুতদের ক্রয় ক্ষমতা সামান্য, তেল মুন-লঙ্কা-গুড়-
সোডাচোবা-দাবান-দেশলাই। তাও অত্যন্ত কম কেনে। এর
ভরসায় দোকান চালানো সম্ভব নয়। বেনে তোহরি যাবে। ওখানে
ভাগ্য পরীক্ষা করবে। জমিটি ওর অত্যন্ত রুক্ষ ও শুকনো। কাউকে
যে জমিতে আগ্রহী করতে পারেনি ও। পাঁচ বিঘা জমি পাঁচশো
টাকাতেও কিনতে চায় না কেউ। চোড়ি নদী থেকে অনেক দূরে,
পাথুরে প্রান্তরে। এখন চোড়িরা জমা নিলেও সে বাঁচে। চোড়িকে
ও বলছে, তুমি সবটা নাও।

পারব না।

তবে তুমিই আর কারকে দেখ।

বেনেটি নিরীহ ও ভীক। সে বলে, আমি তোমার কথার ওপর
জমি দেব। আদিবাসীরা কখনো জোচ্চোরি করে না।

দেখি কে নেয়।

ছগন বলে, আমি নেব কোথেকে ? লালার খার শুধতে সকল কামাই চলে যায় ? নইলে জমি কি নিতাম না ?

চোটিকে অভ্যস্ত বিস্মিত করে সনা আসে তার ঘরে। বলে, আমি নিব। তু মোরে জমিটো করি দে।

তু নিবি ?

নিজের নামে নিব না। বেঠবেগার না আমি ? মোর ভাইয়ের পুত জিতার নামে করি দে।

টাকা তো লাগবে ?

শুনছি আমি। বছরে বিঘা পিছু পনেরো টাকা। তা তু নিবি আধা, আমি নিব আধা। হবে না তাতে ?

টাকা আছে তুর ?

চোটি, আমি আটা কিনি, গরম জলে গুলায়ে খাই। তাতে গাছকাটা মজুরি জমাছি। দেখ্ তু—

বাঁশের চোঙ থেকে পয়সা ঢালে সনা। বলে, বাইশ টাকা জমাছি। হবে না এতে ? বল্ তু ?

চোটি বলে, দেখি।

বেনে চোটির কথায় রাজী হয়। চোটি যায় হরবংশ চাচার হিসাব রক্ষক উধম সিংয়ের কাছে। তোহরি থেকে এক টাকার আদালতী কাগজ কেনা হয়। সে কাগজে উধম সিং লেখে, আমি, শ্রীপুরগাঁদ বানিয়া,—মোজা,—তহনীল—নং দাগের জমি চোটি মুণ্ডা ও জিতা মুণ্ডাকে জমা দিতেছি। জমির মালিকানা আমাতে বলবৎ থাকিবে। চোটি ও জিতা মুণ্ডা আমাকে বাৎসরিক সাড়ে সাঁইত্রিশ টাকা দিতে দায়িক থাকিবে। টাকা দিতে না পারিলে জমি আমি আবার নূতন বন্দোবস্ত জমা দিতে পারিব।

এ হেন দলিলের কথা কেউ শোনে নি। তবু চোটিদের মনে হয় এ একটা কাজের কাজ হল। ভীষণনাথ বেনেকে বলে, জলের দয়ে ছেড়ে দিলে ?

বেনে বলে, চোরকাটা ছাড়া কিছু হয় না মহারাজ ।

আমাকে বললে আমি নিতাম ?

কালুনা জমির মধ্যেও সব চেয়ে কঠা শুখা জমি মহারাজ ।

হরবংশ চাচা বেনেকে বলে, খুব ভাল করেছ তুমি । ও জমি কেউ নিত না । গোড়িয়া জমির লালসে মরে । নইলে নিত না ।

চোড়িকে বলে, কেউ অমন জমি নেয় ?

চোড়ি বলে, কা করে মহারাজ !

হরবংশকে ও কি করে বোঝাবে ? কালুনা হোক, পাথুরে হোক, এক টুকরো জমি মানে নিজের শ্রোতেভাসা অস্তিত্বকে নোঙরে বাঁধা । আইন-আদালত করার জোর চোড়ির নেই । ওই কাগজটুকু ভরসা । বেনে কি বছর এসে টাকা নেবে এবং উধম সিংয়ের সামনে ব্রসিদ লিখে দেবে ।

ভীষনাথের মতই হরবংশও ব্যাপারটি অপছন্দ করে ও বলে, এরপর বাইরের কাজ করতে পারবে ?

নিশ্চয় । জমি তো ছেলেদের মহারাজ ।

তোমার দুই ছেলের ?

কোয়েলের ছেলেরও ।

সে লেখাপড়া কোথায় ?

আমাদের লেখাপড়া লাগে না মহারাজ ।

চোড়ি তুমি পাগল ।

না মহারাজ । ঠিক বলেছি ।

ওটা কি ?

পাপিতার বীজ মহারাজ । আপনি সেদিন বলছিলেন না ? তা এই পাপিতার দানা নেই, শাঁস খুব মোটা, কল খুব মিঠা । সাপ তো বছর বছর অনেক মারেন । এর গোড়ায় পুঁতে দেবেন । দেখবেন তার সারে গাছ কি তেজাল হবে । অমন সার হয় না ।

ভীষনাথ ও হরবংশ দুজনেই চোড়ির জমি নেওয়ার ব্যাপারে অসন্তুষ্ট থাকে । চোড়িয়া পাথুরে জমির মালিক হওয়াও ঠিক নয় ।

তাতে তাদের মানসিক গঠনসাম্য বদলে যেতে পারে। জমিতে স্বব্ববোধ জন্মাতে পারে। সেটি কাম্য নয়। ওদের চিন্তনভয়ে নির্ভরসা, নিরালস্য প্রেতের মত শরণার্থী রাখা উচিত। ভূমি-জল-বায়ু সব কিছুই যাদের বাইরে রাখে। ওরা হুজনে হুজনের অগোচরে স্ব-স্ব স্বার্থে চোড়িদের জমির ব্যাপারটি দেখতে থাকে। গভীর কোঁতুহলে। আপনি ওর কপ্‌নি ছাড়া যাদের কিছু নেই, তারা পাথুরে ও ভূতুড়ে জমি পেলে কি করে তাই দেখে।

চোড়ির প্রথর বুদ্ধি ও স্পর্শকাতরতা ওরা হিসেবে রাখে না। দিকুদের প্রতি গভীর অবিশ্বাসে ওর মন জারিত। ও সনাকে বলল, চাচা বল, লালা বল, কুনো শালো মোদের জমি লওয়া। ভাল চোখে দেখতেছে না। উয়ারা ধরতিটো খরিদ লিছে, তা ধরম। মোরা আটাই বিধা পাথর নিছি জমা, তা অধরম। এখন উরাদের কামটো যে যা করি, ঠিকভাবে করতে হবে।

সনার পক্ষে খিতিয়ে কিছু ভাবা স্বভাববিরোধী। ওর এবং অনেকেই ব্যাপার এ রকম, চিন্তাভাবনা করবে চোড়ি। নির্ভরসাদের নেতা। ওরা শুধু হুকুম পালন করে যাবে।

সনা বলল, তা তো লিযাস্ করব, কিন্তু ই কি হল চোড়ি? আমি জমি মালিক হয়ে গেলাম?

কথা বলিস সামালে। তু নয়, জিতা লিছে জমি। সে মালিক ভি নয়, জমা লিছে। জিতা লিছে।

যে জিতা, সে আমি।

না, ভুল করিস না। তুর নাম উঠলে লালা হাত বাড়াবে। তোরাদের কি বলব! লালার খপ্পর হতে টুক্‌চে বারায়ের আসছি, জঙ্গলে কাজ নিছি। চাচার হোখা ভি। কুনো অম্মায় করি না, তবু ভি সামালে চলি। একা লালার গরাসে ছিলাম, দাঁতের কামড় সরাই। সে ভি খেপে আছে। এখন তু বলিস গড়বড়িয়া কথা। আমার জমি! হাঁ সনা, বেঠবেগার তু ঋণের দায়ে। তুর নিজের বলতে কিছু হতে পারে না। তাতেই জিতার নাম ঢুকাছিল। ই কথাটো

আর কতজনারে বলহিস ? লালার কানে গেলে ভোরে পাটনা দেখায়ে ছাড়বে ।

কারে বলি নাই ।

বলিস না । বুড়া হুঁস, সময় করে চল । তোরাদের সামালে চলতে চলতে আমি হরমুর ভরে কানতে সময় পাই না ।

কানবি কেন ? সে তুর মান রাখছে না ?

নিজের কথাও নাই কিছু । উ তো আমার কথা ।

নে, কি বলবি বল ।

চোঁটি বিড়ি ধরাল । তারপর পদোচিত গাঙ্গীর্ষে বলল, পাথুরা হোক যা হোক, জমি তো হল ।

ই দেখে সকল মুণ্ডা চেতবে ।

হাঁ, আর সকল পাথর জমা লিবে । মুণ্ডাদের অসাধ্য নাই । আমি নিছি, বাস, তাতেই চেতে উঠতে পারে ।

নে, বল্ এবার ।

জমি নিছি, কিন্তুক কাম আছে অনেক ।

চোঁটি ও জিতা জমি নেওয়াতে সকল মুণ্ডা যেন বাজি জেতে । ভগনও বলে যায়, খুব ভাল করহিস । পাথর উঠাতে হবে কোদাল মেরে । চাঁদের পক্ষ এলে চুপেচাপে মোরা ভি মেহনত দিয়া দিব । তোর জমি বলে কথা । ইতে মোরা ভি ভরসা পেছি ।

কি ভরসা ?

মোরা ভি জমি লিতে পারি, ই জানছি ।

বাঘ একটাই । তীরথনাথ । সে কি অশ্রু কারেও জমি লিতে দিবে ? এখন শকুন পারা নজর করে কালনা জমি লিতে থাকবে । তোরাদের মোরাদের হাতে কালনা জমি ফলনা হয় তা সে দিবে না । কি রকম জানিস ?

কি রকম ?

উয়ারা, তীরথরা চায় কম জমি ফলনা হোক, আর তা থাকুক উরাদের দখলে । যত জমি কালনা রবে, তত উরাদের ভাল । তাহলে

মোরা থাকি উরাদেয় দরায়। বান্ধা থাকি। এখন বুঝছে, মোরাদেয় হাতে এলে পাথুরা জমিতে ধান উঠে। তাতেই দখল রাখতে কালনা জমির দখল নিবে।

চাষ করাবে ?

দূর। তাতে তো বেশি মানুষ রুজী পায়।

কি করবে ?

কেলে রাখবে। ধরতিটো যত বাঁজা রবে, মোরা তোরা, উরাদেয় কাছে করজ লিব, বেঠবেগারী দিব, লাথ খাব।

তুই কত বুঝিস, মোরা বুঝি না।

বুঝে বা কি করতে পারি ?

মোদের আঁখ তুই, জবান্ তুই, হাত ভি তুই।

দূর বেটা দিকু।

দূর বেটা মুণ্ডা।

হুজনেই হাসে ও ছগন বলে, মেহনত দিব।

মুণ্ডাদের কাছে বিশেষ করে ঘটনাটি ছোটক হয়। চোড়ির ভবিষ্যৎবাণী সত্য করে তীরখ নিতে থাকে সকল কালনা জমি। প্রাচীন বিদ্বেষের ফলে ফলওয়ালা আনোয়ার তার ভূখণ্ডটুকু ধরে রাখে এবং চোড়িকে গোপনে জানায়, ওর তিরিশ বিঘা জমি ও বিলি করবে। পরে।

পহান চোড়ি ও জিতার জমি দড়ি ফেলে মেপে মাঝে বসিয়ে দেয় মনসার বেড়া। হুজনের জমি ঘিরে মনসার বেড়া ওঠে। তারপর জমিতে পুজো করে মুরগি বলি দিয়ে রক্ত ছিটিয়ে জমির মঙ্গল করা হয়। তারপর কয়েক মাস ধরে গুরুপক্ষে চলে জমির পাথর ও কাঁকর সরাবার কাজ। বর্ষার জল পড়লে তবে বোনা হয় ধান। চোড়ি মাচাং বেঁধে নেয় এবং যেহেতু দুটো জমি বিষয়েই ওর মমত্ব বোধ, সেহেতু দুটি জমিই পাহারা দেয় তীক্ষ্ণ চোখে। সঙ্গে থাকে জিতা এবং এখন চোড়ির মনে কিরে আসে ধানীর সঙ্গে রাত আগার স্মৃতি যত। জিতাকে ও ধানীর আগ্রহে বলে, তীর চালাতে শিখতে চাস তো চকুতে শান দে। দেখ, হরিণ।

যাঃ হরিণ সব মেরে কেলাছে ।

দেখ তু ।

ধানের গন্ধে চলে এসেছে একটি চিতল । জিতা বলে, মায়ব ?
উঃ, কতকাল হরিণের মাংস খাই না ।

ধুর, মাদী ওটা । মায়তে আমারও সাধ হচ্ছে, কিন্তুক মোদের মত
উয়াদেরও তো উচ্ছেদ করি ছাড়ছে । হোই জঙ্গলের ভিতরে কুখা
আছে বুঝি কতগুলো । এখন বারাহে । মাদীটো র'লে বংশ বাড়বে ।

চোন্টি হাততালি দেয় ও নিমেষে পালায় প্রাণীটি । চোন্টি বলে,
তু ঘুমা । আমার চক্ষে ঘুম নাই ।

ঘুমাবে না ?

না ।

জিতা ঘুমোয় । এই নির্জনতা, প্রান্তরের ব্যাপ্তি, রাতের ঠাণ্ডা
খুব ভাল লাগে চোন্টির । তারপর ও নামে মাচাং থেকে । সমগ্র খেতটি
দেখে ঘুরে ঘুরে । ধান হয়েছে । তেমন জঙ্গলে নয়, তবু ধান ।
হঠাৎ কি মনে পড়ে ওর । নিজেকে বলে, হাঁ, একে টানের জমি, তাতে
ছায়া পায় না । এই জলের দিনে সিঁধা গাছের চায়া এনে চারধারে
দিব লাগায় । ছায়া পাবে টু'নি ।

অজ্ঞান নাগাদ সনার মাথা খান্নাপ হয়ে যায় । আহা হা, ধান
পাকতেছে, বলে সে এসে বসে মাচাঙে । সেই যে বসে, ওকে নামানো
যায় না আর । চোন্টিকে বলে, বেঠবেগার দিতে যাব না আর । হেখা
রব ।

চোন্টি ওকে ধমকে-ধামকে কাজ করতে পাঠায় । ধান কাটা হলে
ওরা খুবলাল কয়লাওয়ালার কাছে যায় । ধান ওজন করে । ধর্মের
মাপ । আড়াই বিঘা জমি, আড়াই মণ ধান ।

চোন্টি নিশ্চয় হয়ে যায় ওজন দেখে । দেড়মণ চাল মিলবে । আর
তুষ । নিখাস ফেলে ও খুবলালের কাছে বোরা কেনে একটা । তুষ
স্তরে দিলে হয়মুর ছেলেরা শোবে । খুবলালের জমির ধান্দা নেই ।
সে বলে, রেল কম্পাউণ্ডে যে দহটো আছে জানিস ?

মজা দহটো ?

সেইটা। এবার সেটা কাটাতে টিশনবাবু। তার পাঁক-মাটি লয়ে জমিনে ফেলা। ই ধান তো রুগাভুগাটো। জমিনে জোর নাই। তু যেমন পাগল, পাথর জমা নিলি।

বাঃ, ভাল বলছ তো ?

চোড়ি তখনি যায় স্টেশন মাস্টারের কাছে। তিনি বলেন, ওটা আমি তো কাটাবই। গতবার আগুন লেগে গেল স্টেশনে, তা কুয়োর জল তুলতে তুলতে আগুন ছড়াল।

দহটো ভাল ছিল আগে।

তা ওটার পাঁক নিবি, নে। তা তোরা কেন কেটে দে না ওটা ? ওই বারোআনা মজুরি দেব ?

তা দিব কেটে। কিন্তুক সময়টো দেখবেন মহারাজ। লালাজীর আবাদের কাজটো যেমন চোট না খায়। ই তো দশজন মরদ আর দশটা বিটি হলে কাজ হবে। একটো কাম করলে হয়।

কি ?

এখন ধরতে পারেন। খেতে রবি ফেলা হচ্ছে। এখুনি তেমন কুনো কাম নাই। কিন্তুক বারোআনাটো টাকা হবে না ?

না চোড়ি, তা হয় না।

তবে সেই কথা। আচ্ছা, গাঁয়ে আগুন লাগলে জল পাব ?

তা পাবে না কেন ? সরকারের সম্পত্তি, আমার ? তবে ওই আগুন লাগলেই। সদাসর্বদা ব্যবহার করতে দেব না।

সেই রকমই কথা হয়ে যায়। সব শুনে খুবলাল বলে, টিশনবাবু বেনামে নিজে এ কাজের লেগে টেওয়ার দিচ্ছিল। দশ হাজার টাকার টেওয়ার।

টেওয়ার কি ?

রেলের কাম তো এমনি হয় না। আগে টিশনবাবু কোম্পানিরে সুঝাল যে এ পুঙ্খপী কাটতে হবে। কোম্পানি টেওয়ার ডাকল। কে কত খরচে কাম করি দিবে। টিশনবাবু কলে তেল দিল, উন্ন দশ

হাজার টাকা কোম্পানি দিতে রাজী। এখন তোরা যদি দু মাসেও কাজ করিস, ও হাজার টাকার বেশি খসাবে না। ন হাজার টাকা লাভ। তা বাদে জলে মাছ ছাড়বে, বেচবে। জলের কথা মনে হল। সেদিন বেড়াতেছিলাম, দেখলাম তোর গাড্‌টা গুলিন। কাকচক্ষু জল। এই ভাল করছিস। নদীর বুকে গাড্‌টা বছর বছর কাটিস বালি, জল পাস। ছগনরা ভি যায়। নয়তো অছুতদের জল নেওয়ার ঠেলায় কুয়োর জল খেতে ঘেরা হত।

তুমিও কি উচু জাত ?

নিশ্চয়। কুমি আমি। হুসাদ বা গঞ্জু বা ধোবি নই। আচ্ছা চোটি, তোদের মাঝে জাত নাই কেন ?

কা জানে ?

চোটের কথা শুনে ছগনরা বলে, করছিস কি তুই ? এ কাজও ধরে নিলি ? কে জানত চোটিতে এত কাম হবে ?

কাম তো হবেই। দিন বদলাতেছে। এখন দেখতে হবে যে তীরথের কামটুক সামলে হেথা যত কাম সব জায়গায় মোরা যেমুন পাই।

বারোআনার বেশি দিবে না। কেন ?

বুঝতে হবে।

কি বুঝব ?

চোটি ক্লান্ত হেসে বলে, দিবে কেন বল তুরা ? চাচা দিছে বারোআনা, উ ভি তাই দিবে। নইলে রেট বেড়ে যান্ন উরাদের হিসাবে।

তা বটে।

ভেবে লাভ নাই। ভাবলে মাথা ঘুরায়। ধরতিতে কত টাকা ! চাচা ই কাঁপা ইট বেচে এত টাকা করছে, সে এখন বলে, তিনটা চারটা কয়লাখাদ কিনবে। হেথা তো কয়লা মাটির পরে। মোদের দিছে বারোআনা। লাল আবাদে এত টাকা করছে, করজের সুদে, ভাকাতি হল, কাংগ্রেসয়ে পঁচাশ হাজার টাকা দিল, গায়ে আঁচড়টা

গেল না। তোরাাদের দিছে পায়ের জুতা বাড়া খুলা। টিশনমাস্টার ই দহ কাটতে নিছে দশ হাজার টাকা। মোরাাদের দিবে বারো আনা। তা দেখ, উ পঁচাশ হাজারে দশ হাজারে তো মোরাাদের হক দিবে না। যা পাই তাই লই।

যা পাই, ঠিক বলছিস।

তাই লিব। তবু ভি বাঁচব ছটো খেয়ে।

তা বটে।

তা তুয়া মোরে দেওতা বলছিস, ইবার পরনামী লিব।

কি লিবি?

দহ কাটলে পাঁকটো সবাই যে যেমুন পারিস বহে দিবি জমিনে। জমিনটো রুগাভুগা ছেলার মত শুধু কাঁদে ভুখে গ।

দিব, বহে দিব।

এই ভাবেই হয়ে যায় সব কথা ও ছোট ছোট ছিদ্রপথে অসীম জেদের বশে চোড়ির ও ছগনরা অধাবসায়ী পিপড়ের মত জাতীয় অর্থনীতি থেকে কণা কণা নিতে থাকে। তাতে জাতীয় অর্থনীতি বিপর্যস্ত হয় না এবং এরা খেয়ে বাঁচে। একটা কথা চোটি স্টেশন-গ্রাম জীবনে সবাই মেনে নেয়। মেহনতী কাজগুলিতে কোনো না কোনো ভাবে স্থানীয় লোকগুলিই মুখ দেখাচ্ছে। এ কথাও মেনে নেয়, কাজের কথা চোটির সঙ্গে বলাই ভাল। সে বৃদ্ধ, প্রবীণ, সকলের চেনা ও সম্মানিত মানুষ। সে কথা দিলে কথামত কাজ হবে। ছগনরাও সে কথার মান রাখবে।

দহ কাটার কাজ হলে হরবংশ, হেসে বলে, এবার লেবার লাগাবার ঠিকাদারি কর চোটি।

কैसे?

সবাইকে কাজ দিচ্ছ, বাটা নাও।

না মহারাজ।

নিতে পার কিন্তু। সবাই নেয়।

না মহারাজ।

সময়ে দহ কাটা হয় এবং চোড়িদের জমিতে পাক পড়ে। পহান মানুষটি এই সময়ের নাগরিক। সে জমিটি দেখে চোখ খুঁচিয়ে ও চোড়িকে বলে, চালে নামি নদী পারায়ে পাড়ে উঠে, অত হেঁটে পাক যদি আনা যায়, তা'লে সমানের উপর হাঁটি বন হতে পচা পাতা ভি আনা যায়।

তা বটে।

তোয় তো বিস্তর চিনাজানা। গোরমেন সায় দেয়। যা তোহরি। বিড়িবাবু হতে মেঙ্গে লে।

চোড়ি বলে, তা কি দিবে? নানা কথা হবে।

এই সময়ে চোড়িদের জীবনে তিনটি অত্যাশ্চর্য ঘটনা ঘটে। প্রত্যেকটিই গানে-গল্পে ধরে রাখার মত ছোটক। প্রথমটি পেছনে উপলক্ষ্য থাকে চোড়ির জমি এবং প্রথম ঘটনাটির জবাব নেই।

তীরখনাথ এই জায়গায় বাসিন্দা এবং স্থানটি ওর রক্তে। বিদ্রোহ, ক্রোধ, রাগের পর চোড়ি বিষয়ে, অথবা সকল মৃত্যু, সকল তপশীলী মানুষ বিষয়ে ওর মনে কোথাও থাকে একটা অধিকারবোধ। সেটা খাতকের প্রতি মহাজনের অধিকারবোধ নয়। প্রাচীন সম্পর্কের বন্ধনের অধিকারবোধ। বেঠবেগায় নেয় তীরখনাথ নিশ্চয়, কিন্তু ও চায়, আগের মত নিঃসংকোচে ওরা বলুক, কা মহারাজ, ইতনোই পাগিতা কা অকেলা থাইয়েগা? হমানিকো ভি খিলানা দো-এক?

মহারাজ, তোমার গাই-মোষ বিগড়ে গেছে। নাথুনিকে ডাকি, গোহাল কেড়ে পূজা করে দিক।

তীরখনাথ এবং চোড়ি। চোড়ির বাপকে ও “চাচা” বলত। ওই ছগনের মা কি ওয়ুধ বেটে খাওয়ায়, তাতে তীরখনের মায়ের আবেশ অনুধ সারে। এখন হয়েছে ডাক্তারী ইলাজ, কিন্তু ছগনের মায়ের মত চিকিৎসক তীরখন কখনো দেখেনি। ছগনের মা বেঁচে থাকতে চোড়ি গ্রামে শিশুদের ও মেয়েদের অনুধবিন্ধুখে কেউ ভাবত না।

সব বেন কেমন এড়ো-ছাড়া হয়ে গেল। তীরখনাথ যে হরবংশকে বলেছিল, তুমি আমার লেবর ভাঙাচ্ছ। তা ওই “আমার” কথাটিতে বিশেষ জোর ছিল। ওরা “আমার”—তীরখনের। তীরখন ওদের মারলে

মারবে, রাখলে রাখবে। মারবে না। তীরথ যদি তেমন মারনেওয়াল হত, তাহলে চোটি গ্রাম থেকে মুণ্ডা ঠুঁত অছুত লোক পালাত না? তীরথ কি সকল মালিক-মহাজনের মত? জাপু সিং তো গোরমেনের পাঁচসাল। তামাশার সঙ্গে তাল রেখে ঠিক ভোটের পরে কোনো না কোনো ছুতোয় অছুতদের খেত-টাল-ঘর জালিয়ে দেয়। বলে, ও রকম না করলে হারামিয়া বরাস্তানদের সমান হতে চাইবে।

তীরথ তো কই, ছগনদের ঘর ও টোলি জালায় না? কেন জালায় না? আদিবাসী অছুত, ইত্যাদি ইত্যাদি মিশেলী বসতি বলে? না না। তীরথ হরবংশের তুলনায় প্রাচীন পন্থী হতে পারে, কিন্তু জাপুর তুলনায় সে আধুনিক। জাপুর ব্যাপারটা অত্যন্ত জটিল অথবা সরল, কে জানে কি! অছুতদের টোলি ও জালিয়ে দেয় ঠিকই। পুলিশকে আসতেও বাধা দেয় না এবং বলে, হাঁ হাঁ, আপনা ডিউটি করো না ভৈয়া! উসি লিয়ে তো গোরমেন তুম লোগোঁকো পালপোষ করতা হার না? বোলো না।

পুলিসকে সে ঘুষ দেয় না এবং পুলিশের সঙ্গে ঘোরে। নিগৃহীত গৃহহারা মানুষগুলি জাপুর সামনে মুখ খোলে না। জাপু তাতে অপার আনন্দ পায় ও পুলিশকে বলে, এরা আমাকে বাপের মত ভয়ভক্তি করে।—তারপর, খুবই আশ্চর্য কাণ্ড, জাপু গোরমেনের মদতকে টেকা দিয়ে নিজে ঘর তোলার খরচ দেয়, খোরাকি দেয়। দেয় মানে দান করে, করজ দেয় না। জাপু বলে, তীরথ লাল হল লাল। হম্ জাপু সিং। রাজপুত। আমার পূর্বপুরুষ ছিল রাজা। রাজা কি করে? জানে মারে, জানে বাঁচায়। আমার মেজাজ তীরথ কোথেকে পাবে? —একথাও সত্যি, ইত্যাকার পাগলামোর কারণে মানুষগুলির জাপু সিংয়ের ওপর একজাতীয় আনুগত্যও আছে। আঞ্চলিক মালিক-মহাজনদের মধ্যে জাপু সিং খুবই ব্যতিক্রম। প্রাচীন দিনের রাজা-জমিদারের তুঘলকী ঐতিহ্যবাহী আজকের মালিক-মহাজন। তীরথ একবার বলেছিল, একটা কথা আপনি কখনো শোচে দেখেছেন, স্নেহে দেখেছেন?

কি কথা ?

মানুষের দেহ । আপনার বয়সও সত্তর হল । একবার যদি এমন হয়, যে ঘর জ্বালালেন, কিন্তু থয়রাতি দেবার আগেই মরে গেলেন ?

হো হো হো, যো নেই হো সাকুতা ।

একবার যদি পুলিশ আপনাকে ধরে ?

হো হো হো, কি তামাশার কথা !—হেসে-কেশে জাপু সিং তীরথের পেটে খোঁচা মেয়ে বলেছিল, যোগ ব্যায়াম করি, লোহে কা অঙুলি, দেখিয়ে না । পট করে মরব না ঠর গোরমেন ভি ধরবে না ।

তীরথ জাপু সিংয়ের মত ঘর জ্বালায় না । রামশরণ মাথুরের মত বারোমাস বাগযজ্ঞ পূজা করে খাতকদের কাছে মান্সুল ওঠায় না । কোন অন্ধ্যায়টা করে ? করজ দিয়ে সুদ নেয় ? বেঠবেগার নেয় ? তাতে অন্ধ্যায়টা কি আছে ? যে আদত চলে আসছে তার মধ্যে অন্ধ্যায় থাকতে পারে না । চোন্টির মানুষদের মনে যে এড়োছাড়া ভাব এসে গেছে, তা ওই বেঠবেগার বা করজের কারণে ? না না । অথচ ওই বেঠবেগারের ও করজের কারণে হরবংশ, উঠতি বড়লোক, তাকে ঘৃণা করে । ঘৃণা করা কি ভাল ?

না না । চোন্টির মানুষগুলির এড়োছাড়া ভাবের পেছনে আরো কথা আছে । আগে শুধু ছিল ওরা এবং তীরথ । এখন রুজির কারণে ওরা এর-তার কাছে যাচ্ছে । তীরথ তা চায় না । তীরথ তো মারদাঙ্গাও চায় না । সত্যি বলতে কি, তীরথ সেই জমির দাঙ্গার সময়ে মথুরা সিংকে বারবার বলেছিল, গুলি চালাবে না । ভয় দেখাবে ।—কিন্তু বেটা উজ্জবক, দনাদন গুলি চালাল । পুলিশের গায়ে যে গুলি চালায় দারোগা, টিশনবাবু ও আদিবাসী অফিসর, তিন গোরমেনের সামনে, তার চেয়ে মূর্থ কে হতে পারে ?—আসলে তীরথ অনেক ভেবে দেখেছে, চোন্টির সঙ্গে চটাচটি ধেকেই সব কিছু গড়-বড়িয়ে গেল । তীরথকে কি ভুতে পেয়েছিল ? নইলে ওই জমি নেবে বলে অমন জেদ উঠে গেল ? হরমু গেল জেলে । চোন্টি তো এখন ওকে বাণমেয়ে চলেছে নানাভাবে । নইলে ডাকাত পড়বে কেন

গদিতে, কাংগ্রেসী লোকরা চেয়ে বসবে পঞ্চাশ হাজার টাকা, ভোটে জিতবে কেন তপশীলী প্রার্থী, আর, যে কথা কারুকে বলা যায় না, ধোবির প্রণয়িনী কেন তার ওপর বিরূপ হবে? চোটির সঙ্গে মিটমাট করতে চায় তীরথ। তাতেই তো ওই জমিটা নিতে বলল চোটিকে। চোটি নিল না। সে কথা শুনেমেলে তীরথের বউ বলল, নেবে কেন? মন্তর করে তোমার অনিষ্ট করছে, তোমার জমি নিলে বাণ খাটবে না।—সব বড় গোলমেলে হয়ে গেল। তোহরি গিয়ে তীরথনাথ যে সাধুর শরণ নিল, তীরথ গ্রামে ফিরতে না ফিরতে পুলিশ সেই সাধুকেই দাগী আসামী বলে ধরল, এর নাম সময় খারাপ যাওয়া।

এই সব ভাবতে ভাবতে তীরথনাথ হাঁটছিল রেললাইনের পাশের কালি জমি ধরে, রোজই হাঁটে। রোজই মা বলে, কানে শুনিস না সেই জ্বরের পর থেকে, কানে শুনবার যন্ত্রণাও কিনিস না, একদিন চাপা পড়বি গাড়িতে নয় ধাক্কা খাবি।

আরে, আমি কি রেলের টাইমে যাই?

কিন্তু স্বাধীন ভারতে ট্রেনও ক্রমে স্বাধীন হচ্ছে, তীরথ তা হিসেবে রাখেনি। একটি মালগাড়ি চোটি স্টেশন ছাড়ে ও এগোয়। ট্রেনের বাঁশি তীরথের কানে পশে না। চোটি গাই নিয়ে ফিরছিল। সে ঘটনাটি দেখে এবং ছুটে থাকে, ছুটেই পাড়ে ওঠে এবং তীরথের ঠ্যাং ধরে হেঁচকা টান মারে। খোয়াতে আছড়ে পড়ে তীরথ। মারিস না চোটি—আর্তনাদ করেই মাথা তোলে ও দেখে মালগাড়ির থেমে যাওয়া। চোটি ড্রাইভারকে অশ্রাব্য শব্দে মুণ্ডারী ভাষায় স্রোতের মত গাল পাড়ে ও হিন্দীতে বলে, মহারাজ তো বহেড়া, কানে শুনে না। যখন দেখছ লাইন থেকে সরছে না, গাড়ি ধামাবে তো?

গাড়ি চলে যায়। চোটি বলে, উঠ মহারাজ। ধীর কথা শুনতে পাও, জোর বাঁশি শুনলে না?

সেই যে জ্বর হল তিন মাস আগে—

উঠ।

তীরখনাথ ওঠে এবং ভীষণ বিপদের আসানে স্বস্তির প্রবল ধাক্কায়
ওর চোখ থেকে জল গড়ায়।

চল, ঘর যাও।

কাপড়টা নষ্ট করে ফেলেছি।

তীরথের গা কেটেকুটে গেছে। মাথার টুপি পড়ে গেছে। চোটি
দেখে, তীরথ যেন হাত-পা পাচ্ছে না, হতভম্ব। চোটি নিশ্বাস ফেলে
বলে, উতારো। নদীতে কাপড় ধুয়ে সাকা হয়ে নাও।

কি পরব ?

কাপড়টা ঝোপের ওপর মেলে দাও, শুকিয়ে যাবে।

তুই থাক একটু।

দাঁড়াও, গাইটা আনি।

গাই আনে চোটি। কঠিন অপারেশনটি করা হয়। নদীর জলে
কাপড় ধুয়ে, কাপড় ঝোপে মেলে তীরখনাথ শ্বাসটো হয়ে দাঁড়িয়ে
থাকে। খুবই কারে পড়েছে ও। চোটি এপাশে বসে, বিড়ি
ধরায়।

চোটি !

বল।

মাপ করে দে তুই।

কেন ?

ভাবলাম তুই মোরে মারবি।

চোটি বরাবরই স্বাধীন প্রকৃতির। তীরথের কাজ ছেড়ে দেবার
পর সে আরো স্বাধীন বোধ করে অন্তরে। সে বলল, মহারাজ !
তুমাদের মাথা যেমুন চিন্তায় ঘুরে, আমার মাথা তেমুন নয়। তুমু হলে
মোরে মারতে, তাই নয় ?

আমি ?

আমি তোমারে বাঁচালাম।

তোমার বাণে আমার এত দুর্গতি।

কি রকম ?

এই ডাকাতি হল, কাংগ্রেস পাঁচশ হাজার টাকা নিল, আর হরমু জেহলে গেল থেকে না তোরা, না ছগনরা মোরে মানে।

মহারাজ, তুমি যখন ভাবছ আমি বাণমারা করছি তোমারে, সে চিন্তাটো মাথা হতে সরাতে পারব না। তবে বাণমারা করি যদি, সিধা ভীষ ছুঁড়ব আর থানায় যেয়ে কবুল খেয়ে কাঁস নিব। হাঁ মহারাজ! চোড়ি মোর নাম। তুমি যা যা বলছ, পাগলা কথা। তবে শেষ কথাটোর জবাব দিব।

এখন ছগনরা ভি জুতা পরে, ছাতা মাথায় দেয়। আগে দিত না। এতে মোর মান থাকে কি না বল?

সে কেউ যেমন হাটের দেড় টাকার ফটকটিয়া চটি পিঁখে, বাঁশের ছাতা মাথায় দেয় বর্ষা দিনে। তাতে তুমার মানের কি?

ই ভাল নয় চোড়ি। এই যে তু জমি নিলি—

তাতে?

ই ধরম নয়। জমি থাকে মালিক-মহাজনের। মুণ্ডা-তুসাদ জমির মালিক হবে, ই পরমাত্মার ইচ্ছা নয়। ইচ্ছা থাকলে তারা জমি পেত।

তুমিই তো পরমাত্মাটো হছ। সকল জমি নিতেছ, ফেলে রাখবে, তবু ভি মোরা যেমুন না পাই।

আমি তোরাদের এতকাল বাঁচাই নাই? কোথা ছিল চাটা, কোথা ছিল তার ভাই? কোথা ছিল টিশনবাবু?

খুব বাঁচিয়েছ।

তুই রলে মোর গদিতে ডাকাত পড়ে?

তা তো কুনোদিন স্নানলে না মহারাজ।

তুই আর আসবি না?

নাঃ। তুমি হলে আসতে?

রাম রাম!

নাও, কাপড় শুকায়ে গিছে, পর। আর কি বলব? ধরমের হিসাব তোমার একরকম, মোরাদের আর রকম। যেমুন রেলের ছুটা লোহার

পাত পাশাপাশি দৌড়ায়, ছয়ে মিলে না, মিললে গাড়ি উলটাবে। তাই ভি দেওদেওতার ইচ্ছা হবে যে তোমরা মোরা এ-উয়ারে বুঝি না। বুঝলে পরে—চোটি হাসল, মজা পেল, বুঝলে পরে এত ঝগড়াবিবাদ, এত ছুখ-উপাস থাকত না, কিন্তুক তোমার ভগবান ডরাত, গাড়ি উলটালে। যাও, ঘর যাও।

তাহলে মোর উপর তোমার শাপ নাই ?

শাপও নাই, কথাও নাই। ছেলেটো জেহেলে গিছে, সে ছুখ কি আমি ভুলতে পারি ? না, মিছা বলব না, ভুলি না। মনে হয় মহারাজ, তুমি হলে তাই করত, যখন লাইন ধরে হাঁট, দিই তীর ছেড়ে।

আঃ ? মনে হয় ?

চোটি রেগে গেল। বলল, ই কি আবদার তুমার ? মোর জমিতে ধান হলে তুমার মনে হয় জমিটো কেড়ে লই। ফির জমি নিলে মনে হয় সকল পতিত জমি কিনে লই নয়তো লেংটা-কাঙালরা জমির সোয়াদ জানি যাবে। তা মোর ছেলেরে জেহেলে দিলে মোর মনে উঠবে না যে ঝিকিমিকি বেলায় লাল একলা চলে বেড়াতে, মারি ওরে ? মনে হয়, কিন্তুক মারি না। তেমন রক্তে জনম লয়।

ওরে বাপ রে—বলে তীরথ কেঁদে ফেলল। বলল, যাই আমি। মারিস না চোটি। দোহাই তোমার।

তীরথ দৌড়ল। চোটি হেঁকে বলল, মারতে ইচ্ছা রলে জাহানটো বাঁচাতাম ?—সে কথা তীরথ শুনল না।

সব শুনেমেলে ভীষণ এবং বিস্ফোরক রাগে বউ বলল, মোর ছেলেরে জেহেলে দিছে, তার জাহান রাখলা ?

উ না হয়ে মথুরা হলে ভি ছুটতাম। কে উ, তা ভাবি নাই। একটো জাহান চলি যায় সি কথা মনে উঠে গেল।

দিলা না কেন পাথরে মাথাটো ভেঙে ?

ই কথা বলিস না বউ।—চোটি গর্জে উঠল, মনে মনে উয়ার মাথা দিনে দশবার পাথরে ছেঁচি, দশবার ঝিকিমিকি বেলায় উয়ার পাঞ্জরে তীর বিদ্ধে কলিজা ফুটা করি।

কর না কেন ?

হরমুর বেলা, গোরমেন অফসর সাক্ষী ছিল, তাতেই দারোগা মোরাদের কুকুর দিয়া খাওয়ায় নাই। আমি ওরে মারলে পুলুস আসি মুণ্ডাটোলি জ্বালায়ে দিবে। তখন ? আমার কারণে মুণ্ডারা ভাসি যাবে ? আমি কারণ হব ? তু বল, তাতে মোর ধরম হয় ?

বুঝলাম। নাও, গুড়-জল খাও। নাতিটারে দেখ। উয়ার মা লাকড়ি গুড়াতে গিছে হোই জঙ্গলে।

টেনে আনবে কি করে ?

সে সব জানে। রশিতে বেক্কে টানবে ?

দে।

হরমুর ছেলেকে কোলে নিয়ে চোটি বলল, ওঃ, হরমু এসে দেখবে ছেলা কত কথা বলে। গুঁড়ানো রাখি গিছে।

কবে আসবে ?

এবার আসবে।

তীরখনাথের আশ্চর্য রূপান্তর ঘটে। আর সে ও পথে বেড়াতে যায় না। গ্রামের সকলকে মনে হয় সম্ভাব্য আততায়ী। ছগনদের সঙ্গে ও আর খাঁচামেচি করে না এবং রেল কাটা পড়ার বিপদ-মুক্তিতে বাড়িতে যে নারায়ণ পূজা হয়, তার প্রসাদ পাঠায় ছগনদের টোলিতে।

এটি প্রথম আশ্চর্য ঘটনা। ছগন বলে, মহারাজ মরবে রে চোটি। নয়তো ভাল হয়ে গেল কেন ?

ভূতের ভয়ে।

কর ভূত ?

চোটি মাটিতে থুথু ফেলে বলে, সর্বদা ভূত দেখতেছে উ। আমি ওরে মারতেছি, সেই ভূত দেখতেছে।

যা হোক, লাড্ডু ছাতু অনেক দিছে।

খেয়ে নে।

দ্বিতীয় আশ্চর্য ঘটনা ঘটে জল নিয়ে।

সকলকে অপার বিষয়ে কলে, আবার নির্বাচন আসার আগেই, কি আশ্চর্য, তপশীলী সদস্য চোটিতে আসেন এবং ঘোষণা করেন, সেটি জায়গাটির দ্রুত জনসংখ্যাবৃদ্ধি বিবেচনা করে এখানে একটি স্বাস্থ্যকেন্দ্র খোলা হবে। অচিরে। সবাই যেন সে স্বাস্থ্যকেন্দ্রের সুবিধা নেয়। তারপর জানান, জল কঠোর জায়গা এটি। অতএব ছগনদের টোলি ও চোটিদের টোলির মধ্যবর্তী অঞ্চলে একটি বৃহৎ সরকারী কুয়ো তৈরি হবে। তিনি জ্বালাময়ী ভাষায় বলেন, তিনি জানেন, উচ্চবর্ণের লোকেরা এমন সংকীর্ণচেতা, ছুয়াছুতে এমন বিশ্বাসী, যে সরকারী কুয়ো থেকেও আদিবাসী ঔর তপশীলীদের জল নিতে দেয় না। তিনি একথাও জানেন যে এরা চূড়ান্ত প্রতিক্রিয়াশীল এবং জবাহরলালের নেতৃত্বে ভারতবর্ষের উন্নতির পথে অন্তরায়। কিন্তু আদিবাসী ঔর তপশীলী লোক যেন মনে রাখে, তাঁকে নির্বাচন করে তারা সুবুদ্ধির পরিচয় দিয়েছে। সে জগ্রেই হচ্ছে স্বাস্থ্যকেন্দ্র এবং কুয়ো। কিন্ ভি চুনাও মেঁ জিতলে তিনি চোটি তক কাচ্চা রাস্তা পাকা করে চোটিকে জুড়ে দেবেন গতিময় জীবনের সঙ্গে।—এ সব বলে, ছগনের বোনের নাতিকে কোলে নিয়ে আদর করে তিনি ট্রেনে উঠে পড়েন।

আরো আশ্চর্য কথা, স্বাস্থ্যকেন্দ্রও তৈরি হয়, কুয়োটিও কাটা হয়। কুয়ো দেখেই বোঝা যায় গ্রীষ্মে জল শুকোবে। ওবু তাদের নিজস্ব কুয়ো। ছগনরা ও চোটীরা খুবই আনন্দিত হয় এবং ছগনরা নতুন কুয়ের পাড়ে বসে সারারাত “রামা হো রামা হো” জাতীয় গান গায়, আনন্দ করে।

ভীষ হরবংশকে বলে, ছোটজাতের লোক, ছোটজাতের ভালাই দেখবে। তাতেই কুয়া কাটাল।

আরে ও চুনাও মেঁ জিতল তো আপনার জগ্রে। কাল্‌না জমির দখল নিয়ে যে হাঙ্গামা করলেন! জমিতে তো এখন চোরকাটা হচ্ছে। এক টুকরো কাল্‌না জমির জগ্রে কাংগ্রেসকে চোট দিলেন।

আবার তো চুনাও আসবে।

তখন ঠিক কোনো হাঙ্গামা উঠাবেন ? বাস তখন আপনি হয়ে যাবেন অপোজিশন। বলতে পারবেন, অঞ্চল সে কাংগ্রেসকো হটা দিয়া।—হরবংশ মজা পায় ও বলে, তখন আপনি হয়ে যাবেন কম্নিস। যে কাংগ্রেস নয়, সে কম্নিস। জেহেলে ঢুকাবে আপনাকে।

এসব তুমি কি বলছ ? অপোজিশন কি ? কম্নিস কি ! এসব কথা তো আমি জীবনে শুনিনি।

সে কি, কাগজ পড়েন না আপনি ?

কাগজ ? কেন, কাগজ কেন পড়ব ?

দেশবিদেশের খবর জানবেন ?

না না, ওসব ক্যাশান আমি করি না।

তবে ট্রানজিস্টার চালান কেন ?

গান শুনি।

খবর শুনেন না ?

খবর শুনব কেন ? ও সব তোমাদের দরকার। আমার যে খবর দরকার, তা আমি ঘরে বসে পেয়ে যাই।

ঠিকই বলেছে এম. এল. এ.। আপনাদের মত লোকদের জগ্গেই ইন্ডিয়া এমন ব্যাকওয়ার্ড।

কি বললে ? বুঝলাম না।

এরপরেরকার ঘটনাটি খুবই আশ্চর্য। এক সঙ্ঘ্যায় চাটার বাস থেকে নামে হরমু। চোটি দেখে গ্রামের যত মেয়ে-মরদ ছেলোপিলে সবাই দল বেঁধে তার বাড়ির দিকে আসছে। সে ধরেই নেয় কোনো বিপদ হয়েছে। কিন্তু ভিড়টি বাড়ির কাছাকাছি আসতেই একজন ছুটে এগোতে থাকে। সামনে আসতে চোটি চোঁচিয়ে উঠে, হরমু।

ভীষণ হইচই শুরু হয়ে যায়। মা, বউ, বাবা সকলের কথা শেষ হলে হরমু বলে, ভালভাবে ছিলাম, কাজ করছি, তাতে চার মাস আগে ছাড়ি দিল। সি অফসরটো বেবস্থা করে, আর্জি দেয়, নয়তো হত না। কতজনা, কত মুণ্ডা জেহেলে আছে তো আছেই। কেন আছে তাও ভুলি গিছে, তারাদের হয়ে কথা বলতে কেও নাই।

এলি কেমনে ? বাসের ভাড়া ?

জেহেলে কাম করাত, আসার কালে মজুরির পয়সা দিছে না ?
তাতেই ভাড়া উঠল ।

ছগন হেঁকে বলল, মোরা বাস হতে নামতে তারে নিয়ে
আসতেছি, এখন হরমু ঘরে সঁজালি, মোরাদের চিনিস না ? আয়
বাহারে, মোরা লাচব, গান গাহাব ।

চোটি বা কুখা ?

চোটি বেরিয়ে এসে হেসে বলল, কাল সব হবে । আজ উ পথে
শুকায়ে আসছে, আজ তুরা ছাড়ি দে ।

না, মদ না খেয়ে যাব নাই ।

দূর পাগল, অত মদ কুখা ?

“হ্যাঁ” বল, মদ আসবে ।

বললাম “হ্যাঁ” ।

বললি তো ?

বললাম ।

এই দেখ্ ।

ছগন, পারশ, সনা, ডোন্কা সবাই বের করল বোতল ।

যার ঘরে যা ছিল, লয়ে বেরাছিলি ?

নিশ্চয় ।

হরমুর মা আনল মুড়ি ও লঙ্কা । হরমুর বউ নিমেষে মাথায় তেল
মেখে চুল আঁচড়ে খোঁপা বেঁধেছে । সে আনল পেঁয়াজ । কোয়েল
চলে গেল দোকানে । বলল, লঙ্কার গুঁড়া দিয়া কচু ভাজা বুরি বেচে,
লয়ে আসি ।

আনন্দে ও কোলাহলে চোটির আঙিনা ভরে থাকল ।

পরদিন কাজে যেতে তীরখনাথ ছগনের ছেলেকে বলল, বিশুয়া !
চোটির ছেলে ঘরে এল তাতে মুণ্ডাদের সাথ তোরা ভি মাতন করলি ?
বহোৎ নেই মহারাজ, খোড়া মজা কী ।

তোদের জাতধর্ম জলে দিতেছিস ।

নায় মহারাজ ।

যা বুঝিস ! ভাল কথা নিস না বলেই তোদের অভাব ঘুচে না ।

রশি দিন মহারাজ । বেড়াটা বেঁধে দিই ।

হরমুকে নিয়ে পরদিন সকালেই চোটি গেল জমি দেখাতে ।

ই জমিন মোরাদের ?

তিন ভাইয়ের ।

হরমু মাটিতে উপুড় হয়ে শুয়ে পড়ল, বাবার পা ছুঁয়ে । চোটি একটু বাদে বলল, কঁাদিস কেন ? পুরুষ ছেলা না তু ? পা ছাড় । কামে যাব ।

চল, আমিও যাই ।

এখন জমিটো হতে যা পারিস কর । আমি আর পারি না ।
এখন একটু শান্তি চায় মন । আর ঝামেলা ভাল লাগে না ।

এখন আমি আসছি । তুমি জিয়াও না কেন ?

তোমার কামাই খাব ?

থায় না কেউ ?

এখন খাটেতেছি, খাটি । তীরখেলাটোর জলুস উঠা দেখি সব ?
টাকাটো পেলে আরো নিতে পারবে যে জিতে ।

জমিন্ তো বিস্তর ।

না, বিস্তর জমি কুখা ?

বল কি, ফাল্‌না জমির অভাব ?

আমি জমি নিতেই লালার ডর ধরল, বুঝি বা মোরা জমিনের সোয়াদ পাই । বুঝি বা আর কেউ জমি নেয় । বাস, তখন যত ফাল্‌না জমি সব নিছে । পাই নাই ওই ফলবেপারী আনোয়ারের জমিগুলান্ ।

চাষে দিছে ?

দেয় কখনো ?

জমি নিল কেন তবে ?

কম জমিতে ফসল হবে, বেশি মানুষ উপাসে হবে । তাতে উ

করজ দিতে পারবে, আর ব্যাড়া ছাড়া আছে, তাদের বান্ধবে
বেঁধেগারীতে ।

জেহেলে অনেকের কাছে অনেক কথা শুনতাম । লিখাপড়া
হলে ভি হয় না । কাগজটো আদালতে লিয়ে পাকা করতে হয় ।

নয় তো ?

নয়তো উ কাগজটো কাঁচা থাকে ।

আদালত করতে যাই যদি, তো উকিল ধোঁকা দিবে ।

ছগনরে বা পহামরে সাধ নিলে ?

দেখি । তবে আমি বলি ক বছর দেখে লই । জমিন্ তো
রুগাভুগা পোয়াতি, রুগাভুগা ধান বিয়াছে । তুর মেহনত খেয়ে
উয়ার বল বাড়লে, ভাল ফসল উঠলে, তবেই ই জমির কাগজ পাকা
করা যাবে । নয়তো আনোয়ারের জমিন্ নিতে চেষ্টা করব আর
কাগজ পাকা ভি করব ।

দেখি । আমি তো আসছি ।

বয়স অনেক হল হরমু, এখন শাস্তি চায় মনটো ।

আর মুণ্ডারা, ছগনরা ভি বলতেছিল ঘর আসতে আসতে, উয়ারদের
মনে ভি আশা উঠছে, আনোয়ারের জমি লিতে চেষ্টা করবে ।

সে খুব ভাল । কিন্তুক হবে কি ?

পরে সব শুনেমেলে পহান বলল, জানি না । তবে ই দেখতেছি,
তু যা করিস, সবে তা করে ।

কি দেখ ?

মুণ্ডা মরে মদে, আর রংচঙা জিনিস কিনায় । আগে মুণ্ডা লোক
লোক এত মদ খায় নাই । পালায় পরবে বানাছে, খাচ্ছে । এখন
সরকারের তাড়িখানা, কিনে ভি খেছে । বীরসা ভগবানের নাম
জানিস ?

জানি ।

সে হরমদেও পহান মানত না । কিন্তুক একটো ভাল কথা
বলছিল, মুণ্ডা লোক মদ খাবে নাই ।

বীরসাইভরা খায় না।

ভাল করে। খু—ব ভাল করে। তু খাস, আমি খাই, অবর-
সবর খাব। ই কি? শরীর জল করা পয়সা চালি দিন?

কি বলছিলে?

এই তু জমিটো নিবার পর সব একে একে আসি মোরে বলে,
তবে মোরা ভি জমি নিতে পারি, কাগজ লিখাই করি? আমি দেখি
এই মোঁকা। তা জনে জনে বলছি, হাঁ, নিতে পারিস। তবে তার
পারা মেহনত কর। সনার পারা আটা সিজায়ে খেয়ে বাঁশের চোঙে,
টিনের কোঁটায় টাকা জমা। এতোয়ারে এসে মোরে হিসাব দিবি,
কে কত জমালি। আমি লিখব। তাতে দেখি টুকচে সুবুদ্ধি
হছে। তোর বিয়াই, উ ডোনকাটাতো হাড়ে অবুঝ। দি ভি ই কথা
শুনছে।

পহান!

বল।

একটো কথা মনে আসি গেল। তুমি তো হিন্দি লিখাপড়া কিছু
জান, অঙ্ক ভি জান। সারাদিন কাটে কাজে কামে, কিন্তুক বিকালে
তুমি যদি মুণ্ডা ছেলাদের টুনি শিখাও?

শিখবে? সরকারী ইসকুলে যায় না?

সরকারী ইসকুলে হেথা মুণ্ডা যাবে? দিকু ছেলারা পড়বে না
তাহলে, আর ছগনরাদের ছেলারা গেলে ভি মাস্টার খেদায়ে দিছে।
বলে ছোটজাত, ছোট কাম করবি, পড়ে কি করবি? তা আমার
মনে বুঝ উঠে, দিন বদলাতেছে। লিখাইপড়াই কাম মুণ্ডা করবে
না। সদরে মিশন হতে পড়াই শিখে বিটিরা রেজা কাম করতেছে।
এখন রেজা কামে ভি জবর টাকা।

সে সদরে। হেথা উয়াদের কিষ্ক-মহাদেব-কালী ব'ল দিছে,
বারো আনার উপরে উঠ না।

সদরের হিসাব সদরে। কিন্তুক একোটা মুণ্ডা ছেলা টুকচে শিখলে
হিসাবটো বুঝে, লিখতে ভি পারে।

ছেলারা আসবে ?

সে বাপরা দেখবে ।

হতে পারে । ছগন ভি জানে ।

সে তার ছেলাদের শিখাক ? ছগনের কাছে মোদের ছেলারা গেলে, বা তুমার কাছে ওরাদের ছেলা এলে, চাচা, লালা, সব কথ্য উঠাবে, যি এরা-ওরা এক হয়ে জানি দিকু বলোয়া উঠায় ।

দেখ্ তু । তুই বললে শুনতে পারে ।

আর এক কথ্য ।

চাল দিতেছিস ?

হরমুর খেতের ধান চাল । কেও খায় নাই । ও আসতে ধান ভানা হল । পরথম দিলাম তোমারে ।

পহানী বলল, আর তো পাখি খরা আন না ?

মিলে কুখ্য ? সব মেরে দিছে ।

আনোয়ারের জমি মেলেনি । আনোয়ার শেষ অবধি চোড়িদের লাগিয়ে জমি খোঁড়ায় ও পেঁপে গাছ, পেয়ারা গাছ লাগায় । কিন্তু মুণ্ডাদের সঞ্চয়ের অভ্যাসটি থেকে যায় । পহানের অসীম অধ্যবসায় হরমুর বড় ছেলে সমেত তিনটি ছেলে বর্ণমালা চিনে কেলে, সহজ যোগ বিয়োগ শেখে আমলকীর বিচি গুণে গুণে । এটুকুই চোড়ির কাছে মনে হয় পরম প্রাপ্তি । ছগনও বিজ্ঞাদানে উৎসাহী হয় কিন্তু অত্যধিক মারকুটে বলে তার ছাত্ররা পালাতে থাকে । চোড়ির বিষয়ে নতুন নতুন কিংবদন্তী রচিত হয় । অবশেষে, আকালের বছর শ্রমদানের বদলে খয়রাতি দানের ব্যবস্থা হলে স্বয়ং তীরখনাথ ও হরবংশ অফিসারকে বলে, চোড়ি মুণ্ডাকে ডেকে বলুন । ও ভার নিলে কাজ তুলে দেবে । হয়ে যাবে রাস্তা । কাঁচা রাস্তা মেরামতি, সে ওরা পারবে ।

শুধু মুণ্ডা কেন ?

অন্তরাও চোড়ির কথ্য শুনবে ।

চোড়ির বিষয়ে এ কথ্য বলা মানে, সে যে এখানে মুণ্ডাদের ও হিন্দু অন্ত্যজদের কাছে সমান গুরুত্বপূর্ণ, তা মেনে নেওয়া ।

অকিসার বলেন, লীডার না কি ?

হ্রদবংশ বলে, রাজনৈতিক লীডার নয়। কিন্তু প্রবীণ লোক।
লালাজীর কথা জানি না, আমি তো ওকে সামনে রেখে কাজ করতে
পছন্দ করি। জল হোক, তাত হোক, হিম পড়ুক, চোটি সকলকে
নিয়ে কাজ তুলে দেবে।

তীরখনাথ নিশ্বাস ছেড়ে বলে, হাঁ।

এমনি করেই দিনে দিনে চোটির বয়স বেড়ে যায়। সোমচরের
দ্বিতীয় বিয়ে হয়, এতোয়ার বিয়ে হয়। চোটির বয়সের কথা সেদিন
মনে হয়, যেদিন কোয়েল বলে, দাদা ? মোর মাথাটো ছুখাইছে খুব,
গা জানি পুড়ি যায়। ভিতরে সব টানতেছে, আর যেমন আন্ধার
লাগতেছে সব।

বারো

তখন ছিল সন্ধ্যা। আঁধার নামছিল চরাচরে। সময়টি ছিল
বর্ষাকাল। চোটি নদীর জলে স্রোত বইছিল গর্জনে। সময়টি ১৯৭০।
চোটি কোয়েলকে মাচাঙে শোওয়ায় ও মাথা ধুয়ে দিতে বলে।
কোয়েল মাথা নাড়ে হৃদিকে ও বলে, দাদা, এতোয়ার বুদ্ধি নাই
কুনো, ওরে দেখো।

‘চুপ যা কোয়েল। মাথায় জল দিছে।

মাথা ছুখাইছে কেন ?

জ্বর নামলে মাথা আরাম হবে।

সকল যেমুন আন্ধার।

জল থা।

জল বমি হয়ে যায় ও কোয়েল সহসা “দাদারে” বলে চোঁচয়ে
অজ্ঞান হয়ে যায়। এখন চোটির মনে হয় বড় অসহায় সে, বয়স
তার তিন কুড়ি দশ।

হরমু বলে, হাসপাতালে নিবে ?

তাই লই। কিন্তুক মাথায় জল দে।

মাথায় জল ঢেলে ঘরের মেঝের মাটি গলে কাদা হয়। কোয়েলের ছঁশ করে না। চোন্টি এখন বয়স বেড়ে ফেলে দেহ থেকে। বলে মাচাং কাট। হাসপাতাল হতে ছগনের মা এই সাতকাল বুড়ি ভাল হই আসছে।

ডাক্তার পয়সা চাবে আবা।

আমি যেছি। দিব পয়সা জোর করলে।

মুন্নি কান্না চেপে বলে, জ্বর সকালে হছিল, হাটে গেল জোর করি। এত মানলাম, তা মানল না।

আমি জানি ? কাট মাচাং, ছেলারা চল।

অচৈতন্য কোয়েলের কাছে মুখ নিয়ে চোন্টি আকুল উৎকণ্ঠায় বলে, তোরে হাসপাতালে নিই কোয়েল, তোরে আরাম করি আনব।

মাচাং কাটা হয়। কোয়েলকে শুইয়ে চোন্টি কাঁথা চাপা দেয় ভাইকে। বলে, জল নামতে পারে। সব এক হাতে চেপে রাখিস উয়ারে। হঠাৎ হোঁশ এলে চমক থাকে, পড়ি যাবে।

মাচাং নিয়ে ওরা বেরোয় ও সাবধানে চলে। চোন্টির মুখে কথা নেই। স্বাস্থ্যকেলটি ওদের বাড়ি থেকে দেড় মাইল দূরে। হরমুর ছেলে সঙ্গে যায় লঠন হাতে। চোন্টির বউ ডেকে বলে, আমি যাব ?

চোন্টি বলে, না না, ঘর ধরে থাক।

ডাক্তারকে ডাকতে হয় বাড়ি থেকে। কোয়েলের ঘাড় শক্ত হয়ে গেছে দেখে ডাক্তারের মুখ শুকিয়ে যায়। তিনি বলেন, চোন্টি কোয়েলকে বড় হাসপাতালে নিতে হবে। আমার কাছে কোনো ওষুধ, কোনো ইঞ্জেকশান নেই।

কি হচ্ছে উয়ার ?

মনে হয়, মেনিন্‌সাইটিস।

তাতে মানুষ বাঁচে ?

বড় হাসপাতালে নাও।

ছেলেৱা চোন্টির দিকে চায় । এ সময়ে ওদের মানসিক বিপর্যয়কে প্রতীকী করে বৃষ্টি নামে । চোন্টি নিমেষমাত্র ভাবে ও বলে, হাসপাতালে নিব তোহুৱিতে তা গাড়ি তো সকালে ।

তাও তো বটে ।

চোন্টি সহসা বিদ্বাৎস্পৃষ্ট হয় ও বলে, তুৱা আন উয়াৱে, আমি বাই । যেমুন ঝাঁকানি না লাগে ।

কোথা যাও বড় আবা ?—এতোয়া বলে ।

মালগাড়ি ধামাই । হাসপাতাল তক যাতে জীয়ে তেমন খুঁই-দাওয়াই দিতে পার না ? তবে ডাক্তার কিসের ?

ডাক্তারটি তরুণ এবং এখনো মানুষের বাথাবেদনা বোঝে । বলে, দিচ্ছি । তুমি যাও । আমিও আসছি ওদের সঙ্গে । হাসপাতালে চিঠিও দেব ।

চোন্টি স্টেশন পানে ছোটে এবং স্টেশন মাস্টারকে ধরে । অবশেষে অলৌকিক সম্ভব হয় । কোয়েল মুণ্ডাকে নিতে মালগাড়ি ধামে । গার্ডের কামরায় শোয়ানো হয় কোয়েলকে । স্টেশনমাস্টার বলেন, তুমি বললে বলে এ কাজ করলাম । অস্থ্য কেউ হলে করতাম না ।

হাঁ মহারাজ ।

ট্রেনে বসে চোন্টি বলে, লালারে হরষড়ি পৌঁছাতেছে মালগাড়ি ধামায়ে, এখন বলে তোৱ লেগে ধামাছি ।

গার্ড বলে তোমার জন্তেও ধামাল তো ।

নিশ্চয় । সি আমি ভুলব না ।

লোক ভাল ।

হাঁ মহারাজ ।

তোহুৱিতে নেমে হাসপাতাল । ডাক্তারের কাগজ দেখিয়ে অবশেষে ভর্তি করা । দেখেই ডাক্তার বলেন, আরেকটা এপিডেমিক কেস ।—তাঁর মুখ দেখেই হয়ে যায় চোন্টির ।

বাঁচবে মহারাজ ?

বাও যাও, কাজ করতে দাও আমাদের।

চোটিয়া বাইরে বসে এবং এখন চোটি বলে, হরমু, শোন।

কি, আবা ?

তু আর এতোয়া চলি যা।

এখন ?

যেতে তো হবেই বাপ। বুঝিস না, কোয়েল উঠবে না আর ?
আমি বুঝে নিছি ডাক্তারের মুখ দেখে।

দেখি কি করে।

দাদা বিনা কিছু জানে নাই।

বুষ্টি পড়ে। প্রতীক্ষা করে থাকার দুঃসহ রাত। সকালে চোটি
অনেক কথাই জানতে পারে ওয়ার্ড বেয়ারার কাছ থেকে। খুব হচ্ছে
এ অনুখ। হাসপাতালে সাতটা কেস এসেছে, কেউ বেঁচে ফেরেনি।
এখন চোটির বরাত। রুগী কেমন আছে ? বেঁচে আছে। বেহোঁশ।
ডাক্তার চেষ্টা করছে।

দুপুরে কোয়েল মারা যায়। দাদা ছাড়া কিছু জানত না ও।
মা বলে গিছে দুভাই এক সাথ থাকবি। চোটি মেলায় জিতলে
সেদিনও নেচেছে। হাতে জামা একটা কিনেছিল ডোনকার পাকে
পড়ে। দাদা কি বলবে বলে গায়ে দেয় নি কখনো। সংসারটা
বেঁধে তুলবে বলে হরমুর মায়ের ডান হাত হয়ে খাটত। হরমু জেলে
যেতে দুদিন খায়নি কিছু। দুঃখের দিনে দুভাই একটা কাপড়
কেড়ে পরত। সবই তো দুঃখের দিন। নিজেদের খেতের ধান
উঠতে বলেছিল, দুখের দিন কাটি গিছে, নয় দাদা ? দাদা ছাড়া
কিছু জানত না।

হরমু ও সোমচর চলে যায় গ্রামে। মুণ্ডাদের নিয়ে ক্লিন্নতে
ক্লিন্নতে সঙ্কে হয়। কেঁদে কেঁদে এতোয়া ঘুমিয়ে পড়ে। চোটি
জেগে থাকে। মুণ্ডিকে কি বলবে। কোয়েলের জন্তে কাঁদতে গিয়ে
সে যদি বলে, সেই তো মরে গেল। তবে তাকে হাসপাতালে
নিলে কেন ?—তখন কি বলবে ? ঘুম পায় না চোটির। মনেও

, থাকে না, কাল ভোরে উঠেছিল, আজ এখন অবধি ছ চোখ বোজেনি একবার। বুকের নিচে ভীষণ তাগিদ। চোড়ি জানে, কোয়েলকে সমাধি না দেওয়া অবধি ওর চোখে ঘুম আসবে না। এখন সামনে ওর অনেক কাজ। সনারা এসে পড়ে। ডোনকা বলে, তু চলি যা টেরেনে। এতোয়াও থাক। মোরা বহে লিব।

না, হেঁটেই যাই।

অনেক সময় যাবে।

আর তো তাড়া নাই। এখন সময় বাঁচায়ে কি করব?

চোড়িকে অত্যন্ত শাস্ত দেখে সনা বলে, বুক পাষণচাপা হই গিছে।—সে কথা শুনে চোড়ি মুহূ হাসে এবং চাটাই কিনে এনে ঘরের চালের মত কোনা করে চালা তৈরি করে। সেটি কোয়েলের উপর বসিয়ে দেয়। বলে, বর্ষা নামলে জলটো বহে নামি যাবে। ভিজলে ভারি হবে আরো।

পথে রুষ্টি নামে। পথ অন্ধকার, তবে চেনা। চেনা পথ আজ অফুরান হয়। বিছাতের আলোয় পথ দেখে দেখে ভোর নাগাদ ওরা গ্রামে পৌঁছয়। ক্লাস্ত একটানা কান্না ওদের অভ্যর্থনা করে। বাড়িতে ঢুকে কোয়েলকে নামিয়ে চোড়ি বলে, বাস উঠি গিছে। অমুদের বাস ছাপায়ে বাস ডাকে। পহানরে ডাক।

স্নাত ও নববস্ত্র পরিহিত কোয়েল মুণ্ডা নতুন খাটুপি চেপে মুণ্ডারী শৌসানে যায়। তার রোয়াঁর জন্তু চাল-পয়সা নতুন গামছা সঙ্গে দিয়ে তাকে সমাধিস্থ করা হয় পহানের সাহায্যে। ঘরে এসে চোড়ি বলে, তুরা যা, আমি কোয়েলের তরে এখন কাঁদব। মুংরি দোষ মানিস না, তু মোর বিটিটো এখন, কিন্তুক মোর দেহ হতে ছোঁয়টো তকাত করি দিছে যেমুন, কান্না না কানলে মরি যাব।

সকলেই কাঁদে। হরমুর মা বলে, মোর সাধ এক বয়স বা হবে, কুনো দিন কথা কথি বলে নাই। কুনো দিন ঘর ছেড়ে শোয় নাই, মোর স্বাক্ষা বিনা থায় নাই। এমুন বাদলে শিয়াল বারায় না, সে কেন শৌসানে শুয়া?

কেঁদে কেঁদে ওরা ঘুমিয়ে পড়ে। চোড়ির ঘুম আসতে এখনো দেয়ি হয়। মনে হয় আর কিছু পারবে না ও, কোনো কাজ। বয়স অনেক হল। এখন মনে পড়ে, বাপ গলায় দড়ি দিতে কোয়েল বলেছিল, অনাথ তো হই নাই? দাদা আছে, নয়?—অফুটে বলে, বড় ভরসা করছিলি, দাদা তোরে বাঁচাতে পারল না।—চোথ কেটে জল নামে ওয়। বাইরে বৃষ্টির শব্দ। সামাজ্যটো বঁস গেলি শোঁমান-বুরু দিব, চোড়ি অফুটে বলে। কোয়েল এখন তার খুব কাছে। বৃষ্টির মতই ঘন ও সিক্ত ও চরাচরব্যাপী। তু ভাবিস না, এতোয়া, মুঁরি, সব্বারে বুকে কলি রাখব।—চোড়ি কোয়েলকে বলে। জমিটোতে হরমু সোমচরের যণ, এতোয়ার তত হক,—চোড়ি আবার বলে। এখন শোনা যায় সহসা ছঁ-উ-উ-উ বোবা কারা, দীর্ঘায়িত আর্তনাদ কার। যুক্তি চলে যায়, উৎকর্ণ প্রত্যাশায় দরজা খোলে চোড়ি, কোয়েল আলি?—বুড়ো কুকুরটা ঢুকে পড়ে ঘরে। বৃষ্টিতে ভিজছিল।—শো হেথাক্, ভিজা গিহিস?—চোড়ি কুকুরটিকে আদর করে এবং সহসা ঘুমিয়ে পড়ে শিশুর মত। পরদিন সকালে উজ্জল রোদ সিক্ত ধরনীতে। বেলায় ঘুম ভেঙে বাইরে দাঁড়িয়ে গাছের স্নান করা পাতা, উজ্জল রোদ দেখে বুক কেটে যায় চোড়ির। ঘরের আড়ার বাঁশ ছহাতে ধরে :স হোহো করে সাস্থনাভীত শোকে কাঁদে। কোয়েল নেই। সব শূণ্যতা চোড়ির পরিবারে, বিশ্বচরাচরে কাঁক নেই কোথাও। সব যেমন-কে-তেমন রইল ?

পহান পরে বলেছিল, সিধা হাসপাতালে নিল চোড়ি। বা-বাতাস লাগছিল বুঝি বা। মোরে তো দেখাল না একবার।

হাসপাতালে কত জনা মরল, চোড়ি সনাকে বলে। তারপর বলে, এখন তো হাসপাতালে জাহ মস্তুর দেখি। চেচক হয় না, হায়জায় মরা মাহুয় জীয়ে কিরে। পহানরে বলি নাই, তারে মানি না বলা নয়। তখন মনে হছিল দেয়ি করব না আর।

বা-বাতাসের ষিওরিটি নস্তাৎ হয়ে যায়। কেননা এপিডেমিক মেনিন্জাইটিসে মারা যায় তীরখনাথের গোমস্তায় ছেলে, স্টেশন-

মাস্টারের মেয়ে, খুবলালের স্ত্রী। সনা বিজ্ঞের মত বলে, যোগটা ভাল নয়।

কোয়েলের সমাধিতে উপযুক্ত অনুষ্ঠানে স্থাপিত হয় শৌসানবুরু। চোটি বলে, আমি মরলে হোখা মোরে সামাজ্য দিবি হরমু। কোয়েলের পাশে।

সমাধিক্ষেত্রটি খুবই সুন্দর। পিয়াল গাছে ঘেরা, ছায়াঢাকা।

সকলই গল্পকথা চোটি মুণ্ডার জীবনে। এখন তার গল্প ক্রমে অতিলৌকিকে পৌঁছচ্ছে। মুণ্ডা নরনারী সমস্ত অঞ্চলে গ্রামে গ্রামে ছেলে ঘুম পাড়াতে বলে, সি এক চোটি মুণ্ডা আছে। তীর মেয়ে সে তার লালারে জ্বল করিছে। তাহার ভয়ে গোরমেন্ কাগজ করি তারে জাঁম নিতে দিছে। ভাইরে যখন ব্যামো ধরে, তীর মেয়ে চোটি রেলগাড়িটো ধামাই দিল। সে সব পারে।

কোয়েলের মৃত্যুতে দীর্ঘদিন চোটি যেন সবার চেয়ে শূণ্য থাকে। মুংরি একদিন রুক্ষ চুলে তেল দেয়, সোডায় কাঁধাকানি সিদ্ধ করে কাচতে যায় নদীতে। হরমুর মা আঙিনায় মরিচ-বেগুন-কুমড়ো আজ্ঞাতে ব্যস্ত হয়ে পড়ে। হরমু, সোমচর ও এতোয়া যায় জমিতে। হরমুর মেয়ে দেখে এতোয়ার ছেলেটিকে। এতোয়ার বউ রান্না করে। হরমু ও সোমচরের দুই বউ ছাগল চরাতে যায়। হরমুর ছেলে যায় গাই গরু নিয়ে। অনেক কাজ চোটির। জলে রোদে কাজ, মাখালগুলি বাঁধতে হবে, লণ্ঠনটা ঝালিয়ে আনতে হবে, কাস্তে দুটোয় বাঁট তৈরি করতে হবে। বর্ষা তো গেল বলে। কাজে বেরোতে হবে আবার। কিন্তু সব যেন শূণ্য লাগে সকল সময়ে। এ সবই সে করত।

সংসারের টানাপোড়েন থাকে অব্যাহত। চোটির বউ বলে রাতে, মুংরির মনে এখন আগু বোধ হচ্ছে। নিজের কথা ভাবতেছে।

কি রকম?

বলে মুরগি পালি আমি, ডিম এখন হতে বেচব, পয়সা রাখব।

এখন হতে নিজের কথা নিজে ভাবতে হবে। সে নাই। ছেলা বোকাটো।

যা চায় করুক।

তারে বুঝাতেছে কে? এতোয়ার বউ।

কি বুঝায়?

তার বাপের জমিন আছে। সে বাপের ছোট বিটি। ভাই নাই, ছ বোনের হক। বলে, সেখা যেয়ে থাকলে বা হয়।

তুই বা আমি তারে যেতে বলব না। নিজে যেতে হয়, যাবে। সংসারটো ভাঙি যাবে?

গেলে যাবে।

তুমি বলবে না কিছু?

না। কিছু বলব না। এতকাল সুখেদুখে কাটায়ে তার যদি মনে হয়, বেটার খুশুরবাড়ি। তার বেশি আপনার, তাহলে বললে মানবে?

ছ মাস কাটে নাই যে।

তোর মনটা দুখায়?

খুব। ছাতুর শরবত খেতে পারি না, সে ভালবাসত।

এখন ঘুমা।

চোটের মনে হয়, কোয়েল না গিয়ে সে গেলেই ভাল হত। মুংরি কথা শুনে তার মনে জাগে অস্বস্তি। মুংরি কথাগুলি বলে থাকবে তাও সে বিশ্বাস করে, কেননা হয়মুর মা মিছে কথা বলে না। কিন্তু মাঝেমাঝে যা বলুক, মুংরির কাজের মধ্যে কোনো অশ্রদ্ধা দেখা যায় না। মুরগি পালনের ভার সে বহুদিনই নিজের পেরে নিয়েছে। ডিম বেচা পয়সা সে রাখে কিনা তা জিগ্যেসও করে না চোটি। কিন্তু একদিন ওকে অবাক করে এতোয়া এনে দেয় একটি পয়সা বোঝাই টিনের কোঁটো। বলে, মা বলে আরো জমি নিতে। এতে মা সত্যের টাকা দশ আনা জমাছে।

মা বলল জমি নিতে?

মুন্নি এসে দাঁড়ায়। খড়ের দড়ি বুনছিল ও, জালার গায়ে এ দড়ি জড়িয়ে দিয়ে জল ছোটালে জালার জল ঠাণ্ডা থাকে, খড়ের চাল বাঁধতে দড়ি লাগে, কলসির বিড়েও হয়। খড় পাকাতে পাকাতেই শান্ত ও সহিষ্ণু, ঈষৎ বেদনার্ত চোখ দুটি তুলে চোটির বউকে বলে, ছেলে তিনটা ঘরে। সে বলছিল, আরো ভি জমি নিব।

কোয়েল বলছিল ?

হাঁ।—মুন্নি বোবা পশুর মত মাথা নাড়ে ও চোটি এখন দেখে, মুন্নির সাদাটে চোখে বিস্তৃত গভীর বেদনা। মুন্নি বলে, হরমুর মায়ের দিকে চেয়েই বলে, কেন না খুব দরকার না পড়লে ও চোটির সঙ্গে সরাসরি কথা বলে না। মুন্নি বলে, বলছিল, আমি আর দাদা যখন রব না, কে কেমন ভাব-ভালবাসায় রবে কে জানে? হয়তো বা অভাবের তাড়সে ঘর ছাড়ি যাবে। তাই, জনা জনা জমি রলে চিন্তা রবে না।

জমি যা আছে তাতেও চিন্তা রবে না—চোটি বলে।

সোম্নিটো, এতোয়ার বউটো বাপের জমির কথা বলে।

আমি এতোয়ার সাথ কথা কব।

মুন্নি এবার খুব স্পষ্ট করে বলে, এতোয়ার বুদ্ধি নাই।

আমি বলব।

সে বলছিল দাদারে ধরে থাকতে।

চোটি আস্তে আস্তে বলে, জমির খোঁজ নিব। এখন তো জমি দেখি না। পয়সা থাকুক এখন। মুরগি হতে পয়সা জমুক। দরকারে নিব।

হরমুর মা কোঁটোটি হাতে নেয় ও মুন্নির হাত ধরে ওধারে নিয়ে যায়। চোটি বোঝে, মুন্নির মনে এখনো শোক প্রবল। হেঁকে বলে, আমি থাকতে এতোয়া যা বলবে তা হবে না। আমি তার খণ্ডরের সাথ কথা কব।

সব শুনেমেলে পহান বলে, কথা খারাপ কি? তার খণ্ডরের, পরমাতোর চার বিঘা জমি। এতোয়া না নিলে তার ভাইয়ের

ছেলারা নিবে। তু “না” বললে এতোয়া নিবে না। আর পরে উয়ার মনে ছুখ উঠতে পারে, হতে পারত জমিন্। আমি খিতু হতে পারতাম, জেঠা দিল না।

চোটির মনে কথাটি ধরে। সে কথাই সে মুংরিকে জানায় ও মুংরি অবাধ্য জেদে মাথা নেড়ে বলে, তা হতে দিব না।

প্রশ্নটি অসীমাসিত থেকে যায়। এ ভাবেই চলে জীবন। সোম্চর, এতোয়া, জিতা ও ছখন আবাব যেতে শুরু করে মেলায় মেলায়। কখনো বা জেতে। জিতা বলে, ই কাজটো ছাড়ব নাই। চোটি গ্রামের নামটো উঠাই দিছে চোটি মুণ্ডা, তা কেউ না জিতলে নামটো ডুবি যাবে।

এ ভাবেই চলে দিন। গাছ কাটার কাজ এখন দূর দূর জঙ্গলে পড়ে। সে জঙ্গলে কাঠ কাটতে গিয়ে চোটি দেখে নরসিংগড়ের মুণ্ডাদের। খুবই অবাক হয় সে, বলে, তুয়া ইখানে ?

মুণ্ডাদের নামে বৈচিত্র্য খুবই কম, কিন্তু প্রথম বিশ্বযুদ্ধের কালে জন্মে, অথবাব পড়া মাস্টার নাম দেবার ফলে, একজন নাম পেয়েছিল জার্মান মুণ্ডা। “জার্মান” নামটিই সে বহাল রেখেছে, এবং বারের নামে নাম “বুধনা” নামটি পরিহার করেছে। সেই জার্মান মুণ্ডা বলে, কেন ?

গাছ কাটতেছিস ?

তুমার বুদ্ধিতে মোরা বাঁচলাম।

কি রকম ?

তুমু পথ দিশালা। আগে সাহস পাই নাই।

কি রকমে, তা বলবি তো।

আগে ভাবিও নাই মালিকের কাম করে আন কাম করতে পারি। তুমারে সামনে রাখি চোটি গ্রাম পথ দিশাল। এখন সকল গ্রামে সকল মুণ্ডা বেঠবেগারী ভি দেয়, মালিকের আবাদ ভি দেখে,—সকল ভাগেজোখে। তা বাদে গাছ কাটার কামে ভি লাগি গিছে। পাঁচ সিকা রোজ, কামাই ভি হতেছে।

শুধা মুণ্ডা ?

ওরাও করতেছে ।

ভাল ।

মোরাদের কিছু ছেলা গিছে ঠিকাদারের কাঠ চিরাই কারখানায় ।
তারি আরো কামায় । হু টাকা রোজ । ঠিকাদার ভি খুশি । কেন
কি, আদিবাসী জানে না কাম চোরাই । আমরা ভি খুশি ।

এতে চোড়ি আশ্চর্য আনন্দ পায় ও কোয়েলের জন্ত প্রবল হুঃখ
বোধ কিঞ্চিৎ কমে যায় তার । জার্মান মুণ্ডা বলে, তুমু আরো পথ
দিশালা । মোরাদের ভাগত মুণ্ডা আর নাগ মুণ্ডা ফলনা জমি নিছে,
কাগজ ভি করছে । মোরাও সেই আশে আছি । জঙ্গলের ভিতরে
জমি আছে ।

দিবে ?

বলতেছে পাঁচ বছরের তরে দিতে পারে ।

তা বাদে ?

মোরাদেরই দিবে । তবে নতুন করি জমা নিতে হবে, আর বেশি
টাকায় ভি । তবে জমিটো ফলনা ।

তাই নে ?

এখন মালিক টু'নি নরম পড়ছে ।

বিস্বাস নাই । তবুও নে ।

দেখা যাক । তুমু মোরাদের অনেক করলা ।

আমি কি করলাম ?

তুমুই করলা । তুমার নামে ভাগত বেশ গানটো বাঁধছে হে'
একদিন লয়ে যাব, শুনাব ।

শুনব ।

কয়েক মাস বাদে ভাগত ও নাগ কিছু ভুট্টা নিয়ে এসে চোড়িকে
দিয়ে যায় । বলে, মোরাদের খেতের ফসল ।

পাগল তুরা । মোরে দিস কেন ?

তুমু খেলে মোরাদের ভাল গো ।

এই ভাবেই চোটির বয়স হয় তিন কুড়ি বায়ো। এতোয়ার শ্বশুর মরে যায় বলে চোটি নিজে যায় সে গ্রামে। মুংরিকে বুঝিয়ে-বুঝিয়ে এখন সেই পাঠায় এতোয়াকে সেখানে। বলে, এখন তাকে যেতে হয়। উয়ার বউ কেন বাপের জমি হতে বন্ধিৎ হবে? যখন যেমন অবস্থা, তখন তেমন কামটো করিবার লাগে। নয়তো বোকা বনে মানুষ।

এতোয়া খুবই কাতর হয় ও চোটিকে বলে, মোরে দূরে সরাই দিছ বড়-আবা? মোর ছেলা তুমার ছেঁয়ায় বড় হবে না?

চোটি সম্মুখে বলে, পাগল হলি বাপ? তু মোর কোয়েলের ছেলা, তুরে আমি দূর সরাই দিতে পারি? তু যেথা রবি সি আমার ঘর। চোটি গ্রাম বিনা যাবার ঠাই ছিল নাই, এখন আরেকটো যাবার ঠাই হল। তুরা আসবি, মোরা যাব। তুর শ্বশুরের মোষ ভি আছে। যেয়ে দই খাব।

মুংরি কিছুতে যেতে চায় না। শেষে চোটি বলে, তোরা দু শ্বশুড়ি যাবি। যেয়ে সংসার গুহাই দিয়া আসবি। ঘরে বউরা আছে, রান্ধবে, খেতে দিবে।

ধাকব নাই।

মুংরি বলে ধাকব না, কিন্তু কার্যকালে সে ও হরমুর মা তিন রাত্রির থেকে আসে। চোটি মুণ্ডার বউ ও ভাইবউ হিসেবে ওরা ঠাকুরসেবা পায়। এতোয়ার শ্বশুড়ি বলে, আমি ই জামাইটো আনব বলি খুব মন চুখাছি। ই এলে জ্যোঠা আসবে। মোদের কত পুণ্য হবে গো। সে এখন সবার ভরসা। তুমরা হেথা পরবে এলে দেখবে তার নামে কত গান হয়।

মুংরিকে ওরা থেকে যেতে বলে, কিন্তু মুংরি বলে, ঘর ছাড়ি ধাকতে লারি গো। এতোয়ার বড় মা না রাকলে খেতে লারি, এতোয়ার বাপ বলি গিছে ঘর ছাড়িস না কখনো। তুমু যার কথা বল, তারে দিনে একবার দেখলেও ধড়ে জীউ রয়। এতোয়ার বাপ মরতে বলেছিল, মুংরি! তু মোর বিটিটো হলি। তা রান্ধী বিটি বাপ মা ছেড়ে রয়?

ছেলা হেথা ।

থাকুক । আসব যাব, দেখব ।

এতোয়া মা ও জেঠি চলে আসার সময়ে কাঁদে ।

প্রথম প্রথম খুব থাকে যাওয়া-আসা । তারপর ক্রমে এতোয়ার মন বসে নতুন জায়গায় । চাষের কাজ যখন থাকে না, তখন সেও আসে জঙ্গলের কাছে । কিন্তু গ্রামে আসা থাকে না ঘন ঘন । মুংরি মাঝে মধ্যে যায় কিন্তু পরদিনই ফেরে । বলে, হোথা এমুন নদীর পাহাড়ে ভি ঘর নয়, এমুন বাতাস চলে না, মোর হাঁপ ধরে জানি, ঘুম লাগে না চক্ষে ।

হরমুর ছোট ছেলে বরং ঘন ঘন যায় । নিজের কাকার চেয়ে এতোয়ার ওপর ওর টান বরাবর বেশি । এতোয়ার ছেলেটিও ওর খুব প্রিয় । এতোয়ার ঘরদোর একদিন দেখে আসে চোঁটি । দেখে এসে বাড়িতে বলে, মুণ্ডা যেমুন সুখে থাকবার কথা ভাবতে পারে, তেমুন সুখে এতোয়া আছে । জমিটো কলুনা, মোষটো ভি ছুধ দিছে, উয়ার শাশুড়ি আছে বড় বিটির জমিটোর ফসলে । কুনো সাতেপাঁচে আসে না উয়াদের মাঝে । দই বেচা পয়সা ভি এতোয়ারে দেয় ।

মুণ্ডাবিটি দই বেচে ?—বউ বলল ।

শিখ্ছে গোয়ালাদের কাছ হতে । আমি সিটো ভাল মনে করি । যখন যি কাম করলে চলে, তখন সি কামটো করতে হবেক ।

এতোয়াটো বড় নয়ম । উরে কেউ তো তাসে না ?

না না, আমার নামে মান পায় খুব । পরবে-পূজায় ওরে সামনে রাখি সকলে সকল কাম করে ।

বউটো হেথা ছিল আমাদের ছেঁয়ায় ।

কামটো তো করত ? সকলই করতেছে । হেই পিঠে ছেলা বেঁধে এতোয়ারে ঘাটো পৌঁছায়, হাটে চলি যায় । দিকুদের কাছে দেখে শিখ্ছে বুঝি, মোর পায়ে জল ঢালি ধুয়ায়ে দিল ।

ভাল রলেই ভাল । তবে ঘরটো গুন্ হই গিছে । সে বাপের মত টুইলা বাজায়ে গান করত কত । হরমুর ছেলাটো ভি তেমুন নয় ।

হরমুর মা ! মুণ্ডা ছেলা আখারায় লাচবে, টুইলা বাজায়ে গান গাবে, তেমন দিন কি আছে ? যা ছিল মুণ্ডা জীবনে রীতকরণ, সকল এখন তুলা থাকে পরব-পূজার লাগি। তু তো কেমন নাচছিলি মেলায়।

ধুর ! বুড়া মানুষ লয়ে তামাশা।

আমি তো তুরে বুড়া দেখি না।

ধুর, মাজা কোমরে বেধা যায় না।

বাঘের চৰ্বি তো তুলা আছে।

টু'খানি। তুমি যেমন সবারে ডাকি ডাকি দিছ এককালে।

তখন কি জানি যুদ্ধ হবে কুখা, আর হেই আজাদী ! জীপ হতে মারি মারি বাঘ সকল নিবংশ করি দিছে।

হাঁ। মাংস খাবার সুখ গিছে। বরা-হরিণ নাই।

কিছুই নাই।

তাই হুখ উঠে, আমারদের নাতিরা এমন সময়ে জোয়ান হবে, যখন তারাদের কিছু দেখায়ে বলতে লাগব, এইটো আমরাও দেখছি।

ওই নদী, পাছাড়, জঙ্গল দেখবে।

জঙ্গল ! যে গাছ কাটতেছ তোমরা।

এখন কাঠের দরকার যে খুব।

কিসে ?

এখন গোমো হতে ডালটনগঞ্জের মাঝে কতগুলো জায়গা কত বড় হচ্ছে। এত বাড়ি হতেছে, কত দরজা-জানলা-খাট হয়।

মানুষের পয়সা খুব।

যার পয়সা তার। মোরা লেংটি পরব, ঘাটো খাব, দূর হতে দেখব, চলে আসব। মোরাদের আর কিছু হবার নয়।

যাক, বাঁচি তো আছি।

বাঁচি তো থাকতেই হবে। সকল মুণ্ডা মরি গেলেও দিকুদের কিছু হুখ নাই। তারা খুশি হবে। মোরা এততে মরি না দেখি উয়ারা আশ্চাজ্ঞ মানে। ভাবে ইয়ারা পাথরে গড়া বুঝি বা। দে, ছুটা ছাত্ত

গুলি দে। সনার মা তখন বাঁচছে, ইবার মরে বুঝি। জ্বর, হাত পা ফুলছে খুব। একবার যাই।

সনার মা মরে যায় ক দিন বাদে। তাকে সামাজ দেওয়া হয়। এ সময়ে চোটি অঞ্চলে লাগে বিদ্রোহ চমক। ট্রেনে আসে স্পেশাল পুলিশ, নেমে পড়ে চোটিতে। অঞ্চলটিতে ছড়িয়ে পড়ে কাদের যেন খোঁজে এবং প্রয়োজনীয় খবর স্টেশনমাস্টারকে দিয়ে স্টেশনে হুজন পুলিশ মোতায়েন করে চলে যায়। চোটিতে কোনো খবরই গোপন থাকে না। সকলেই কানাকানি করে কথা বলে। স্টেশনমাস্টার চোটি ও ছগনকে ডাকেন, হুজন বাবু ছেলে, দুর্গাপুর থেকে পালিয়ে এসেছে এ দিকে। পুলিশ মনে করে, তারা হুজনে অথবা একজন পালিয়ে এদিকে এসেছে। সে রকম কাউকে দেখলেই ধরিয়ে দেবে।

তারা কি করেছে মহারাজ ?

আরে তারা নকশাল ছেলে।

কি নামটো বললে মহারাজ ?

নকশাল।

ছগন বলে, জানি জানি। ওরা জোতদার-মালিকদের কাটে, বন্দুক ছিনায়, পুলিশের সাধ লটাই উঠায়। সেদিন ধানাতে গিছলাম বেগুন বেচতে। ওদের কথা শুনে এসেছি। কিন্তু মহারাজ, তারা তো এখানে নেই ? সে সব হাজ্জামা তো অস্ত্র জায়গায় হয়েছে।

না না, পাহাড়ে জঙ্গলে লুকাচ্ছে যে পারছে। ধরিয়ে দিলে টাকাও পাবে ধানা থেকে, বুঝলে ?

তাদের ধরবে বলে পুলিশ দাঁড়িয়ে আছে ? বাপরে বন্দুক ! গুলি চালালেই মানুষ মরে যায়।

ধরবে কি মারবে, তাতে তোমার কি ? তোমরা হুজন তোমাদের সমাজের মাথা, তাই বললাম। জঙ্গলেও তো যাও।

বেরিয়ে এসে চোটি বলে, ওরা জোতদার-মালিকদের কাটে ? কেটেছে ? তুই জানিস ?

ধানা সিপাই তো বলল, অনেক কেটেছে।

কোথায় ?

আমি জানি ?

ধরলে তাদের মারবে ?

আমি জানি ?

চোন্টি বলে, দেশ বা কত আছে, কিছুই জানি না। সকল জায়গাতেই মালিক-মহাজন আছে তাহলে ?

তারি এসে মোদের লালারে কাটে না কেন ?—এ হেন দায়িত্ব-হীন মস্তব্য করে ছগন চলে যায় ঘরে। চোন্টি পথে তার নাতিকে দেখে বলে, ঘরে যেয়ে বল্গা, আমি শৌসানে টু'নি বসে তবে যাব।

কোয়েলের সমাধির কাছে মাঝে মাঝেই গিয়ে বসে ও। আজও গেল। নির্জন ছায়া ঢাকা সমাধিক্ষেত্র। বড় বড় পাথরগুলি দাঁড়িয়ে আছে শুধু। এখানে এসে বসলে চোন্টি কোয়েলকে যেন খুঁজে পায়। বৃকের মধ্যে শাস্ত হয়ে আছে সব। ভাল লাগে চোন্টির।

সেখানেই ও দেখে ছেলেটিকে। নিচে কারা সমাহিত সে বিষয়ে কিছুমাত্র না ভেবে ছেলেটি ভোনকা মুণ্ডার বাবার বুরুতে পিঠ লাগিয়ে মায়ে বুরুতে পা ছড়িয়ে বসে আছে। দেখতে শীর্ণ, চোখে চশমা। খালি পা, প্যান্ট ও জামা পরনে। দেখে মনেও হয় না এর দ্বারা কোনো মালিক-মহাজনের মুণ্ডচ্ছেদ সম্ভব। অবশ্য পুরাণকে দেখে বা কে বলবে সে নায়েব মেরেছিল। ছেলেটি ওকে দেখে চমকে ওঠে ও নিমেষে সতর্ক ও ক্রিপ্র হয়।

চোন্টি বলে, হোথা হতে নাম।

কেন ?

ওটা মোরাদেয় শৌসানবুরু।

ছেলেটি নামে।

আরেকজন কুখা ?

ছেলেটি কখা বলে না। চোন্টিকে দেখে।

কখন আসছ ?

কাল রাত থেকে এখানে আছি। এটা কোন্ জায়গা ?

চোটি।

এখান থেকে রাঁচি কতদূর ?

অনেক দূর।

একবার পৌঁছতে পারলে...

টিশনে পুলিস।

পুলিস!

হাঁ। যে দেখবে সে ধরা করালে টাকা।

বুঝলাম। তুমি ?

আমি চোটি, চোটি মুণ্ডা। তুমারে ধরা করাব নাই। কিন্তুকি করি। হেথা বা এলে কেন ?

মালগাড়ি থেকে লাফিয়ে নেমেছি।

আরেকজন কুখা ? দুজনা ছিলে।

সে এখানে নামে নি।

হেথাক বা এলে কেন ? হেথা কুনো বাহায়ের লোক এলে চোখে পড়ে। কেন বা এলে ?

পুলিস দেখলেই গুলি করবে আমাকে।

চোটির শুধু মনে হয়, বড় বয়স হয়ে গেছে ওর। হাতে করে একটা মানুষকে গুলি খাবার জগে পুলিশের হাতে তুলে দেওয়া যেমন সম্ভব নয়, তেমনি সম্ভব নয় ওকে নিরাপদ কোথাও পৌঁছনো। কি করি ? মনে মনে ভাবে চোটি, এবং অবশেষে মনস্থির করে।

বলে, আঙ্কায় হোক। বস তুমি।

কি করবে ?

মোর ঘরে লয়ে রাখব।

তারপর ?

টুনি আগায়ে দিব।

কোথায় ?

তোহরি হতে সদরের পথে । ছিপায়ে থাকবা । কাঠের লন্নি
যায়, ধামায়ে তাতে উঠবা । লন্নি সদরে যায় ।

রাঁচি ?

হাঁ ।

তুমি কোথা যাও ?

কাম আছে ।

কোয়েলের সমাধিতে হাত বোলায় চোন্টি । মুণ্ডারীতে বলে,
আরেকদিন কাছে বসব কোয়েল, আজ কাম আছে ।

তোমার ঘরে আরো লোক আছে ?

হাঁ ।

তারো ? যদি বলে দেয় ?

কেউ বলবে না ।

সন্ধ্যা হয় । অন্ধকার নামে । ছেলেটিকে এনে ঘরের কাছাকাছি
বসিয়ে রাখে চোন্টি । ঘরে গিয়ে হরমুকে ডেকে আনে । হরমু বলে,
তুমি যাবে কেন ? আমি উয়ারে আগায়ে দিব ?

ছেলেটিকে চোন্টি বলে, লন্নি পয়সা নিবে । আছে ?

আছে কিছু ।

কত ?

টাকা ছয়েক ।

চোন্টি বলে, মালিক-মহাজন কাট তুমরা, তারাদের টাকা তো
কিছু নিবে ? পলাতে হয় যখন ।

ছেলেটি হাসে । চোন্টি বলে, হরমু, ছু গেলে তোর বউ বেটা
কথা শুধাবে । তোর মা কথা শুধাবে না । কখনো শুধায় নাই ।
পুরাণেরে বাঁচাতে তখন আমি রাতে যেতাম না ? কেউ জানে ?

সি কথাটো ঠিক বটে ।

চল, ঘর চল ।—ছেলেটির উদ্দেশে চোন্টি বলে, সবে ঘুমালে
তুমারে আমি লয়ে যাব । হেথা পাথরের 'পর ঘুমাও তুমি ।

কেউ আসবে না ?

না।

কিন্তু.....

আমি কথা দিছি না?

তুমি কি গ্রামের প্রধান?

হরমু বলে, ইলাকার সকল মুণ্ডার মাথা।

চোটি বলে, খুব বুঝছে, চল। পুলিসের তাড়ায় কিরতেছে পাগল হয়ে। উয়ারে ই সকল বলে লাভ?

ছেলেটি বলে, অলাভও নেই কিছু।

তুমু হিন্দী বলতেছ?

বলতে বলতে শিখেছি। একটু জল খাওয়াতে পার?

এখন নদী হতে খাও।

ওরা চলে আসে। সকলে শুয়ে পড়ে এক সময়ে। চোটি ঘুমন্ত ছেলেটিকে ডেকে আনে। বউ কোনো কথা না বলে ওকে দেয় মহামূল্যবান ভাত, বেগুন-পোড়া, আচার। চোটির কাছে সব শুনেছে বউ। বলে, মা নাই ঘরে?—তারপর এনে দেয় নেকড়ায় বাঁধা ভুট্টার বিস্বাদ ছাতু ও গুড়। বলে, পথে থেও।

কিসকিসিয়ে কথা বলে ওরা। ছেলেটিকে চোটি বলে, তুমি ঘুমাও টুনি। ওই তারাতো মাঝ গগনে এলে ডাকি দিব।

ছেলেটি ঘুমোয়। কণ্ঠার হাড় উঁচু। অস্নাত চেহারা। চোটি ভেবে পায় না এই ছেলে কেমন করে সদরে যাবে। পুলিস কি তোহুরিতেই নেই? তাকে বুদ্ধি যোগায় বউ। বলে, পুল পারায়ে মালগাড়িটো খুব আস্তে চলে, উচায় উঠে। হরমুরা তো কোয়েলের অশ্বখের সময়ে তাতে উঠিয়ে দিছিল সনাদের।—চোটি বলে, তারাতো পালাচ্ছিল না। যদি ধরা পড়ে যায়?

বৃশ্চিক আসে মাঝ আকাশে। চোটি ছেলেটিকে ডাকে। তারপর হুজনে বেরোয়। লণ্ঠন নেবার উপায় নেই। অন্ধকারেই চলে ওরা। চোটি বলে, তুমুরা মালিকদের মাথা কাট কেন? তুমারদের 'পর জুলুম উঠায়?

না। তুমি তো আদিবাসী। আদিবাসী আর চাষীদের ওপর জুলুম করে তা জান তো।

খুব জানি। কিন্তুক “তুমরা” কেন?

এটা আমাদের লড়াই।

কিসের লেগে?

জোতদার-মহাজন খতম করব। জমি থাকবে তোমাদের হাতে। নতুন হবে সব। কেউ কারো ওপর জুলুম করবে না।

কথাটো ভাল।

তুমি তা মান?

মানি। কিন্তুক যেখা মালিক মারছ, সেখা মুণ্ডা-অছুত জমিটো পাইছে? তারা এখন জমিমালিক?

না।

কি হচ্ছে সেখা?

পুলিস ঢুকেছে গ্রামে।

তোমরাও মরছ অনেক?

অনেক।

চোন্টি বলে, সেই তো কথা। জমির লড়াইয়ে মোর ছেলা, উ হরমুটো জেহলে গেল, তবু ভি তীর মারি নাই। কেন কি, তাহলে পুলস আসি মুণ্ডা টোলি জ্বালাবে। লাল মরলে আবার লাল আসবে। সে কথা ভাবি তীরটো উঠাই নাই।

পুলিসের সঙ্গে লড়াইতে হবে।

সি সোজা কথা? তুমু বললে আমি লড়ব? আমি যখন বুঝব ই লড়াই আমার ভি, তখন লড়ব। তুমু তো দিকু। মোদের ভালাইয়ের লাগি মোরাদের বীরসা ভগবান গোরমেনের সাথ লড়াইছিল। আর দেখ! পুলসের সাথ লড়ে জমিন্ কতকাল রাখতে পারবে? গোরমেনের পুলস থাকে, আদালত থাকে, জেহেল থাকে, জমিন্ মোরা পাই না।

ভাল কথায় কেউ দেবে না।

সি লড়াই বলতেছ, তা পুলস তো তুমারেও ধরতেছে। তুমু ভি পলাতেছ, হেথা যারা মালিক মারে, তাদের ভি পলাতে দেখি।

আমাদের হয়তো তেমন শক্তি ছিল না।

তেমুন না হলে লড়াই! তাতে শুধা পুলস ঢুকি যায়। টোলি আলার, মারে, জেহেলে নেয়।

সবাইকে লড়াইয়ে নামতে হবে।

সি লড়াই কি হবে?

সবাইকে বুঝাতে হবে।

তুমরা যদি মরি যাও, কে বুঝাবে?

আরো “আমরা” আসব?

আস কেন? থাক, ঘর বাঁধি দিব, মুণ্ডাটো হই যাও।

আমি চিনতাম সাঁওতালদের।

তারা হল উঠায়েছিল।

তুমি জান?

চোড়ি মুণ্ডা সব জানে।

তুমি খুব ভাল লোক।

সবে বলে। কিন্তুক ভাল লোক হব তো লেংটি পরি কেন, কেন হুঁ সাঁওতাল ভাত খাই না, এত কষ্ট, বল?

সর্বত্র এই একই কথা।

দিকু বুঝে না মোরাদের দুখ।

আমরা বুঝেছিলাম।

তাতেই পলাতেছ?

তাতেই।

যি মানুষটো আমারদের দুখ বুঝে তারে বা কেন পুলিস ভাড়ে? আমি তো জনমভোর তাই দেখলাম।

ছেলেটি সুন্দর হেসে বলল, পুলিসের কাজই যে এই।

এখন কথা নয় আর। হেথা গ্রাম আছে।

শুধা নীরবে চলে। ছেলেটি চোড়িকে অনুসরণ করে ও চোড়ি

বলে চলে, হেথা চিবা, হেথা খাদ, হেথা পথ সমান—ছেলেটি সেইমত চলে। তোহ্মি বাঁয়ে রেখে ওরা ক্রমে বাস পথে এসে পড়ে। চোন্টি বলে, হেথা লুকায়ে থাক। হোই ওখার হতে লরি আসবে। হাত দেখায়ে উঠে পড়বে।—চোন্টি কোমর থেকে গঁজে বের করে। বলে, রাখ ইটা। খুচরায় টাকা হই আছে।

ছেলেটি অপার বিন্ময়ে টাকা নেয় বের করে ও গঁজেটি চোন্টিকে দিয়ে বলে, এটা নেব না। যদি ধরা পড়ি, ধরা হয়ত পড়বই, তাহলে এটা দেখলে কি ভাববে কে জানে।

কে জানে পুলস সকল লরিরে ছঁশিয়ারি দিছে কি না। তবে এমুন সময়ে লাল সিং, জামদার সিং লরি চালায়। ভেঁ মাভাল হই থাকে। ছু চার টাকা দিলে ওরা মানুষ উঠায়, আমি জানি।

চলে যাচ্ছ?

হাঁ। অতখানি যেতে হবে। বউটো জাগি রবে।

ছেলেটি বয়সোচিত আবেগে বলে, তুমি আমায় বাঁচালে কেন?

বাঁচাছি কি না এখনো জানি না। সদর পৌছিয়ে বলো।

কেন?

এমুনই। পুলস কুকুরতাড়া করি মারি দিবে। মায়ের ছেলা।

তুমি খুব আশ্চর্য লোক। আমাকে ধরালে—

থু কেলি তেমন টাকায়। তাতে আমি লাল হব?

তোমার কথা কিছুই জানা হল না।

কি বা জানবে?

হয়তো বা লড়াকু।

তুমু যি লঢ়ায়ের কথা বললা, তা ভাল, কিন্তুক হবার লয়। পুলসের সমান হয়ে তবে তার সাথে লড়বে তো? লয়তো শেষবেশ সি পুলসই জিতে। আমি তো তাই দেখি।

যে কাজ করা উচিত মনে করি, তার অস্ত্রে কিন্তু লড়তেই হয়।

হাঁ। ই কথাটো ভি ঠিক। নিজের কাছে সাচাই রাখার লাগি।

তা তুমি বোঝ। বোঝ না ?

খুব। জানি তেমন মানুষের কথা। ধানী মুণ্ডা চাইবাসা গিয়া
মরি গেল, না গেলে বাঁচত। ছুথিয়াটো নায়েবরে কাটি ফেলল।

কিছুই জানা হল না। আবার আসব।

আমি বাই।

চলে আসে চোঁটী। মনে থাকে অপার ছুশ্চিন্তা। বিস্ময়। দিকু
কেন আদিবাসীর ভালাই করতে গিয়ে পুলিসের তাড়া খাচ্ছে।
কেবলই মনে হয় ছেলেটির মুখ। মাঝে মাঝে মুখ তুলে তারা
দেখে ও। হাঁটতে থাকে চেনা পথে। আজকের দিনটা খুবই
অদ্ভুত। অভিজ্ঞতাটি চোঁটিকে কেন যেন দীর্ঘ করে ফেলে বিস্ময়ে।
বাড়ি পৌঁছয় যখন, তখন বৃশ্চিক আরো হেলে গেছে। বউ দরজা
খুলে দেয়। তার চোখেমুখে উদ্বেগ। বলে, চলি গিছে? লরিতে
উঠাই দিলে ?

না। আমি উঠাই দিলে তো নজরে পড়ে।

তবে ?

বলছি চলি যেতে।

রাঁচি গেলে বাঁচি।

জল আছে ?

হোখা।

হাত পা ধুয়ে শুয়ে পড়ে চোঁটী। বলে, আদিবাসীর ভালাই
করতে আসি দিকু পুলিসের তাড়া খেয়ে পলায়, এমুন জানি নাই।

ছেলাটো কুখাকার ?

কুন দেশের বা।

ওয়ে ধরলে কি করবে ?

বুঝি মারি ফেলাবে।

ভাবতে পারি না।

সুমা।

তুমার তো কিছু হবে নাই ?

না না। ঘুমা এখন। কেউ তো জানে না?

না। হরমুটো শুধায়ে গিছে মোরে, তাও কতখন হল।

অবশেষে ঘুম আসে চোন্টির। বউও ঘুমোয়। সকাল হয়।

পরদিন ওরা কাঠ কাটতে যায় তোহ্রি ছাড়িয়ে চাইয়ের জঙ্গলে। কাঠ কাটা চলছে, হঠাৎ ওরা অপরিচিত কণ্ঠ শোনে, হল্ট।

যে যার মত দাঁড়িয়ে পড়ে। শব্দটির সঙ্গে সবাই পরিচিত। পুলিশ কোনো ঘটনাস্থলে এলেই জমায়েতকে বলে, “হল্ট”।

ওরা স্থাণু হয়ে দাঁড়িয়ে থাকে। তারপর চোখে পড়ে এক অদ্ভুত ও অবিশ্বাস্য দৃশ্য। তিনটি পুলিশ একটি ছেলেকে টেনে নিয়ে যাচ্ছে। ছেলেটির মুখ ঝেঁতলানো, শরীর নড়বড় করছে। কাল চোখে চশমা ছিল, আজ নেই। চোন্টি নিজের মুখ চাপা দেয়। বৃকে পাথর ভাঙছে কে যেন। নিয়ে যায়, নিয়ে যায় পুলিশ, হঠাৎ থাক্কা দিয়ে এগিয়ে দিয়ে চোন্টিদের চোখের আড়াল হয়। তারপর আসে গুলির শব্দ।

চমক ভেঙে সবাই এখন দৌড়তে থাকে। চোন্টি নড়তে পারছে না, চোখ কেব্বাতে পারে না। তারপর পুলিশগুলি ফিরে আসে। ছেলেটির পায়ে দড়ি বেঁধে টেনে আনছে। টেনে নিয়ে যায়। চোন্টির বৃকের নিচে কি যেন বিঁধে যায়, বিঁধে যায়, বিঁধে থাকে চিরতরে। পালাতে পারেনি তাহলে।

চোন্টিতে ফিরে ওরা শোনে সরকারী বিবরণ। স্টেশনমাস্টার বলেন, একজন সদরে যাবার পথের পাশে ঝোপে লুকিয়েছিল। তার কাছে ছিল বোমা ও পিস্তল। পুলিশকে তাই নিয়ে মারতে যায়। পুলিশ রীতিমত লড়াই করে তবে তাকে মেরেছে। আরেক নকশাল কোথায় গেছে কে জানে।

সনা বলে, না না, সে তো পুলিশের মারে নাই।

কে বলল?

আমরা দেখছি।

কি দেখেছিস ভুলে যা বাপু। এ সব তোদের জংলী বুদ্ধিতে বুঝবি না। পুলিশ যা বলছে তাই বল। ভাল চাস তো।

ঠিকাদারও প্রবল ধমক মারে চোড়িদের। বলে, এ নিয়ে কোন কথা যেন না হয়।

চোড়ির বউ খবরটি শুনে কেঁদে ওঠে। চোড়ি বলে হরমুকে, বউ বা ছেলা শুধালে বলবি কোয়েলের দুখটো উঠছে।

সেদিন আর খেতে পারে না চোড়ি। ছেলেটির কথা ভাবতে ভাবতে ওর বুক ফেটে যেতে চায় অভিজ্ঞতাটি এমনই বিশাল। কিন্তু কাউকে বলে হালকাও হতে পারে না। হরমুও খুব গুম্ মেয়ে থাকে। বাপকে বলে, করল এক, বলে আর। এমুন পুলুদরে মারছিল ছেলাটো তো ভালই করছিল। কিসের বোম্, কিসের বন্দুক। কিছু ছিল না।

চুপ যা হরমু। এখুন আরো হবে।

পলাতক ছেলেটির সন্ধানে পুলিশ কেবলই ফিরতে থাকে। তার খোঁজ মেলে না। দারোগা চোড়িদের বলে যান, অচেনা ছেলে দেখলেই যেন ধানায় খবর যায়। একশো টাকা বখশিশ মিলবে।

তীরধনাখও বলে, দেখলে ধরিয়ে দিস বাপু। এরা “হাঁ” বলতে সময় দেয় না। মহাজন দেখলে কাটে। কুখা লুকায়ে আছে কে জানে।

মোরা কুখা দেখব তারে ?

আহা, দেখলে ধরাবি। নকশাল ছেলে। বিষের খোপরা।

সনা হঠাৎ স্নাকা মাজে ও শুধায়, মহারাজ ! ই কি গুনলাম যি তোমারে সাঁপটো কাটিছে, কাটি মরি গিছে ?

হলহলিয়া সাঁপ রে। জুতা চাপি মারলাম।

মোরা গুনলাম সাঁপটো গোহমন্ আর তোমারে কাটি নিজে মরি গিছে। সি গল্প কথা। যাক, তোমার তো হয় নাই কিছু ?

না না। কি হবে ?

পরে তীরধের মনে হয় সনা বুঝি তামাশা করে গেল। গোমস্তাকে

বলে, হরবংশ ওদের নাই দিয়ে মাধায় তুলেছে। গোহমন্ সাঁপ আমার কাটল, নিজে মরল, আমার রক্তে কি বিষ আছে ?

কিছুদিন বাদেই পুলিশ আবার শুরু করে তল্লাসী। আরো পলাতক ট্রেন থেকে নিরুদ্দিষ্ট। বখশিশ ঘোষণার কাগজটি পুলিশ স্টেশনে গাছের গায়ে সঁটে দিয়ে যায় ও হাড়হাবাতে বুড়ি মোড়িয়া সে কাগজে পানের পিক কলে স্টেশনমাস্টারের কাছে বাড় খায়। কেউই ধরা পড়ে না, কিন্তু ফলে অঞ্চলটিতে চাপা টেনশান ঢুকে পড়ে। পুলিশের গুলি করে মারা ও সম্মুখ সংঘর্ষের সরকারী বিবরণী নিয়ে, এখন সবাই অনেক বেশি কথা বলে। বারবার পুলিশ দেখে ওদের মনে সেই হয়ে-যাওয়া ঘটনাটি এখন যেন আরো বেশি আগ্রহের সঞ্চার করে। কিন্তু মুখে ওরা মেখে থাকে নির্লিপ্তি। দেখে স্টেশনমাস্টারও বলেন, এরা বড়ই টেঁটিয়া।

তেরো

এ সময়ে, চোটির তিন কুড়ি বারো বছর জীবনেই আসে কিরতি চুনাও। ছেলেটিকে হত্যা ও পুলিশের জঙ্গল-চাষ যেমন চোটি জায়গাটিকে বাইরের জগতের অশান্তি এনে দেয়, তেমনি বহির্জগতের অশান্তি প্যাটার্নও চোটি অঞ্চলকে আক্রমণ করে। এ সকল অবক্ষয়ে চোটি অঞ্চলটির মনোজগতের ভুস্তর চেহারা পালটাতে থাকে। বহির্জগতের প্যাটার্নগুলি জগাখিচুড়ি ধরনের। যেন প্রস্তাবিত বকসাইট খনিটি চালু হয় দূরে শোণনদের গতিপথে এবং তোহুরি থেকে ষোল মাইল দূরে চামাতে তৈরি শুরু হয় এক অ্যালুমিনিয়াম কারখানা। খনি ও কারখানার ব্যাপারে হঠাৎ হরবংশ, তীরখনাধ সবাই সজাগ হয়। স্টেশনের চায়ে ছকানে ওদের উচ্চ পর্যায় কনফারেন্স হয়। বিষয় ঘোরালা। ইত্যাকার জিনিস চালু হলে লেবারে টান পড়বে। বেশি টাকা জন্মে ব্যাপার চলবে যাবে সবাই।

ভীষ বললে, তুমি তো খুব বলতে, বেঠবেগারী মন্দ জিনিস। এখন কি হল? দেখ, পুরনো জিনিস হল সবচেয়ে ভাল। চোটির আশেপাশে কেন, চোটিতেই যদি কোই ক্যাকটরি হয়, যিস্ মে দিন দশ টাকা মজুরি, তাও আমার বেঠবেগাররা নিতে পারবে না। তাকিয়ে দেখবে আর আমাকে বেঠবেগার দেবে। ওহি হল জমিন্ রাখার মজা।

আমি তো ভাবছি উলটা কথা।

কি?

হরবংশ্ স্বপ্নালু চোখে বলে, ক্যাকটি হলে বাড়ির পর বাড়ি উঠবে। হলোত্রিক এখন লাখ লাখ লাগবে।

তাতে উলটা কথার কি আছে?

চারদিকে যদি ক্যাকটির পর ক্যাকটি উঠতে থাকে, তাহলে বাহারের হাওয়া এখানেও ঘুসে যাবে ঠুর ইয়ে সব আদমি ভাগে গা। ভেগে গেলে আপনি কিছু করতে পারবেন?

তা কি করে হবে?

কেন হবে না। মেরে লিয়ে চোটি মুণ্ডা হায়। ও যদি বলে এরা কাজ উঠিয়ে দেবে মহারাজ, তবে কাজ জরুর উঠবে। চোটি তো সেই হরমু কেস থেকে আপনার কাম করে না।

লেবার ভেগে গেলে তোমার মুশকিল হবে না?

লালাজী! হরবংশ্ চাচা পঞ্জাবের ছেলে। পঞ্জাবের মানুষ সময়ের সঙ্গে চলতে জানে। আমার ঠাকুরদা চাষ করত বলে বাবা পালামো এসে চাষের জমি খোঁজে নি। খুঁজতে পারত। সে করল ইটভাটি।

তাতে কি হল?

আরে আমি ওদের মজুরি বাড়িয়ে দেব।

আরে আরে হরবংশ্! ঐছন কাম না করিয়ো ভৈয়া। তোমরা আদত বিগড়ে দাও। যারা বেঠবেগার নয় তেমন লোকও আছে। তারা ভি বাড়তি মজুরি মাংবে। ঐছন কাম না করিয়ো।

না করিয়ে! না করলে ওরা ভাগবে না? টাইম এখন বদলে যাচ্ছে লালাজী! এখন কলকাতা থেকে কতজন আসছে পনের-বিশ হাজার টাকায় সারফেস কলিয়ারি কিনছে। লেবারে ঘাটতি পড়বে, বুঝলেন?

না না, এখানে মানুষ কীড়ার মত অগণন!

আপনি থাকুন আপনার আনন্দে।

ভৈয়া! তুমি কেন ফলবাগিচা কেন না? অনেক নাকা।

আনোয়ারের মত আমরুদ-শরিকার বাগিচা করব আর ফল বেচব কুঞ্জরার কাছে? কিনলে পরে কিনব। যখন পথ হবে, ফল সরাসরি পাঠানো যাবে বোধারো-রাঁচি-ধানবাদ। যখন ফল ক্যানিং করতে পারব ক্যাকটিতে। যখন ফলবাগিচা থেকে কোই ছোটো ইনডাস্ট্রি বনে গা।

তুমি ফলবাগিচা কিনলে ও মুসলিমকে হটানো যেত।

লালাজী! মুসলিম পর আমার কোই প্যার না হয়। কিন্তু আপনার মত ছুয়াছুত আমি পসন্দ করি না।

তীরথনাথ, হরবংশ কি করে তা দেখার জন্তে বসে থাকে। হরবংশ মজুরি বাড়িয়ে একটাকা করে। অগত্যা তীরথনাথও বে-বেঠবেগারদেরও এক টাকা দেয়। বেঠবেগারদের বিন্মিত করে দিয়ে সিকি সিকি জলখাই দেয়।

এ হল একটি ঘটনা।

দ্বিতীয় ঘটনাটি খুবই অদ্ভুত।

জনৈক অনাথবন্ধু পাল, ভ্রাম্যমাণ সিনেমা নিয়ে চোটিতে নেমে পড়ে। স্টেশনের মাঠে থোলা জায়গায় সে দেখায় “শ্রীহনুমানপাতাল-বিজয়” ছবি। বায়োস্কোপ বিষয়ে চোটিরা ও ছগনরা অনভিজ্ঞ। তারা দেখে খুব আনন্দ পায়। তীরথনাথ ছবিটি দেখে বারবার নমস্কার করে এবং বলে, আমি টাকা দিচ্ছি, কাল ভি তামাশা হবে।

সিনেমা দেখে সকলে আবার একইরকম আনন্দ পায়। অনাথবন্ধু পাল অতঃপর তার সিনেমা নিয়ে চলে যায় ট্রেনে চেপে। তারপর

চোড়ি জুড়ে হুইচই বাধে। তীরখনাথের গোমস্তার ছেলে দু হাজার টাকা চুরি করে চলে গেছে। চিঠি লিখে জানিয়ে দিয়ে গেছে, সংসার ও ভাবী গোমস্তাগিরি তার কাছে বিষবৎ। অতএব সে সন্ন্যাসী হয়ে যাচ্ছে। তীরখনাথ খুবই খেপে যায় এবং ঋণায় ছোটে। কোনই ফল হয় না। দারোগা খোঁজভাঁজ করে জানাল, সে রাঁচি গিয়ে অনাধবন্ধুর পার্টনায় হয়েছে।

তৃতীয় ঘটনাটি সম্পূর্ণ অন্তরকম। ১৯৬২ ও ১৯৬৭তে পূর্বোক্ত আদিবাসী ও তপশীলীদের প্রতি সহানুভূতিশীল প্রার্থীই জিতেছে। এবার সহসা যুবলীগ দল চোড়ি-আসন দখল করতে খেপে ওঠে এবং সদস্যকে শাসায়। চোড়িতে এসে তারা মিটিং ডেকে শাসায়, ওকে ভোট দিলে গ্রাম জ্বলে যাবে।—তাদের হুমকির পেছনে থাকে মদমত্ততা। তারপর বলে, চোড়ি মুণ্ডা কে?

আমি?

শুনলাম তোমার কথা আদিবাসী আর এখানকার তপশীলীরা মানে। তুমি সকলকে বলবে আমাদের প্রার্থীকে ভোট দিতে।

চোড়ির উত্তর শুনতে দাঁড়ায় না ওরা। পরে চোড়িরা ও ছগনরা মিলিত হয়। ছগন বলে কি করা?

সে তো মোরাদের কুয়া দিয়াছে, ই হাসপাতাল। রাস্তাটো ভি পাকা করিবার লাগিছে।

মোরাও তাই বলি।

কিন্তুক ই নিয়া কথা নয়। গতিক ভাল বুঝি না আমি। গুণ্ডা লয়ে ভোটের মিটিং করতে তো আগে দেখি নাই? তা বাদে উয়ারা লালার সাথ এল, গেল। ই ভাল দেখি না।

তীরখনাথ ওদের জানিয়ে রাখে, এবার নতুন প্রার্থীকে ভোট দেওয়াই ভাল। নইলে গোল বাধবে।

কি গোল বাধবে ভেবে পায় না ওরা। কিন্তু চাইতে মিটিং করতে গিয়ে প্রৌঢ় সদস্য সহসা বোমার আঘাতে দীর্ণ ও নিহত হন। আততায়ীরা জীপে চড়ে চলে যায়। দারোগা কোথা থেকে কি

নির্দেশ পান কে জানে। আততায়ীদের ধরে উঠতে পারেন না মোটে। চোন্টির তরক থেকে এ ঘটনার প্রত্যক্ষ সংবাদদাতা হয় মোতিয়া খোবিন। সে সময়ে মোতিয়া চাইতে ছিল বোনের বাড়ি। ভোটের মিটিং কেজোকর্মা লোকের কাছে তেমন কিছু নয় কিন্তু মোতিয়াদের জীবনে তা এক তামাশা। মোতিয়া চোন্টিতে এসে সকলকে বিশদ বর্ণনা দেয়। সকলেই তার কাছে শুনতে চায় ও শুনতে পায়। সদস্তটি লোকপ্রিয় ও ভাল কাজও করেছিলেন। তাঁর মৃত্যুর কথা খুবই কৌতূহল জাগায়।

অতঃপর দারোগা আসেন চোন্টি। ট্রেন থেকে নেমে তিনি মশমশ করে ছগনদের টোলিতে যান ও বলেন, এখন জানা গেছে, সদস্তকে মেরেছে ওর দলের লোক। ছোটলোকরা বিধানসভায় সদস্ত হয় টাকা লুণ্ঠবার জন্তে। ইনি টাকা চুরি করেছিলেন, ভাগবাঁটোয়ারার গুণগোলেই দলের লোকেরা খেপে যায়। বাক, শুনতে পাচ্ছি মোতিয়া খোবিন অনেক গালগল্প ছড়াচ্ছে। ওকে বলে দাও, যেন কোন গল্প না করে আলতুফালতু। গল্প করলে হাঙ্গামা হবে। সে হাঙ্গামা ধামাবার ক্ষমতা আমার নেই।

মোতিয়া বলে, এ কি বলে গেল পুলুস ?

ছগন বলল, জমানা খুব খারাপ মোতিয়া। যা দেখছিস তা সাচাই নয়। যা বলে গেল তাই সাচাই।

সব শুনেমলে চোন্টি আরো গুম মেরে যায়। বলে, ই তো নতুন কথা নয়। তখন ছেলেটারে মারল, আর বলে দিল, ছেলেটো বোম মারছে পুলুসরে। ই লোকটো ভালাই করতেছিল, মারি দিল। এখন কুনো কথা বলিস না মোতিয়া, হাওয়াটো ঘুরতাছে।

কিন্তু চোন্টি ! দারোগা তো ছিল না সেখা।

মোতিয়া ! যদি ই কেউ কথার বিচার করে তো কুনো না কুনো দিকু করবে, তখন কার কথা বিশ্বাস যাবে ?

দারোগার কথা।

এই তো বুঝছিস। যর যা।

এরপর রক্তমঞ্চে আরেকটি ভোটের মিটিং হয়। এ রাজ্যে সকলই সম্ভব, শাসকগোষ্ঠীর দয়াকারে। অতএব বিকেলে ট্রেন আসে প্রার্থী ও তাঁর সমর্থকদের নিয়ে, দাঁড়িয়ে থাকে আধঘণ্টা। স্টেশনের প্ল্যাটফর্মেই প্রার্থী বক্তৃতা দেন এবং প্রয়াত সদস্যকে “নকশাল”, “শুণা” ইত্যাদিতে বিশেষণে সাজিয়ে দিয়ে ট্রেনে ওঠেন। চোটি সে-মিটিঙে যায় না, কিন্তু তার ঘরেই আসে মোতিয়া। ধপ করে বসে পড়ে বলে, হা রাম!

কি হল?

ভরে গেলাম।

কেন?

মিটিনে বাস নাই?

না।

কি দেখলাম চোটি!

কি দেখলি?

আজ যে লোক এল, সে ভোট নিবে?

তার কি?

ওহি তো হাঁত তুলে দেখায়ে দিল সেদিন। যত লোক সঙ্গে এসেছিল, তাদের মধ্যে ওহি নাটা আদমি বোম মারে। এরাই মেরে দিল তারে। এ কি দেখলাম রে চোটি!

চোটি বলে, বাস্। আর কোন কথা বলিস না।

কি বলে বেড়াচ্ছে লালা, জানিন?

কি?

এবার টাকা দিবে না, চুনাও মেঁ যেতে দিবে না। তবু ভি ভোট পড়বে, কেন কি, ছোটলোকদের ভোট এ লোক চায় না।

বুঝলাম। ঘর চল্ তুই। পৌঁছায়ে দেই।

মোতিয়াকে ঘরে পৌঁছিয়ে চোটি যায় দোকানে, পোরমিটের কেরোসিন তেল নিতে। সেখানে দেখা হয় ভীষনাথের সঙ্গে। ভীষনাথ বলে, চোটি মিটিঙে আসিস নাই মনে হল?

না।

তোরা ভোট কাকে দিবি ?

দেখি।

তীরখনাথ যেন কোনো মদুশক্তি মদত পেয়ে হাসে ও বুঁবলে,
আরেক তপশীলী প্রার্থী দিছে। সে শালা ভয়ে ই ধারে আসে নুনা।

চোন্টি কোনো কথা বলে না। তাকিয়ে থাকে।

এবার দেখিস জায়গাটা ভাল হয়ে যাবে।

চোন্টি জবাব দেয় না, পেছন ফেরে।

ছদিন বাদে তীরখনাথ আর অত হাসে না। হরবংশকে বলে,
আবার পঞ্চাশহাজার টাকা নিয়ে গেল।

আমিও দিলাম দশ হাজার।

দিলে !

নিশ্চয়। আর ক্যাক্টি হাউসিঙে ইট দিবার কন্ট্রাক্টের কথা ভি
পাকা। বাস। এহি পার্টি থাকবে আর আমার ভি ভালাই হবে।

আমার কি হবে ?

ভালাই হবে। দেখবেন।

কি করে ?

এ শালা ভি আপনার মতন ছুয়াছুতি হয় না ? তাই আপনার
ভালাই ও করবে। বহোৎ সানদার আদমি। কোন দলের জানেন ?

না।

অর্জুন মোদীর।

তাতে কি ?

আপনার জবাব নেই।

বল না।

বলতে হবে না, বুঝতে পারবেন। পাঁচ বছরে ও পঞ্চাশ হাজার
পাঁচ লাখ হয়ে ফিরত আসবে।

আসবে ?

জরুর। ভারতকে ভাগ, মেঁ নরা সুরজ ছায় যো, ছায় না ?

য়ে মাস্তান ছোকরা ?

বিজয়া মোদী ।

চোদ্দরা ভোট দিতে গিয়ে দেখে, তাদের নামে ভোট পড়ে গেছে আগেই । ভোটদাতাদের ঠেকাতে বুধে মারামারি হয় । সশস্ত্র মুণ্ডারা লাঠি নিয়ে ভোটদাতা ঠেকায় । ফল বেরোলে দেখা যায় বিপুল ভোটার্থীকে যুবলীগের ছোকরা জিতেছে । বিজেতার নির্দেশে-তীরখনাথ আতসবাজি পুড়িয়ে বিজয়োৎসব করে এবং যুবলীগে মস্তানরা নিজেদের নিজেরা নিমন্ত্রণ করে হরবংশের বাড়িতে । প্রচুর মদ আনতে হয় হরবংশকে, খানী কাটতে হয় ।

খাওয়াদাওয়া সেরে ওঠার সময়ে মাননীয় সদস্য হরবংশকে বলেন, টেন্ডার কল হবে না । যত আংরেজী কায়দা । এখন ভারতীয় কেতায় কাজ হবে । শুধু হলোত্রিক কেন, সিমেন্টের কন্ট্রাক্ট ভি দিয়ে দেব ।

আপনার দয়া ।

তবে বাট্টা দেবেন ।

নিশ্চয় ।

বারো আনা-চার আনা । বারো আনা আমার । ভাববেন না । এমন দর পাবেন যে তাতেও আপনার মোটা নাক্ষা থাকবে ।

হরবংশ মনে মনে বলে “হারামি” ও মুখে বলে, নিশ্চয় ।

এখানে আদিবাসী ঔর অছুতের বড় গরম ।

না না ।

জানি জানি । সব ঠিক করে দেব ।

ওরা কিছু করেনি ।

আরে লুকোবেন না । আমার এই সব ছেলেদের একেকটা এলাকা বেটে দিছি । খুব ভাল ছেলে সব । জান লড়িয়ে কাম করেছে আমার জন্তে । ও অছুতকো এহি লোক ঘায়েল কিয়া ।

হরবংশ চমকে ওঠে এবং সদস্য খোঁচা খায় তার এক শাগরুদের ও দৌঁতো হেসে বলে, ঠাট্টা করলাম ।

ইয়েস।

সদস্ত্র ও শাগরেদবৃন্দ চলে যায়। হরবংশ্ অত্যন্ত বিচলিত বোধ করে। সে ঠিকাদারি চায়, টাকা করতে চায়, নাকা লুটে চায়। সেই সঙ্গে চায় ছোট ও মাঝারি উৎপাদক শিল্প গড়তে। বোথারো, চাস, সব এখন জমজমাট। এই হল মোঁকা। কিন্তু কোনো গুগোল চায় না হরবংশ্। সে বা তার বাবা এখন অবধি কোনো কুলি-লেবারের গায়ে হাত তোলেনি। এদের অশুখবিশুখ, বিপদ-আপদে চাইলে বাবা সাহায্য করেছে, হরবংশ্ও করে। দীর্ঘদিন এদের মধ্যে বসবাস করতে হরবংশ্। চোটিদের মধ্যে দায়িত্ব নিয়ে সংভাবে কাজ করার যে স্বভাব আছে, খাটিয়েপিটিয়ে ছেলে হরবংশ্ তাকে শ্রদ্ধাই করে। নিজের স্বার্থ ষোলআনা বজায় রেখে হরবংশ্ এদের সঙ্গে মোটামুটি ভাল ব্যবহার রাখে। সেবার সদরে হলোত্রিক চালান দিয়ে অসংগত মুনাফা করেছিল হরবংশ্ এবং কুলি-লেবারদের দিয়েছিল জন্তা মার্কা মোটা ধারোয়ারি কন্সল। চোটির কন্সলটি অগ্রদের তুলনায় কিঞ্চিৎ সরেশই ছিল। এরা খুন করে স্থানীয় রাজনীতিতে ঢুকেছে, এখন বলছে আদিবাসী ও অছুতদের জব্দ করবে। কি করবে কে জানে! আগুন জ্বলে যদি? হরবংশের কারণে আগুন জ্বলে বিষাক্ত তীরে হরবংশ্কে ঘায়েল করে মুণ্ডারা চাটিমাটি তুলে রওনা দেয় যদি অজানার উদ্দেশে? তেমন ঘটনা তো ঘটেছে। নরসিংগড়ে নায়েব তীরে মরে। কুরমির ছুথিয়া তো নায়েবের মাথা কেটেছিল। হরবংশ্ খুবই চিন্তিত হয় এবং ঠিক করে, বারোআনা বাড়িয়ে এক টাকা করবেভেবেছিল। সেটা করে দেবে পাঁচসিকা। গুডউইল তৈরি করবে। ফলে হরবংশের ওপর কারো আক্রোশ পড়বে না। এ সকল কথা মনে মনে ভেবে নেবার পর হরবংশ্ আবিষ্কার করে, সে সদস্ত্র এবং তস্ত্র চেলাদের ক্ষমতালাভে খুদে হিটলার বলতে দেখে ভয় পেয়েছে। সে ভেবে পায় না কি করবে।

সে তীরখনাথকে কিছু বলে না। কিন্তু তীরখনাথ তার আচরণ লক্ষ্য করে, সম্ভবত সেও উদ্বিগ্ন হয়ে থাকবে। কেন না, ভুট্টা কেনার

মৌসুমে সেও দেয় বে-বেঠবেগার মজুরদের পাঁচসিকে মজুরি এবং ছ আনা জলখাই দেয় বেঠবেগারদের। বলে, ঐছন মালিক না মিলব ছগন।

মহারাজের কিরপা।

ছগন কথাটি বলে বিষন্ন ও বিরক্ত মুখে। বলে, আপনারা যা করেন, সেই ভাল। এখন চারপাশে বহুত কাম। কুলি-লেবারে আড়াই টাকা। ইসিসে কুরমি ঔয় নরসিংগড়ে খেতমজুর ভি ছ টাকা পাচ্ছে, বেঠবেগার পাচ্ছে এক টাকা জলখাই। এখন চোটিতে আসবে সদর সে এন. সি. ডি. সি.। কয়লা কাটাবে। তারা তো সরকারী রেট, আট-নয় টাকা দেয়।

তাহলে আমিও খেতী কাম তুলে দিব।

যেভাবে প্রাক্তন সদস্যকে সরানো হয়, ভোট জেতা হয় জোচ্চোরি ও ডাকাতি করে, নির্বাচনোত্তর কন্ট্রাক্ট ইত্যাদি ভাগবাঁটোয়ারা হয়, তাতেই চোটি অঞ্চল আধুনিক সময়ে উত্তীর্ণ হয়। নির্বাচিত সদস্য ও ক্ষমতাসীন দলের কার্যকলাপও হয়ে ওঠে পেশাদারী ও সফিস্টিকেটেড। এখন আর সেদিন থাকে না, যে তীরথ বেঠবেগারীও নেবে, “কা রে ছগন” বলে গল্পও করবে। এ রেজিমে প্রত্যেকের চরিত্র পার্জ করে স্ব-শ্রেণীর ভূমিকায় কাজ করানো হয়। চোটি বলে, এখন যা দেখবি তুরা জীবনে দেখিস নাই। মনে হবে, আগে কত সুখে ছিলাম। খুন করে ভোটে জিতল, দেখলি না?

বলল অগ্র কথ।

হাঁ।

কেন বলল?

ভেবে দেখ ছগন।

ছগন বৃদ্ধ নাকটি চিন্তায় কুঁচকে গলা ঝেড়ে বলল, ছ বান্ন দেখলাম। সে ছেলাটারে সবার সামনে মারল, বলল অগ্র কথ। এয়ে মারল সবার সামনে, বলল অগ্র কথ।

কি বুঝিস?

সময় খুব মন্দ ।

খু—ব মন্দ ।

এ কি হল ?

যা হবার তা হল । মোতিয়া জানি কিছু বলে না । জানে মেরে দিতে পারে । উয়াদের অসাধ্য কাম নাই ।

পরসাটো'বেশি দিছে সবাই । তবু ভাল ।

এ বয়সেও চোড়ির চোখ দুটি সজীব ও কালো । চোখ তুলে ক্ষীণ হেসে চোড়ি বলল, লালো কি চাটা ভাল হচ্ছে বলে দিছে, তা নয় কিন্তুক ।

সে জানি । চারদিকে লেবার চায় ।

তাহাতে দিছে ।

ওঃ ! এন. সি. ডি. সি. আশুক ।

সে মোরাদের কপালে হবে না । সরকারী কাম হয় টিমাটিলা তালে । আগে দেখবে কোথা কয়লা, তাতে বছর যাবে । তা বাদে হেথা কয়লা আপিস-দপ্তর খুলবে কি না ঠিক করতে বছর যাবে । বাড়ি বানাতে বছর যাবে । মোর মনে হয় সি এখুনো তিন-চার বছরের মামলা ।

তা হবে ।

হেথাহোথা খুব জুলুম উঠাতেছে মাস্তানরা ।

আমাদের কি ? নাঙ্গা ফকিরের রয় না চোরের ডর ।

ছগনের কথাটি মিথ্যে হয়ে যায় । ১৯৭২ সালের নির্বাচনের পর বিপুল ভোটাধিক্যে জিতে শাসক দল দেশের গরিবগুরুবো সম্পর্কে যে নীতি অনুসরণ করে তা অতীব মনোহর । পাঁচ বছর কার্যকালের মধ্যে কেন্দ্রীয় চিংকার-ঘোষণা-আইন প্রণয়ন ইত্যাদি, ভারতকে আবার জগৎসভায় উচ্চ আসন নিতে সহায়তা করে ও মুক্তি সূর্যের ইমেজ হয় “রা” দেবের মতই চমৎকার । কিন্তু “রা” দেবের মতই তাঁর প্রয়োজন হয় কাঁচা রক্তের । ফলে, গরিবি হঠাৎ বেঠবেগার বেআইনী, বেআইনী এখন কৃষিকণ, ইত্যাদি চিংকারগুলি দেশের দুয়দুয়ান্তেও গাছপালা-

স্টেশন-বাসের গা, ইত্যাদিতে পোস্টার হয়ে লটকে যায়। কিন্তু বাস্তবে চোটি ও ছগনদের পেয়াই চলতে থাকে। এই পাঁচ বছর রাজ্যকাল, ধনীকে আরো ধনী করার কাজে, নিম্নবর্ণ ও আদিবাসীকে জুড়ি কি নিচে রাখার কাজে, সর্বোপরি, নির্দিষ্ট পোটকোলিওহীন মস্তানদের পুলিশী মদতে কাঁচাথেগো দেবতা বানাবার কাজে উৎসর্গিত হয়। উদ্দেশ্য, থোকাবাবুর খেলাঘর হিসাবে ভারতকে রেনোভেট করা। এই থোকাবাবুকে চোটিরা বা ছগনরা দেখতে পায় না কিন্তু তাঁর খেলনা হয়ে থেতে থাকে লাথ। অচিরে বোঝা যায়, পুরনো প্রবাদ নতুন করে লেখার সময় এসেছে। গ্র্যাংটোদের বাটপাড় ও ভাকাতের ভয় সমধিক।

এ অঞ্চলে নির্বাচনী প্রচার করতে এসে তবে সদস্যের সহসা মনে হয়, জায়গাটি খুব গোলমলে। তদনুসারে সে সেক্রেটারি, পার্টি সেক্রেটারিকে জানায়। সে যা জানায়, তার সারমর্ম হল, তীরথনাথ, হরবংশ্, তুজন মালিক থাকা সত্ত্বেও স্থানীয় আদিবাসী, অছুত, এরা তাদের কাছেই বাঁধা নয়, আরো রুজিরোজগারও করতে অ্যালাওড্।

সেক্রেটারি বলে, তা হতে পারে, তাতে কি ?

সদস্য বলে, তীরথনাথ ও হরবংশের সঙ্গে কথা বলে তার ধারণা জন্মেছে, ব্যক্তিগত সম্পর্ক থাকার কারণে তারা অভ্যস্ত প্যাটার্ন বদলাতে চায় না।

তা আমি জানি। আমারও জমি আছে, খাতক আছে, বেঠবেগার আছে। ব্যক্তিগত সম্পর্ক থাকলে মারদাঙ্গা হবার অবকাশ কম।

আরে, আপনি বুঝছেন না, ব্যাটারা কেমন যেন স্বাধীন-স্বাধীন ভাবে চলেফেরে, তেমন কোমরভাঙা নয়।

খুব বুঝছি। একটা কথা মনে রাখবে।

কি ?

আদিবাসী লোক ঔর অছুত লোকদের নিয়ে এমন কিছু করবে না যাতে হাল্লামা হয়। আমি পার্টি ঔর সেক্রেটারিও। আমার

মদতে তুমি জিতেছ। তাই তহনীলে মেস্কারকে মারার ব্যাপারে তোমার নামে কাইলও আছে।

কেন ?

সেক্রেটারি ঘাণ্ড রাজনীতিকের হাঙুরে হাসি হাসে ও বলে, রাখতে হয়। ঠিক জায়গায় রাখতে হয়। যদি আমি তোমার কাছে অপ্রিয় হয়ে যাই, যদি আমাকে—তাহলে ওটা কাজে লাগবে। আমি তো ভাবিনি তুমি ওকে জানে মেরে দেবে। ভেবেছিলাম, ডিরেকশান তুমি বুঝেছ, বোমা ছুঁড়ে মিটিং ভাঙবে।

এঃ, ভুল হয়ে গেল।

ক্ষমতা পেলেই হয় না। রাখতে জানা চাই।

যাক, যো ছয়া ও ছয়া। এখন, আমি যে ছেলেদের বলেছি, এলাকা বেটে দেব। ওদের এলাকা দেব, এক-দো কন্ট্রাকটরি। বেচারারা ঘরদোর ছেড়ে পার্টি করতে এসেছে, খোড়াবহোং মদত তো দিতে হবে।

তা দাও না। আমি কি “না” বলেছি ?

কিন্তু.....

কি ?

সে ছিল তপশীলী। তপশীলী ঔর আদিবাসীদের ভালাই ভি করেছিল। তাতেই বেটাদের গরম উঠে গেছে।

আরে, মারদাঙ্গা না করলে কি শায়েস্তা করা যায় না ? বুদ্ধি থাকা চাই। কি করবে তা তারাই বুঝুক। তোমার সামনে এখন অনেক কাজ। আগামী চুনাও মে' তুমি রিটার্ন হলে মন্ত্রীও হতে পার। মন্ত্রী হতে হলে কাজ দেখাতে হবে। শুধু বুঝাই করলে পাবলিক মদত দেবে না। প্রতিবার এবারকার মত নিয়মে ভোট না মিলতে পারে। তোমাকে ভালাই ঔর বুঝাই দুই করতে হবে। সেখানেই মস্তানি করা চলবে ভোটের বিষয়ে, সেখানে পাবলিকও তোমাকে সমর্থন করে।

করবে তো।

ভীরথনাথ হরবংশ্ মাইনরিটি। রেলোয়ে স্টাক ফ্লোটিং পপুলেশন। তার সংখ্যায় কম। মেজরিটি আদিবাসী ঔর অছুতরা। চোটি খুব মজার জায়গা। ওখানে তোমাকে সাবধানে চলতে হবে। নয়তো—

কি ?

সেক্রেটারির হাসি আরও বিসাক্ত হয়। বলে, বাচ্চু! তুমি তো সেদিনের ছেলে। কিন্তু আমার নাম দক্ষিণ-পূর্ব বিহারে সবাই জানে। আর ঈশ্বরের কুপায় দিল্লীতেও আমার যোগাযোগ আছে। আমার কথা না শুনে চললে অনেকেরই পোলিটিকাল কেরিয়ার খতম করে দিয়েছি। তা তোমারও জানা উচিত। তোমার বাবাকে ১৯৫৭তে বসিয়ে দিই বাধ্য হয়েই। বেচারী মরেও গেলেন। তাঁর ছেলে বলেই তোমাকে—

হাঁ হাঁ। আপনি না মদত দিলে আমার হত না।

শেষ কথা। চোটি ঔর চাই ঔর কুরমি ঔর নরসিংগড়। ও অঞ্চলের এক ইতিহাসও আছে। কোনো খোঁচাখুঁচি চাই না। গ্রামদেশে বেশি খোঁচাখুঁচি করলে রক্ত ছুটে যায়, নকশালী প্যাটার্নে ভায়োলেন্স হয়। তোমার বোকামিতে ও অঞ্চলে কোই নকশালী ভায়োলেন্স যেন না ঢুকে। তাহলে তুমি গেছ। ওখানে নকশাল মারা পড়েছে, ভুলে যেও না।

ভুলব না।

আদিবাসীদের পালা-পার্বণ-মেলা কিছু নিয়ে হাঙ্গামা কোর না। একটা কাজ করা খুব দরকার। আদিবাসী ঔর অছুত চোটিতে এককাট্টা। কৌশল করে ওদের তফাত করলে ভাল। চোটিতে আছে চোটি মুণ্ডা নামে এক বুড়ো। তার খুব সম্মান ও অঞ্চলে। ঔর ছেলের কেসের সময়ে আদিবাসী অফিসার দিলীপ তরোয়ে জোর মদত দেয়। তরোয়ে ভাল অফিসার। এখন ডিরেক্টর, ট্রাইবাল ওয়েলফেয়ার বনেছে। চোটিকে যদি হাতে রেখে চলতে পার, অঞ্চলটিতে তোমার মোটামুটি খুঁটি থাকবে। যত কথা বললাম, মনে

য়েথে কাজ করবে। আমাদের নেতার এখনকার ভূমিকাটা দেখছ না ?
 উনি এখন পূর্ব গোলার্ধের লীডার বনছেন। ভৈয়া! তোমার কাজ
 ঠিক কাজে মদত দান। স্বচক্ষে দেখেছি ঠিক মাহাত্ম্য।

দেখেছেন ?

দেয়ালে ছবি ঝুলছে দেখছ না ? ওটা তো আমি।

তাই তো। আচ্ছা ?

কি ?

কাউকে শুধাতে পারি না। কিছু জানতে ইচ্ছা যায়।

কি ?

ছুয়াছুতি আমি মানি, আপনিও।

নিশ্চয়। বর্ণাশ্রমে আমাদের বার্থরাইট।

এ কি সত্যি কথা ? যে মহাত্মা ছুয়াছুত মানতেন না ?

ভৈয়া! উনি ছিলেন দেওতা। দেওতার কথা কি মানুষ বুঝে ?
 ঠিক বলেছেন।

সদস্য চলে যায়। সেক্রেটারি এখন তস্য সেক্রেটারিকে বলেন,
 কি মালকে আসরে নামিয়েছি দেখলে ?

দেখলাম। কিন্তু কেন ?

কি “কিন্তু কেন” ?

দেওকীনন্দন কত ভাল ছেলে ছিল। আপনার হাতে শিখানো,
 গ্রামসেবক ছেলে। এ শালা ধানবাদে মোটরের টায়ারে মদ পাচার
 করত, সিনেমার টিকিট বেলাকের বিজনেস করত, মাড়োয়ারীদের
 রাণী সাপ্লাই করত, খুনের মামলায় আসামী হয়েছিল, খালাস পায়।
 একে কেন আনলেন ?

এখন অর্জুন মোদী উপরে উঠছে। আমাদের মফঃস্বলে
 তার যুব লীগ হচ্ছে লোকাল-মস্তান নিয়ে। ইসিসে এ লৌণিকো
 লায়। ভৈয়া, আমি হলাম হাওয়াকলের মুরগি, সিনেমায় যেমন
 দেখ। যেদিকে বাতাস সেদিকে ঘুরতে জানি। নইলে বাঁচতাম ?
 এখন রাজনীতিতে খুনোখুনি দেখছ না ?

আমাদের জমানা চলে গেল। সুন্দর চলছিল সব। রাজনীতি কত প্রকিটেবল বিজনেস হয়ে উঠেছিল। সকলের নাকা থাকছিল। কত পথ খুলে গেল। আমার ষাট বছর বয়সে বোম্বাই শহরও দেখিনি। সেই আমি ইউথ ডেলিগেশনে চলে গেলাম সিঙাপুর-হংকং-ম্যানিলা-জাপান। কত কত ক্যামেরা ঔর ট্রানজিস্টর এনে বেচলাম। কেন? খুনাখুনি তো করলাম না? তাতে ক্ষতি হল কিছু? এখন যে কি হল?

ভৈয়া, তুমি আমার মনের কথাই বলছ। পুরনো দেশসেবক কি চায় হিংসা? ওই সে মেস্কারকে মারল। তার জন্তে ছুখ উঠে না আমার? এখন “আদিবাসী সমাচার” কাগজ তার বউ-বাচ্চার জন্তে টাকা উঠাচ্ছে। কি সাক্ষা আদমি ছিল বল? দশ বছর মেস্কার রইল, এক পয়সা করতে পারেনি? তেমন লোককে হটিয়ে একে আনলাম, এতে ভাল লাগে আমার?

জানে বা মারল কেন?

সেক্রেটারি উত্তপ্ত হয়ে বললেন, মারাটা বুঝি কাজ, তবু মেনে নিচ্ছি তোর ওকে মারা দরকার ছিল। অমনি পাবলিক জায়গায় মারে? হাজার লোক সাক্ষী রেখে। পার্টির কথাটা ভাবলি না? আমাদের পার্টি কি খুনেদের পার্টি? লোকে কি ভাবল?

সচ বাত।

কিছু না, কিছু না, ও ওয়েস্টবেঙ্গলে ১৯৭১ সালে বরানগর-কানীপুরে যা হল না? তিনশো মাস্তান গিয়ে ছশো-আড়াইশো নকশালী ছেলেকে মারল ঔর পুলিশ কিছু বলল না, সিদ্ধার্থ রায় ভি কিছু করল না, চেপে দিল সব, তাই জেনে এরা জেগে উঠেছে।

সে কি ঠিক?

কক্ষনো নয়। তুই সেদিনের মস্তান। তুই কি সিদ্ধার্থ রায়? ও রকম ইংরিজি জানিস? প্রধানমন্ত্রীর সঙ্গে থানা খাস?

কিসে আর কিসে! প্রধানমন্ত্রীকে দেখলে পাংলুন খারাপ করবি, ইংরেজি! হিন্দী জানে ও?

কি করে দেখা যাক।

মদস্তের প্রথম কাজ হয়, পার্টি সেক্রেটারির কাছ থেকে প্রদেশের সেক্রেটারির কাছে গিয়ে সব লাগানো। প্রদেশ সেক্রেটারি বলে, কি? তোমাকে এই সব বলল?

বলল তো?

না না, বুড়োদের হটাতে হবে। ওদের এই আদিবাসী—অছুত শ্রীতি আর বুদ্ধি করে চলার নীতি ভারতের আজকের রাজনীতিতে চলে না। লড়ে যাও তুমি। প্রথমেই বিধানসভায় একটা কিছু নিয়ে হইচই তুলে দাও। যাতে ইমপ্রেশান হয় একটা।

গোহত্যা নিয়ে হল্লা উঠাব? বহোৎ পপুলার ইস্যু।

না না। বহোৎ কম্যুনাল হো সফ্তা।

তাহলে?

দেখছি। আর শোন। রোমিওকে নিয়ে মেথ্যারকে বোম্ মারানোটা ঠিক হয়নি। ও চেনে পয়সা। কাল আরেকজন টাকা দিলে তোমাকে বোম্ মেয়ে দেবে। ওকে তুমি যা হয় কিছু করে দাও।

রোমিও, পহলোয়ান আর দিলদার, তিন জনকে কন্ট্রাক্টরি দিচ্ছি, টাকা দিয়েছি, ওঁর ইলাকা বেটে দিচ্ছি।

বেশ। তাহলে ভাব, কি নিয়ে বলবে।

গুরু! আমার মুখে তো ভাল হিন্দী বেরোয় না।

দিলদার বলে দেবে।

মদস্ত তারপর যায় চেলাদের নিয়ে মদ খেতে। মদ খেতে খেতে বলে, দূর! এই সাকা কাপড় পরে বিলাইতী খাওয়া আমার পোষায় না। আমি হলাম জনতার লোক। চোলাই খাব, লুঙি পরে রুমালী বিবিকে জড়িয়ে ধানবাদ টিশনে নাচব, মজা উঠাতে বন্দুক ছুঁড়ে স্টেটবাসের টায়ার কাটাও, এখন সব বন্ধ। এমন কি সাবান মাখতে হচ্ছে, দাঁত মলতে হচ্ছে। রুমালীও বলে, চেনা গন্ধ কোথায় গেল?

দিলদার বলে, সে সব ভুলে যাও গুরু।

কৈসে ?

বিধানসভার কথা ভাব ।

কি ভাবব ?

বই-টাই পড় ।

তুমি পড়ে আমাকে বাতাত ।

না না, তুমিও পড় ।

এই পড়তে গিয়েই কেস বিগড়ায় । সদস্য ক্লাস ফোরের কথানা বই নিয়ে শিক্ষা শুরু করে এবং ইতিহাস বই পড়ে সে বেজায় খেপে যায় । সদলে সদলে গিয়ে ইতিহাস বইয়ের লেখক, নেড়া মুণ্ড, কাঠিয়াবাৰা ভক্ত, নিপাট ভালমানুষ বিরজ তেওয়ারিকে বাড়িতে চুকে বেদম পেটায় ও বলে, অছুতদের পিরিত দেখাচ্ছ ?

কৈসে ?

কেন লিখেছ গোঁতম বুদ্ধ শূত্রের বাড়ি শুণ্ডর খেয়ে অসুখ হয়ে মরে যান ? অছুত লোক ভগবানকে মেরে দিল এ কথা লিখলে অছুতরা মাথায় চড়ে বসবে না ?

কাহে ?

তবে রে !—বলে সদস্য বিরজ তেওয়ারির বইপত্তর ছিঁড়ে ফেলে এবং বলে, সমস্ত ইতিহাস বই পুড়িয়ে দাও ।

বিরজ তেওয়ারি তখনি স্বসাধ্যে হইচই তোলেন । শ্রদ্ধ বহুদূর গড়ায় । কাগজে খবরটি হাইলাইটেড হয় । “আদিবাসী সমাচার” সদস্যের অতীত জীবনকাহিনী ছেপে বিক্রি বাড়ায় । দিলদার কলকাতা গিয়েছিল, ছুটে আসে । বিধানসভায় প্রসঙ্গটি ওঠে । সদস্য ডাইনে-বাঁয়ে প্রবল ঝাড় খায় । প্রদেশের সেক্রেটারি অবধি সদস্যকে গাল পাড়ে । পার্টি সেক্রেটারি বলেন, মূর্থ ! গাধা ! যা লেখা আছে তাই লিখেছিল ও । এই জ্ঞানবুদ্ধি নিয়ে তুমি মেথ্যার হয়েছ ?

সদস্য নীরবে সব শোনে ও বলে, ঠিক আছে । চেলাদের বলে, বুদ্ধ তো হিন্দু দেওতা । কৃষ্ণের এক অণুভার । সে লোকটা এমন বুঝাই কাজ করে গেল ?

তাই তো দেখছি।

যাক গে, আমি আর এখন বিধানসভায় মুখ খুলছি না। নিজের এলাকা ছরস্তু করি।

সবাই হাঁপ ছেড়ে বাঁচে এবং এখন শুরু হয় বাঘের খেলা। সদস্য বোঝে, এ অঞ্চলের সুবিধা হল, কটাকট খবর-টবর কাগজে বেরুবে না। কেউই আদিবাসী বা অছুতদের বিষয়ে মাথা ঘামায় না। দিলদার বলে, এমন ফিল্ড থাকতে শুরু! তুমি বুদ্ধের কথা নিয়ে মাতামাতি করতে গেলে।

তুমি কলকাতা গিছলে কেন, রাণীর বাচ্চা? তুমি থাকলে এ রকম কেচ্চা হয়?

আমি তোমায় ছেড়ে যাচ্ছি না।

চোদ্দ

এ ভাবেই চোদ্দ অঞ্চলের জীবনে রোমিও, পহলোয়ান ও দিলদার ঢুকে পড়ে। বুদ্ধকাহিনী নিয়ে সদস্যের যে হাঙ্গামা হয়, তাও এই অনুপ্রবেশকে ত্বরান্বিত করে। এ ভাবেই করুণাঘন শাকামুনি চোদ্দদের জীবনে তাঁর অজ্ঞানতে একটি ক্যাক্টর হন।

তীরধনাথ, তার খেত ও আবাদীর সঙ্গে চোদ্দের কোনো যোগাযোগ থাকে না। হরবংশ নতুন ঠিকাদারী পেয়ে হয়ে ওঠে কেজোকর্মা। সে চোদ্দিকে ডেকে বলে, চোদ্দ! বর্ষা কাটতে চলল। লালাজীর কামে আমি আগে চোট দিই নি, এখনো দেব না। কিন্তু এখন চামাতে ক্যাক্ট চালু হচ্ছে। তুশো কোয়াটার বসবে। কত ইট লাগবে, তা জানি না। কিন্তু সব ইটই দিচ্ছি আমি।

নিরম্ম চোদ্দ হবু লক্ষপতি হরবংশকে হেসে বলে, এ খুব ভাল হল মহারাজ। কোনো অস্ত্র মানুষ ঠিকাদারি নিলে ভি রাজা বনে যেত। তুমি রাজা বনো মহারাজ, আমরা দেখি।

না না চোন্টি, সে সব পরের কথা । এখন তোমার সঙ্গে কাজের কথা আছে ।

বল মহারাজ ।

আমার তো লেবার লাগবে ।

আমরা তো আছি ।

হরবংশ্ এবার হাসে । বলে, অনেক, অনেক—ক লোক লাগবে । চোন্টি, বিড়ি ধরিয়ে না । সিগারেট খাবে একটা ? খেয়ে দেখ না, কেমন লাগে ?

চোন্টি সিগারেটটি নেয় । ধরিয়ে চোখ কুঁচকে টানে ও বলে, কি সুখে খাও ? ঘাসের মত ।

নেবাচ্ছ কেন ?

য়েখে দি । হরমু খাবে । কোয়েলটো মাঝে মধ্যে হাট হতে আনত । সে ভালবাসত ।

এখন শোন ।

বল মহারাজ ।

লেবার-কুলি অনেক চাই । গ্রাম হতে যাদের পাব তা জানি । কিন্তু আমার বেশি পছন্দ আদিবাসী । তোমাকে সকলে মানে । তুমি যদি কুরমি, নরসিংগড় থেকে আমায় কিছু লোক এনে দাও, দেবে ?

কুরমির লোক আসবে । কেন কি, ওরাদের ধারে কাছে কোনো কাজ নাই তেমন । ধর নরসিংগড়েও গেলাম, তারা ভি এসে গেল । কিন্তু,—

কি. বল ?

তারা ভি পাঁচ সিকা পাবে ?

কি দিলে কি থাকবে সে হিসেব হরবংশ্ অনেক বার কষেছে মনে মনে । সে জানে, এদের পাঁচ টাকা দিলেও তার লাভ থাকবে । কেন না তার কন্ট্রাক্ট ছ'লাখ টাকার । সে বলে, ছ' টাকা মজুরি দেব, পাকা আড়াইশো ভূট্টা ছাতু আর একশো গুড় জলখাই । এক কথা, কাজটা আমাকে তিনমাসে তুলে দিতে হবে ।

চোড়ির চোখ সূর্য ওঠার আগের আকাশের মত শান্ত ও সুন্দর হয়ে যায়। সে আস্তে বলে, মহারাজ ! এ কথা বললে সবাই খুশ মনে যাবে। তুমার ভাল হোক।

তোমাকে খোলাখুলি বলছি এই কাজের জন্তে এই রেট। সব সময়ে কর্তৃত্ব পাব না। তখন এ রেট দিতে পারব না। সেটাও জানিয়ে দিলাম।

তাও বলব।

তোমার সঙ্গে আরো কথা আছে।

বল মহারাজ।

তোমার বয়স হয়েছে। ওদের সঙ্গে সমান হয়ে কাজ করতে হবে না তোমার। তুমি শুধু এই সব লেবার যাতে ঠিক মত কাজ করে, তা দেখ। তোমাকে আমি তিন টাকা করে দেব।

মহারাজ, ও-কাজ করবে কেন ? আমি ঠিকাদার নই। এক টাকা বেশি নিলে আমার সংসার সুবিধা অনেক। কিন্তুক আমি তো ঠিকাদার নই যি বেশি টাকা নিব, তা বাদে এখন অবধি মোরা মিলমিশে কাম করি। আর মহারাজ ! বয়সের কথাটো বলছ তাতে মনে তুখ উঠি গেল। এখনো গাছ ভি কাটি, দশ মাইল ভি হাঁটি, নিজের ভাতটো নিজে কামাই করতেছি। তুমার বাপরে দিয়া দেখ কেন ? সি ভি করে।

হরবংশ্ বলল, সে তুমি জান। বেশ, টাকা যদি বা না নাও, তবুও ওদের সমানে কাম করতে দেব না। তুমি তো মোদের একটা চোড়ি। তুমি গেলে আর পাব না।

যেতে কে চায় ?—চোড়ি হাসল। খুবই হৃবোধ্য হাসি। বলল, কতকগুলান জমানা দেখলাম মহারাজ, আরো ভি দেখি ? এই চোড়ি বা কেমন ছিল ? তুমি-আমি যেথা দাঁড়ায়ে কথা বলতেছি, হেথায় এক বাবু, আমি তখন দশ বছুরা ছেলা হব, হেথা ছিল গহীন জঙ্গল। গাই নিয়া ঢুকছি। গাই বাঘের গন্ধে পলাল। আমি উঠছি পাকুড় গাছটার। আমার সমুখ দিয়া মানুষ নিয়া চলি গেল। তখন রেল

লাইন বনতেছে হেঁথাহোঁথা। মানুষের সোয়াদ পেত যি বাঘ, তার জুলুমে লাইনের কাজ বন্ধ হই যেত।

চোটি, এ পাহাড়টা কি ব্লাস্ট করে ওড়ানো ?

না মহারাজ। চিরকাল এক রকম। মাঝে আধ মাইল ফাঁক, দু পাহাড় দু ধারে, মোরা বলতাম দু সতীন। চিরকাল! বাপ-দাদারা বলি গিছে, ধরতি সিজলে পরে অনুরদের বউগুলান্ হরম-দেওয়ার কাছে বগড়া করতে গিছিল। হরমদেও তারাদের নিচে আছাড় মারে, তাতেই সব ধরতিতে পাহাড় হল। তা ইখানে পাহাড় কাটাতে হয় নাই। রেল বসাছে মাঝ দিয়া। কত কথা!

তাহলে চোটি সে কথাই রইল ? ছগনকে বলতে হবে কি ? তাকে তো বললাম না।

আমি বলি দিব।

হরবংশ্ ভেতরে ভেতরে কিসের যেন জরুরী তাগিদ টের পায়। কিসের তাগিদ, তা বোঝে না। সে কণ্ট্রাক্ট মত কাজ করতে চায়, নাকা করতে চায়, মস্তানদের খুশি রাখতে চায়। এ অঞ্চলে ফাঁপা ইট তৈরির কাজ খুব ভালভাবে হতে পারে। হরবংশ্ গড়ে তুলতে চায় ইট তৈরির কারখানা। আদিবাসীদের ও অছুতদের জন্তে তার কোন ভালবাসা নেই বলেই সে মনে করত। এখন মনে হচ্ছে আছে। দীর্ঘকাল চেনাচেনির ব্যাপার। তারপর, হরবংশ্ নিজে গ্র্যাজুয়েট, কাগজপত্র পড়ে। লেবারদের মোটামুটি সন্তুষ্ট রাখার মত ওয়েজ দিয়ে নিজের কাজ তুলে নিতে চায়। সদস্যের চেলাদের বর্বর গুণামি, পশুশূলভ মদমত্ততা তার পছন্দ নয়। ওদের কথা কি, সদস্য নিজে যে রকম অসভ্য জানোয়ার, ও সদস্য না হলে হরবংশ্ ওকে বাড়িতে ঢুকতে দিত না। হরবংশের কেবলই মনে হতে থাকে, বাবার সঙ্গে কোনো পরামর্শ না করে সমগ্র ব্যাপারটিতে ঢোকা তার উচিত হয়নি। অবশেষে সে যায় বাবার কাছে। পরতাপ সিং এখন চালে খুলেছেন মোটর সার্ভিস-রিপেয়ারিং কারখানা এবং দূর পাল্লার মাল সন্নিবাহকারী ট্রাক সার্ভিস। হরবংশের জী, ছেলে মেয়ে তাঁর কাছেই

থাকে। ছেলে মেয়ে পড়ে বোথারোতে। হরবংশের মা নেই, বিমাতা ও বৈমাত্র্য ভাইরা। চাম-কেল্লিক কাজকর্মের উত্তরাধিকারী। পরতাপের প্রবল ব্যক্তিত্বের কারণে সংসারে কোনো অশান্তি নেই। হরবংশের বউ-ছেলে-মেয়ে তার বিমাতার বেশ প্রিয়ও বটে। ত্রিকিল্ড ও চাচা বাস সার্ভিস এক। হরবংশের।

পরতাপ, ছেলের কথা মন দিয়ে শোনেন ও গম্ভীর হয়ে যান। বলেন, এ তুমি ঠিক করনি। এ মেস্‌য়ার নাক্ষ কত নেবে?—য়েট শুনে উনি বললেন, আমি তো এখানেই বসে ছিলাম। একবার জিগ্যোস করলে না? এখন যারা ক্ষমতায় এসেছে, তাদের সঙ্গে আমাদের মত লোকেদের কাজ করার করা খুব মুশকিল। ওরা কি করছে জানতে পারছি সব। সরকার কয়লা নেবার পর কি হল তা শোন। ঠিকাদার লেবার দেয়, লেবারের মজুরি থেকে বাট্টা নেয়। দিয়ে থুয়ে যা থাকে মস্তানরা লেবারদের কাছ থেকে ফিরিভি বাট্টা নিচ্ছে। মালিক-মজুর সম্পর্কের মধ্যে সর্বক্ষেত্রে ঢুকে পড়ছে এরা, বাট্টা নিচ্ছে। ফলে গোল বাধছে। টাউনের যত সাইকেল রিকশাওলা প্রত্যহ মালিককে জমা দেয়। যা দু-চার টাকা থাকে তা থেকেও এরা নিচ্ছে। যে দিচ্ছে না, তাকে মেয়ে ধরে তাড়িয়ে দিচ্ছে। বড় জায়গায় রিকশাঅলাদের ইউনিয়ন এদের সঙ্গে কথাবার্তা বলে কোন মিটমাট করতে পারে। কিন্তু ছোট জায়গায় গুণগোল হতে পারে। তোমার ও মেস্‌য়ার লোকটা তো বেজায় নোংরা। খুনোখুনি সে কথা জান? খুন করে সরায় আগের মেস্‌য়ারকে?

হরবংশ চুপ করে থাকে।

সর্বত্র অছুত ঠ্যাঙাচ্ছে।

হরবংশ চুপ করে থাকে।

হরবংশের ছেলে এসে দাহর কোল ঘেঁষে দাঁড়ায় ও বলে, অছুত মানে আনটাচেব্ল। জানো বাবা? বোনের যখন চিকেন পক্স হয়, তখন বোনকে আমি ছুঁতাম না। তখন বোন অছুত হয়ে গিয়েছিল, তাই নয় বাবা?

পরতাপ বলেন, বুঝেছি। এখন যাও। আমরা কথা বলছি।
—ছেলেকে বলেন, চুলোয় যাক অছুতরা। আমি আমার ছেলের
কথা ভাবছি।

কি করা যায় ?

একবার জিগ্যেস করলে না ? স্টেট ব্যাঙ্ক লোন দিত ব্রিকফিল্ড
বাড়াতে। সিমেন্ট কোম্পানী নতুন টাউনশিপ করছে। তারা
তোমাকে কন্ট্রাক্ট দিত। আমি কথা চালাচ্ছিলাম। সব চেয়ে ভাল
এ রকম কারবার। ঘাড়ে চোট যেত না। ব্যাঙ্কের টাকায় কারখানা
চালালে, সিমেন্ট কোম্পানীকে মাল বেচলে, এত ভাল নাকা থাকে
হরবংশ, যে ওয়েজ অ্যাঙ্কে লেবার পেমেন্ট করেও নাকা থাকে অনেক।
গুডউইলও তৈরি হয়, ঠুঁর নয়। নয়া নয়া সরকারী আগারটেকিঙে কন্ট্রাক্ট
মিলে।

পিতাজী, এক বাত।

বল।

আপনি কথা চালান। আমি লড়ে যাব। ব্যাঙ্ক লোনে ক্যাক্টি
চালু করলে আমি নতুন টাউনশিপে দিতে পারব মাল। এরা বেশি
ঝামেলা উঠালে বেরিয়ে আসতে পারব, সবটা লোকমান যাবে না।

তেমন বুঝলে চলে আসবে এখানে।

কিন্তু ফিল্ড খুব ভাল পিতাজী। ঠুঁর হলোব্রিক এখন নাকার
জিনিস। ঠুঁর লেবার ভি খুব ভাল। কাসটিং-মোল্ডিং-লেয়িং খুব
ভাল শিখতে পারে। এ তো বহোৎ কোই স্কিলের কাম নয়। আমার
আনফিল্ড লেবারই শিখতে পারে। ছোট ক্যাক্টি আমার। চেনা-
জানা লেবার দিয়ে কাম উঠানো চলে।

আদিবাসী লেবার সব সে আচ্ছা। শিখালে শিখে, ফাঁকি দেয়
না, খোড়াবহোৎ রেসপেক্ট দে কর ব্যবহার করো, বাস্ কাঁজ চলবে।

তবে সেই কথাই থাকল।

তোমার ট্রাবল হবে লেবার পেমেন্ট থেকে যো লোক যব বাট্টা
উঠায় গা। আমার ভয়, তখন না লেবার ট্রাবল হয়।

আমারও সেই চিন্তা। চোটির কাছে বেইমানী হয়ে গেলে ওখানে আদিবাসী লেবার মেলা কঠিন হবে, মিছে অশান্তিও ভাল লাগে না।

আরে! চোটি এখনো বেঁচে আছে?

নিশ্চয়। খুব শক্তও আছে।

তীর ছোঁড়ে?

ওর চেলারা ছোঁড়ে।

“চোটির কাছে” কি বললে?

চোটি তো আদিবাসী অছুতদের লীডার এক রকম। কত শাস্তি বলুন ত? ওকে বলে দিই, এত লেবার আন, এতদিনে কাজ উঠাও। বাস্, কাজ হয়ে যায়। আমার ওভারসিয়ার ভি ওকে পছন্দ করে। আমার মত শাস্তিতে কেউ লেবার খাটায় না।

দেখা যাক। ব্যাক্সের লোন আর টাউনশিপের কর্তৃপক্ষ আমি দেখছি।

হরবংশের মনটা হালকা হয়ে যায়। সে বিমাতার রাঁধা পালং-পনির ও গোবি-মটর খায়।

তারপর যায় বউয়ের সঙ্গে সিনেমায়।

যথাসময়ে চোটি নিয়ে আসে লোকজন। হরবংশকে বলে, ছগনরাদের বারা আসছে, তারাদের দায়িক ছগন। আমারদের দায়িক আমি। নরসিংগড়ের মুণ্ডাদের দায়িক ভাগবত, ওঁরাওদের দায়িক মঙ্গল ওঁরাও। কুরগির মুণ্ডাদের দায়িক এই সুগান। আর মহারাজ! এরাদের কথা মোরে বলবে, তুমার কথা মোরে বলবে। এরাদের যেজন কথা রাখবে না, তারে আমি বাহার করে দিব। আমারে ঢালাই কাজে দিও।

মরদ শুধু?

বিটিয়া কাল হতে আসবে।

হরবংশ তাজ্জব বনে যায়। বলে, কোথায় নরসিংগড়, কোথায় কুরমি। এই বয়সে তুমি সকলকে যোগাড় করলে কি করে?

নিজে যাব কেন? পাত্তা ভেজলাম, ডাকলাম।

চলে এল ?

ইরাদের বুদ্ধি নাই, বোকাটো । আমারে মানে ।

হুপুয়ে আধা ঘণ্টা টিকিন ছুটি ।

হরবংশের ওভারসিয়াররা বলে, ফিল্ডে পাঠাবেন টিকিন ।

চোটি বলে, তা কেন ? নাম বলে কাজে চলে যাবে এখন, তখন জলপানি দিয়া দিবে । তাতে সুবিধা বেশি ।

হরবংশ বলে, রাইট ।

সেইভাবেই কাজ হয় । ঠোঙায় বাঁধা ছাতু ও গুড় নিয়েই কাজ যায় সবাই । যেভাবে কাজ করে এরা, দেখে ওভারসিয়ারও অবাক হয় । বলে, দেখতে হয় না । চিল্লাতে হয় না, কাজ হয়ে যায় ।

চোটি আছে বলে ।

তাজ্জব কাণ্ড ।

খুবই শান্তিপূর্ণভাবে কাজ হতে থাকে এবং তৎসঙ্গেও হরবংশের কপাল থেকে মিলায় না চিন্তার রেখা, বাবার কাছে ঘনঘন যেতে থাকে ও । সিমেন্ট কোম্পানীর স্ট্রাটেলাইট নয়। খুদে শহরের কন্ট্রাক্ট চাই, চাই স্টেট ব্যাঙ্কের লোন । কন্ট্রাক্টের টাকার আশায় ও যে সর্বস্ব সঞ্চয় ঢেলেছে ব্রিকফিল্ডে, তাও যেন মনে থাকে না । তার মনের বিক্ষিপ্ত অবস্থার কারণ, একচল্লিশ মাইল দূরে কানাটা গ্রামে রোমিও এবং তম্বা ভ্রাতার দেশপ্রেমাত্মক কর্মকাণ্ড ।

রোমিওই উক্ত ঘটনার নায়ক । “রোমিও” নামটি তার স্বোপার্জিত । বাপ নাম রেখেছিলেন শাবনকুমার ও তুলসীদাস । হু ছেলের । পাটনা শহরে ছাত্র জীবনটি প্রলম্বিত করে শাবনকুমার এবং সাইকেল চালাতে চালাতে মেয়েদের ওড়না কেড়ে নিতে, আঁচল কেটে নিতে তার জুড়ি ছিল না । বারো থেকে চল্লিশ সব বয়সের মেয়েদের সঙ্গে অসভ্যতা করায় তার দক্ষতা জন্মায় ও নিজেও ও নাম দেয় “রোমিও” । একই সঙ্গে সে হয় যুব লীগের তরুণ সেনানী । বাড়তি খায় ও বনভোজনে গিয়ে । দলের একটি মেয়েকে ও নির্দোষ আনন্দে ও নিষ্পাপ মনে মদ খেয়ে জন্মদিনের পোশাকে নাচতে বলে । মেয়েটি ওকে চড়

মারে। ফলে ও মেয়েটিকে জঙ্গলে নিয়ে ধর্ষণ ও হত্যা করে। ফলে
 আন্ধ বহুদূর গড়ায়। মেয়েটির পিতা কোনোমতেই কেস-আদালতে
 সুবিধে করতে পারেন না। অতঃপর মেয়েটির দাদা সেনাবিভাগীয়
 অফিসার, পাটনা থেকে বাপ-মাকে সরিয়ে দেয় এবং রোমিওকে
 বেধড়ক পিটিয়ে ছ কানের লতি কেটে দেয়। রোমিও এখন এই
 দাদার বিরুদ্ধে কোনো কার্যকরী ব্যবস্থা নিতে পারে না। লোক-
 লজ্জায় ও পাটনা ছেড়ে মকঃস্থলে যায়। দলীয় যুবক নেতা ভরসা
 দেন, যেখানেই যাক, ওকে পুষিয়ে দেওয়া হবে। ক্রমে রোমিও
 আবিষ্কার করে, মেয়েটির দাদা সর্বত্র পেটাবার ফলেই হোক, বা
 মনস্তাত্ত্বিক কারণেই হোক, পুরুষোচিত কাজে ও ব্যর্থ হচ্ছে।
 সম্পত্তি ওর কথা মানছে না। নানারকম ইলাজ হয়। পুরুষ
 ভেড়াকে মাটি চাপা দিয়ে মেরে তার অণুকোষ ঘিয়ে ভেজে খেয়ে
 খেয়ে পেটে চড়া পড়ে। তিনি প্রসন্ন হন না। নিজের অক্ষমতা
 মেনে নিতে হয় রোমিওকে। এবার ওর মস্তিষ্কে হয় ভূ-পাতন।
 সমগ্র অধ্যায়ের শেষে ও শেষ চেষ্টায় যায় পুরনো চেনা এক বেশ্যার
 কাছে। এই বেশ্যা পাথরকেও সঙ্গমেচ্ছু করতে পারে বলে প্রসিদ্ধি
 আছে। রোমিও তাকে সোনার হার দেবে বলে কথা দেয়। কিন্তু
 বেশ্যাটি যখন বিকল হয়, তখন প্রচণ্ড আক্রোশে রোমিও তার কাঁচা
 মাখনের মত নরম গলাটি টিপে ধরে, চাপ দিতে থাকে। খুবই
 অপ্রত্যাশিত এই কাজ, তাই বেশ্যাটি অচিরেই মরে। ঘোলা চোখ
 ঠিকরে বেরোয়, ঠোঁট ও ট্র্যাকিয়াতে ফেনিল রক্তের গঁজা। ঠোঁট
 নথ ও চামড়ার লিভিডিটি এবং প্রত্যাশিত অঙ্গে অঙ্গে ফীতি ও
 সায়ানোসিস—সবই থাকে। রোমিও এবার জামা ও প্যান্ট পরে।
 জ্বংপিণ্ডে মুক্তির উল্লাস। ও বোঝে, হত্যা করে ও শাস্তি পেয়েছে।
 ষাতকতাই ওর ভূমিকা। সেজ্ঞেই নিয়তি বা সুখ্মার দাদা ওর
 পৌরুষ হরণ করেছেন। স্বভূমিকায় রোমিও বেরিয়ে আসে বেশ্যা-
 বাড়ি থেকে। অতঃপর তরুণ সেনানীর ভূমিকায় ও বহু খুন করেছে।
 গুলি মেরে। বড় আকসোসের কারণ। হাত দিয়ে মারতে সুখ বেশি

ওর। অচিরে ও খ্যাতি অর্জন করে। ওকে সর্ব্বকমে মদত দেয় ওর ভাই তুলসীদাসের শালা, কানাটা গ্রামের প্রাক্তন জমিদারের ছেলে দরিত্রনারায়ণ মিশির।

এই দরিত্রনারায়ণ মিশির বনাম অচ্যুত রবিদাসদের চলছিল এক জমির লড়াই। জমিটি রবিদাসরা ভাগে চেষ্টা। লিখিত পাট্টা আছে। উক্ত ষাট বিঘা জমিই আঠারোটি রবিদাস পরিবারের অন্নদাতা, কয়েক পুরুষ ধরে। কোনো বিকল্প সমাধান না করেই দরিত্রনারায়ণ জমিটি নিয়ে নিতে চায়। ব্যাপারটি বহুদূর গড়ায় ও বর্তমানে গ্রামে পুলিশচৌকি বসেছে। পুলিশ পাহারা দিচ্ছে। রবিদাসরা ধান কাটছে। রোমিওর মনে হয় দরিত্রনারায়ণকে সাহায্য করা প্রয়োজন। যুব লীগের জনা বিশেষ সেনানী নিয়ে রোমিও জীপ-মিছিলে কানাটা টোকে। পতাকা উড্ডীন রেখে সে ও তার চেলারা বেমকা গুলি চালিয়ে পাঁচজনকে খুন করে, দুজন জীলোক, তিনজন পুরুষ। রবিদাস পট্টিতে আগুন দেয়, ধান দেয় জালিয়ে। তারপর দরিত্রনারায়ণের বাড়ি যায় খবরটি জানাতে। পুলিশবাহিনী নিষ্ক্রিয় দর্শক থাকে। রোমিও থানাকে শাসায়, কোনো রিপোর্ট আজ লিখবেন না।—রবিদাসদের বলে, আমি আবার আসব আর ছোট-জাতের জায়গা কোথায়, তা আবার চিনিয়ে দিয়ে যাব।—দরিত্রনারায়ণকে বলে, এখন আমরা যা খুশি তাই করতে পারি। সব মালিক-মহাজনকে বলে দাও, পাঁচ বছরে হরিজনদের এমন শিক্ষা দিয়ে যাব, যে মাথা উঠাতে পাঁচ হাজার বছর লাগবে। হরিজন, আদিবাসী, সব হটাৎ। উচ্চজাতের মাঝে গরিব যারা, তারা চাষ-কাজ করুক। বিহারে যদি এ প্রোগ্রাম সাকসেসফুল হয়, ইণ্ডিয়ায় সব জায়গায় চলবে।

দরিত্রনারায়ণ বলে, ভৈয়া, মিনিষ্টার লোগ কা বোলে গা ?

রোমিও বলে, মিনিষ্টার লোগ ? স্টেটের মিনিষ্টার ? আরে দিল্লী মদত দেগা, আভি ভি দেতা হয়।

দরিত্রনারায়ণ কৃতজ্ঞতার প্রতিদান দিতে চায়। বলে, আসাম

থেকে গগুর মারিয়ে তার শিং আনিয়েছি। দেখবে না কি
খেয়ে ?

না না।

অজুন তুমি, বৃহন্লা বন্ গেলে।

ভৈয়া, এখন সব নতুন হয়ে যাচ্ছে। বৃহন্লা ভি হয়েছি, আবার
অজুনের মত বীরের কাজও করছি।

তাও ঠিক।

আবার আসব। মাঝেমধ্যে এ রকম অ্যাকশান করলে হরিজনরা
ভয়ে ভয়ে থাকে। এ কথা সবাই মানলে আজ দেশের চেহারা
পালটে যেত। পুলিশ দেখ না, কিছুদিন চুপ করে থাকবে। তারপর
ধরতে হলে রবিদাসদেরই ধরবে।

ঘটনাটি কোন কাগজে বেরোয় না। তবু জানাজানি হয়। শুনে
হরবংশ আরো উদ্বিগ্ন হয়। রোমিও যদি চোন্টিতে আসে ? রোমিওর
পেছনে রাজ্য সরকার, পার্টি সংগঠন, যুবলীগ, পুলিশ, দিল্লী।
হরবংশ কি করবে ? কতদূর তার ক্ষমতা ? হরবংশ তার উদ্বেগের
কথা কারুকে বলতে পারে না। রোমিও মেয়েছেলেদের গুলি
করেছে ভাবলেই তার ভয় করে।

একদিন সে যায় কাজ দেখতে। চোন্টি একটি পাথরে বসে বিড়ি
টানছে। চোন্টির কাছে দাঁড়ায় ও।

চোন্টি বলে, কত সুন্দর দেখতে।

কি চোন্টি ?

ই যি সবাই কাম করতেছে ? কামটোর লাগি তো যত দুখ
মহারাজ। এখন ঘরে ঘরে সব হাশে।

তা ভাল, খুব ভাল।

কত শাস্তি।

ই্যা চোন্টি।

কিন্তুক এমন হবে না।

কেন ?—হরবংশ চমকে ওঠে।

চোটি কর্মরত মানুষগুলির দিকে চেয়ে থেকেই বলে, কানাটায় কি হচ্ছে জান না? জান তো। তুমার মুখ দেখি বুঝছি।

এরা জানে?

সবাই। জমানাটো খারাপ হই গিছে মহারাজ। আইন-আদালত-পুলিস—সকল হই গিছে কিনাবিচা।

হরবংশ্ সহসা যেন জোর পায় ভেতরে এবং তাৎক্ষণিক আস্তর সততায় বলে, আমি থাকতে কোন চিন্তা কোর না।

আমি? চিন্তা? চিন্তা আমি কুনোদিন করি না। চিন্তা করি লাভ আছে কুনো? যখন যেমন দেখি, সাধ্যমত মুকাবিলা করি।

তুমি আমার একটা ভরসা।

তা কখনো হতে পারি?—চোটি গলা তুলে হেঁকে বলে, এই বিটিরা! তুয়া হাসতেছিস কেন? কাম নাই?

ছগনের নাভনি হেঁকে বলে, কাম উঠায়ে দিব হে।

তাড়া কর।

চোটি আবার বলে, ই টুক কামের শাস্তি, দুটা খাবার শাস্তি, ই টুক ভি রইতে দিবে না মহারাজ! জমানাটা খারাপ হই গেল। খুনজখমটো বাড়তেছে কত। এত খুন ছিল না।

হরবংশ্ বলে, আমি তো আছি।

তুমার লোকজন আছে, বন্দুক ভি। সাবধান হই থাক। ইয়ারা দনাদন গুলি ছুঁড়ে, বোম কাটায়।

একদিন ব্রিকফিল্ড দেখতে এসে দারোগাও সেই কথা বলল, মি: চাচা, যা বলছি তা আমার-আপনার মধ্যকার কথা। কেউ জিগ্যেস করলে আমি স্বীকার করব না। কিন্তু কথাটা শুনুন। বন্দুক আছে?

আছে।

কটা?

একটা।

আরেকটা কিনুন। লাইসেন্স করিয়ে দিচ্ছি।

কেন ?

সাক কথা বলছি। ধানার হাতে আর কোনো নিজস্ব ক্ষমতা থাকছে না। যুব লীগ যা বলছে তাই করতে হচ্ছে। আপনি তো জানেন, আমি জনসংঘ, ঠুর সে কথা কোনোদিন ছিপাই নি। ঠুর জনসংঘ হই যা হই, কোনোদিন কাজে ভুল করিনি। মালিক-মহাজন বলুন, কারবারী বলুন, মদত দিয়েছি সকলকে। এখন যা দেখছি, এ মেস্বারের আদত খুব খারাপ। রোমিও আমাকে শাসায়। যুব লীগের শাসানি আমি সহিব ? কিন্তু বন্দুক নিতে বলছি কেন ? কুছ হাজামা হলে আমি কিছু করতে পারব না। যেমন ঘটনা হবে, তেমন মুকাবিলা করবেন, আমি দেখতে যাব না। মিঃ চাটা, হরিজন লোক খচড়াই করে, জরুর শাসন করব। কবে করিনি ? কিন্তু মেয়েছেলের ওপর গুলি চালানো ? রাম রাম !

হরবংশ্ ব্যাকুল হয়ে বলে, কি হবে বলে ভাবছেন ?

কা জানে।

হরবংশ্ আবার যায় বাপের কাছে। বাবার কথাবার্তা খুবই আশ্বাসজনক। বাবা লাইন পেয়েছেন একটা। লাহোরে চাটা পরিবার দেশপ্রেমী বলে পরিচিত ছিল। হরবংশের বাবার কোনো খুড়ো মরেন জালিয়ানওয়ালাবাগে। হরবংশের বৈমাত্র ভাই বিহারের হকি চ্যাম্পিয়ন। এই সব ব্যাপার ক্যাশ করে সিনিয়র চাটা ধরেছেন বিধানসভার সেক্রেটারিকে। সেক্রেটারি ভরসা দিয়েছেন। অতএব হরবংশ্ ব্যাকের লোন ও নতুন কন্ট্রাক্ট পাবে।

উৎফুল্ল মনে হরবংশ্ বাড়ি ফেরে এবং দেখে রোমিও এবং পহলোয়ান তার বাড়ির বারান্দায় বসে তাস খেলছে। রোমিও বলে, বসুন। কথা আছে। কি রকম চলছে কাজ ?

ভালই চলছে।

কোনো লেবার ট্রাব্‌ল ?

না। আমার কখনো লেবার ট্রাব্‌ল হয় না।

কি রকম ?

ছোট জায়গা। চেনাজানা থাকলে ঝামেলা হয় না।

আমেরিকান পলিসি, কা?

কি বললেন?

আমেরিকাতে তো এ রকম পলিসি হয়। বড় কোম্পানি লেবার লোককে এত খুশ্ রাখতে, যে ঝামেলা হয় না।

তা হবে। চায়ে-উয়ে বলি?

বলুন, বলুন।

চোটি এমন জায়গা নয়, যে হঠাৎ অতিথি এলে কেনা খাবারে আপ্যায়ন করা চলবে। উধম সিং মা-বউ নিয়ে থাকে এই ষা রক্কে। হরবংশ্ উধমকে বলে, রোমিও এসেছে। চা গুঁর পাঁপড় পাঠিয়ে দাও। বউ যেন এদিকে না আসে। বহোৎহি গন্ধা আদমী।

এখন রোমিও, চা-খাবার না-ছুঁয়ে ঝপ করে কাজের কথায় আসে। বলে, গুনলাম আপনি আদিবাসী গুঁর অছুতদের সমান মজুরি দিচ্ছেন?

হাঁ।

কেন? এই একটা সুযোগ পেয়েছিলেন ওদের ইউনিটি ভাঙবার, এখানে তো ওদের গুনি জবর ইউনিটি।

হরবংশ্ দেখল, বুঝল, রোমিওকে দেখে নিজের ভেতরে কোন ভয় নেই। ও আস্তে বলল, আমার ব্রিকফিল্ড খার্মাল পাওয়ার প্লান্ট বা এ. সি. সি.র ফ্যাক্ট্রি নয় জী। সবশুদ্ধ তো শ দেড়েক লোক কাজ করছে! সন্তরজন আমার গ্রামের, গুঁর চিনাজানা।

অগ্ররা?

মুণ্ডা সব। আশপাশের।

সে প্রবলেমের কি করছেন?

প্রবলেম তো হয়ই নেই। কা করে?

এ তো খুব আজীব বাত। এম্প্লয়ার হায়, এম্প্লয়ি লোগ লেবার হায়, গুঁর কোই প্রবলেম না হায়?

না জী। দেখিয়ে না, যে-যে গ্রামের লোক এসেছে, সে-সে গ্রামের

একজন প্রবীণ লোক হচ্ছে তার লোকদের জন্তে দায়িক। এ বন্দোবস্ত চোন্টি মুণ্ডার, ওর চোন্টিকে গ্রামের কেন, ইলাকার সবাই খুব মানে।

চোন্টি মুণ্ডা ! নামটা চেনা-চেনা মনে হচ্ছে ?

সবাই জানে। ব্রিটিশ আমলে ছোটলাটের সেক্রেটারি ওর সঙ্গে দেখা করে যান। এখন ট্রাইবাল ডিরেক্টরও ওকে জানেন।

কা, কাইটার মুণ্ডা হায় ?

না না। ভাল, জ্ঞানী, বুড়ো লোক।

খুব অবাক হলাম আপনার কথা শুনে। মনে হচ্ছে আপনিই কোনো বড়া আদমি। মহাত্মা। এসব খচড়াদের নিয়ে ভাল মনে কাজ করছেন।

আমি কেউ নয় জী। আমার বাবার আশীর্বাদে জীবন চলে যাচ্ছে। বাবার বন্ধুরা অবশ্য নামীদামী। রামেশ্বর প্রসাদ—

কা, অ্যাসেমুরি সেক্রেটারি ?

হাঁ জী। ওর বিলাস সহায়—

কা, রাজ্যমন্ত্রী ?

হাঁ জী। আই. জি. পুলিশও বাবার বন্ধু।

বুঝলাম। গোলমাল হবে না বলছেন ?

গোলমাল হবে কেন ? এখন অ্যাডমিনিস্ট্রেশন তো ভাল চলছে। চলছে ওর চলবে।

ওহি তো বোলা না ?

তবে সব জায়গায় একই সিস্টেম চালাতে চাই। ওদের যখন হুণ্ডা দেবেন, তখন মাথা পিছু চার আনা থাকবে পহলোয়ানের বাট্টা। ঠিকাদারী। আপনি সে টাকা কেটে দিয়ে দেবেন হুণ্ডা।

কিন্তু ঠিকাদার তো উনি নন ?

সে আপনার দেখার কথা নয়। ওর ওরা রাজী না হলে কানাটা করে ছেড়ে দেব। আজ আপনার সঙ্গে কথা হল। কাল আসব লালার সঙ্গে কথা বলতে। এখানে কোনো প্রবলেম নেই বলছেন,

সে ওদের মাথায় তুলেছেন বলে। হুগা থেকে বাট্টা কাটার কথা বলে দেখুন। প্রবলেম দেখতে পাবেন।

লেবার ট্রাব্‌ল উঠালে কাজ করব কি করে ?

ট্রাব্‌ল উঠাবে ?

পহলোয়ান এখন দস্তুর হাসি হাসে ও বলে, কুছ ট্রাব্‌ল হোগা নেই। দো-চার লাশ পড়বে, বিশ-ত্রিশ ঘর জ্বলবে, ওরা বুকে হেঁটে কাজ করবে।

ওরা তো কিছু করেনি ?

রোমিও সফ্রেটিসের মত প্রাজ্ঞ হোস বলল, দেখুন, ১৯৭০ সালের আগস্টে মিসেস মোদী রাজ্যসভায় নকশালদের বিষয়ে বললেন, নকশালরা Would be fought to finish. ওহি থে গ্রীন লাইট। বাস্, উসকে বাদহি ঘর থেকে টেনে বের করে নকশালদের মারা শুরু হল। উসি সে এক মহান উদ্দেশ্য সাধন ছয়া। নকশালদের মনে ভয় ঢুকে গেল। অ্যাকশান ক্রমে কমল।

এয়া কি নকশাল ?

রোমিও এখন ক্রমেই মগ্ন হচ্ছে স্বপ্নে এবং স্বপ্নে ভাসমান অবস্থায় অপার সুখ পাচ্ছে। সুন্দর হেসে ও বলল, পশ্চিমবাংলার গভরমেন্টের চিক অ্যাডভাইসার সেই আগস্টেই দিল্লীতে আর্জি রাখল। নকশালদের ব্যাপারে আইন-আদালত করতে গেলে সাত ঝামেলা। পুলিশের হাতে সর্ব ক্ষমতা দেওয়া হোক।

এয়া নকশাল নয়।

জানি। নকশালদের বেলা আইন-আদালত উড়িয়ে দিল গভরমেন্ট। কেন ? নকশাল লোককে যে পারো খতম কর। গভরমেন্ট তা চায়। হরিজন লোক কিছু করুক না করুক চাচাজী, ওদের গায়ে পড়ে শিক্ষা দেওয়া দরকার। জানবেন গভরমেন্ট ভি তাই চায়। আইন বানায় লেकिन কৈসে ? আইন কার্যকরী হয় না। পছন্দ হল না ? যাও আদালতে। আদালতে গেলেই অচুত জেরবার হয়ে মরে যায়। তাহলে ? গভরমেন্ট যদি চাইত হরিজন লোক

সরকারের মদত পাক, তাহলে কি নিজে আইন করত, আর বসে-বসে দেখত, সে আইন আসলে এক মজাদার তামাশা হয়ে যাচ্ছে? আরে আপনার ছোটনাগপুরে এদের শতকরা চৌত্রিশ ভাগ ঋণে ডুবে থাকে, সত্তর ভাগ গ্রামের লোক বিলো পভাটি লাইন বাস করে। এ কি গভরমেন্ট জানে না?

কি বলছেন আপনি?

গোদা কথা। অছুত ঔর আদিবাসী লোককে জুতির নিচে রাখুন। তাতেই ওরা ভাল থাকে। সবাই সস্তায় লেবার পান। খেতীআবাদী ঠিক সে চলে। ঔর যো সবসে বড়া বাত। জাতপাঁত কে মহিমা উঁচা রহ যাত। এ সব কথা আপনিও সময়ে বুঝবেন। যাহোক, পহলোয়ান হণ্ডা-বাট্টা নিতে আসবে।

হরবংশ্ খুব আস্তে বলে, না। আমি মাসে মাসে দিয়ে আসব।

যা ইচ্ছা। তবে আমার কথা না। শুনলে কণ্ট্রাক্ট ছুটে যাবে। যা যা বললাম, মনে রাখবেন। গভরমেন্ট কখন কি চায় তা আমরা ভাল জানি।

হরবংশ্ উধম সিংকে সব কথাই বলে। উধম ওর কর্মচারীও বটে, বন্ধুও বটে। সব শুনেমেলে উধম সিং বলে, আপনি কি ভাবছেন?

তোমার কি মনে হচ্ছে বল?

বলতে বাধ বাধ লাগছে। টাকা তো আপনার।

বল বল।

ওদের হিসেব মতে হণ্ডায় চারআনা কাটলে মাসে দেড়শো টাকা পাওনা হয়। তিন মাসে কাজ হবে। এ তিন মাসে সাড়ে চারশো টাকা দিয়ে দিলে এদিকে শান্তি থাকে, কাজটা ওঠানো যায়। তেমন বেশি টাকাও নয়। আমি হলে দিয়ে দিতাম।

আমিও তাই ভাবছি উধম।

লেবার ট্রাব্‌ল চাই না। অনেকবার তীরথের কারণে টক্কর লেগেছে। ঔর মুণ্ডালোক জবানের সাচাই বুঝে। চোন্টি সময়বে যে মহারাজ বাট্টা কাটল, বুঝাই করল। তার পর যদি হাজামা হয়?

হরবংশ্ ক্রীণ হেসে বলল, বড় ইনডাস্ট্রি হত আমার, পহলোয়ান ঠিকাদার হত, বাট্টা নিত, ভাবতে যেতাম না। এদের সঙ্গে চিনাজানা থাকায় তা করতে পারছি না। আমার দুর্বলতা এটা। তবু পারছি না। আমি তীরধলা না। পহলোয়ানকে লেলিয়ে দেব, সে লাশ ফেলবে, তাহলে পরে লেবার পাব? আর, এত জুলুম বা সইব কেন? কর্তৃত্বের টাকা নেবে মেসার। এরাও ভাগ পাবে। কির ভি বাট্টা দেব!

এখন দেবেন না?

দিতে হবে। লেবারের উপর পহলোয়ানকে লেলিয়ে দিল সারকেন্স কলিয়ারির চিরঞ্জীলাল। আগুন জ্বলল, লাশ পড়ল, লেবান কলিয়ারি বন্ধ।

এদের মাল দিয়ে দিলে আপনি খালাস পান।

আমি কোনো হাঙ্গামা চাই না।

টাকা পেয়ে পহলোয়ান ও রোমিও হাসে। বলে, পাকিট সে দিলেন, কিরভি ওদের বলতে পারলেন না?

আমি যেমন বুঝলাম, তেমন কাজ করলাম।

আপনার মত লোককে দিয়ে সুবিধে নেই কোনো। এরপর আপনাকে লেবার দেব আমি। ওদের ছাঁটিয়ে দেব। আমাদের কর্তৃত্ব নিলে লেবার ভি নিতে হবে। না নিলে কর্তৃত্ব খতম।

রোমিও বলে, আমি তো যাব আপনার লেবারের কাছে। বাবু দিলে তাদেরও দিতে হবে। ঝামেলা হলে দেখে নেব।

হরবংশের মনেও জেদ চেপে যায়। বাবাকে সে দেখিয়ে দিতে চেয়েছিল, ইটের ভাটি করে সে স্বহস্তে দাঁড়াবে। ত্রিকফিল্ডটি তার সমগ্র জীবন। সে মনশ্চক্ষে দেখতে পায় সব ধ্বংস হতে বসেছে।

চোটিকে সে অগত্যা সব বলে। চোটি খুব ঠাণ্ডা মাথায় বলে, জুলুম একবার মানলে জুলুম বাড়ে মহারাজ। তুমার বা ধরম মনে কর তুমি। আমরা বাট্টা দিব না। চাহ তো ছাড়ায়ে দাও। মোরা

জানব আবার উপাসের দিন আসছে। কিন্তু লড়ে মরব! ইয়ারা মোদের মারতেই চায়।

হাঙ্গামা আমি চাই না চোঁটি। তাতেই বাট্টা দিতেছি।

আমরা ভি ভিখ নিব না। এক ঘণ্টা বেশি খাটব। তার মজুরি চাই না। তুমার টাকা তাতে খানিক উঠবে। তাতে খানারে জানায়ে রাখ।

খানা এদের নামে রিপোর্ট নেবে না।

কেউ নাই? যারে বলতে পার?

কে আছে?

মোর জানা আদিবাসী অফসরটো আছে। হেখা হরিজন মারলে পুড়ালে পুলিশ দেখবে না। কিন্তুক মুণ্ডা ওঁরাওরে খেপালে আগুন জ্বলে, তা ইরা চায় না। এখন গোরমেন্ট জেয়াদা হারামি, কিন্তুক আদিবাসী খেপাতে চায় না।

তোমাকে মারে যদি?

আরে মহারাজ! তুমার খান্দা লাখ টাকার। মরতে ভি ডরাও। মোরাদের খান্দা ছ টাকার, আর মরতে ভি ডরি না। মোরে মারে তো ভাল। মুণ্ডা লোকে আগুন জ্বালাবে। মারবে তো নিশ্চয়, তা বাদে মরবে।

আমিই যাব।

হরবংশ্ ছুটে যায় বাবার কাছে। সেখান থেকে সদরে। বর্তমান আই. জি. পুলিশ বর্তমান সরকারের বিষ নজরে পড়তে শুরু করছেন সবে। তাঁর জন্তে কর্মবিহীন পোর্টফোলিও নির্মাণের চেষ্টা চলছে। বহু হুঁদে ডাকাতকে দমন, পরিণামে পরমবীর চক্র লাভ, নরবলির উদ্দেশ্যে অপহৃত হরিজনশিশু উদ্ধার, খরা অঞ্চলে প্রধানমন্ত্রীর সফর নিয়ন্ত্রণ, ইত্যাকার লেজুড় নামের সঙ্গে আছে তাঁর। অতএব বিভিন্ন জায়গায় আছে খুঁটি। এহেন লোককে ঝপ করে লে অফ করা সহজ নয়। রাম “হ্যাঁ” বলে, যত্ন বলে “না”। শ্যাম বলে, “কেন”? হরি বলে, কখনোই নয়। আই. জি. কে হয়তো সন্নতে হত

না। সৰতে হবে মগজের পোকার জন্তে। সকলেরই মাথায় কোন-না-কোন পোকা থাকে। আই. জি. হচ্ছেন ব্রিটিশ আমলের লোক। প্রাতরাশকে বলেন, “ছোট্ট হাজরি”। তিনি মনে করেন পুলিশ দায়বদ্ধ থাকবে আই. জি.র কাছে। পুলিশী কাজকর্মে রাজনীতিক চাপ তিনি সহিতে পারেন না। যুবলীগ দলের কাণ্ডবাত্ত তাঁর পছন্দ নয়। বিশেষ কানাটার ব্যাপারে তিনি পুলিশের ওপরেই চটে আছেন। রোমিও ও পহলোয়ানের উপর আরো বিরক্ত। হরিজন আদিবাসী বলে ওঁর কোন বিশেষ মমত্ব বোধের ব্যাপার নেই। ল পয়েন্টে ওঁর স্ট্যান্ড করেস্ত। কিন্তু রোমিওরা বেআইনি কাজ করে পুলিশের মদত নিচ্ছে এতে উনি সাতিশয় বিক্ষুব্ধ এবং সাধ্যমত ওঁদের হজ্জিমত দিতে বদ্ধপরিকর।

হরবংশের কথাগুলি উনি সমনোযোগে শোনেন ও মাঝে মাঝে “বাই জোভ”—“অডেশাস”—“বাগার” ইত্যাদি মন্তব্য করে বুঝতে দেন, রোমিওরা যে বেগন স্ট্রে ছিটিয়ে বিনাশ, সে বিষয়ে তিনি হরবংশের সঙ্গে একমত।

বলেন, তুমি যাও। আমি দেখছি।

চলে যান তিনি গৃহমন্ত্রীৰ কাছে। সমগ্র ঘটনাটি বিবৃত করেন। গৃহমন্ত্রী বলে, অর্জুন মোদীর চেলারা তো এখন সর্বসর্বা। তবুও যুবলীগের নাম নিয়ে এহেন গুণ্ডামি করতে দেওয়া ঠিক নয়।

তিনি কথা বলেন যুব লীগের সেক্রেটারির সঙ্গে। সেক্রেটারি বলে, ওহি মেম্বার ভি বড়বক। ওঁর উস কা চেলা লোগ ভি খচড়া। হম দেখতে হেঁ, আপ কুছ ফিকর না কিজিয়ে।

এত কাঁঠখড় পোড়ানতে এটুকু ফল হয়, যে হরবংশের ব্যাপারে রোমিও আর কথা কয় না কিন্তু হিংস্র রাগে গুমরে থাকে ও। হরবংশ কণ্ট্রাক্ট অমুযায়ী মাল দিয়ে বাঁচে একদিন। চোন্টিকে বলে, ভগবান করে, তো আবার ইট বনবে, আবার লেবার নেব, ওঁর এদের ঢুকতে দিব না।

এহি লোককা রাজ হায় মহারাজ।

দেখা যাক ।

লালার কাছ থেকে বিপদ আসবে ।

কি বলব বল ! লালা চলে নিজের মতে ।

লালা ভীষনাথ কি ভাবে তা জানা যায় না । কিন্তু তার কাজ
শুরু হয় । হুণ্ডার দিন লালা দেয় পাঁচসিকা ।

হু টাকার কথা ছিল ।

হু টাকাই পেলি । বারো আনা পার্টির ছেলেরা কেটে নিল ।

কেন ?

ওদের জিগ্যেস কর ।

ছগন বলে, ঠিক আছে । কাল হতে বেঠবেগার ছাড়া কেউ আসবে
না মহারাজ । এখন চাল মিলে না পাঁচ সিকা সেয়ে ।

ভীষনাথ কোনো অদৃশ্য শক্তির মদতে আত্মস্থ গলায় বলে, যা
করবি, ভেবে করবি ।

ভেবেছি ।

ছগন ! যা বলে মেনে নে এখন । দিন খুব খারাপ ছগন । এহি
লোককা রাজ হয় । ওরা যা বলবে তা মানতে হবে ।

মেনে তো নিলাম ।

শুধু বেঠবেগারে কাজ চলবে ? তাও সকলে আসিস না ?

কে আসে না ? আজান ধোবি, শিব ছসাদ ওর মোহর ছসাদ
নাই হেথা । তারা গেল জ্বর দেখাতে, তা ডাক্তার হাসপাতালে
রেখে নিল । বলে জ্বরটো ছোঁয়াচে । সুই নিতে হবে ।

মোহরের বউ ?

তার বাচ্চাটা এক মাসের সবে ।

তাহলে ক জনা হল ।

ধর মহারাজ, বিশ জন ।

তাতে কাম হয় ?

আমি কি বলব ?

ছুই ওদের মাথা ।

তা আমি ওদের কি বলব মহারাজ ? তুমি দিবে পাঁচ সিকা, যে দু'টাকা দিবে, তার কাছে যদি যায়, আমি কি বলব ?

এ কি ঝুটঝামেলা ।

ছগন খৈনি ডলে মুখে রাখল । তারপর বলল, চাচার কাছে বাট্টা চাইল, তা মোদের মজুরি কাটে নাই, সে দিল ।

আঁ ? সে দিল ?

নিশ্চয় ।

রোমিও ঠাণ্ডা হেসে বলল, লালাজী ! চাচা যা করেছে, তা আমি জানি । আপনি কি ওহি করবেন ?

না না । তবে, বাট্টা ভি খতম ।

কেন ?

বিনা বেঠবেগার কোই ন আয়েগা ।

অ্যায়সা ?

হাঁ জী ।

কি ধর জায়েগা ?

কলকত্তামে নকশালী । বহো শেঠ-উঠ ইধর সারকেন্স কলিয়ারি খরিদ কী । উধরই যাবেই হোগা ।

মজুরি ?

দো রুপয়া । ওর টিকিন ।

জ্ঞানে দিঞ্জিয়ে ।

রোমিও তৎপর হয় এবং চোন্টি গ্রামের বে-বেঠবেগার মানুষগুলি লাগে কলিয়ারির কাজে । হপ্তার দিন মালিক বলে, পার্টির বাবু এলে হপ্তা দিব ।

কেন ?

সে টাকা টাকা নিবে ।

চোন্টির মানুষগুলি এ-ওর দিকে চায় । যথাকালে এসে যায় রোমিও এবং পহলোয়ান এবং দিলদার । টেবিলে বন্দুক নামিয়ে রেখে পয়সা হিসেব করে কেটে নেয় । হেসে বলে, পরের বার পাঁচ সিকে কাটব ।

এরা সকলেই জানে, রোমিও স্বহস্তে প্রাক্তন সদস্তকে খুন করেছে তাই সভয়ে চূপ করে থাকে। পরে গ্রামে কিরতে কিরতে বলে, সাত মাইল যাব আসব, এক টাকা পাব। তাহলে লালাই ভাল। গ্রামে বসে পাঁচ সিকা?—ইরা তো গোরমেনের লোক? আগে তো এমন টাকা নিত না? এখন কি জেয়াদা দরকার পড়ল?

তীরথনাথের মুখ এখন যথেষ্ট শুকনো দেখায়। ছগনদের জুতোর নিচে রাখা তার খুবই পছন্দ ও মনোমত কাজ। কিন্তু ঘটনা যেদিকে গড়াচ্ছে, তা ওর মনোমত নয়। এদের শোষণ ও শাসন করে, দাবে রেখে চলতেই ও চায়। কিন্তু নিরস্তর দাবে রেখে চলতে হলে ব্যক্তিগত সম্পর্কের ব্যাপারটি নস্যাৎ হয়, তা ও চায় না। নিরস্তর দাবে রেখে চলতে হলে কিছু লেঠেল ও বন্দুকবাজ পুষতে হয়, তা ও চায় না। মথুরা সিং পুলিশকে মেরে বসেছিল। তীরথনাথ চায়, মানুষ প্রাচীন বর্ণাশ্রমশাসনে বিশ্বাসী থাকুক। বিনা প্রতিবাদে কম মজুরি নিক, বেঠবেগার দিক। তেমন হলে তীরথনাথেরও ইচ্ছে করে মাঝেমধ্যে ওদের পুজোর প্রসাদ দিতে, নতুন ফসল চারটি দিতে। বর্তমানে পরিস্থিতি খুব জটিল।

তীরথনাথ বিষন্ন গলায় বলে, কাজ করবি বাপ-সকল? কর। তখন বা কড়কালি কেন? এখন যে রাজ, তাতে তোরাদের কোমর ভাঙতে আসছে।

কোমর কি গোটা রাখছ।

চালাকি কথায় কাম কি সনা? মস্তানরা বলে, এখন ওরাদের টাকা টাকা দিতে হবে। আমার দোষ নাই সনা। এ ওদের কথা।

সনা ও ছগন বলে, চোটির কাছে যাই।

কেন? তার কাছে কেন? সে কি আমার কাম করে?

তার বুদ্ধি লিব।

তার সাধ মোর হুমনি উঠায়ো না হে ভোমরা।

তার কাছে যাই।

চোটি সব শোনে ও বলে, তোরা এক কথা বলগা তারে। বল, টাকা দিও না। টাকার দাম পোষায়ে গত কলসী ভুট্টা দাও।

তীরখনাথ তাতেই রাজী হয়। ধানের গাছগুলি পূর্ণগর্ভা। ধোড়ে শাঁস এসেছে। হেমন্ত সমাপন্ন। এমন সময়ে কাজে বাগড়া পড়া ঠিক নয়। লেবার খোয়ানো বুদ্ধির কাজ নয়। সর্বত্র নানাবিধ কাজ। লেবার মেলা মুশকিল। লেবারে টান, শুধু তাই নয়। যে গ্রামে চোটি মুণ্ডা আছে, সে গ্রামে ঝপ করে বাইরের লোক আসতে চায় না। তীরখনাথ বলে, তাই কর বাপ।

কাজ করতে করতে ছগন বলে, ক দিন বুঝি সূর্য উঠে পছিমে। ক দিনে লালা কতবার “বাপ” বলল ?

সনা বলল, এখন উ বলতেছে, কখন বা মোরাদের দিয়া “বাপ বাপ”, বলাবে। উয়ারে কুনো বিশ্বাস নাই।

তীরখনাথ যথারীতি সব কথা হরবংশকে বলে। হরবংশ সব শুনে বলে, মনেও ভাববেন না পার পেলেন। বাট্টা ওরা চাইবে।

ভুট্টা নেবে ?

পয়সা চাইবে।

তাহলে ?

আমি তো দিয়েছিলাম।

তাতে কত খরচ হয় তা জান ?

জানি। খুশি মনেও দিইনি। কিন্তু হাজামা হতে দিইনি।

হাজামা হবে না।

লালাজী ! সময়কে চিনুন। আধা পথে চলতে আপনাকে দেবে না। হয় এদিক, নয় ওদিক, একসঙ্গে দুটো সড়ক ধরে হাঁটা যায় কি ?

ভৈয়া, তুমি কা উন লোগো কা বিপক্ষ হো ?

কেন ? কট্টাক্টের মাল তো দিয়েছি ?

টাকা পেয়েছ ?

পাব। কিছু পেয়েছি।

দেখি, পরমেশ্বর কি করেন ?

পরমেশ্বর খুবই বেগড়বৈয়ে কাজ করেন। রোমিও এবং পহলোয়ান এবং দিলদার চাঁচিয়ে বলে, কুস্তাদের ভুট্টা দেবেন না। টাকা দিন, বাট্টা কেটে দিন। যে না নেবে তাদের দেখে নেব।

তখনি চলে যায় ওরা। “কুস্তা”রা পালায় যে যার বাড়িতে। তিনটি জীপে ফিরে আসে রোমিও জনা তিরিশ তরুণ সেনা নিয়ে। দলের পতাকা জীপের মাথায়, জীপের গায়ে দলনেত্রীর মা-মা মুখখানি চোখ দিয়ে করুণা ঝরায়। ওদের আসতে দেখে গ্রামবাসীরা পালায় জঙ্গলে। পহান ও পহানী, কি হচ্ছে দেখতে বেরোয়। দেখে ছসাদ-ধোবি-গঞ্জু বসতি জ্বলছে। আগুন ছড়িয়ে পড়ে ও তীরখনাথের দোকানও জ্বলে। রোমিও আর কারুককে না পেয়ে পহান ও পহানীকে গুলি করে, পলায়মান এক রেল কুলিকে। তারপর ছগনদের মজুরিরূপ ভুট্টার পাঁজায় পেট্রল ঢেলে আগুন জ্বালায়। তারপর প্রস্থান করে মহারাগী ও যুবরাজের নামে স্লোগান দিতে দিতে। তীরখনাথের আর্তনাদও ওরা শোনে না এবং ভুট্টার পাঁজা থেকে আগুন উড়ে পড়ে তীরখনাথের কাছারিতে। মজুদ করা কেরোসিনের টিনগুলির সীল উড়ে যায় উত্তাপে। আগুন।

চোন্টি বলে, থাকুক পহান পহানীর লাশ। সদরে যাব। থাকুক মোতিয়ার লাশ। বুড়ি পলাতে পারে নাই।

হরমু বলে, আগে থানা।

স্টেশনের কুলিরা বাধ্য করে স্টেশনমাস্টারকে যেতে। রেলওয়ে স্টাক মরেছে বলে হরবংশের বাস নেওয়া হয়। স্টেশনমাস্টার নেন। চোন্টি বলে, চারোটো লাশ উঠবে। মরছে এক ভাবে।

ধানার দারোগা ভয়ে মূর্ছা যেতে যেতে ঘটনাটি নোট করেন। তিনিও চলেন সঙ্গে। নিজের চামড়া বাঁচাতে হলে এখন সদর বিনে গতি নেই। চোন্টি আদিবাসী ডিরেক্টর দিলীপ তরোয়ের সামনে লম্বা হয়ে শুয়ে পড়ে। বলে, পহান বা পহানী লালার জমিনে কুনোদিন খাটে না। আগুন দেখে বার হছিল। তাদের মান্নি দিল মহারাজ, তাদের মান্নি দিল।

ব্যাপার ঘোরালো হয়। কারণ তরুণ সেনাদের অবিস্মৃতিশক্তি। বর্তমান রেজিমেন্ট, বহির্বিধে হরিজন বিষয়ে বহু তবলা লহরা পেটায়, কিন্তু আসল আদেশটি জানে সবাই—হরিজন ও অছুত সবাই মরে গেলেও এসে যায় না কিছু। এই তো ১৯৬৯ সালে সিংভূমের সুরমহী ও অন্যান্য গ্রামে পুলিশ, এক জোতদারের মান রাখতে চারশো মানুষ গ্রেপ্তার করে, সর্বসমক্ষে মেয়েদের ওপর পাশবিক অত্যাচার চালায়, কয়েকটি গ্রাম জ্বালায়, মানুষ মারে।

এ রেজিমে এ সকল কাজে পুলিশ খুবই দক্ষ। আই. জি. বোঝেন যে তাঁর বিদায় কাল আসন্ন, এবং এ সময়ে যুবলীগকে সাধ্যমত হজিমত দেবার সত্বেদেখে বলেন, মি: তরোয়ে তো ঠিকই বলছেন। মানছি যে অছুত লোক বহোৎ না-বুঝ। মহাজনের সঙ্গে সম্পর্ক ভাল রাখতে পারে না। কিন্তু ব্যাপারটা কি হল? মরল একজন রেল ওয়ার্কার। তাদের লেবার ইউনিয়ন রুখে গেছে। মরল একটা অসুস্থ বুড়ি। মর্গে তো দেখলাম তার হাড়গুলোও কালো হয়ে গেছে। মরল মুণ্ডাদের সমাজ-প্রধান পুরোহিত ও তার বউ। এরা না মহাজনের জমি চষত, না এসব ঝগড়ায় ছিল। ল আর অর্ডার উল্লুকে পাট্টেঠর হাতে পড়লে এ রকম হবেই। সুরমহী-অপারেশনে ছিলেন আগের আই. জি.। কোন কথা উঠেছিল?

দিলীপ তরোয়ে স্ব-খুঁটিগুলি যতদূর পারে নাড়া দেয় ও বলে, আদিবাসীদের ওপর খুব অবিচার হয়েছে। তদন্ত চাই। আমি জানি, চোড়ি মুণ্ডা ও পরলোকগত পহান ও অঞ্চলে বিভিন্ন শ্রেণীর মধ্যে ভাল সম্পর্ক গড়ে তুলেছে।

প্রশাসন বোঝে, এটা খবরের কাগজের বদমাশদের বানানো খবর নয়। এস. ডি. ও. এবং আই. জি. চোড়িতে যান। সাহায্য দেবার প্রতিশ্রুতি দেন ও যাদের ঘর পুড়েছে, তারা পঁচিশ টাকা করে পায়। পহানের লাশের দাবিদার এক ভাইপো পায় একশো টাকা। সবাই তাজব হয়ে বলে, চোড়ি সদরে না গেলে কিছু কি মিলত? চোড়ি যা করে তাই গল্প কথা।

য়েল কুলিটির পরিবারও কিছু ক্ষতিপূরণ পায়। চোটি অকলেয়ঃ ওপর কড়া নিষেধ জারি করা হয়, এ সম্বন্ধে কোন খবর কোন সাংবাদিককে বলা চলবে না।

হাকিমজুকুম চলে গেলে এক সন্ধ্যায় চাদরে কান-মাথা ঢেকে ঘুঙঘঙে কাশি নিয়ে হাজির হয় চোটির ঘরে আনন্দ মাহাতো। বলে, তোমার নাম থাকবে না, কেউ কিছু জানবে না। বল কি ঘটেছিল।

আমার জ্ঞান ভাবি না। পহানের মুখ পহানীর উদলা বুকে ঘা দেখি আমি কোয়েলের তুখ ভুলছি। কিন্তুক, নাম বেরালে চোটি জলবে। নাম বেরোবে না।

যদি বেরায়? ফির ঘর জলবে, লাশ পড়বে, তুমি দেখবা? তুমার সি মেসুরটো মরি গিছে, কিছু করতে পারলা?

আনন্দ মাহাতো বিষন্ন হেসে বলে, আমার অবস্থা কি ভাল বলে মনে কর? আমার দিনও ফুরিয়েছে।

কাহে মহারাজ?

বুঝতে পারি।

মারি দিবে হয়তো বা? তাই বল?

ওই তো জানে ওরা। দেখছ না, রাতেভিতে লুকিয়ে এলাম? তাই!

চোটি বোঝে আনন্দ মাহাতোও বিপন্ন এবং এখানে আসার কলে মরতে হতে পারে ওকে। শক্তিশালী যখন কারকে মারতে চায়, তাকে মরতে হয়। প্রাক্তন সদস্য, মোতিয়ার কালো হাড়, পহান ও পহানীর দীর্ঘ বুক। লোকটির সঙ্গে এখন সায়ুজ্য অসম্ভব করে ও বলে, এখন টেন আছে। চলি যাও।

বলবে না তুমি কিছু?

এখন নয়। এখন সকলে চোটির 'পরে নজর রাখতেছে।

আনন্দ মাহাতো বলল, তোমার জন্তে এটুকু হাড় পেল জায়গাটা। সর্বত্র দেখা যাচ্ছে, একবার দেখানে কিছু ঘটে, দেখানে ওরা কিরকি করে আসে।

চোন্টি ভুরু কঁচকে চূপ করে রইল। তারপর বলল, রেলের কুলিয়ে
মায়ল, সিটাই বেড়ুল কাজ করছে, পহান-পহানী! ই কুন্ জমানা
চলতেছে বলতে পার মহারাজ? ইরা কি চায়? সুরমহীতে যা হই
গিছে, ষামুড়াতে ভি তাই। দুসাদ-গঞ্জ অছুত্তরে মারলে গোরমেনের
কুনো মাহুৰ টু দিয়া দেখে না? গোরমেন যদি চায় অছুত-আদিবাসী
মরুক, তবে মেরে ফেলাক। লড়ে মরি। লড়ে মরব, জানব ইটো
কাম করলাম একটো।

তা চায় না। তোমরা ছাড়া কে ওদের জমি চষবে?

এখন যাও। কে দেখবে।

বলবে না তুমি?

চাই পারায়ে বরামুতে গাছ কাটতে যাব। সেধা এস?

তাই যাব।

এখন যাও। সাবধান থাকো। মহারাজ, মরাটো কিছু নয় হে।
বাঁচাটো লিয়ে যত দুখ।

আমি চলি।

দাঁড়াও, টিশন হতে লয়।

না না, রেল-লেবার-ইউনিয়নের ছেলেরা আমাকে এনেছে।

তারা কুখা?

বাইরে।

চোন্টি তাদের ডাকল। বলল, সবে টুকা গুড় খাও, লবণ খাও।
গুড় খেলে সম্পর্ক ভাল হবে, লবণ খেলে মোরে কঁসাৰা না।

আনন্দ বলল, চোন্টি, কবে যাবে?

সাত দশ দিন বাদে। এখন পহান-পহানীর শৌসানবুরু বসান
আছে। পহানের ভাইপোটারে পহান করতে আছে। ই পহান ছিল
লিখাই-পড়াই। ভাইপো যদি তেমন না হয়, তাহলে মোর পরে
আরো দায় আসি যাবে।

আনন্দ মাহাতো চলে যায়। চোন্টির অমুরোধে মৃত পহানের
ভাইপো হয় পহান। দক্ষ ঘরগুলি আবার নতুন করে তুলতে হয়।

চোট্টি, জঙ্গলের ঠিকাদারকে বিপদের কথা বলে কিছু দরজা-জানালায় কাঠ নেয়। তীরথনাথ অপেক্ষা করে থাকে, ছগনরা ঘর ছাইতে খড় চাইবে, কর্জ চাইবে খাড়াশস্ত্র কিনতে। কেউই আসে না তার কাছে। পড়ে থাকে তার হৈমন্তিক শস্ত্র। এতদেলা পাঠিয়েও আসে না বেঠবেগার। সব কিছু চুকেবুকে যাবার পর ছগনদের ব্যবহারটি তীরথনাথকে আঘাত দেয়, ক্রুদ্ধও করে।

খুবই দুঃখ পায় তীরথনাথ। কাছারি জলে গেছে, গেছে খাতাপত্র পুড়ে। সরকারে দাখিলের দরকার হতে পারে, তেমন খাতাপত্র পুড়ে গেলে ক্ষতি ছিল না। তা নিমেষে তৈরি করা যায়। গোমস্তাই পারে। কিন্তু তীরথনাথের লক্ষ্মী যে সব খাতা, যে খাতায় খাতকদের টাকা ও খাড়াশস্ত্র কর্জের কথা লেখা আছে, যে খাতায় ভিত্তিতে তীরথনাথ সুদ ও বেঠবেগার নেয় সে-সব খাতা আবার তৈরি করতে হবে।

সে কাজ করতে পারে একমাত্র ধানবাদের আমীনচাঁদ। দুশো বছরের পুরনো দলিল-পাট্টা-চিঠা-বেপারপাট্টা তৈরি করতে পারে সে। তীরথনাথ তাকে আনিয়ে ডবল সেট খাতা তৈরি করাবে বলে ঠিক করে। আমীনচাঁদ, তীরথের গোমস্তাকে বলে, পাঁচ হাজার টাকা।

তীরথকে রাজী হতে হয়।

এবং সাস্তনার আশায় সে যায় তার ধোবিন্ রাখনির কাছে। সবচেয়ে বড় আঘাতটি দেয় উক্ত প্রণয়িনী। কত বছর আগে মোতিয়া কুটনি-কাজ করেছিল তীরথনাথের জন্তে। তীরথনাথ খুবই বিমোহিত হয়েছিল। মেয়েটির তখন বয়স বছর বাইশ। মোতিয়ার মাধ্যমে কথা হয়, মেয়েটি মাসোহারা পাবে, ঘর উঠবে তার। ক্রমে তার একটি ছেলেও হয়। ছেলেটি মোতিয়ার কাছেই থাকত ছোটবেলা। রোমিওদের হাতে সেদিন মেয়েটিরও ঘর জলেছিল। তীরথনাথ নিজের কাছারিঘর মেরামত কল্পে গোরমেনের কাছ থেকে পঁচিশ হাজার টাকা বের করে নেয় এবং কাজের মিস্ত্রি আনায়। বাকি থাকে আমীন চাঁদের সঙ্গে কথা কওয়া। এখন ওর মনে হয়, এরপর আছে হৈমন্তিক শস্ত্র

কাটা-পালা-দেওয়া-মাড়াই করা-রবির জন্ত ক্ষেত্র তৈরি করা। সে জন্ত দরকার মজুর। মস্তান ছেসেদের ওপর রাগ হয় তার। এ কি সুরমহী না ধামুড়া? লঙ্কাকাণ্ড বাধিয়ে ছোট জাতকে শায়েস্তা করবি? রেল-লেবার-ইউনিয়ন থেকে সবাই জেনে গেল তীরখনাথ এক হারামি। তার জমি নিয়ে এত গোলমাল!

যেন তাকে জব্দ করার জন্তেই আনোয়ার তার এতদিন পড়ে-ধাকা কালনা জমিকে ফলবাগিচায় রূপান্তরিত করতে চায়। সে খোলাখুলি ছগনকে ও চোড়িকে বলে, ফাঁকে ফুরসতে জমিটা বানিয়ে দাও। দু-আড়াই ঘণ্টা কাজ কর। তাতেই কাজ হবে। এ কাজে পাঁচ সিকা করে দেব। আমি চাই না হর রোজ কাম চলুক।

তাতে চোখ পড়বে, চোড়ি বলে।

দশজন হলেই হবে।

তাই ভাল।

পঞ্চাশ টাকা আগাম দিলাম। সে দশ জনকে। পাঁচ টাকা হিসেবে। মজুরি দিবার কালে সিকা সিকা কেটে নিব।

বহোৎ খুব মহারাজ।

চোড়ি বলে, ইরাদের ঘরপুড়া ছাই জমিনে তুমি দাও কিছু। কালনা জমি। জমি তো বেমালিক রয়না মহারাজ। জমিনের ভি রোয়ান থাকে। সি রোয়ান ভাল, না বুঝা কে জানে। ছাইটুকা দিলে উয়ার রোষ থাকলে কাটবে। তা বাদে জমিন খুশ হবে।

সে তোমরা যা হয় কর।

তুমারে করতে হয়।

এসব কথা লাগা-ভাঙা হবে না তো?

চোড়ি ভুরু কুচকে কি যেন ভেবে নিল। তারপর বলল, মনে লয় না। টিশনটো ছিল গোরমেনের খুঁটি। কুলিটো মরতে কুলি স্টাক গরম হই আছে। লাল এখুনি কিছু বলবে না। উর ভি চিন্তা আছে, খেতী কাম লয়ে। চাচা বলবে না।

তবে সেই কথা।

ভীষনাথ এতে বিমর্ষ হয়ে পড়ে। নিজেকে পরাজিতও মনে হয় তার। বউকে বলে, এতে মান থাকে না। আমার খেতমজুর, বেঠবেগারকে আমি শাসন করব, বাইরের লোক এল কেন ?

বউ বিবস মুখে বলে, আপনি জানেন। এ রকম হলে অভিলাপ এসে যায় ঘরের ওপর। আমি তো ছেলেদের তাই পাটনায় রেখে মানুষ করেছি। তারা জমিন্ বুঝে না। নোকরি অনেক ভাল।

আসে, আমি মরলে তারা এসে কাছারিতে বসবে।

পরমেশ্বর যা করেন ! দুধেলা গাইটা মরল এই জাড়ের সময়ে সাপে কেটে, ফলস্ত আমরুদ গাছটা শুকিয়ে গেল।

কা করে !

বলে ভীষনাথ তার ধোবিন্ রন্ধিতার কাছে যায়। সে বলে, কোথায় আসবে ? ঘর কি রেখেছ ?

ঘরের জন্তে ভাবনা ? খড়, বাঁশ, সব ভেজে দিচ্ছি।

না না, সবাই নজর দেবে।

তবে টাকা নে ?

বাসন-কাপড়-বিছানা-চৌকি সব গেছে।

তোক দিব না, কাকে দেব ?

ধোবিন্ খুব কাঁদে। কেঁদে কেঁদেই সে চারশো টাকা আদায় করে ছাড়ে। তারপর, ধানবাদে আমীনচাঁদের সঙ্গে দেখা করতে যায় ভীষনাথ। সেখানে একদিন থাকতে হয়। ঘরে ফিরতে বউ মহোল্লাসে হিংস্র হেসে বলে, ঘরের বউয়ের চেয়ে পরকে মাথায় উঠালে কি হয় ? ধোবিন্ সে টাকা নিয়ে ভেগে গেল।

ঝুট বাত !

ধোঁজ নিন না।

আমি ওকে ধরে আনব। খচড়ী !

সে ভেগে গেছে পাটনা। সেখানে লন্ড্রী খুলবে।

চলে গেল ? আমাকে ছেড়ে চলে গেল ?

ভীষনাথ জীবনে আমি ও সূদের বাইরে কোনো মানুষে সন্ত

করেনি তার ভালবাসা। এই ধোবিন্ একমাত্র ব্যতিক্রম। বউ ভেবেছিল তীরখনাথ রাগে কেটে পড়বে। কিন্তু তীরখনাথ অত্যন্ত ভেঙে পড়ে ও ছেলেদের লেখে, ধোবিনের খোঁজ করতে। বাহাদুরে বুড়োর এহেন আবদার তারা রাখে না এবং তীরখনাথ রক্তচাপ জনিত অন্থে বিছানা নেয়। দীর্ঘকাল হেকিমী চিকিৎসায় থেকে তবে সে সুস্থ হয়। তাকে রোমিও বলে, খবর পাত্তা করে এনে দেব লাখ মেয়ে? না না।

তীরখনাথের মনে থাকে অভিযোগ, রোমিওরা ব্যাপক সন্ত্রাস সৃষ্টি না করলে ধোবিন্ চলে যেত না। ওর জানতে ইচ্ছে যায়, ধোবিন্ কেন গেল? সেটুকু জানবার জন্তে মরে যায় মনে মনে। রোমিও বলে যায়, ছোটজাতের মধ্যে কি কৃতজ্ঞতা থাকে?

হরবংশের ড্রাইভারকে সে গোপনে পাঠায় পাটনায়। ড্রাইভারটি সবই জানত। সে খবর এনে দেয়। বলে, লালাজী কা বোলে?

কি বলল?

বলা যায় না।

বল্ বল্।

বলল, আপনি ওদের পট্টি জালিয়ে দিয়েছেন। তারপর আপনার টাকায় ঘর বেঁধে থাকলে ওকে সবাই চিল মারত।

কথখোনো মারত না।

ওর মোতিয়ার জন্তে দুখ উঠে গেল ওর।

কেন?

মোতিয়া ওর নানী ছিল লালাজী।

সে কি?

আমরা সবাই জানতাম।

সবই মেনে নিতে হয় তীরখনাথকে। এই বিচ্ছেদের কষ্টও। তারপর বিচ্ছেদের দুঃখ ভুলিয়ে দেয় শস্ত্রক্ষেত্র। বেঠবেগার ক জন ছাড়া কেউ মুখ দেখাচ্ছে না। রোমিওকে জানালেই মজুর মেলে। কিন্তু তীরখনাথের মন তাতে সায় দেয় না। আবার কি থেকে হাঙ্গামা

বাধে। এ সময়ে সে বাইয়ের মজুর খোঁজে এবং এখন জানতে পারে, রোমিওদের কার্যকলাপের কলে এখানে বাইয়ের লোক আদতে ভয় পাচ্ছে। ধান গাছের অবনমন চেহারা দেখে তার বুক কেটে যায়। মান খুইয়ে সে খবর দেয় ছগনকে।

ছগন বলে, চোন্টিরে শুধাই।

কেন? তারে কেন?

তারে না জানালে মুশকিল হয়।

চোন্টির কাছ থেকে ঘুরে এসে ছগন বলে, মোরা কাজ উঠিয়ে দিব। কিন্তু মজুরি দিবে দিনকার দিন।

তাই নিস।

কারেও বাট্টা দিতে পারব না।

তাই হবে।

মোদের বেষ্টবেগাররা যাবে। বাকি সকল মুণ্ডা লোক।

কেন?

চোন্টি বলল।

তাই হোক। খানায় পড়ছি, ব্যাণ্ডের লাশ খাব।

এ হেন নতিস্বীকারের জন্ত রোমিও খেচ যায় কিন্তু তীরখনাথ বলে, আপনি কি জানবেন জমিনের কথা? এখন না মেনে নিলে ফসলের কি হবে? ছোটজাত, খচড়াই, তবু কাজ উঠিয়ে তো দেবে?

আরে! আপনার পেছনে সরকার আছে, আর আপনি একটা ফসলের মমতা ছোড়তে পারছেন না?

না জী!

আপনার মত ভৈঁসাল্ বুদ্ধি মহাজনের জন্তে দেশে উন্নতি হচ্ছে না। নষ্ট হোক ফসল। ছোটলোককে তাঁবে রাখুন, বাহারের মজুর সে কাম উঠান। আট আনা মজুরি দিন। আপনার গাঁয়ের লোক ভুখা মরবে ঔর আপনার পা ধরবে তখন। একটা ফসল নষ্ট? কিসের পরোয়া? স্টেট ব্যাঙ্ক সে লোন নিন, ট্রাস্ট্রিসে চাব করান, ইনকাম-ট্যাক্সে ভি খেতীকামে কনসেশন।

ও তো আমিও চাই ।

কাজে তো করছেন না ? মুণ্ডা লোক ঢুকিয়ে দিল, কা খড়্ড়াই ।
আদিবাসী হাঙ্গামা যাতে না হয় ।

চোন্টি মুণ্ডা সব করল ।

কোন্ হারামি ? তাকে তো জানি ।

না না, চোন্টি কোই অড়নারি মুণ্ডা না হয় ।

তবে যান । তাদের পারে তৈল মাখান ।

জী, আমি কোই হাঙ্গামা চাই না ।

দেখব, ওদের বাট্টা কেমন না দিতে হয় । চাচা তো কিয় কণ্ট্রাক্ট
নিবে, নয় ? চিনির মিঠা জানলে পিঁপড়া ছাড়ে ?

সে বলতে পারি না

ঔর দেখবেন, বিজয়া মোদী ভি ওহি চান । নেহি তো কোই
হরিজন-অত্যাচারকা কুছ সমাধান কাহে না হোতা ?

আপনারা ভাল জানবেন ।

দেখবেন, এরপর ওরা বদমাশি করলে মদত চাইতে ভুলবেন না ।
আমরা হলাম সৈনিক । হাঙ্গামার মুকাবিলা করাই আমাদের কাজ ।

জানাব ।

চোন্টি মুণ্ডাকেও ছাড়বেন না ।

এ সময়ে যুবলীগের সেক্রেটারি সহসা বলে ওঠে, চোন্টি ! চোন্টি
মুণ্ডা ! উসকো ন তাসাও রোমিও । ও আমার চাচাজীর জান
দিয়েছিল । চাচাজী ছিল দারোগা, ঔর একটা বুনো বরা তাকে
ঘায়েল করছিল ।

ভীৰথ বলে, সে তো আমার খেতীতে ।

কাহিনীটি পুনর্বার বলা-কওয়া হয় । ভীৰথ বলে, বেঠবেগারীতে,
কর্জে, সুদে, আমি ওদের জব্বই রাখি । মাথা উঠাতে দিই না । এ
অনেক কাজের কাজ । গুলি আর ঘর জ্বালাইতে শোরগোল হয়
বেশি ।

রোমিও বলে, য়ো ভি দরকার হোতা ।

এ ভাবেই তীরধের কাছে ছগনরা ও চোন্টির আংশিক জেতে।
চোন্টি অঞ্চলে বিরাজ করে ক্ষণিক শাস্তি।

আনন্দ মাহাতো ও চোন্টির দেখা হয় গোপনে। কাটা শালের
গুঁড়িতে বসে আনন্দ মাহাতো দ্রুত লিখে নেয় সব। চোন্টি বলে,
বললাম সব। তুমার কারণে মোরাদের উপর হামলা উঠলে তুমিও
বাঁচবা না।

আনন্দ ঈষৎ হেসে বলে, মেরে ফেলবে ?

নিশ্চয়।—চোন্টিও হাসে, হরমুটোর কারণে হামলা উঠলে তারেও
মরতে হত। আমার এখন এই কথা মহারাজ, যার কারণে মোরা
চোট খাব, তারে মারব। আর বলছি তো তুমারে, মরতে উরাই না
আমি।

না না, জানবে না কেউ।

কিন্তু এ সময়ে প্রশাসন কতখানি তৎপর, সত্য সংবাদেয় কঠোরোধে
কতখানি নির্মম, তা আনন্দ মাহাতো বোঝে না। এ সংবাদ সংগ্রহে
তাকে তাগিদ দেয় এক মিশনারী কাদার। আনন্দ রিপোর্টাঙ্কটি
পড়ে, সে টেপ করে নেয় ও ক্যাসেটটি সুরক্ষিত করে জোববার পকেটে।
আনন্দ লিখিত রিপোর্ট তাকে দিয়ে বলে, এ ভাবে রাখলেন কেন ?

সাবধানের মার নেই।

লিখিত রিপোর্ট সে নষ্ট করে ও ক্যাসেটসহ উড়ে যায় দিল্লীতে।
সেখানে, প্রশাসনের কোপদৃষ্টিতে পতিত, ভারতত্যাগী জনৈক বিদেশী
সাংবাদিককে সে দেয় ক্যাসেটটি। সাংবাদিকের চেষ্টায় ক্যাসেট
থেকে পুনর্গৃহীত আরেকটি ক্যাসেট বোম্বাইয়ে এক কাগজে পৌঁছয়
এবং পক্ষকাল পরে ইতালী থেকে প্রকাশিত এক ইংরিজী সাপ্তাহিক
ও বোম্বাইয়ের সাপ্তাহিকে স্থান ও পাত্রের জায়গায় এ-বি-সি বসিয়ে
সংবাদটি বেয়োয়। প্রশাসনের কেন্দ্রীয় টনক আগে নড়ে।
রাজ্যসভায় প্রখ্যাত জালাতুনে এক বিরোধী সদস্য বিচার বিভাগীয়
তদন্ত ইত্যাদি চেয়ে হইচই তোলেন। এবার নড়ে প্রশাসনের রাজ্য-
টনক। আই. জি. সহস্রা পুলিশদের নৈতিক শিক্ষা প্রদানের ও

হিংসা-বর্জন শিক্ষাদানের পোস্টে বদলি হন। দিলীপ তরোয়েকে আদিবাসী কুটিরশিল্প বিষয়ে আরো জ্ঞান দেবার জন্তু দিল্লী আনা হয়। আনন্দ মাহাতোর চলমান সাইকেলের ছুপাশ থেকে ছুটি ট্রাক এসে তাকে পিষে ফেলে। ছুটি ট্রাকের সর্বাঙ্গে লেখা থাকে “কথা কম, কাজ বেশি” এবং পেছনে লেখা থাকে “টা টা। গড ইজ গুড”। “আদিবাসী সমাচার” কাগজের আপিস ও দপ্তরে আগুন জ্বলে। রোমিওদের নেতৃত্বে যুবলীগেরা বিধানসভায় বিচারবিভাগীয় তদন্ত চায় ও “সদয় বন্ধ” ডাকে। কমিশন বসে। এদিকে কেস হয়। ছুটি ট্রাকের ড্রাইভারকে ছুটি ট্রাকের মালিক বানিয়ে দেবার পর তারা অসাবধানে ট্রাক চালানো ও মানুষ মারার জন্তু জেলে যায় কথাটি না বলে। এভাবেই “কথা কম কাজ বেশি” নির্দেশটি জাতির জীবনে কলপ্রসূ হতে থাকে।

এভাবে ঘরের হ্যাপা সামলানো যায় কিন্তু বিদেশের হ্যাপা? এখন ভারতের প্রেসে এভাবে কিছু লেখা বেরোয়, সে নকশালরা যেমন ইদিকে ভারতের গণতন্ত্রের গোড়ায় কোপ মারছে—উদিকে তেমনি ভারতের শত্রুরা এহেন কুরটনা করছে। তারপর কিছু লেখা বেরোয়, যার সঙ্গে থাকে প্রমাণস্বরূপ বহু ছবি, যার প্রতিপাত্ত বিষয় হল, প্রধানমন্ত্রী আদিবাসীদের বন্ধু। ছবিগুলিতে দেখা যায় প্রধানমন্ত্রীর চারপাশে কালো কালো মুখ বয়স্ক নরনারী ও তাঁর কোলে কাঁখে টোডা-মারিয়া-বাইগা-হো-মুণ্ডা ইত্যাদি ছানাপোনা। কোনো কোনো ছবিতে যুবরাজের টাক দেখা যায়। এভাবেই সকলে খুশি থাকে ও প্রসঙ্গটিতে ইতি পড়ে।

রোমিওদের সকল অভীক্ষা পূর্ণ হয় না। কেন না হরবংশ্ চাচা স্টেট ব্যাঙ্কের অনুদানে ত্রিকাকিল্ড বড় করে, উদ্বোধন করায় কমুনিটি উন্নয়ন ও শিল্প, দুই মন্ত্রী এনে। সিমেন্ট নগরীগুলির ইটের কন্ট্রাক্ট সে পায় এবং চোড়িতে সে এনে ফেলে আধুনিক যুগ। তীরখনাথের মতে। কেন না এখন সে এক গাড়ি কিনে ফেলে।

যে খুড়তুত ভাই জঙ্গলের ঠিকাদার ছিল, তাকে হরবংশ্ করে দেয়

কুলি আনবার ঠিকাদার। জঙ্গলের ঠিকাদারী বর্তায় তরুণতরো খুড়তুত ভাইয়ের কাঁধে। রোমিও ভাবে, এখন যে ভাবে হোক, চাণকে হজিমত দেওয়া প্রয়োজন। সে একদিন স-পহলোয়ান আসে ও বলে, শুনলাম আপনি লেবার ঠকাচ্ছেন, সে কি ঠিক কথা ?

কি রকম ?

গরিব আদিবাসী ঔর অছুত, হিসাব বুঝে না, সরকারী মদতে ব্রিকফিল্ড বঢ়ালেন, তা সরকারী মজুরি দিচ্ছেন ?

লেবার কমিশনারের বেঁধে দেওয়া রেট দিচ্ছি।

সে কথায় বিশ্বাস কি ?

আপনার বিশ্বাস আছে কি নেই, তাতে আমার কি ?—হরবংশ, প্রসন্ন হাসে। বলে, সরকারী অডিটর অডিট করবেন।

যাক, দরকার হলে স্মরণ করবেন।

নিশ্চয়।

ওখানে কাদের ঘর উঠছে ?

সেনট্রি রাখতে হবে না ?

খুব ভাল, খুব ভাল, তা লেবার পাচ্ছেন ?

পাব।

তা এ কন্ট্রাক্টে বাট্টা কত দিচ্ছেন ?

জী, ইসিমে তো বাট্টা হোতাই নেই। যো হোতা, পহলে হো চুকা। ঔর লেবার পেমেণ্ট কা লিয়ে ভি ঔর আদমি হায়।

কে ?

বাহার কা। সরকারী কানুন মার্কিক।

খুব ভাল, খুব ভাল। আন্তি চোন্টি শহর বনে গা।

আপনাদের আশীর্বাদ।

রোমিওরা চলে যায়। তাদের মুখে সব শুনেমেলে যুবলীগের সেক্রেটারি বলে, তোমাদের জন্তে করম নাশ। তখন গিয়ে ও কাও না বাথালে এই পাঁচলাখ টাকার প্রজেক্ট থেকে আমাদের বাদ দেয়

কার সাধি? বাক, এখন কোনো হাঙ্গামা কোর না। সময় বুঝে চুকে পড়া যাবে।

জমানা কি আসবে না?

আসবে, আসবে।

সময় যায়, সময় যায়। চোড়িরা ও ছগনরা চাচার ইটভাটিতে অদক্ষ শ্রমিকের মজুরি পেতে থাকে। যা ছিল চাচা ও চোড়িদের মধ্যে বন্ধন, সেই চেনাশোনায়ে এসে পড়ে দূরত্ব। এখন কাজ ঘণ্টা মেপে। মজুরি দেয় অল্প লোক। চোড়ি বলে, এই ভাল। আজ তিন টাকা রোজ পাই যেমুন, জিনিস মাহাঙ্গা হতে হতে সি তিন টাকার দাম হচ্ছে আট আনা। তাই হোক। যখনকার যা রীত। চাচারে ধরি থাকলে উপাসে মরবে না কেউ।

তোরে ডেকে কি বলে চাচা?

বাহারের মুণ্ডা লেবারেরে ভজাই দেয়। উরাদের বলে, চোড়িরে বলবি যা দরকার। মোহর বলে, তুমি আছ, আমি নিশ্চিত। আমারে যেমুন বুঝাই দেয় আমার ত্যা—ত ক্ষমতা। তা বাদে আমি ভি উরাদের সমান তিন টাকা রোজ লয়ে ঘরে ফিরি। মোরে বাড়াই দিতে ভি চায়?

নিস না কেন?

তু বল্ দিন গেলি আমি চার টাকা লই ঘরে আসতম, তু তিন টাকা লয়ে আসতি, তাতে মোরাদের মাঝে সন্দ চুকি যেত।

ঠিক কথা।

চাচা লাল হতে ভাল, কিন্তুক ভেদ-বিবাদ বাধায়ে রাখতে কে না চায়? উরা জোট বান্ধা দেখতে লাগে। মালিকজাতের রীত।

মুণ্ডানী হলুদ কুটে কেন?

চোড়ি হেসে বলে, নাতিটোর, হরমুটোর টোকাটার আরাণ্ডি।

হরমুর ছেলের বিয়ে হয়। নতুন পহানের মেয়ে হয়। কোয়েলের বউ মুন্নি মরে যার উদরী হয়ে। স্টেশনের শিশুগাছটার নিচে একটা ঝকঝকে চায়ে-দুকান হয়। সকলকে চমৎকৃত করে

তীরখনাথের ছেলে পাটনা শহরে আর্থসমাজী মতে এক মাজাজী নার্সিকে বিয়ে করে। চোটি মেলায় কেন যেন তীর খেলা আবার জমে ওঠে। চোটি হেসে বলে হরমুকে, এখন সারা বছর মুণ্ডাতে-আন জাতে এক হয়। বাস, এক সাথ এক কাম। মেলার দিনে সকল মুণ্ডা হাতে ধনুক ধরি একবার মুণ্ডা হতে চায়।

আমার ছেলার জাতে মন নাই।

না থাকল।

তুমার নাতি সে ?

উ সব ভাবলে আর চলে হরমু ? সময় বদলাতেছে।

সময় বদলায়। সময় বদলাবার জন্ত চোটিদের কোন প্রতীক্ষা নেই। তারা দর্শকমাত্র এবং তাদের সক্রিয় ভূমিকা একই রকম নগণ্য করেই রাখা হয়। কিন্তু রোমিও, পহলোয়ান ও দিলদার করে প্রতীক্ষা। আরো ক্ষমতা চাই, আরো ক্ষমতা। সময় এখন তাদের জন্ত।

প্রতীক্ষিত সময় আসে। এমার্জেন্সি।

গ্রামে গ্রামে আর নগরে নগরে এমার্জেন্সি আসে ছু চেহারায়। জেলের ফটক হাঁ করে আর বন্দী গ্রাস করে। সংবাদপত্রের কণ্ঠ হয় রুদ্ধ। কিন্তু যেহেতু শহরের মানুষ স্ত্রীরা ছেলে এবং অল্পে খুশি, সেহেতু তারা খুশি হয়। কেন না লোডশেডিং কমে, ট্রেন চলে যথা সময়ে, যানবাহন সকল “ওয়ার্ক-টক-মোর-লেস” বাণীর তাগিদে ঠিকমত দৌড়ায়, এমন কি সরকারী আপিসেও কেরানীদের দেখা মেলে।

ফলে গ্রামে নামে অন্ধকার। যেহেতু ভারতবর্ষ মানে গ্রাম, সেহেতু এমার্জেন্সির আসল চেহারা জানে গ্রামগুলি।

চোটি অঞ্চলে প্রথম চোট খায় হরবংশের খুড়তুত ভাই রাজবংশ। রোমিও তার তোহরির কাঠচেরাই কারখানায় একদা দেখা দেয়। জীবনে কর্মকাণ্ডসকল “ক”—এর কারণে “খ”—এহেন বৃত্তি মেনে চলে না। উদ্ভ ও তথ্যে কারাক থাকেই। এ ব্যাপারটি ভক্টর অমলেশ খুরানা এবং বাসমতী ঊরাওয়ার সম্পূর্ণ বিচ্ছিন্ন ছটি কাহিনীর দৃষ্টান্তে

ব্যাখ্যা করা যাবে। যাহোক তোহ্মিতে অবস্থিত কাঠচেরাই কারখানা ভূস্বর্গ কাশ্মীরের মত সুন্দর, সে কারণে রোমিও সেখানে যায় না। সে যায় পহলোয়ানের কারণে। রোমিও-পহলোয়ান ও দিলদার যে সদস্যের লোক, সে সদস্য বর্তমানে এদের ধোঁজখবর রাখে না। সে সাক বলে দিয়েছে, অম্ম লোক দিয়ে সে কাজ চালাবে। চোটি ও সন্নিহিত অঞ্চলে যেহেতু বড় না হলেও মেজ-সেজ-ন-রাঙা-নতুন-ছোট ইত্যাদি সংজ্ঞার শিল্প গড়ে উঠেছে এবং উক্ত শিল্প-খাতে দেশী-বিদেশী টাকা বেনোজলের মত ছড়ছড়িয়ে ঢুকছে, সেহেতু রোমিওরা অঞ্চল পিটিয়ে যে যায় মত করে থাক গে। সদস্য, সকল প্রকল্প থেকে চারটি চারটি “কাট” পেলেই খুশি থাকবে। এবং আলমুনিয়াম কারখানাটি বলতে গেলে বেনামে সদস্যেরই এখন। অতএব সদস্যের পক্ষে আর কিছু ভাবা সম্ভব নয়।

সে বলে, তব্ হাঁ, মেয়া ইলাকা মে ইকনামিক ডেভলপমেন্ট কা লিয়ে কা নেসেসারি ছায়, যো সমীক্বাকে লিয়ে এক ডক্টর আয়োগে।

ডক্টর ?

হাঁ হাঁ।

এখানে বলে রাখা দরকার, আঞ্চলিক সমস্যা ও প্রয়োজন—সমীক্ষার জন্য ডক্টর আসছেন তা সদস্যটি বোঝে এবং একই সঙ্গে, স্বভাবসারল্য হেতু ধরে নেয়, ইনি চিকিৎসক। ফলে পরে অনেক গোল পাকে। এই অম্লেশ খুরানার বয়েস ছত্রিশ। অত্যন্ত মেধাবী হবার ফলে, এবং বিজয়া মোদীর জনৈক বিশ্বাসভাজনের পালিত পুত্র হবার কারণে এম. এ. পাস করার পর থেকেই কোনো-না-কোনো কাউন্সেলর একে তাড়া করে ধরে আর্থিক সহায়তা দিচ্ছে। “তাড়া করে ধরে” কথাটিই সঠিক, কেন না বিশ্বগোলকের নগর থেকে নগরে, বিশ্ববিদ্যালয় থেকে বিশ্ববিদ্যালয়, এবং সেমিনার থেকে সেমিনারে উড়ে উড়ে তার দিন কেটেছে। দেখা হয় নাই ভারতবর্ষকে। সে কারণেই সে ভারতবিশেষজ্ঞ এক সমাজ-অর্থনীতি বিশেষজ্ঞ বলে চাটি-২০

পরিচিত। তার বিশ্বাস তত্ত্বে পরিসংখ্যানে, বাস্তবতায় নয়। সম্প্রতি সে ভারতের ক্ষুদ্র কুটিরশিল্প বিষয়ে একটি নেপাম্ ছেড়েছে ফ্রান্সে বসে। নেপাম্‌টি খুবই চিত্তাকর্ষক।

সে বলেছে, ভারতের সমগ্র দারিদ্র্যের মূল হল কৃষি ও শিল্প নির্ভরতা। ভারতে প্রয়োজন নেই কোনো চাষবাসের, বৃহৎ শিল্পের। মানুষের মানসিকতায় বৈপ্লবিক পরিবর্তন আনলে মানুষ তড়িৎগতিতে তড়িৎঘড়ি সব কাজ করবে। সে কারণে চাষীরা হাতে কাগজ তৈরি করুক, জেলেরা মাহুর বুনুক, কুমোর তাঁত চালাক, তাঁতি তৈরি করুক টুনি বাল্ব, ছুতোয়রা পশুলোম থেকে উল বানাক। কলে অদ্ভুত গুণাগুণসম্পন্ন সব জিনিস তৈরি হবে। খাত্ত ও শিল্প লাইনে ভারতের যা যা দরকার, তা ভারত বহির্বিশ্ব থেকে কিনতে পারবে। অম্লেশ চাষী-কুমোর-কামার ইত্যাদি দশরকম কাজে নিযুক্ত কিছু কিছু মানুষকে নিয়ে গবেষণা করে এও প্রমাণ করেছে, এরা স্ব-স্ব বৃত্তিতে ক্লাস্ত, ক্লাস্ত। যে কাজে সে উৎসাহ বোধ করছে না, তেমন কাজে সে উৎকর্ষ বা দেখাবে কেমন করে ?

নেপাম্‌টি সারা বিশ্বের কটর তাত্ত্বিক—অ্যাকাডেমিক মহলে দানিকেনের দৈবীঘোষণায় মতই হইচই তুলেছে। ভারত সরকার চিরকাল, বাস্তবতাবর্জিত, কাগজ ও পরিসংখ্যান ভিত্তিক সেই সব তত্ত্ব ভালবাসেন, যার ভিত্তিতে সম্পূর্ণ অবাস্তব কোনো প্রকল্প রচনা করা চলে—যার রূপায়ণে লক্ষকোটি টাকা অপাত্রে দেওয়া যায়—যা কোনদিন রূপায়িত হয় না, অথবা হলেও কারো কাজে লাগে না। সেইজন্য একটি অবিখ্যাত রকম মোটা টাকা দিয়ে অম্লেশকে ভারতে আনা হয়েছে। এখানে বলে রাখা প্রয়োজন, অম্লেশের মত অ্যাকাডেমিসিয়ানের তত্ত্ব-রচনা এবং ভারত সরকারের এ হেন তত্ত্বকে মদত দান, কিছুই পেছনেই কোনো অশুভ ইচ্ছা নেই। হু দলের পেছনেই অম্লেশের ত্রিমূর্তিভবনের বাগানের মত সুন্দর করে তোলায় শুভেচ্ছা বর্তমান।

স্থানীয় সদস্য কিছুই বোঝে না নিজের “কাট্”, নিজের রাঁড় ও

নিজের লুচ্চামি ছাড়া। এগুলি কিছু কলে দেবার মত দোষ নয়। কেন না এর ভিত্তিতেই বিধানসভায় অধিকাংশ সদস্য নমিনেশন পান। আজও। অনুরত অঞ্চলে। স্থানীয় সদস্য এও বোঝে না যে অম্লেশ খুরানার পেছনে আছে ভারত সরকার ও অন্য কোনো বিদেশী সরকার।

তার ওপর হুকুম আসে ডক্টর খুরানার জন্ত তোহুরিতে সবচেয়ে ভালো বাড়িটি ভাড়া নেবার জন্ত। তোহুরিতে কোন দর্শনধারী বাংলা নেই। অতএব সে এস. ডি. ও.কে বলে, হাসপাতাল থেকে একটা ওয়ার্ড খালি করিয়ে দিন।

কেন ?

ইয়ে ডাগ্‌দার কে লিয়ে।

এমার্জেন্সীতে সব কিছুই চলছে। তবে ডাক্তারের থাকার জন্তে হাসপাতাল থেকে রুগী বের করে দেওয়া এখনো হয়নি। এস.ডি.ও. কি করবেন ভেবে পান না এবং তাঁর কপাল ভালো, তখন এসে পৌঁছয় ম্যাজিস্ট্রেটের নির্দেশ। নিশ্চিত হয়ে স্বয়ং এস. ডি. ও. রাজবংশ চাচাকে ডাকেন। বলেন, ভারত সরকার একজন বিজ্ঞানীকে পাঠাচ্ছেন। তাঁর সঙ্গে কিছু লোকজন থাকবে। তোহুরিতে তো তেমন কোনো ঘরবাড়ি নেই। আপনার বাড়িটা তো বন্ধই থাকে।

হাঁ সার। আমি সবসময়ে থাকি না। এখন তো লাহারা করেস্টে তাঁবু কলেছি। তা কতদিনের জন্তে চাই ?

মাস তিনেক। ভাড়া পাবেন।

না সার। ভাড়া দেব না।

কেন ?

নিষেধ আছে দাদার।

ভাবছেন, সরকার বাড়ি নিলে আর ছাড়বে না ?

না সার। আমরা সে কথা ভাবার ক্ষমতা কি আছে বলুন ? ষড়ষড় বাড়ি আপনারা দিকুইজিশন করছেন আর পুলিশচৌকি বসিয়েছেন। আমরা বুন্দো জংলী, আমাদের কি দোষ হল যে এত

পুলিস নেমে গেল মহল্লায় ? তা আপনি যদি বলেন, বাড়ি সরকার চায়, তখন আমার ক্ষমতা কি, যে আমি বলব, “না” ?

এস. ডি. ও. কর্মদক্ষ, ছোকরা, মানুষ মন্দ নন। জঙ্গল বেলেটে হাকিম-হুসুম-গোরমেনের প্রধান খুঁটি জঙ্গল-কন্ট্রোলার। রাজবংশ চাচা এক নব্বয়ী ঠিকাদার নয়, আবার কেলনাও নয়। চাচাদের এস. ডি. ও. পছন্দ করেন। এরা মার্জিতরুচি, ভদ্র, লেবার নিয়ে হাঙ্গামা করে না। এক নব্বয়ী হলে হয়তো তখন হবে তৈমুর লঙ। এখনো হয়নি। আদিবাসীদের সঙ্গে রাজবংশের ব্যবহার ভালো।

এস. ডি. ও. বলেন, তিন মাসের ভাড়া নিন ?

না না। তবে আপনি বাংলা দেখে নিন। এক পাশে হাসপাতাল, ওদিকে স-মিল আমার। গোলমাল থাকবে।

দেখি।

বাড়ি দেখে এস. ডি. ও. বলেন, আসবাবও আছে। ভাড়া তো নেবেন না। এক কাজ করি। রং-পালিশ করিয়ে দিই, গেটটা মজবুত করে দিই, গাড়ি রাখবে ওয়া। ওর একটা বাথরুম বানিয়ে দিই।

বাথরুমের ব্যবস্থা আছে। ফিটিং বসালে হবে। আর ট্যাংক।

সাত দিনে হয়ে যায় সব। অতঃপর স্টেশন ওয়াগনে এসে পড়ে খরানা। তার জী ও সেক্রেটারি এক খাসিয়া যুবতী। টাইপিস্ট এক কেরলীয় যুবক। ড্রাইভার মরাঠী। রাঁধুনী কাম্ বেরারা গোয়ানিজ।

অমূল্য পৌঁছেই গুছিয়ে বসে। এস. ডি. ও. যখন বলেন, আপনার কিছু লাগলে বলবেন। —তখন বলে, নিশ্চয়। আমার কাজের জন্তে সরকার প্রিভেসি। নইলে স্কেডুল মত কাজ করতে পারব না।—এস. ডি. ও. মনে মনে বলে, স্টেটস দেখাচ্ছ। মুখে বলে, বলবেন। এখন লাঞ্চ ?

আমাদের সব আছে। জল কোথায় ?

কুরোডে।

ফুটিয়ে নেব। অ্যাকুই আই ওরান্ট করেকটা যুগা গ্রায়,

কয়েকটা ঔঁরাও গ্রাম, কয়েকটা মুণ্ডা এবং ঔঁরাও মিশ্ৰিত গ্রাম, কয়েকটা ছুসাদ গ্রাম, কয়েকটা ধোবি আৰ গঞ্জু গ্রাম, কয়েকটা ৰাজপুত গ্রাম, কয়েকটা ৰাজপুত আৰ ব্ৰাহ্মণমিশ্ৰিত গ্রাম, কয়েকটা কুষ্ঠৰুগী প্ৰধান গ্রাম।

তার মানে ?

মানে কি পৰিষ্কাৰ নয় ?

এ ৰকম বসতিৰ গ্রাম তো নেই ?

তাহলে আপনি খবৰ রাখেন না। আমাকে মি: শুকুল ৰিপোর্ট তৈৰি কৰে দিহেছেন। আমার দয়াকার পঁচিশটা গ্রাম।

আমি এখানে তিন বছর আছি। খরার জন্তে প্রায় সব গ্রাম ঘোরা আছে আমার। এ ৰকম কোনো গ্রাম দেখিনি।

তাহলে ?

শুধু মুণ্ডা, শুধু ঔঁরাও থাকে, এমন গ্রাম মেলাই ছড়র, তবে মিললেও মিলতে পারে খুব ভেতরে। পিওর ছুসাদ বা গঞ্জু বা ধোবি গ্রাম ? নেই। পিওর ৰাজপুত গ্রাম ? শুধু ৰাজপুত গ্রামে থাকলে ধোপা-নাপিতের কাজ কে করবে ? যিনি ৰিপোর্ট তৈৰি কৰেছেন, তিনি এ অঞ্চলের ভিত্তিতে করেন নি।

অম্লেশের জীন্স ও পাঞ্জাবি পৰিহিতা খাসিয়া জী বলে শুদ্ধ হিন্দীতে, সে সমস্তার সমাধান সহজেই করা যাবে। প্রতি গ্রামে একেক জাতের পাড়াকে আমরা একেকটা গ্রাম বলে ধরব। বাস্।

কিন্তু কুষ্ঠৰুগীর গ্রাম ?

তাও নেই ?—বিশ্বভূবনের বিশ্ববিজ্ঞালয় যার ঘর, সেই অম্লেশ খুরানা অত্যন্ত কাতর ও নিরাশ হয়ে পড়ে ভারত সম্পর্কে।

না। তবে তোমার মিশনের কুষ্ঠগ্রামে যেতে পারেন।

তাতে তো কাজ হবে না।

আমি তো জানি না আপনার কি কাজ ? তবে যে সব গ্রাম বাস্তবে আছে, সেগুলো আপনাকে ঘুরে দেখাতে পারি।

অম্লেশ বলে, তা কি করে হবে? আমার কাজ হচ্ছে প্রোজেক্টেড-ইকনমিক-নেসেসিটি সার্ভে করা।

দোষ নেবেন না। তাতে কি হবে?

প্রশাসনিক অফিসারদের ওপর অম্লেশের অসীম অশ্রদ্ধা। তাই সে শিশুকে বোঝাবার গলায় বলে, এটা বৈজ্ঞানিক মেথোডলজিতে সার্ভে করার কাজ। এর ভিত্তিতে গভর্নেন্ট এই অঞ্চলের উন্নয়নের জন্তে প্রকল্প করবেন।

এস. ডি. ও. খুবই মুষড়ে পড়েন। এ হেন সার্ভে ও এ হেন প্রকল্প তাঁর চাকরি জীবনে বার সাতকে দেখেছেন।

অম্লেশ করুণাপরবশ হয়ে বলে, আপনার হল বাস্তব অভিজ্ঞতা। কিন্তু শুকুল হচ্ছে ধিওরোটিক-অ্যাকাডেমিসিয়ান। তার রিপোর্ট অনেক বেশি নির্ভরযোগ্য। কেননা তা বৈজ্ঞানিক পদ্ধতিতে তৈরি।

এ-হেন অঞ্চলের এস. ডি. ও. হলে সাধারণত স্বাভাবিক মানুষজনের সঙ্গেই দেখা মেলে। জোতদার—মহাজন—মস্তান—বরাস্তোন পুরোহিত—বৈষ্ণব সদান—গরিব আদিবাসী—খেতমজুর হরিজন—সংগ্রামী ঝাড়খণ্ডী—ঝানু ঠিকাদার। বাস্তব সত্যকে উড়িয়ে দিয়ে ধিওরির ভিত্তিতে জাতীয় সমস্যা সমাধানকারী বিদ্বোদ্ধত প্রকল্প-তাত্ত্বিক দেখে এস. ডি. ও.র মজা লাগে। হোহো করে হেসে তিনি বলেন, লড়ে যান সার। আপনার রিপোর্টের সঙ্গে মিলে যাচ্ছে এ রকম একটা গ্রামও যদি বের করতে পারেন, আমি খুব খুশি হব। বলে গেলাম, যখন যা দরকার হবে, জানাবেন।

হ্যাঁ হ্যাঁ, জানাব। রাজনীতিক অশাস্তি আছে কি না, ইত্যাদি জানার জন্তে আপনার কাছেই যাব।

তবে কোথাও গ্রাম দেখতে গেলে আমি যেন খবর পাই।

কেন?

আপনার জানের জিন্মাদারি আমার ওপর। সঙ্গে গার্ড দেব।

পুলিস? ভারতীয় পুলিসে আমার ঘেরা।—পেছনে জোর মদতের বলে বলীয়ান শ্রীমতী অম্লেশ বলে, জানেন? ওরা হরিজনদের

মারে আর মহাজনকে মদত দেয় ? ওরা মেয়েদের-বুড়োদের-
বাক্সাদেরও মারে ।

কি আশ্চর্য ! কিন্তু তবু আমি গার্ড দেব ।

যদি না নিই ?

আমার চাকরি নিয়ে টানাটানি পড়বে ।

মিসেস অম্লেশ বলেন, সে তো ভালই । ব্রিটিশ লিগেসির কটর
বুরোক্রাট হয়ে নতুন ভারত কি গড়তে পারবেন ? চাকরি ছেড়ে
দিয়ে হাতেকলমে চাষ করুন, লাঙল ধরুন ।

এস. ডি. ও. মানে মানে বিদায় নেন । অম্লেশের বাড়িটি পছন্দ
হয় । স-মিল দেখিয়ে অম্লেশ বলে, ওটা কি ?

কাঠচেরাই-কারখানা । স-মিল ।

এ পাশে ?

হাসপাতাল ।

আচ্ছা ।

এস. ডি. ও. চলে যান হাকিমের কাছে । ম্যাজিস্ট্রেটকে বলেন
সব । বলেন, আমি কি করব ?

গার্ড দেবেন সঙ্গে ।

আর ?

যা বলে তাই করবেন ।

কাজকর্ম চুলোয় গেল ।

এরা হল গে দিল্লীর পুষ্টি ছেলে সব । পিণ্ডর কার্ট-ভিলেজ
চাই, কুষ্ঠরুগীর গ্রাম চাই । দিল্লীতে বসে চোড়ি-অঞ্চলের ওপর
রিপোর্ট লিখল একজন, ফ্রান্স থেকে এল আরেকজন । সে যা
লিখবে, তার ভিত্তিতে দিল্লী অঞ্চল-উন্নয়ন প্রকল্প করবে ।

টাকা ঢালবে ।

ম্যাজিস্ট্রেট হেসে বললেন, আসল ব্যাপারটা বুঝলেন না ? সরকার
মোটাই চান না উন্নতি বন্ধ থাকুক । কিন্তু সরকার নির্ভর করেন
তাত্ত্বিকদের ওপর, এবং আধুনিক শিক্ষা তাত্ত্বিকদের ভুঁইছোড় করে

তৈরি করে। আর এ খুরানা কে তা জানি না। তবে দিল্লীর চোখে এ রক পাখির ডিম।

এস. ডি. ও.র মনে হয়, অঞ্চলটির আদিম সমস্তা সকল বধাযথ রেখে এই ল্যাটেরাইট মাটিতে রক পাখির ডিম নাগিয়ে না দিলেও চলত। কিন্তু তিনি সে কথা বলেন না। ডালটনগঞ্জের বিশপ যখন বেঠবেগার বিষয়ে রিপোর্ট তৈরি করেছিলেন, এস. ডি. ও. তাঁকে সাহায্য করেন। ১৯৭০ সালে, বিশপের রিপোর্টের কলে রাজ্যসভা ও বিধানসভায় যে হইচই ওঠে, তার কলে একটি স্টাডি টীম আসে ও পাঁচটি গ্রাম নিয়ে সমীক্ষা চালায়। এস. ডি. ও. তাতেও সাহায্য করেন। কলে তিনি রাজ্যপ্রশাসনে বড়ই অপ্রিয়। এখন খুরানা বিষয়ে কথা বলে তিনি ঝামেলা বাড়ান না।

বস্তুত, খুরানা এখানে সম্পূর্ণ অজ্ঞান্তে অশাস্ত জলে ঝড়ঝঞ্ঝা তোলে এবং চোটি মুণ্ডাকে পুনর্বীর কিংবদন্তী হতে সাহায্য করে।

কারণ বাসমতী ঝুঁরাও।

বাসমতী ঝুঁরাও চোটি গ্রামের ধাওতাল ঝুঁরাওয়ের মেয়ে, তাই গ্রামের বিরজু ঝুঁরাওয়ের বউ। বাসমতী ও বিরজু, রাজবংশের হয়ে জঙ্গলে গাছ কাটে। বাসমতী রেজা, গুঁড়ি বয়ে আনে। ভোহুরির কাঠচেরাই কলে তারা ছুজনেই আসে-যায়। বিরজু সেখানে কাঠ চেরাইয়ের কাজ শিখছে।

এমার্জেন্সীর পর রোমিওরা বোঝে, চাচা হাত থেকে বেরিয়ে গেল। কিন্তু রোমিও পহলোয়ানকে বলে, লেবারের কাছে বাট্টা নেওয়া আমাদের হক। তাতে রাই কুড়িয়ে বেল হয়। আরেক কথা, চোটি গ্রামে হাঙ্গামার পর চোটির লোকগুলো ভেবেছে আমরা ওদের ভুলে গেছি।

ভুলিনি গুরু।

তারা তো রাজবংশ চাচার কাছে ভি লেবার খাটে।

কৈসে? ইটভাটি নেই?

সবই আছে। ভাগেজোখে কাজ করছে।

তবে সেখানে যাই।

যাও।

সেখানেই যায় পহলোয়ান, রাজবংশকে বলে, এখন যেমন দিন, তেমন নিয়ম। সকলের মজুরি থেকে টাকা টাকা বাট্টা নিব। আপনার কাছ থেকে সংগ্রহ করব। এ ব্যাটাদের গায়ের গন্ধে আমার গা গুলোয়।—মুখের কথা শেষ হতে পায় না তার। কাঠের গুঁতো খেয়ে সে পড়ে যায় মাটিতে। সঙ্গে সঙ্গে শোনে বিরক্ত নারীকণ্ঠ, কে তুই? অন্ধ না কি?

পহলোয়ান উঠে দাঁড়ায় ও এ কথার উপযুক্ত প্রত্যুত্তর দিতে গিয়ে বোবা হয়ে যায় বক্তাকে দেখে। চেয়ে থাকে, চেয়েই থাকে। বাসমতী মাথায় বয়ে আনা গাছের কাটা টুকরোটি নামিয়ে ফিরে দাঁড়ায়। পহলোয়ান ওকে হয়তো প্রথম দেখল। বাসমতী ওকে ঠিকই চেনে এবং কি বলতে গিয়ে চুপ করে যায়। রাজবংশ শুকনো গলায় বলে, চলি যা বাসমতী।

দাঁড়া।—পহলোয়ান বলে।

রাজবংশ নিচু গলায় বলে, এ রকম করবেন না।

পহলোয়ান বলে, জবান সামাল পাঞ্জাবী কা বাচ্চা। আমার যা ইচ্ছে করব। তোর ক্ষমতা আছে, বন্ধ করবি?

বাসমতী ছরিতে চলে যায়, অদেখা হয়। পহলোয়ান বলে, বিকেলে এসে উঠিয়ে নিয়ে যাব তোর বাসমতীকে।—সে চলে যায়। পহলোয়ানের এহেন বিকার হওয়া খুবই স্বাভাবিক। কারণ বাসমতীর শরীরের অসংগত ও ব্যাখ্যাভীত ঘোঁরন। রাজবংশ তখনি যায় যেখানে কাঠ বওয়া হচ্ছে। সেখানে দেখে চোড়িকে। দেখে সে যেন ভরসা পায়। বলে, চোড়ি? তুমি?

হাঁ মহারাজ, তা দেখ বয়েস চার কুড়ি হতে আর পাঁচ সাল বাকি। এখন আর রোজ কাম করতে পারি না। হয়মুটো বিরজু হতে একটো কাঁড়া কিনবে, সি কথাটো বলতে এলম। তা ইয়া বলে টুকে বস।

ভাল হল তুমি এলে ।

কেন ? কি হচ্ছে ?

রাজবংশ সংক্ষেপে বলে । শুনে চোন্টি বলে, এখনি বিটিগুলানকে ছাড়ি দাও মহারাজ । উয়ারা ঘর চলি যাক ।

বাসমতী বলে, উয়ার ডরে ?

সাঁপরে যি ডরে না সি বুকাটো ।

এখন বিরজুর খোঁজ পড়ে ও জানা যায়, বিরজু মাইল দুয়েক দূরে কাজ করছে । তার আসতে আসতে বিকেল । চোন্টি খুবই কম কথা বলে, ভাবে । তারপর বলে, মহারাজ ! তুমার কারখানায় আজ থাকতে দিবে মোরে ?

কেন দেব না চোন্টি ?

কাল তুমার সাথ, উরাদেয় সেকটারির কাছ যাব । সি সেকটারিটো কে জান ? যি দায়োগাটারে বরা তাড়ে, যারে বাঁচাই, তার ভাই-বেটা । তুমার দাদা তখন ছেলাটো । তুমি গের্দাটো ।

চল, তাই যাব । এদের জন্তে কাজকর্ম বন্ধ হবে ।

মোরাদেয় বিটি ছেলারে বেইজ্জত করতে দিব নাই ।

বাসমতীরা চলে যায় যে যায় ঘরে । চোন্টি বলে, বাসমতী, তেমন বুঝিস তো চলি আসিস কাঠগোলা । উ রোমিওটো তুরাদেয় টোলি চিনে । আর ধনুকটো আনিস বিরজুর ।

বাসমতী এখন ভয় পেয়েছে । সে নিচুগলায় বলে, তুমার তরে ছাত্তু গুড় লিয়ে আসব আমি ।

রাজবংশের কাঠগোলা দেখে জাগীর সিং । বেজায় রাগ তাদের এদের উপর । সে বলে, তিনটা মস্তানরে সাক করে দিব আজ রাতে ।

না । কাঠগোলা জ্বালাবে উরা ।

বিকালে পহলোয়ান, রোমিও এবং দিলদার চলে আসে । জঙ্গল সুনসান । ওরা যায় বিরজুদের টোলিতে । বাসমতীকে মেলে না । তখন রোমিও বাসমতীর শাশুড়িকে মারতে থাকে । মেয়ে তাকে দিয়ে কথা বলিয়ে ছাড়ে । তারপর কাঠগোলায় যাবার আগে

তিনজন জীপে বসে বোতল খোলে। এদিকে বিরজুর দু' ভাই ও মগধ ওঁরাও ছোট্টে কাঠগোলা অভিমুখে।

রাত হয়। জাগীর সিং ফিসফিস করে জানায়, এ হেন বদমাশদের শায়েস্তা করতে সে বড়ি ফেলে দেবে। পহলোয়ান যখন তখন এসে তার ক্যাশে খাবা মারে এবং সেদিন রোমিও তাকে একলা পেয়ে লাথি মেরেছিল।

চোটি বলে, হেথা কিছু নয়। মহারাজ মরবে।

ইধর কাছে ? জঙ্গল মে'।

আমার কথা শুনে কাম করবা।

তুমি কা ভীষ মারো গে ?

সি দেখা যাবে।—চোটি এবার ফিসফিস করে নির্দেশ দেয় ও অপেক্ষা করতে থাকে। যথাসময়ে জীপ এসে দাঁড়ায়।

বাসমতী, এ বাসমতী !

দরজা ঠেলে ওরা। তিনজনই ঢোকে টলতে টলতে। দিলদার টর্চ ফেলে। বিরজু, জাগীর সিং ও অন্ত পুরুষরা মুখে টর্চ পড়তে হাসে। তারপর ওরা বাঁপিয়ে পড়ে। রোমিও গুলি ছোঁড়ে। জাগীর সিং ওকে থাকা মেয়ে ফেলে দেয় ও ক্ষিপ্ত হাতে ওদের মুখে ছাকাড়া গুলি দিয়ে বাঁধতে থাকে। চোটি বলে, শুওরবাঁধা বাঁধবি।

বাঁধাছাঁদা হলে ওদের ফেলে রাখা হয় কোণে। একসময়ে সহসা শোনা যায় এখানে কি হচ্ছে ?

অম্লেশ খুরানা এবং তার কেরলীয় সহকারী।

এ কি ? এরা কারা ?

খুবই অবিস্বাস্য। তবু অম্লেশ চিনতে পারে রোমিওদের। বলে, আরে, এরা না যুবলীগের লীডার ?

একজন বৃদ্ধ, শীর্ণকায়, অত্যন্ত আত্মস্থ মুণ্ডা বলে, হাঁ মহারাজ। তুমি কে ? এখানে এলে কেন ?

আমি সেন্ট্রাল গভর্নমেন্টের রিসার্চ অফিসার। গোলমাল শুনে এলাম। এদের বেঁধে রেখেছ কেন ?

চোন্টি সব কথাই বলে। অম্লেশ বলে, কি আশ্চর্য! যুবলীগ
লীডারদের এই কাণ্ড।

হাঁ মহারাজ।

তুমি কে?

চোন্টি মুণ্ডা।

তোমার নাম...তোমার নাম...ডাক্তার বলছিল। তুমি তীর
হোঁড়ো, তাই না? শুনছিলাম।

হাঁ মহারাজ।

এদের কি করবে?

আমাদের আর ক্ষমতা কি? এ তো বন্দুক ফুটাল। লাগলে
মরি যেতাম কেউ। তাতেই বাঁধছি। ইরাদের সেক্টারিয়ে
দেখাব।

অত্যন্ত অস্থায়, যুবলীগ হয়ে...অম্লেশরা চলে যায়।

সকাল হয়। বাসমতী, বিরজু এদের বসিয়ে রেখে রাজবংশের
জীপে রাজবংশ ও চোন্টি যায় ছ মাইল দূরে। যুবলীগের সেক্ফেটারি
ও দলের সেক্ফেটারিকে সব বলে। যুবলীগের সেক্ফেটারি চলে
আসে কাঠগোলায়। কোপা থেকে খবর পেয়ে এস. ডি. ও. এবং
দারোগা আসে। চোন্টি বলে বিটিদের বেইজ্জত করলে মারি কেলি
মোরা। আমি তো মরে আছি, মরতে ডরি না। তীর ছিল, তাতে
তুমরা বুঝ, যি মরতে চাইলে মরতে পায়ন্তাম। মারি নাই, চাটার
উপর তুমরা হামলা উঠাবে বলি।

এ সময়ে অম্লেশ খুরানা মঞ্চে ঢোকে ও তার বিবৃতি দেয়।
এস. ডি. ও. মনে মনে খুশি হন। যুবলীগের মুখ শুকায়।
খুরানার পেছনে কে আছে, তা সে জানে। চোন্টি মৌকা বুঝে
খুরানাকে বলে, মহারাজ, ইরা এখন শোধ উঠাবে। তুমি শুনলম
গোব্বমেনরে চিন। তা তুমি সাচাই কথাটো লিখি দাও কেন?

দয়াকর হলে দেব।

এস. ডি. ও. বলেন যুবলীগের সেক্রেটারিকে, আপনার যা করবার করুন। আমি একটা রিপোর্ট দিই।

সেক্রেটারি শুকনো গলায় বলে, ব্যাপারটা এখানে, এখনি মেটা দরকার।—সে আড়ালে এস. ডি. ও.কে বলে, খুয়ানা জেনেছে, বিগড়ে গেছে সব। ও কি জানাবে, তার বা কি স্লিঅ্যাকশন হবে, পহলোয়ানদের বাঁচাতে গিয়ে আমি কি কঁাসব না কি ?

এস. ডি. ও. বলেন, ওদের ছেড়ে দাও।

চোটি বলে, আগে তুমরা কথা দাও মহারাজ, ইয়ার কারণে কুনো হান্গামা উঠাবে না ?

যুবলীগের সেক্রেটারি বলে, না। কোনো ভয় নেই।

অম্লেশ বলে, আমি ছাড়ব না কিন্তু। আমি এসেছি কি দরকার তার সার্ভে করতে। আমি তো দেখছি, যুবলীগের লীডারদের হাত থেকে আদিবাসী মেয়েদের ইজ্জত বাঁচানোই সব চেয়ে আগে দরকার। এটা আমি রিপোর্টে লিখব।—অম্লেশ সহসা প্রস্থান করে।

এস. ডি. ও. কপাল মুছে বলেন, খুয়ানাকে বারণ করবে কে ? যুবলীগও অত্যন্ত বিমর্ষ হয়। এবার চোটির বা বেরিয়ে যায়। জাগীর সিং মুচকি হেসে বসে থাকে।

যুবলীগ তিনজনের বাঁধন খোলে। জাগীর সিং বলে, এ হে হে, হাসপাতালের ভান্সী ভেজে দিন সার। সব নোংরা হয়ে গেছে। হেগেমুতে দিয়েছে।

এরা তিনজন জীপে ওঠে। যুবলীগের সেক্রেটারি তিনজনকেই দেখে এবং মাথা নাড়ে অবিশ্বাসে। যুবলীগ আপিসে পৌঁছে তবে সে মুখ খোলে এবং বলে, এ রকম বিজ্ঞাপন দিয়ে খুয়ানাকে সামনে রেখে...খুয়ানা কে, তা জান ? ও রিপোর্ট দিলে কি হবে তা জান ?

পহলোয়ান বলে, সব বুঝেছি।

রোমিও শুধু বলে, আমিও দেখে নেব।

কাকে ?

সবাইকে ।

যুবলীগের সেক্রেটারি বলে, যথেষ্ট হয়েছে । আর মুখ হাসিও না ।—তার কথায় যথেষ্ট গুরুত্ব দেয় না রোমিও । বলে, খুরানা কে ? কি জানে সে ? আর কিছু না করে সদরে কয়েকটা মামলা ঠুকে দিই যদি কুত্তাগুলোর নামে ? ও বিলাইতী পণ্ডিত, আদালতে সাক্ষী দিতে হলে ভেগে যাবে ।

দলের সেক্রেটারি নীরবে থাকেন না । তিনিও প্রয়োজনীয় ছোট্টাছুটি করতে থাকেন । ফলে রোমিওদের তিন মস্তানের ডাক পড়ে সদরে, এক সুসজ্জিত ছোট্ট বাংলোয় । সেখানে তিনজন কেরলীয় অফিসার টেবিলে বসে থাকে । ইজিচেয়ারে এলিয়ে থাকে অম্লেশ খুরানার কেরলীয় সেক্রেটারি । টেবিলে উপবিষ্ট জনৈক যুবক অফিসার বলে এ রিপোর্টটা সত্যি ?—সে রিপোর্টটি পড়ে যায় । প্রতিবাদোত্তর রোমিওকে থামিয়ে দিয়ে সে বলে, রিপোর্ট সত্যি ?

আমি বলছি ।—অফিসারটি মুখে হাসি ধরে রাখে । তারপর বলে, “ইয়াড”—এর নাম শুনেছ ? ইন্ভেস্টিগেট-অ্যাপ্রিহেন্ড-ডেস্ট্রয় ? শুনেছ তো ? শুড । খুরানা থাকাকালীন সময়ে ও অঞ্চলে কোনো হাঙ্গামা চাই না । হাঙ্গামা হলে “ইয়াড” নেমে যাবে ।

বুঝেছি সার ।

মনে থাকে যেন । যেতে পার ।

অম্লেশের কেরলীয় সেক্রেটারি বলে, এদের মিসা করে দিলেই তো হয় ? বাইরে রাখার দরকার কি ?

অফিসারটি বলে, খুরানা কয়েকমাস থাকবে । আমি থাকব এখন । কোনো কারণেই, নোট ইট, কোনো কারণেই,—ক্লারয়ে ম্যাপ দেখিয়ে বলে, এখানে কোনো অশান্তি চাই না । তোমাদের মত লোক হচ্ছে জাতের ঘাড়ে বোঝা ।

উল্লিখিত ঝাড়ের পর অস্ত্রের বোঝে, “ইয়াড্” ঘাঁটানো নয়, কিন্তু পহলোয়ান বোঝে না, এবং কয়েকদিন বাদে খুরানার

সেক্রেটারিকে পথের ধারে স্টলে চা খেতে দেখে বলে, আরে ! কিউ ন বাতায়ী কা আপ ইয়াড্‌বালা হো ? সেক্রেটারিটি হাসিমুখে উঠে আসে এবং পহলোয়ানের ঘাড়ের কোথায় যেন টিপে ধরে ব্যথায় অবশ করে তাকে জীপে তোলে। সদরে নেয় উক্ত বাংলায়। তারপর দিন দুয়েক বাদে সদর হাসপাতালে নানাবিধ আস্তুর ইনজুরির জন্তে চিকিৎসিত হয়ে এক চেতনালোকিত পহলোয়ান ছাড়া পায় ও শরীর সারাতে আলমিনি ক্যাকট্রির বাংলায় অধিষ্ঠান হয়। এখন সে উক্ত প্রবাদের ষাথার্থ্য বোঝে, গোথরো সাপের শ্রাজ দিয়ে কান চুলকানো ঠিক নয়।

ইত্যাকার কারণে এক ধরনের শাস্তি বিরাজ করে অঞ্চলে। কিন্তু শাস্তিটি তড়িৎগর্ভ। ভেতরে থাকে টেনশন। কেউই কাউকে বিশ্বাস করে না যেন। হরবংশ ও রাজবংশের কাছে অপেক্ষাকৃত ভালো মজুরি পেতে থাকে চোড়িরা ও ছগনরা। রোমিওরা আসে না বাট্টা নিতে। তীরখনাথ থাকে চুপচাপ। ছগনদের “সোহরাই” পরবে ছাতু-গুড়-দই খেতে খেতে ছগন বলে, খুব ভাল হয়ে আছে সব। আনোয়ারের জমিটোতে চারাগুলান লাগি গিছে। আমি এবার ভুট্টা পেলম জমিন্ হতে অনেক। চোড়ি যেয়ে পড়ছিল বলে পার্টির বাবুরা জব্দ হল। তাতে চুপ হয়ে আছে।

চোড়ি গাছের গায়ে হেলান দিয়ে বসে দেখছিল উৎসব। সে বলল এত চুপ ভাল নয় রে।

কেন ?

দেখ্ কি করে আবার।

ছগনের ভাগনে যুবক নতুন এসেছে এখানে। সে বলল, তিন বছরে দুই হামলা উঠাল। মোদের ঘর জ্বলল, চার আদমি মরল। আবার বাসমতীয়ে লয়ে যা হল !

আরো হবে।

আরো ?

হাওয়ায় বুঝি।

উ কি ?

আরে সে গোরমেন্‌টো ।

বউটো কাপড় পরছে আজ । প্যান পরে ।

অম্লেশ, তার জ্বী এবং সেক্রেটারি । সঙ্গে স্টেশনমাস্টার ।
অম্লেশ বলে, এটা কি হচ্ছে ?

আমাদের পরব ।—ছগন বলে । এদের চোঁকি পেতে দেওয়া হয়, এরা বসে, অম্লেশ বলে, আশ্চর্য, আশ্চর্য ! ওদিকে ট্রেন চলছে ইউরেনিয়াম আর মোনাজাইটে মাটি রিচ—একই সঙ্গে চলছে, আদিবাসী পরব ।

এটা আদিবাসী পরব নয় । সেক্রেটারি বলে ।

তবে ?

অন্য তপশীলী জাত এরা ।

কিন্তু কিছু মুণ্ডাকে দেখছি ?

নিমন্ত্রিত ।

আশ্চর্য, আশ্চর্য ! তপশীলী জাতরাই বা কেন আলাদা আলাদা থাকে না, কেন তাদের নিমন্ত্রণে আসে মুণ্ডারা ! ভাবতে গেলেও কষ্ট হয় । ভারতবর্ষ, ইণ্ডিয়া বড় জটিল আমার পক্ষে ।

বউ বলে, আমরা তো ১৯৭৬-এ বাইরে যাব ভার্সিং ।

অ্যান্ড আই সী চোটি । চোটি !

মহারাজ ?

একটা মেলা চাই ।

কি বললে মহারাজ ?

মেলা চাই ।

মেলা কি অমুনি মিলে মহারাজ ?—চোটি হাসে ।

কেন্দ্রীয় সেক্রেটারি এখন এ অঞ্চলের দেহাতী হিন্দিতে বলে, ইনি একটা মেলার সিনেমা তুলতে চান । তাতে ভীষ ছোঁড়ার খেলা থাকবে, মেয়েরা-ছেলেরা নাচবে, দেওয়া ভূত ভাড়াবে, সূর্যকে শুকুর বলি দেবে ।

চোটি বলে, এই কথা !

কি হল ? সবটা বন্দোবস্ত করে দাও । পয়সা দেব ।

মহারাজ ! তুমরা কথা বল ছেলাটোকার মত । শুনছি শহরে সব মিলে । তা মহারাজ মোরা লেংটাকাঙাল, মোদের কি ক্ষমতা আছে বল, যি মাঘের বোর আর জ্যৈষ্ঠের পাকা আম আনি দিব ? পয়সা দিয়ে তুমি উ আম গাছরে বল, অকালে ফল দে । দিবে ?

একথা শুনে সেক্রেটারি হাসে । বলে, কি ভুল বললাম চোটি ? নিশ্চয় ষা বলেছি তা ভুল ?

মহারাজ ! দশেরার দিনে এই চোটিতে মেলা হবে । সি মেলা দেখার শোভা । তাতে কত গ্রামের কত মুণ্ডা আসবে, কত নাচ নাচবে, কত নাগারা বাজবে, তা বাদে তীর ছুঁড়তে আসবে সবে । সি এক মেলা । তা বাদে, তুমারদের দিওয়ালির দিনে, সবে যাব কুরমি পাহাড়ের মাথায়, সেখা ভূত তাড়াবে দেওরা-পহান, তা বাদে সূর্যদেবতারে ডাকি গুয়ার বান্ধি ফেলি দিবে হো—ই পাহাড়ের মাথা হতে । সি আরেক কাজ । তা তুমি বল, সকল বেবস্থা করি দাও, টাকা দিব । তা হয় ?

সেক্রেটারি অম্লেশকে সব বলে এবং চোটিকে বলে, মেলার সময়ে ছবি তোলা যাবে তাহলে । তুমি কি এখনো তীর ছোঁড় ?

পহান বলে, না, উনি বিচারক হয় ।

অম্লেশ বলে, এখন আর পার না ?

চোটির ঠোটে ক্ষীণ হাসি হেসে যায় । সে বলে, কি জানি ! কতকাল হাতে ধনুক উঠাই না ।

একটু দেখাও না ।

সকলেই চোটিকে ধরে । চোটি অবশেষে, অম্লেশের মাথা থেকে বেতের টুপি উড়িয়ে, গাছের ডাল থেকে ঝুলন্ত ফল মাটিতে ফেলে সকলকে তুষ্ট করে । অম্লেশ পকেট থেকে দশ টাকার নোট বের করে দেয় ছটো । বলে, সবাই মদ খাও, মজা কর ।

ওরা চলে যায়। চোটি বলে, বা মদ লয়ে আর। ই মানুষটো ছেলাটোকা যেমন।

এ একটা দিন। আরো দিন আসে এবং যায়। তারপর একদিন ঢেঁড়া পড়ে। চোটি মেলার পরে পরেই। ঢেঁড়া শুনে সবাই চলে আসে স্টেশনে। দারোগা শুকনো ঠোঁট চেটে বলে, ভোরাদের জানাই দিতে হুকুম।

কি হচ্ছে?—সনা উদ্বিগ্ন বোধ করে।

বা হচ্ছে বাপ সকল, ভাবলেও মাথাটো ঘুরি যেছে আমার। এমন হবে কখনো জানি নাই, ভাবি নাই।

কি হল?

দাঁড়া, লুটিশটো পড়ে দেই আগে।

দারোগা থুতু কেলে ও বলে, একটু জল খাই আগে। গোরমেন যি রাজা বানাই দিল তুরাদের?

এখন সে পড়ে, ২৪শে অক্টোবর, ১৯৭৫ সাল যে অর্ডিনান্স জারি হয়, সেই অনুযায়ী ওই তারিখ থেকে বেঠ-বেগারী প্রথা বন্ধ, বেআইনী। সকল বেঠবেগার এখন ছাড় পেলি, আর বেগার দিতে হবেক নাই। এখন—কোনভাবে কারেও দিয়া বেঠবেগার দিতে, জোর করি বেগার দিতে পারবে না। তা বাদে আইনের হাজার কচকচি আছে, তা আর পড়লাম না। মোন্দা কথা, মালিক মহাজনের যার যা পাট্টা ছিল, পুরানা করজ ছিল, তা ভি বেকল হয়ে গেল। কুনো ধার শুধতে হবে না, কুনো মালিককে বেগার দিতে হবে না। পুরানা করজের দায়ে মহাজনের কাছে যদি ঘর জমি বাজা থাকে, মহাজন তা ফিরত দিবে।

মহাজন!—চোটি হাত তোলে।

বল চোটি।

মালিক যদি বেগার লয়, ঘর-জমি ফিরত না দেয়, করজের লাগি হামলা করে, খাতকটো বেগারটো কি করবে?

আদালতে নাশিশ করবে।

ইতে কি সাজা ?

তিন বছর জেহেল, আর জরিমানা ।

চোটি হাসে, হাসতে থাকে ।

হাস কেন, চোটি ?

মহারাজ । আইনটো করিছে, আইন তো করে, কিন্তুক আইনের মাঝে রাখি দেয় পাখর, তাতে আইন হ'চট খায় । খাতকটো, বেগায়টো, নালিশ করবে মালিকের নামে ? কুন জোরে মহারাজ ?

মাথা নাড়ে, মাথা নাড়ে চোটি । দারোগা চলে যায় । এখন হগনরা, অশু মুণ্ডারা ছুটে আসে কাছে । বলে, ই কথাটো কি বলি গেল দারোগা ? ই তো বুঝতে পারছি রে চোটি ।

কে বুঝাবে মোদের ? আইনটো জারি করিছে মোরাদের ভালাই লাগি, কিন্তুক সিটো জানাই দেয় না কখনো ।

চল্ তোহুরি যাই । উ গোরমেনটো সাচাই আছে । বুঝাই দিবে । কালই সেধা যাই চল্ ।

আগে চাচার কাছে যাই ।

হরবংশ বিকেলের গাড়িতে কাগজটি পেয়েছে । সে চোটিকে বলে, খবরটি তো ভালোই চোটি, কিন্তু...

এত ভালাই যি বিশ্বাস যায় না ।

যা বলেছ । শোন, সদরে তো হরদম যাচ্ছি আমি, জেনে আসব । নতুন অফিসার এসেছে একজন, জেনে আসব ।

আগের জনা ভাল ছিল ।

এও খারাপ নয় । এ বলেছে বা কলকাঠি নেড়েছে বলেই তো দারোগা এসে বলে গেল, নইলে এ দারোগা নড়ত ?

সি ভি জানি গিছে আইনটোতে কিছু হবার নয় । তাতেই হাসি ভামাশা করি বলল, তুয়া রাজা হই গেলি ।

আইন তো খারাপ নয় চোটি, কিন্তু আইনে কাজ হয় না কিছু । কেন না আইন কখনো কাজে লাগানো হয় না ।

সব জানি মহারাজ ।

জেনে এসে বলব তোমায়। কাজে লাগানো হলে আমি খুব খুশি হতাম। এ কি একটা সভ্য দেশে চলে?

চলে মহারাজ। চিরকাল চলবে। কেন চলবে না তাই বল? আমারদের কে আছে? আমরা হক চাই যেমুন, এখন তো পার্টির ছেলেরা মান্নি দিবে, আর পুলিস তারাদের কথায় চলবে।

হ্যাঁ।

হরবংশের মুখ কঠিন হয়ে যায়। তার এবং রাজবংশের অভিজ্ঞতাগুলি খুবই সাম্প্রতিক ও তিক্ত।

পরদিন চোটির ক জন তোহুরি যায়। অম্লেশ বলে, এ তো অত্যন্ত পরিষ্কার কথা চোটি। বেঠবেগারি নেই। আগেকার কর্জ দিতে হবে না। এই প্রথম...দাঁড়াও, দাঁড়াও। শঙ্কর!

ইয়েস?

আহ! আহ! কি একটা সুযোগ!

কিসের?

কাগজে বেরিয়েছে বন্ডেড লেবার অ্যাক্ট?

হ্যাঁ।

এরা সেদিনও ছিল ক্রীতদাস। আজ আমরা দেখতে পাচ্ছি কয়েকজন মুক্ত মানুষকে। তুমি এদের বসাও। আমি মুক্তি তুলি। তুমি টেপেরেকর্ডারে এদের রিঅ্যাকশন শোন, মানে তুলে নাও।

শঙ্কর বলে, ভাল বলেছ খুরানা। উই ক্যান সিনডিকেট ইট। মেরি, মেরি! এদের বসাও, চা দাও।

চোটি হাত তোলে। বলে, আগে বুঝাই দাও মহারাজ! যদি খাতকরে, মালিক জুলুম করি স্ত্রী লয়, বেগার লয়, সি কি করবে? আইনে সি কথা আছে কুনো?

এস. ডি. ওয়. আদালতে নালিশ করবে।

তারপর?

আইনমালিক সাজা হবে।

চোটি চুপ করে রইল।

কি হল ? চুপ করে গেলে ?

কি বলব, বল ?—চোটির কণ্ঠে থাকে যুগান্তের পর যুগান্তের বেদনার হাহাকার, এবং শব্দর টেপেরেকর্ডার চালু করে। চোটি বলে, কি বলব, বল মহারাজ ! কুন্ দিনে কত সাল আগে কে নিছিল পাঁচ সের ধান, দশ সের ভুট্টা, তিনটা টাকা। তার দাম, বাপ্পে ! সোনা হতে বেশি। সি করজ শুধে বংশের পর বংশ বেগার দেয়, পেট করজ শুধে না। সুদ দেয়, দিয়া চলে, আসল শুধে না। করজের উপর করজ লিতে হয় পেটে খেতে।

বল, বল !

নালিশ করি বিচার পাবে ! কে নালিশ করবে ? তুমি গোরমেন, তুমারে শুধাই, কে নালিশ করবে ? মালিক-মহাজন জাহানে মারি দিলে থানা তার দোষ দেখে না। খাতক-বেগার এক কথা বললে তাহারে ধরে। মোর বাপটো উ লালার বাপের জুলুমে পাগলটো হই গলায় ফাঁস নিছিল। মোর ছেলা, উ হরমুটোরে ই লাল জমিনের জুলুমে জেহেল পাঠায়। লালার নামে কে নালিশ উঠাবে মহারাজ ? খরা-আকাল লাগি থাকে। লালার কাছ যেয়ে থাই-করজ লিতে হয়। আদালত ! —চোটির গলা বেদনার দীর্ঘ ও উচ্চ হয়, গ্রামে রহে মুণ্ডা—অছুত, সি জানে লিখাইপড়াই ? ষাতে আইন, হক বুঝি নিতে পারে ? তার পিছনে-পাশে আছে কেউ ? আদালতে লবে তারে ? সিখা উকিল-মহরি মুণ্ডা-ওঁরাও-অছুতের চামড়া ছুলে না ?—ই আইন কে বানায় ?

গভর্মেন্ট।

কুখা রয় ই গোরমেন ?

দিল্লীতে।

সি অনেক দূর, লয় ?

ইয়া।

বানায় আইন, ভাল করে, দূরে রয়। কিন্তুক জঙ্গলে বসি আদিবাসী অছুত মরে, তা জানে না।

না, তা ঠিক নয়...

জানতে চায় যেমন, জানতে পারত।

চুপ কর।

চোটি চমকে চুপ করে। এখন শঙ্কর রেকর্ডারটি চালিয়ে ও চোটির গলা শোনা যায়। সবাই অবাক হয় ও হাসে, শোনে। অমূল্য বলে, চমৎকার। এখন ওদের বক্তব্য শোন।

সকলের গলাই রেকর্ডেড হয় ও সবাই তা শোনে। শঙ্কর বলে, কিল্ম আরেকদিন তোলা হবে।

সময়ে ক্যাসেটটি ভারতে ও বাইরে প্রচারিত হয়। তাতে চোটির কথাগুলি থাকে না এবং ছগনদের উল্লসিত বক্তব্য থাকে।

সমগ্র অভিজ্ঞতাটি চোটির মানুষগুলিকে খুবই অবাক করে, আনন্দও দেয়। ছগন বলে, কি দিনটো আজ, বল চোটি?

সনা বলে, চোটির মনে সুখ নাই।

ছগন বলে, উ তো বেঠবেগার নয়। মোদের পারা সুখ উয়ার হতে পারে? না কি, বল চোটি?

চোটি বলে, আম কেমন, খেয়ে জানব।

তার মানে?

আইনটো মালিক-মহাজন মানি নিলে তো কথাই নাই। তা কি মানি নিবে? মোর মনে লয়, ই আইনটো হতে আগুন জ্বলবে।

সকলে যে যার ঘরে যায়, কিন্তু চোটির অভিজ্ঞতা তখনো ফুরোয় না। হরবংশ তাকে ডাকে পরদিন। বলে, চোটি, এখনো আদিবাসী অফিসার বা অস্ত্রা তেমন জানতে পারেনি কিছু। নতুন আইন তো। বলল, জানতে পারলেই জানাবার ব্যবস্থা করবে।...একটা কথা।

কি, মহারাজ?

চোটি, তুমি তো বেঠবেগার নও?

না মহারাজ।

তবে এ আইন নিয়ে এত ঘোরাফুরি করছ কেন?

চোটি তৎক্ষণাৎ বলে, আমি নই মহারাজ, কিন্তুক সনা, বুধা, মিত্ররাটো বেঠবেগার। আরো মুণ্ডা, ছগনটো, উরাদেয় কতজন! তাতেই ছুরি মহারাজ। কারো ঘরে আগুন লাগে, নিবাও কেন? হুমার ঘরটো ভি জ্বলি যেতি পারে। আমি নই, কিন্তুক কতজন আছে, হরমুর ছেলাটো ভি হতে পারে।

আইন ততদিনে দাঁড়িয়ে যাবে।

আইন তো আছেই মহারাজ? তাতে ভি মোতিয়া আর পহানরা মরছিল? কারু জেহেল—সাজা হল? হরমুটো কি করছিল যি জেহেলে গেল। না মহারাজ! দিকুর হাতে আইন কাজে চালাবার ক্ষমতা যতদিন, ততদিন দিকু দেখি যাবে দিকুর হকটো।

হরবংশের সহসা মনে হয় সেও চোটির চোখে “দিকু” এবং সম্ভবত চোটি তাকেও বিশ্বাস পায় না। তার অস্বস্তি হয়। তারপর বলে, বা বলছিলাম।

বল মহারাজ!

আমার এক বন্ধু, সে অবশ্য ভূঁইয়া,—সে কলেজে আমার সঙ্গে পড়েছে। এখন গোমো-ধানবাদে আদিবাসীদের ভালর জন্তে কি সব কাজটাজ করে, দাঁড়াও, “আদিবাসী মঙ্গলভারতী” না কি যেন। তার সঙ্গে হঠাৎ দেখা। বাবার বাড়িতে এসেছিল। সে একবার তোমার সঙ্গে দেখা করতে চায়।

কেন?

জানি না। এ কথা কারকে বোল না।

সি ভি লকশালী?

না না, তবে দিনকাল ভাল নয় এখন। এখানে উপদ্রব কম, এখানেই আসবে। এলে খবর দেব।

মহারাজ, সি হতে কুনো জুলুম তো উঠবে না? যারা বুয়াই করে, তারা তো করেই। আদিবাসী-অজুতরে বুয়াই করার হক সবাকার। যারা ভালাই করতে চায়, তারা ভি বুঝে না। তাতে পুলস জুলুম উঠায়। ঘর জ্বলা, লাহাশ পড়া, আর ভাল লাগে না মহারাজ।

না না, আমিও সাবধানে চলাফেরা করি চোটি। আমার ওপরেও তো খুশি নয় কেউ।

হরবংশের কথায় মনে হয়, বন্ধুকে সে “হ্যাঁ” বলে কৈলেছে, কিন্তু এখন সে জ্ঞান অনুতপ্ত।

হরবংশের বন্ধু যখন আসে, তখন দেখা যায় তার পরনে গেরুয়া পাঞ্জামা ও পাঞ্জাবি, কিন্তু অন্তর তেমন গৈরিক নয়। চোটির সঙ্গে কথা বলতে বলতে যায় সে নির্জনে ইটভাঁটির সুদূরতম প্রান্তে। তারপর বলে, তোমার সঙ্গে আলাপ ছিল না আমার, কিন্তু তোমার কথা আমি ছোটবেলা থেকে শুনে আসছি। ধানবাদে পুরাণ মুণ্ডা যখন মরে যায়, তখন আমিই তাকে দেখাশোনা করতাম।

পুরাণ? পুরাণ মরি গিছে?

তা পাঁচ বছর আগে।

কি হইছিল?

যক্ষ্মা।

পুরাণটো মরি গেল?

তার কাছে শুনেছি, আরো আরো শুনেছি। আনন্দ মাহাতো তোমার কাছ থেকে গিয়ে আমাকে সব বলেছিল।

তুমি তার লোক, মহারাজ?

না। সে কাগজ চালাত। আমার বন্ধু ছিল।

তুমি কি কর?

আমার নাম স্বরূপ। আমি...কি বলি!

লকশালী?

তাদের মত কিছু কিছু কাজ করি বটে, কিন্তু নকশাল নই। পুলিশ অবশ্য আমাকে নকশালই বলে। কিন্তু আমাদের উদ্দেশ্য হচ্ছে সাধ্যমত আদিবাসীদের হক দেখার ও রাখার চেষ্টা করা। আমাদের লক্ষ্য, আদিবাসীদের মধ্যে একটা আলাদা রাজ্য তৈরি করা।

মহারাজ, সপন দেখতেছ।

স্বপ্নও তো দেখতে হয় চোটি।

বীরসা দেখছিল। ভগবানটো হই গেল। সদরে তার আদ্রাটোর পায়েয় কাছে বসি রতাম এক সময়ে। ছেলাটো জেহলে ছিল। ভগবান হই গেল সি, আর তার মুণ্ডারা তেমুনি মরে।

স্বপ্নও দেখতে হয়।

দোষ নিও না মহারাজ। আদিবাসীদের রাজ্য দিবে, অছুতগুলান বাবে কুখা? তারা ভি মোদের মরণে মরে।

তাদের আর তোমাদের সমস্তা কি এক?

মুণ্ডা-গ্রাম আর ওঁরাও-গ্রাম আর হো-গ্রাম যেখা, সেখা তুমার কথা ঠিক। কিন্তুক সকল আদিবাসী তেমুন গ্রামে রয় না মহারাজ। মোদের চোটি গ্রামে অছুতে-আদিবাসীতে যেমুন বসত। কাজে-কামে, সুখ-হুখে মোরা এক। দেখ মহারাজ! আদিবাসী-অছুত ছাড়া কেও ঘর-মাটি ছাড়ি বারায় না, ভাসি যায় না। তুমারদের সি রাজ্যটো সপন দেখ। তা সি রাজ্যে কি দিকু নাই?

না। দিকু নেই, মহাজন নেই, জোতদার নেই, পুলিশ নেই। সেখানে কেউ জুলুম ওঠায় না।

মহারাজ! সি রাজ্যটো তুমি বললে, আমি মনে দেখে নিলাম। দেখলাম সেখা অটেল জমি।

হ্যাঁ চোটি।

তা উয়ারদেরও সি জমিন্ দিও। হাতে দিতে পারবে না, সপনে দিও। তাতে তো খরচ নাই।

মনে রাখলাম। কিন্তু এটা স্বপ্ন থাকবে না।

এক খুঁচি গমের লাগি মানুষেরে যারা জনম জনম কিনি রাখি দেয়, তারা এক কাঠা জমি ছাড়বে মহারাজ?

চোটির কথাগুলি লোকটিকে বিচলিত করে বারবার। কেন করে, তা চোটি বোঝে না। মুণ্ডা সে, ধৈর্য ও স্থিরতা তার রক্তে। লোকটি বলে, যাক, যে জন্তে তোমার সঙ্গে কথা বলতে এলাম!

বল মহারাজ!

বেঠবেগারী বন্ধের আইন হল। এখন, এ আইন চালানো দূরে থাকুক, আইন হয়েছে বলেই মালিক-মহাজন রুখে উঠবে।

আমি তো তাই বলতেছি সব্বারে।

তাদের মদত দেবে সরকার। যুবলীগের মস্তানরা মদত দেবে, গভর্নেন্ট চোখ বুজে থাকবে।

সেও জানি।

তোমাদের এখানে, ভাল জঙ্গল হল চোটি থেকে কোমাণ্ডি। সেখানে আমাদের ঘাঁটি আছে। এখানে হাঙ্গামা হলে আমরা এসে লড়ব।

তারপর ?

দেখা যাবে।

লুকায়ে আছ কেন ?

সরকারের এক আইন, মিসা। মিসাতে সকলকে ধরছে। আমাদের হাসপাতাল, সেবাপ্রতিষ্ঠানও আছে। গোড়ায় ও-সব দিয়েই কাজ শুরু করি। তবু আমাদেরও ধরছে এখন।

ই কথা বলতে ডাকলা ?

চোটি ! বাসমতী ওঁরাওয়ের ঘটনার পর চোটি গ্রামে হাঙ্গামা হবার সম্ভাবনা খানিকটা কম। বেঠবেগারী আইনকে চালু করার আন্দোলন এখান থেকেই শুরু করা যায়।

কারে নিয়া মহারাজ ?

তোমাদের নিয়ে।

মহারাজ ! তোমার কথায় ধর সব উঠাল বলোয়া। তারপর ? পার্টির বাবুয়া মারবে, পুলিস বিটিদের লেংটা করবে, ঝপাঝপ জেহেলে নিবে, তখন ? তখন কে বাঁচাবে, কে উকিল দিবে, কে মালিকের জুলুম হতে ধর বাঁচাবে ?

তোমার কথা মিছে নয়। তবু...

তুমরা দিকু হয়ে মোরাদের কথা ভাব, সি তো ভাল কথা।

কিন্তুক মোদের লাগি কাম করতে চাহ তো মোরাদেব মাঝে থাক ।
মোরাদেব শিখাও । যাতে নিজেদের হকটো নিজেরা বুঝি ।

এখানে সুযোগ ছিল চোটি !

আর মহারাজ ! ভালাইটো ছুসাদ-গঞ্জর তরে ভি চিন্তা কর ?
আমি বোকা মুণ্ডাটো, বেঠবেগার না হয়ে ভি উরাদেব কথা ভাবতেছি,
বেঠবেগারদেব, আর তুমরা তুমারদেব সি রাজে সপনে ভি উরাদেব
টুনি আমি দিতে পার না ?—চোটি হাসে ।

ভেবে দেখছি ।

তুমরা মদত দিবে, পুলিস ধরবে না ?

পুলিস ? “ইয়াড” লেগে গেছে ।

সিটো কি মহারাজ ?

আমাদের মত দলগুলোকে ধরার জন্তে বিশেষ পুলিস ।

ই দেখ । দিকু ভাল হলে ভি দিমাক পাকে না । তুমার
পিছনে পুলিসের বাপ, আর তুমি দিবে মোদের মদত ?

ভয় করলে চলে ?

বুকা বকরির মত ময়েও লাভ নাই । দোষ নিও না ।

এ ভাবেই কথা ও আলোচনা থাকে অমীমাংসিত । স্বরূপ চলে
যায় সাইকেল চেপে । চোটি আরো বিষন্ন ও গম্ভীর হয়ে ফেরে ।
হরমু বলে, তোহুরি সি পাগলা গোরমেনটা পাত্তা । ভেজে দিছে ।
কাল তুমার সাথ কি বাতচিত করতে আসবে ।

আর বাতচিত ! দিকু জানে বটে কথা বলতে । বউ ! তেলটো
গরম করি দে, পা ছুখাতেছে ।

পরদিন সে যায় তোহুরি । অম্লেশ বলে, ম্যাজিস্ট্রেট আর
এস. ডি. ও.—বা হোক, এরা সবাই কমিটি করবে ।

করতে পারে—শকর সংশোধন করে দেয় ।

করতে পারে । তপশীলী আর আদিবাসী থেকে তিনজন করে
লোক নিয়ে একটা কমিটি হবার কথা । তাতে তুমি থাকবে ।

কি হবে তাতে মহারাজ ?

তোমরা দেখবে বেঠেবেগারী আইন কাজে লাগানোতে কে বাধা দিচ্ছে, কে গোলমাল করছে।

মহারাজ ! ই সকল কি কথা ?

কেন ?

ই কি তামাশা কর ?

তামাশা করি ? এ তুমি কি বলছ ?

যদি সকল মালিক বেঠেবেগার লয়, গোরমেন পুলস দিয়া, পার্টির ছেলা দিয়া তারাদের মদত দিবে, তা তুমি জান না ? সিদিন হেথা কাঠগোলায় যা হয়, তুমি না থাকলে মোরাদের লাশ চালান যেত। তাতেও বল, চোটি, তুমি দেখ, আইন যাতে চলে ? ই কি তামাশা ? শঙ্কর বলে, ও ঠিক বলছে।

তা কি করে হয় ? আমি রিপোর্ট দিয়েছি...

খুরানা, কোনো স্টেট স্বীকার করতেই চায় না বেঠেবেগার আছে। আর আইন যা হয়েছে...মিটিঙে গেলেই বুঝবে।

রাজ্যপর্ষায়ে উচ্চ ক্ষমতাবান মিটিঙে অম্লেশ খুরানা ওর অজানা সব ব্যাপার আবিষ্কার করে। এ সব ওর জানাই ছিল না। দিল্লী ও বহির্বিধে ওর যথেষ্ট খ্যাতি থাকতে পারে,—ভারতসরকার ওকে কোন প্রকল্প রচনার জন্য সার্ভে করতে পাঠাতে পারেন কোনো অঞ্চলে—কিন্তু রাজ্যপর্ষায়ে এ সব ব্যাপারের কোনো গুরুত্ব নেই।

অম্লেশকেই প্রথম বলতে দেওয়া হয় এবং অম্লেশ প্রথমে বাজায় চোটির বক্তব্য সমেত টেপরেকর্ডারটি। শুনে উপস্থিত ক্ষমতাবানজনদের মধ্যে “ক” বলেন, কি খচ্চর রে বাবা ! এদের রিলিক দিতে বন্ডেড লেবার অ্যাক্ট ? এদের জন্ম জন্ম বেঠেবেগার রাখা উচিত। আমার অন্ধ্রপ্রদেশে তো কতই হল, তেলেঙ্গানা—গিরিজন—নকশাল—কিছু করতে পারল ? আমার অন্ধ্রে সর্বদা উচ্চজাতির শাসন থাকবে, বেগার থাকবে।

অম্লেশ বলে, এ তো অন্ত্যস্ত ভুল এবং অজ্ঞায় অ্যাভিচুড আপনার। আপনার হাত দিয়ে আইন বলবৎ হবে।

কেন ?

পড়ে দেখুন।

দেখেছি। আপনি খুব ভাল লোক। স্বলার। আমিও ইকনমিকসে কাস্ট্রলস পেয়ে আই. এ. এস. হই। আমি জানি, স্বলারের মাথায় কি ভাবে চিন্তা আসে। কিন্তু আমি কেন আইন বলবৎ করব ? এই তো মন্ত্রী আছেন। ঠুঁকে বলুন। উনি তো রাজ্যসরকারের লোক।

মন্ত্রী বলেন, ডক্টর খুরানা, অ্যাডমিনিস্ট্রেশন খুব গোলমালে জিনিস। এটা স্বলারদের ব্যাপার নয়।

অম্লেশ জানতে পারে, যাঁর ওপর জেলার সর্বসর্বাকে আইন বলবৎ করার হুকুম দেবার কথা, সেই মন্ত্রী, প্রশাসনিক কাজে বিদ্বান ব্যক্তির অনুপ্রবেশ চান না। জেলার যিনি সর্বসর্বা, তিনি আদিবাসী বা তপশীলী বৈঠবেগারদের মনে করেন, বিনাশযোগ্য পোকামাকড়। তার মনে হয়, এই সব অন্ধ, অন্ধ ও হিংস্র লোককে দিয়ে এ আইন বলবৎ করা যাবে না এবং সংবাদটি সে যথাস্থানে পৌঁছে দেবে যথাসময়ে।

মন্ত্রী বলেন, সব কিছু শাস্ত হয়ে বিচার করতে হয় আগে। আমি তো এত জরুরী মিটিং ডাকার কোনো কারণই বুঝিনি। ডক্টর খুরানা আছেন বলেই মিটিং ডাকা ? অল্প কোনো রাজ্যে “ল”-টা ইম্প্লিমেন্ট করছে কি ?

শঙ্কর এ সময়ে আঙুল তোলে ও শুকনো গলায় বলে, সব স্টেটে ডক্টর খুরানা নেই। স্টেটে বন্ডেড লেবার অ্যাক্ট ইম্প্লিমেন্ট করার কারণ বেশি, কেন না অন্ধ-বিহার-উত্তরপ্রদেশে নিচু জাতের ওপর অত্যাচারও অনেক বেশি হয়। আপনার রাজ্য পশ্চিমবঙ্গের কাছে। এখানেও সশস্ত্র সংগ্রাম ঘটবার সম্ভাবনা বেশি।

মন্ত্রী হেসে কেলেন ও বলেন, কে চায় ল কার্যকরী হোক ? কেউ চায় কি ? দেখুন না, ওয়ার্ডিং কত সুযোগ দিচ্ছে আমাকে—রাজ্য-সরকার, জেলা ম্যাজিস্ট্রেটকে, তেমন ক্ষমতা ও কাজের ভার দিতে

পারে, “মে কনকার”, এই অর্ডিনালের সমস্ত ধারা কার্যকরী করার জন্তে যেমনটি দরকার। “দিতে পারে”, “মে কনকার” কেন? “উইল কনকার” নয় কেন? আমি তো এই ওয়ার্ডে নিজেই বাঁচাবার ফাঁক পাচ্ছি। এবার আপনি বলুন?

“ক” বলেন “থ”কে দেখিয়ে, মাননীয় মন্ত্রী আমাকে সুনির্দিষ্ট তার দিন, আমিও ওঁকে সে তার দেব।

অমূল্য বল, অ্যাক্ট বা অর্ডিনালের ভাষা শুধরে দিলে আপনারা অ্যাক্ট কার্যকরী করবেন?

মন্ত্রী বললেন, না ডক্টর খুরানা। সেন্টার বুকে না কিছু। অ্যাক্ট পাস করে বসে থাকে। দেখুন, কি অছুত, কি আদিবাসী, এদের ভালাইয়ের জন্তে কোনো অ্যাক্ট করলে, সেন্টার জানে, কখনো তা ইম্প্লিমেন্ট করতে নেই। কেন করতে নেই? তাতে আগ জলবে। অছুত আর আদিবাসী কি কোনো ক্যাক্টর? আর জমিমালিক, মহাজন, জোতদার। এরা হল সরকারের খুঁটি। কে দেয় চুনাওয়ার টাকা? কে ভোট কন্ট্রোল করে?

আমার কাছে সব ডিটেইল্‌স আছে। এই ল্যাণ্ডেড রিচ আর মহাজন, এরা সরকারকে দশ হাজার টাকা দিলে, ট্যাক্স ফাঁকি দিয়ে, সুযোগসুবিধে নিয়ে দশ লাখ টাকা উঠিয়ে নেয়।

ডক্টর সাব! ইয়ে তো হোতাই হয়। ভারত স্বাধীন হওয়া থেকে এই চলে আসছে। নেতারা কি তা জানতেন না? না বিজয়া মোদী তা জানেন না? দেখুন না খেতমজুরদের মিনিমাম ওয়েজ অ্যাক্ট। ভারতের কোনো রাজ্যে স্টেট লেবার ডিপার্টমেন্ট তা কাজে লাগায় নি। শুধু কি সরকার? যারা লাল ঝাণ্ডা উচিয়ে কৃষক আন্দোলন করে, তারাও মিনিমাম ওয়েজ নিয়ে একটা কথাও বলেনি। তারা কমুনিস হলও ট্রু ইন্ডিয়ান, আর এ কথা জানে, মিনিমাম ওয়েজ দিলে বড় বড় চাষীরা খেপে যাবে। আর ধনী চাষীকে চটালে কৃষক আন্দোলন হয় না।

এই অ্যাট্রোশাস কথাবার্তা!

শাস্ত হোন ডক্টর খুরানা। যারা গরিবের ভালাইয়ের অ্যাক্ট ইম্প্লিমেন্ট করার ওপর জোর দেয় না, তারা কাংগ্রেসী হোক, চাই কমুনিস, তারা গরিব অছুত ঔর আদিবাসীকে আপনার মত পণ্ডিতের চেয়ে বেশি ভালবাসে। তারা জানে, অ্যাক্ট ইম্প্লিমেন্ট করলে মালিক-মহাজনের হাতে ওই বেচারী গরিবলোক মারা পড়বে।

আপনারা ভারতকে মধ্যযুগে রেখে দেবেন ?

আরে, কেউ অছুত-আদিবাসীর জন্তে কিছু করে না কেন ? তাদের ভালবাসে বলে। তবুও তো, মিঃ শঙ্কর যা বললেন, বিহারে-অন্ধ্র-উত্তরপ্রদেশে হরিজনের ওপর নির্ধাতন খটে যায়। বি প্র্যাকটিকাল।

তাহলে আপনারা এ অ্যাক্ট ইম্প্লিমেন্ট করবেন না ?

আইডিয়ালিজম চাই না ডক্টর খুরানা, রিয়ালিজম চাই। আমি বিহারের অছুত-আদিবাসীকে প্রাণাধিক ভালবাসি। কিন্তু আমি রিয়ালিস্ট। এখন এমার্জেন্সি চলছে। পুলিশের হাতে প্রচুর ক্ষমতা, যুবলীগের হাতে বন্দুক, প্রেসের মুখও বদ্ধ। এখন ল ইম্প্লিমেন্ট করতে গিয়ে কি আমি আমার বিহারের অছুত-আদিবাসীকে বাষের মুখে ফেলে দেব ? সে কেমন করে হয় ?

বুল্শিট!—বলে অম্লেশ বেরিয়ে আসে। বলে, শঙ্কর, আমি রিপোর্ট দেব, এদের প্রত্যেকের সাইকোলজিকাল চিকিৎসা দরকার। খুব ইনটারেস্টিং বুঝলে ? এদের সাইকোসিসে মধ্যযুগ আর ফিউডাল আইডিয়া ঢুকে আছে। এরা হল স্টেটসের নিগ্রো-হেটারদের মত।

হ্যাঁ, রিপোর্ট দিও।

শঙ্কর, ওরা যা বলল, তা কি ঠিক ?

কিছু কিছু কথা ঠিক।

তপশ্বীলী আর আদিবাসীদের উন্নতির বা ভালোর জন্তে তৈরি কোনো অ্যাক্টই ইম্প্লিমেন্টেড হয় না কেন ?

শুনলে তো।

ওদের কথায় কোন উত্তর পাইনি।

বলতে পার।

অ্যাক্ট কার্যকরী হবে না জেনেও এমার্জেন্সির সময়ে পি. এম. এ অ্যাক্ট করলেন কেন ?

করবেন না কেন ?

কেন করবেন ?

নাইস অ্যাক্ট। শুনতে ভালো। ভারতের বাইরে ঊঁর সম্মান বেড়ে গেল। এখন উনি যে গরিবের লিবারেটর, তা বোঝা যাবে।

ঠাট্টা করছ ?

মোটাই নয়। হাজার হলেও, ল করবার পেছনকার উদ্দেশ্য তো ভালো। সেটা অস্বীকার করা যায় না।

অ্যাক্টের “মে” গুলোকে “উইল” করে দেওয়া যায় না ?

দেখ, একটা অ্যাক্ট যখন তৈরি হয়, তার ভাষা বিষয়ে অভিজ্ঞদের পরামর্শ নেওয়া হয়।

চোটি মুণ্ডাকে কমিটিতে নিলে ভাল হত।

না। কোনো ব্লাডি যুবলীগ ওকে মেরে ফেলত। তা ছাড়া, চোটি লোকটা হল ডিসিডেন্ট।

আরে সে জন্মেই তো ! ডিসিডেন্ট লোককে খানিক ক্ষমতা দাও, খানিক গুরুত্ব দাও, তারা ঠাণ্ডা মেরে যায়।

চোটি সে টাইপের লোক নয়।

না। সাক্ষা মানুষ।

হ্যাঁ। তবে ওই সাক্ষা মানুষই দশটা উজ্জ্বল মস্তুর চেয়ে ডেঞ্জারাস হতে পারে দেশের নিরাপত্তার ব্যাপারে।

কেন ?

ওরাই ভায়োলেন্স করে।

শঙ্কর, আমরা কি ওকে মেরে ফেলব ?

না না। ওর বেঁচে থাকা দরকার। ও থাকলে কোন না কোন সময়ে আমরা অগ্নাস্ত্র ভায়োলেন্স-ব্রীডারদের ধরতে পারব।

তাদের কি করব ?

মেরে ফেলব।

চোটিকে ?

তখন দেখা যাবে। শোন, তুমি তোমার খিওরি এবং সার্ভে
এইসব নিয়ে থাকো। অ্যাকশান—অপারেশান লেভেলে তোমার
মত লোক বাধাই সৃষ্টি করে।

অম্লেশ শিগুর সারল্যে বলে, কিন্তু আমি অ্যাকশান-অপারেশান
দেখতে ভালবাসি। ভায়োলেন্স এত নেসেসারি।

যখন বন্ধুকের বাঁট আমার হাতে, তখন নেসেসারি। নট দি
আদার ওয়ে রাউণ্ড।

শঙ্কর, তুমি কতজনকে মেরেছ ?

আঃ! ছোট ছেলেরা এত প্রশ্ন করে না। ঘরে চলো, পিল
খাও, ঘুমোও। কাল রিপোর্ট পাঠাবে।

কি জানো? প্রেসের মুখ বন্ধ করাটা ঠিক হয়নি। কোনো
খবরই জানা যায় না। ব্যাপারটা কেমন যেন উদ্ভট।

গো অ্যান্ড টেল হার।

আচ্ছা, চুপ করছি। কিন্তু তোমার কি তা মনে হয় না ?

বড্ড বকবক করছ।

অম্লেশ চুপ করে। শঙ্কর বলে, চোটিকে ছেড়ো না। ঘরে
থাকো। একেকটা লোককে দেখলেই চেনা যায়। এখানে বাই
ঘটুক, চোটি সাম্ হাউ তার মধ্যে থাকছে। এটা ঘটনা।

তাতে কি প্রমাণ হয় ?

হয় ও বেজার চালাক, নয় ওর কপালই এ রকম।

আই লাইক হিম।

মি টু। আমারও ভাল লাগে ওকে।

আমরা সুবলীগের বিরোধিতা করছি কেন ?

না করলে চোটিরা আমাদের বিশ্বাস করবে কেন ? আর, সুব-
লীগের এ ছেলেগুলো ডাউন্ডেল সব। ওদের শিক্ষা হওয়াই
দরকার। ওরা শুধু বামেলা বাড়ায়।

ওরা ভোহুরি পৌঁছে যায়।

ষোল

অমূলেশ্বরী যেমন মিটিং করে, চোটিয়াও তেমনি মিটিং করে। বেঠবেগারী এখন বেআইনী, এ উদ্ভেজনা ক্রমে প্রশমিত হয়েছে। তবে এখনো সকলেই খুব বিভ্রান্ত। আনন্দিত হওয়া উচিত, আনন্দিত হওয়া যাচ্ছে না। বেঠবেগার ওরা তীরখনাথের কাছে। তীরখনাথের দিক থেকে কোনো সাড়াশব্দ নেই। ছগন চোটিকে বলল, নয় তোদের পহানের ঘরের ছামুতে বসি গিয়া চল্ ?

চল্।

ই যি কি এক অবস্থা হচ্ছে মোরাদের ! বাধা আছে, বিয়ান নাই, পোয়াতির যেমুন হাল নয়, তেমুন বা !

বুঝছি।

তুই কি বুঝবি চোটি ? বেঠবেগার ছিলি না ?

বুঝি নাই।

তুমি শালো বড় চালাক হে।

খু—ব। দেখিস না, দালানকোঠা উঠায়েছি ? ছগন ! মোর আর বাঁচতে মন লেয় না রে !

কেন ?

ই আইনের পাছে পাছে কুন বা জুলুম আসে। আমি আর দেখতে পারি ছগন, আমার মনটো দুখার।

চোটি, তোর-আমার মুখে ই কথা সাজে না।

চল্ কথা বাবি, যেছি আমি।

ই কি দেখি চোটি ? খড়ের রশি ইটো ? বাহা রে বাহার ! লাল সূতার বাঁধি দিছে, দেখতে শোভা কত।

হরমুহর মায়ের কাম। এখন পাকশাকের কাম বউ করে, লাভবউ ! তা সি তো বসি থাকতে পারে। হেই আকড়ি আনতেছে, হেই উঠান খাটায়। আর কি করে তু তো জানিস।

খুব জানি।

চোটির বউ কয়েক মাস আগে হঠাৎ এতোয়্যর বাড়ি গিয়েছিল। সেখানে গিয়ে সে রীতিমত ঝগড়া করে এতোয়্যা ও তার বউয়ের সঙ্গে। নয় কোয়েল মরে গেছে আজ। এতোয়্যর বাপ নেই? নয় জ্যেঠা কি নেই? নয় এতোয়্যর মা মূন্নি মরে গেছে, জ্যেঠি কি নেই? এতোয়্যর মেয়েটি যে সাত বছরের হল। তাকে নিয়ে মাঝে মধ্যে চোটি যেতে হয় না? এতোয়্যা যেমন, তার বউও তেমন।—এসব বলে বকে বকে চোটির বউ এতোয়্যর মেয়েটিকে নিয়ে চলে আসে। মেয়েটি খুব চঞ্চল, মনভোলানো। এ বাড়িতে সকলের আদরে ওয় দিন ভালই কাটে। কিন্তু সেই মেয়ের পেট ব্যথা করে বঁকে গিয়েছিল। চোটির বউ তাকে হাসপাতালে নেয়। ডাক্তার কি ওষুধ দেয়, তাতে মেয়ের পেট থেকে বড় একটা ক্রিমি পড়ে।

চোটির বউ পরদিনই হাসপাতালে নিয়ে হাজির করে সনার বোনের নাতনিকে। তার পেট থেকেও কি আশ্চর্য, একটি না দুটি ক্রিমি পড়ে। ক্রমে হাসপাতালে গভীর বিশ্বাস হয় চোটির বউয়ের। এই বুড়ো বয়সে। এখন ও হাসপাতালে ছেলেনিলে নিয়ে যাবার টিকিট করাবার, ডাক্তার দেখাবার, ওষুধ নেবার একজন উৎসাহী পাণ্ডা বিশেষ। ছগনদের, চোটিদের, ওঁরাওদের, কারো বাড়িতে কোনো অশুধ হলে তারা চলে আসে এখন চোটির বউয়ের কাছে। চোটির বউ তৎক্ষণাৎ তাকে নিয়ে হাসপাতালে যায়।

চোটি বলে, ভাল কাজ হচ্ছে রে।

কেন? তুমি ভাল কাজ কর, আমি ভি করছি?

বেড়িয়েও আসিস।

হাঁ গো, বেশ লাগে। গেলাম—এলাম, হাসপাতালে ভি কত রকম মাহুদ আসে, দুটা বাতচিত হল। তা বাদে কিরতি পথে টিশনে বসলাম, চা খেলাম একটু, বেশ লাগে গো।

চা খাস তু?

উরা খাওয়ার?

কারা ?

বাদের লয়ে বাই ?

তু কাম ভি কর্তেছিস, দাম ভি নিতেছিস।

নিশ্চয়। চা খাব, বিড়ি খাব, টেন আসে তা দেখব, বেশ লাগে।

রোজ কিছু হাসপাতালে যাওয়া-আসা নেই। তাই বাদ বাকি সময়টা চোড়ির বউ কাঠ কুড়োয়। কাঁধা সেলাই করে, মুরগি ও ছাগলের দেখাশোনা করে, উঠোনে লঙ্কা বেগুন আঁজায়। খড় পাকিয়ে দড়ি বানায়। কাঠের আড়া তৈরি করে দড়ি বেঁধে বসার চৌকি তৈরি করে। বসে থাকে না।

হগন ও চোড়িরা পহানের বাড়িতেই বসল। চোড়ি বলল, আজ মোরাদের বলবার একটোই কথা হে। বেঠবেগার। আইনটো হচ্ছে ই সবে জান। আমি বা মোর ছেলা-নাতি বেঠবেগার নয়, তা ভি জান। তবু ভি আমারে আসতে হল, কেন কি আমি ভয় খেয়ে যেছি।

কিসে ?

বাসমতী ঔরাওরে নিয়া যা হচ্ছে, তখন উ গোরমেনটোর সামনে সকল হয়। উ গোরমেনের দাপ-মাগু খুব। তাতেই কুনো জুলুম উঠায় নাই লীগের ছেলারা। নইলে উরাদের আজ ক্ষমতা যত, দাপট তত, আর হাতে ভি বন্দুক। আগের মেদারটোরে মারি দিছে। আনন্দ মাহাতোরে মারি দিছে। চোড়ি গ্রামে কি করছে, কেউ ভুলি নাই।

তাতে ?

কে বললে কথাটো ? অ, উপা ! তু কি বলিস ?

উপা বলল, পুরানা কথা বল কেন ?

পুরানা কথার ভিতর নূডন কথার বীজ বুনা থাকে।

এখন আইন হচ্ছে, হয় নাই ?

হচ্ছে।

তাহলে বেগার দিব কেন ? তুমি তো দিতে বলবা !

ই তু ঠিক বলিস না। চোটি কখনো কারেও হুকুম দেয় না।

হেই উপা!—উপার বাপ হুখি মুণ্ডা গর্জে উঠল, মোরা সি কথা বলে যখন, তখন বাত উঠাই না, তু সিদিনের ছেলা।

চোটি বলল, হুখা রে। ই পঞ্চায়ত না হলেও পঞ্চায়ত, সব সকল কথা বলবে নিশ্চয়। বল উপা!

দোষ হচ্ছে মোর। তুমি বল!

এখন বলি তবে। মোতিয়া আর পহান-পহানী, রেল কুলিটো মরছিল, তখন আদিবাসী অকসরটো, পুলুসের বড় সাহেবটো, আমারদের কথা কিছু ভাবছিল। তাতেই কিন জুলুম উঠায় নাই উরার। নয়তো বাঢ়, ধুতরা, সরাবি গ্রামে এমন জুলুম হচ্ছে, ঘর জ্বলছে, লাহাশ পড়ছে, বিটিদের—বলতে জিভে কুলুপ লাগে, বিটিদের পোয়াতি করছে, আর পুলুস দাঁড়িয়ে মজা দেখছে। কুনো বিচার হয় নাই। পুড়ানুড়া ঘর বান্তে না বান্তে, আবার আসছে তারা! হাঁ। মহাজনের হয়! পার্টির ছেলারা! আবার জুলুম উঠাচ্ছে!

বল বল চোটি।

চোটিতে যা হয়, তখন মোরা গেলাম। অকসর, পুলুস, মোরাদের হুখ বুঝল, তাতেই কিন জুলুম উঠে নাই আর কুলিটোর লাগি রেলের ইউনাইন ভি মদত দিছিল। বাসমতীর বেলা গোরমেনটো আসি দাঁড়াল। তাতেই আর জুলুম উঠায় নাই। কিন্তুক, উপা! আর ছেলা-যুবারা ভাবি দেখে, যারা এমন জুলুম করল, তারাদের কি জেহেল হল, না জরিমানা?

কিছু হয় নাই।

জুলুমের পর জুলুম উঠায়, গরিবের লাহাশ কেলি যারাদের সাজা হয় না, তারা যখন চোটি গ্রামের মানুষের উপর কুনো দাপে—কারো মাছে মোরাদের পর জুলুম উঠাতে পারে, তখন তারা ভুলি যায় না, মনে রাগ জমা করি রাখে। সি 'রাগও লাগার সুদের মত শতকিয়া হারে বাড়ে। এখন তোহরিতে উ গোরমেনটো থাকিবার কালে চুপ করি যবে।

তা বাদে ?

জুলুম উঠাবে।

হাঁ, তা উঠাবে।

এখন কি করি তা বল।

ছটা কাম করিবার পারি।

কি কি ?

চোটি এখন নির্মল হাসে ও বলে, একটো কাম ই রকম। “বেগার দিব না” বললে উরা আসি লাহাশ ফেলাবে, ঘর আলি দিবে। এখন কালা কামুন চলতাহে, তাতে পুলুসের সুবিধা বেশি। পুলুস কিছু করবে না আর উরাদের মদত দিবে। বিচার চাহি যেমুন, মোরাদের আদালত যেতে হবে। আমি জনে জনে শুধায়ে জানছি, আর ভোহরির গোরমেনটোরে বলি আসছি, ই আইনের মাঝে চোরা গলি। মোরাদের লয়ে তামাশা করছে গোরমেন। শুখালাম, কুনো মালিক যদি তখন ভি বৈঠবেগার চাহে, মোরা কি করব ? কুন পথে যাব ? আইনটো কি বলতাহে ? গোরমেনটো বলে, কেন ? আদালতে চলি যাবে ? বুঝ ভুমরা ! আদা—লতে যাবে মুণ্ডা, ঔরাও, হুসাদ, গঞ্জ—মহাজন পেটকরজ না দিলে যারাদের দিন চলে না, সি যাবে মালিক মহাজনের নামে নালিশ উঠাতে। তাই, সকল সালের মত বেগার দে তুরা। তাহাতে মালিক মস্তানদের নালিশ নালিশ করে না, তারাও জুলুম উঠায় না।

হগন বলে, তাতে কি বাঁচি যাব মোরা ? বাঢ়, ধুতরা, সরাহিতে কি “বৈঠবেগার আইন মানি না” বলছিল কেউ ? সেধা জুলুম হল কেন ?

হগন। সকল জানিওনি এমন কথা বলিস ! হল কেন ? হয় কেন ? হয়, সকল বছর হয়। চিরকাল হয়। সেধা বৈঠবেগার, আর খেতমজুরের উপর মহাজনের জুলুমের কথাটো থাকে, বানিয়া রাজপুত—বরাহতনের জুলুমের কথাটো থাকে তুরাদের উপর, পুলুসে মহাজনে এক টুপি, সি কথাটো থাকে, গোরমেনদের দলের

দিক্ মহাজনের মদত দিবার কথাটো থাকে, সকল কথা একসাথ হলি আগুনটো জলে। ই সি কথাগুলার বত বললাম, ইয়ার কুনটা নাই তাই বল? ই সকল আছে, তাতেই বাঢ়ে আর ধুতরায় আর সরাসিহিতে আগুন জলল?

চোড়ি! আমি তোর পারা অত কথা বুঝি না। তু বলিস একটো কথা, জুলুমের ভয়ে মোরা বেঠবেগার দিয়া চলতে পারি। এ ভি বললি, বেঠবেগার দিয়া চললে, ছোট জাত হছি বলে উচা জাতরে মাগু দিয়া চললে ভি জুলুম উঠে। কেন কি, মহাজনে-পুলুসে-পাটিতে এক টুপি।

ভুল বলছি না সাচাই?

সাচাই!

আর কামটো কি রকম? চোড়ি, আমি অত বুঝি না। তু বল, ছগন, জাতপাঁতের মানুষ লয়ে ই কামটো কর, আমি করব।

না ছগন। আমি বেঠবেগারটো নয়, তাই বেঠবেগার কি করবে তা মোর বলা সাজে না। আমি বলতে পারি, ই একটো পথ। তুরা ভাবি দেখ। তুরা নিজে ভাবি কাম কর।

আর কামটো কি, শুনি?

সিটো ই রকম। টু'নি জল খাব গো পহানী, পিয়াস লাগছে বড়।

পহান বলে, সবে জল খাও। কথা অনেক।

পহানী আনে পিতলের পরাতে ভিজে ছোলা, ভুরা গুড়, মাটির কলসিতে জল, অ্যালুমিনিয়ামের গেলাস। সবাই ছোলা ও গুড় চিবায়, গেলাস উচু করে জল খায়। চোড়ি বলে, কুমার জল এমুন মিঠা? না কি ই আমার বুক-খুঁড়া জল গো পহানী?

ধরি কেলছ তুমি! চোড়ি নদীর গাহাঢ়ার জল বটে।

উ গাহাঢ়া-খুদা বুদ্ধি হছিল তখন। লয় তো জলের ছল ধরি লাল। মোরাদের মারত নিশ্চয়। হা দেখ, এখন সবে হাজির আহ, বলি। আকাশের গভিক খুব খারাপ। ক সাল মাফি দিছে, ই মনে

বুঝি থরা আসে। নদীর বুকটো ভাল মত খুঁড়ি রাখা ভাল, মনে লাগে ই রকম। ছগন বলে, চোন্টি তু মরিস না রে, তু মরলে মোরা ভাসি যাব। যা সবে জানি, তা ভি মনে আসে না।

মিঠা কথায় ছগন মোরে কেমন ভুলায় দেখ্ সবে! যেথা চোন্টি মৃগা নাই, সেথা সবে ভাসি যেতেছে, জল-আকাশের গভিক বুঝতেছে না।

আর কথোটো বল ?

বলি উপা। সি কামটো বড় সিধা।

কি ?

বেঠবেগার কেও দিবে না।

দিবে না! তুমি বল, না দিলে কত জুলুম ?

নিশ্চয় জুলুম। তাতে ভুল নাই। তবু, মোর মাথে খচড়াইটো ঘুরতেছে। দারোগা আসি বলি গিছে, বেঠবেগার বেআইন। বাস! কেউ দিল না বেঠবেগার? এখন তো চাচার হোখা হোক, কাঠকাটাই কাম হোক, কিছু কাম মিলতেছে? সি সকল কাম করলাম? চিরঞ্জীলাল গোমো হতে আসতেছে। কুরমি পাহাড়ে পাথর চোটাই মোরাঃ বানাই কাম করাবে। সেথা ভি যাব?

বল বল হে তুমি, ই কথোটো ভাল লাগতেছে।

লালা শুধালে বলল তুমরা, সি কি? দারোগাটো বলি গিছে, বেঠবেগারটো এখন বেআইন। তাতেই করব না।

সে জুলুম উঠালে?

বলতেছি সি কথা। দেখ্ মোরাদের বলিবার কথা ইটো, আইন তো মোরা কখনো জানি পারি না। চাচার হু ভাই ভাল বেবহার রাখে, মজুরি দেয়, আর উ যা দিছে, অশ্বরাও তা দিছে। কিন্তুক সি মজুরিও মোদের ঠকায়ে দেয়। গোরমেনের আইনে দেয় না। সি আইনটো জানি না। কিন্তুক ই কথটা ভাল মত জানি, বি বেঠবেগার নয়, আমার মত খেতমজুর তাদের লাগি গোরমেনের আইন আছে। তাতে মোরে দিবার কথা দিনে ছ সেয় খান আর পৌনে সেয় ছাত্ত,

নয় সোয়া দু সের চাল আর পৌনে সের ছাতু। সকল মেয়েময়দরে।
আর ছেলাটোকাদের দিবার কথা সাড়ে চার সের ধান আর পৌনে
সের ছাতু, নয় পৌনে দু সের চাল আর পৌনে সের ছাতু। যে মালিক
তা দিবে না, সে দাম কষি টাকা দিবে। এখন বল, ই আইন যি হচ্ছে,
তা সব জানে। কিন্তুক কুনোদিন মোরাদের জানায় নাই। আর
কুনো মালিক মহাজন সি মতে মজুরিও দেয় নাই।

ই আইনটো কবে হচ্ছে ?

ছগনের কোল-নাতির বয়স। দু বছর।

কিছু জানি না।

জানাতে চায় নাই, জানি নাই।

কিছু জানি নাই। যখন যা দিছে লালা, এমন ভাব দেখায়ে দিছে,
যেন কত দয়া করি দিল।

মোরা লিখাইপড়াই জানি না যি ! হরমুটো যখন জেহেলে যায়,
কত মুণ্ডা, ওঁরাও, হুসাদ-ধোবিরে দেখছে জেহেলে, ওয়ে শুখাও।
তারাজমিনের মামলায় জেহেলে, কিন্তুক কি তারাদের দোষ তা জানে
না। দু জন ছিল খেতমজুর, তারা যাহার খেতী কাম করত, সি
মালিক খেতী জমিন বেচি দেয়। ইরা তা জানে নাই। খেত চষতে
গিয়া নূতন মালিকের জুলুমে জেহেলে যায়।

হরমু বলল, জেহেলে রহি বুড়োটো হই যায়।

সি কথা ! মোরা আইন জানি না। পুলুসে বেআইনে মারছে
বলি পুলুসরে আদালতে উঠাছে দিকু ছেলা ই ভি দেখছি। কেমনে
পারছে ? সি আইন জানে, তাতে পারছে।

এখন বল।

খেতমজুরি আইন জানি নাই। কিন্তুক ই আইনটো তো জানাই
গেল দারোগা ? তাতেই বলি, বেগার দিল না কেউ। লালা কাম
করালে মজুরি নিয়া, যেমন সবারে দেয়, তেমন মজুরি নিয়া কাম
করল। লালা যদি না-রাজ হয়, তবে করল না।

জুলুম উঠালে ?—উপা বলে।

সি তি তুয়া নিজেয়া ভাব্।

মারবে ? পার্টিয় ছেলা, পুলুস আসবে ?

নিশ্চয়। ই উরাদেয় কাছে পরব।

তখন ?

নিজেয়া ভাব্।

মোয়া ভি মারব।

সবে একজোট রবি, না দল ভাঙি যাবি ?

একজোট রব।

তোয় একার কথায় লয়। ছগনরা কি বলে দেখ্ ?

ছগন বলল, যদি মোরা ভি জোটে থাকি, তু কি করবি ?

চোটি বলল, তুয়া যদি পহেলা পথে যাস, তাতে তো মোর কুনো
কাম নাই।

তু বুঢ়া গিখোড়টা ! ছসরা পথে আছিস ?

তা আছি। বুড়া দিয়া কাম হবে কুনো ?

তু জানিস না ই কথার জবাব ?

বুঝছি। কিন্তুক নিজেয়া ভাব গিয়া বাপ সকল। জুলুম উঠলে
বিটিছেলা, বুড়াবুড়ি, গঁদাটোকা ভি মরবে।

আরে, আগেই বলে মরার কথা। হোক কথা লালার মাথ ?
উঠুক জুলুম ? তবে না ?

বুয়াইটো আগে ভাবা ভাল রে ছগন ! আমি যাই।

কুখা ?

ঘর যাই। তুয়া ভাবি দেখ্, মোরে জানাস। বেঠবেগাররা কথা
বল, তুয়াদের ভাবি দেখা দরকার।

যদি বলি দিব না বেগার ?

আগে ভাবি দেখ্, তখন ভি আমার কাম আছে।

বেগার নয় ছ-চর ঘর। আর সবে তো বান্ধা। হিসাবেয় খাতাটো
জলি গেল, তো আবার বানানে আনছে।

সি খাতা ওর আহান, তাতেই বানাছে।

হু বন্টা বাদে হরমু এসে বলে, ওরা আসতেছে। উরা দিবে না
বেগার, আর যা ঠিক করছে, আসি বলবে। কিন্তুক...

কি বল ?

তুমারে বুঝাবে কে ? কিন্তুক, আমরা তো বেঠেবেগার লই আবা ?
তবু উরাদেব সাধ শামিল হবে.....

উরা যাবে, মুণ্ডা ভি কতজনা, গা বাঁচাব ? বাঁচান্ যায় ?

না, বাঁচান্ যায় না।

এখন মাটির তেল আন্ দেখি খানিক ?

কেন ?

পা টো ছুধায়। গরম করি লাগাই।

হরমুর মা এল মুন ও কেরোসিনের বাটি হারিকেনের মাথায়
চাপিয়ে। বলল, ই মানের কামটো আমি করি ? লড়ায়ে যাবে বাপ,
তা লড়াকুরে মালিশ দেই, ই মান আমার !

লড়াই কুখা মা ?

ই জনা বাধাবে।

ধুর !

বাপয়ে তু হতে আমি জানি বেশি।

সপন দেখ।

হরমু ! তু মোর পেটে হছিল না, আমি তোয় পেটে ?

ছেলেকে ধমকে তাড়িয়ে দিল চোড়ির বউ; এবং চোড়িকে বলল,
কুখা গেলা, কি করলা, বেঁচেজীয়ে ফিরবা কি না, তা ভেবে ভেবে
স্নিগ্ধকাল পাগল হছি। তখন কোয়েল ছিল, তা বাদে মুংরি ছিল।
এখন আমার কথা তো টু'নি চিন্তাবে ?

কায় কথা চিন্তাই বল ?

সি আমি জানি ?

বউ।

কি বল ?

সোমচরী ?

চোড়ির বউ এত অস্বস্তি হলে, যে দাঁড়িয়ে থাকলে বোধহয় পড়ে যেত। চমক ভাঙতে লজ্জা হল ওর। তুমতুমতুম চারদিকে দেখে নিল। না, কেউ কাছে নেই। তারপর বলল, লাজ লাগে না তুমার ? মা হছি, দাদী হছি, নাতির ছেলা হলে কোল-দাদী হব, এমন বুড়িরে নাম ধরি বলে কেউ ?

আমি বলি।

না, লাজ লাগে।

না, মিছা বললি। খুব খুশি হচ্চিস।

চুপ কর। ই কি বুড়া রে।

বুড়া ? তোরে উঠায়ে জাপুটে ধরে লাচব ?

চুপ কর।

এখন কি হবে জানি না, কি করব তা জানি না। তবে বউ, সব ভাবে চোড়ি মুণ্ডা সাচাই মাসুখ।

সাচাইটো তো বটে।

আনজনের কথা নয় বউ। নিজের কাছ নিজে সাচাই রবার লাগি মাঝে মাঝে সাচাই কামটো করিবার লাগে।

কর কেন ? কবে “না” বলছি ? পুরাণের লাগি যাও নাই ? লকসালী ছেলাটোকে ধরে আনি তুল নাই ? পহান, কুরমির পহানরে বাঁচাতে যাও নাই ? “না” বলি নাই, “না” বলব না, কিন্তুক বুকটো মোর কাটি যায়। কোয়েল নাই, মুংরি নাই, আমার কাছেই ছিল বারা, তারাদের কেউ নাই। বুকটো শুন্ পারা লাগে। আমি যাই গো, উন্ন সব দেখ আসি গিছে। বউ ! তুয়া কুখা ? হরমু ? চাট্টি আনি দে।

হরমু এনে ফেলল ধমাস করে মস্ত একটা চাট্টি। বলল, মা, ধাস হতে চাট্টি সবাই বুনে। এমন বড় বড় বুনে না কেউ। এখন চাষ হবে না, আমি যেয়ে হাতে তোর বুনা চাট্টি বেচব।

বেচিল।

উন্ন বাহারী মুণ্ডা দিয়া বাঁধ দিচ্চিস কেন ?

উটো ধরবি না হয়মু।

কেন ?

তোহরিতে গোরমেনটো মাঙছে উটো।

সবাই এসে চাট্টিতে বসল। সনা ও ছগন বলল ছ দলের বক্তব্য।
না, ওরা বেগায় দিতে যাবে না। দেখা গেল উপা মূণ্ডা, যুগল গঞ্জ,
এই সব তরুণরা আরো বেশি আগিয়ে ভাবছে।

উপা বলল, বাহার হতে খেতমজুর আনতে দিব নাই। মোরাদের
দিয়াই কামটো করাতে হবে।

চোটি বলল, ভাল। এখন আর ভি কাম আছে।

কি।

হেথা যি কথা হবে তা বাহারে গেলে আমি বেইমানয়ে ধরি জিভ
টানি ছিঁড়ি দিব।

বলু তু কি বলতেছিলি।

কি করতেছি তা তোহরির গোরমেনটোরে জানাই রাখব।

ই কথা।

কথা আরো আছে।

চোটি স্বরূপের সঙ্গে তার আলোচনার কথাও বলে, এবং বলে,
আমি নিজে জঙ্গলে যাব। তারা বলছে, মোরাদের মদত দিবে।

সি কথা জানতে যাবি ?

আর ভি কথা। যদি তেমন হয় সি ছ-চার জনায়ে লুকায়ে রতে
হবে হয়তো বা। তখন উরাদের কাছ রতে পারবে।

পয়দিন চোটি বাড়িতে বলে, কেউ শুধালে বলবে আমি চাই
গিন্নাছি।

স্বরূপ বলেছিল, চোটি থেকে কোমাণ্ডির মাঝামাঝি জঙ্গলে তাদের
ডেরা। সে একেবারে টানা জঙ্গল, পাহাড়ের মাথায় জঙ্গল পাতলা,
নিচে জঙ্গল ঘন। চোটির সমীপে জঙ্গলের সবটুকু চোটির জানা। বলোয়া
নিরে ঢুকে যায় সে। হারা উদ্দেশ্যে ঘোরে না, কুণ্ডী যেখানে যেখানে,
সেখানে যায়। আত্মগোপনকারী মানুষ, জলাশয়ের কাছেই থাকবে।

প্রথম দিন খোঁজ মেলে না। সন্ধ্যার ঘরে কিয়ে বলে, পা হুখাতেছে। এখুন আর আগের মত শক্তি নাই।

বউ বলে, কাল হয়মু সাথ বাবে। একা যেতে দিব না।

হয়মু সঙ্গে থাকতে ভাল হয়। হয়মু বলে, কারি মাগি চল দেখি? হোই পাহাড়ের পিছে নামুতে গহীন কুণ্ডী আবা। এখুনো হাঁথি গা ডুবায়।

আর হাঁথি! আগে বনে ঢুকছি, কুখা বাঘ, কুখা হরিণ, কত জানোয়ার। এখুন একোটা দেখিনা।

চল, দেখাব।

গভীর থেকে গভীর হয় জঙ্গল। চোটির সামনে দিগে সত্যিই ছুটে যায় হরিণ। আহা, থাক! চোটি কারুকে বলবে না ওদের খবর। জঙ্গলে সুঁড়ি পথও নেই এখানে। পচা পাতায় পা ডুবে যায়, ঠাণ্ডা মাটি। কুণ্ডীটি বিশাল ও পাড়ের দিকে অগভীর। চোটি বলে, আগে তো জানি নাই।

এখুনো হাঁথি নামে।

কুণ্ডী পেরিয়ে স্বরূপের দেখা মেলে। স্বরূপের গায়ে সবুজ শার্ট, সবুজ প্যাট। ওদের ভেরা পাহাড়ের গুহায়। স্বরূপ ওদের নিয়ে যায়, বনায়। চোটি দেখে অন্তত তিরিশজন লোক সবাই দিকু নয়। জনা দশেক আদিবাসী। স্বরূপ বলে, জল খাও আগে।

চোটি জল খায়। সব কথা থুলে বলে। স্বরূপ বলে, যখন বুঝবে এবার ঠোকাঠুকি হবে, তোমার ছেলেকে পাঠিয়ে দেবে। এই আদিবাসী জনা পনেরো তোমার ছেলের সঙ্গে গ্রামে চলে যাবে ও ঘরে ঘরে লুকিয়ে থাকবে। লড়ায়ের সময়ে ওরাও যেন এদেরই দেখে। জাহলে বাইরের লোক বলে সহজে বুঝবে না। এখানে সবাই নেই। খবর দেব।

দরকারে থাকতে দিবে ছেলাদের?

বিশ্বাস। আর, ভেরা এ অঞ্চলে এখানে এটা, কুরি পাহাড়ের চারের জঙ্গলে আরেকটা।

ইয়া লড়বে ?

তুমার কাছে শিক্কা, লড়ব নাই কেন ?

আ রে ! তু না নরসিংগড়ের বিশাই ?

হাঁ হে । বড় নিশানী মারতে শিখাছিলে ।

আর কে আছে ?

চিনা মানুষ অনেক হে, তুমার চেলা সব ।

চোটির মনে অদ্ভুত তোলপাড় হয় । স্বরূপ বলে, আজ আমি ছিলাম, ভাল হল । কাল এলে আমাকে পেতে না ।

বিশাই বলে, খবর দিবে যি, সি যেমুন মরিচগুঁড়া আর লবণ আনে খানিক । কম পড়ি গিছে ।

গুধু ছাতু খাস তুয়া ?

স্বরূপ বলে, রাঁধা হয় না, ধোঁয়া উঠবে ।

তুমি এখনো পলাতেছ—

এখন আমি দামী মানুষ চোটি ! মাথার দাম উঠছে ।

স্বরূপ ওদের পথ দেখিয়ে নিয়ে আসে শটকাটে । বলে, সরাহির খবরটা জান ? কিছু শুনেছ নাকি ?

লক্ষণ সাহু যুবলীগদের ডাকি ছ বার গ্রাম জালাছে ।

হু যুবলীগ জোর অখম, লক্ষণের হেলেও ।

তুমরা করছ সি কাম ?

গ্রামের ক জনাও ছিল । সরাহির কাছাকাছি কোনো জায়গা পেলে ভাল হত । পুরনো ডেরাগুলো ছাড়াই ঠিক এখন ।

সরাহি ছাড়ায়ে উত্তরে এক বেলার পথ । দামোহ-তে জঙ্গল ভি আছে, আর মুণ্ডাদের শৌসানবুরু অনেক । এককালে মুণ্ডা গ্রাম ছিল ।

ভাল বলেছ । তবে সেই কথাই রইল ।

বুড়াটো হই গিছি যি, তাতেই সারি ।

তবু তো এসেছ ।

উরাদেব সাহেবে বলছিলেন, উরা ঠিক করছে, তাতেই আসছি ।

ওরা নিজেরা ঠিক করল ?

হাঁ মহারাজ । সে সকল কথা পরে হবে ।

দু দিন জিরায় চোন্টি । তারপর, হরমুর মায়ের বোনা চোন্টি ঘাড়ে করে রওনা হয় তোহুরি ।

অম্লেশ ঘাসে বোনা চোন্টি দেখে যেন চমৎকার মানে । সে এবং তার স্ত্রী ঠিক করে আমেরিকায় নাভাজো ইন্ডিয়ানদের বোনা কন্বলের পর এ হেন আশ্চর্য আদিবাসী শিল্পকর্ম তারা দেখে নি এবং দাম নেবার জন্তে পীড়াপীড়ি করে চোন্টিকে । দাম জানতে চায় ।

চোন্টি বলে, ইয়ার দাম হয় না ।

কেন ?

আগে জিনিসটো দেখ ভাল করি ?

খণ্ড-খণ্ড চোন্টি বুনেছে চোন্টির বউ । তারপর লাল-হলুদ সূতোর খণ্ডগুলিকে জুড়েছে । লাল ও হলুদ সূতোর নকশা খুবই সুন্দর ।

আমরা তো বারবার বলছি, ভারি সুন্দর হয়েছে ।

ইয়ার দাম হয় না মহারাজ ।

অম্লেশ অসম্ভব সুপিয়রর হাসে এবং ওর হাসি দেখলে বোঝা যায়, মুখে যতই কামারাদোরি করুক, আসলে চোন্টিকে এবং সকল চোন্টি-সদৃশ লোককে ও মনে করে পোকামাকড়ের মত তুচ্ছ । অম্লেশ বলে, বুদ্ধিতে-বুদ্ধিতে ইতর মানুষের প্রতি করুণাপরবশ হয়ে বলে, দাম হয় না, এমন কোনো জিনিস নেই চোন্টি । যা মানুষের শ্রমে তৈরি, তার দাম থাকবেই ।

চোন্টি কমান্দ্রুদ হেসে বলে, মহারাজ ! বনের ঘাস দিয়া আমার বউ চোন্টিটো বুনেছে । আমার ভাইয়ের নাভিন, ভাইটো নাই, সি নাভিন উ লাল-হলুদ সূতাটো দিছে । আমি ঘাড়ে বহি আনলাম । এখন বল, ইয়ার দাম কিসে শোধ হবে ? বনের ঘাসের দাম নাই । আর হরমুর মায়ের বুনের দাম মাপা যায় না । সি বুদ্ধি সবারে ভালবাসি বুনি দেয় ।

শব্দর বলে, ঠিক বলেছ চোন্টি । আমার মায়ের সেলাই করা একটা নকশী-কাঁথা আছে । তাতে চমৎকার লতাপাতা-হাতি-ঘোড়ার

নকশা। আমার কাছে এটার দাম মাপা যায় না। কিন্তু কয়েকটা চাষ্টি হলে ঘরের মেঝেতে পাতা যেত।

হাটে কিনি নিও মহারাজ। বিটিয়া পয়সা পাবে ছটা।

বল, আর কি খবর?

চোষ্টি স্বরূপের কথা বলে না। তীরখনাথকে উপায়া বাইয়ের খেতমজুর নিতে দেবে না, তাও বলে না। শুধু বলে, এখন তুমাদের মদত দিতে লাগে মহারাজ। কোনো দিন কেউ জানায় নাই তাই জানি না খেতমজুরি আইনটো হছিল। আমি জানছি সিদিন। কিন্তুক সি কথা থাক। ই আইনটোর কথা দারোগা জানাই গেল, তাতে জানছি। এখন, চোষ্টির বেঠবেগাররা বলে, দারোগা ভি তো গোরমেন, সি যখন জানাই গেল, তখন আর বেগারি দিব নাই। আর আগের করজ ভি শুধব না।

অম্লেশ ও শঙ্কর বলে,—

ঠিক।

ঠিক।

কিন্তুক আমি বলছি, তুমাদের জানাই রাখব।

কোনো গণ্ডগোল হবে ভাবছ?

মহারাজ! চোষ্টির মুখ দিয়া বলাও কেন?

শঙ্কর বলে, বলই না।

কোনো কথা না বললে ভি জুলুম উঠে। নিতুখী নিপাপীর লাহাশ পড়ে, ই তো বড় কথা, আইন হচ্ছে, বেঠবেগারী দিব না।

বুঝলাম।

জানায়ে গেলাম।

দেখছি। দারোগাকে জানিয়ে রাখতে হবে।

পাটির ছেলা আর পুলুসে এক টুপি।

আমরা তো আছি।

চোষ্টি চলে যায়। অম্লেশ বলে, কি করবে শঙ্কর?

খানাকে বলব, যেন বেঠবেগারদের মদত দেয়, মানে যে

মায়বে তাকে মারে ও ধরে। মানে দাঁড়াল যুব লীগের তিন মস্তান।

অম্লেশ ছোট ছেলের গলায় বলে, কেন ?

এ রকম একটা সংঘর্ষ হলে, স্বভাবতই অস্বস্তি অ্যাকটিভিস্টরা যোগ দিতে চাইবে। আমার কাজ অনেক সহজ হবে।

এরা কারা ? সি. পি. এম. এল ?

সে নামের ব্যানারে এরা কাজ করে না। কিন্তু উদ্দেশ্য মোটামুটি একই। চাবীর হাতে জমি থাকবে, জোতদার ও মহাজনকে সরানো হবে, নিজেদের হক রাখবে বলে চাবীরা সমস্ত সংগ্রামে জোট বাধবে।

এগুলো তো ভাল কথা।

নিশ্চয়।

অ্যাকটিভিস্টদের ধরলে কি করবে ?

এলিমিনেট করব।

তারি তো রোমিওদের চেয়ে অনেক ভালো লোক।

নিশ্চয়।

তাহলে ?

যে খেলার যে নিয়ম খুয়ান।

আমার তোমাকে মাঝে মাঝে ভয় করে।

তাতে প্রমাণ হয় তুমি বুদ্ধিমান।

শঙ্কর এস. ডি. ও. কে জানায়, জানায় থানাকে। দারোগা গাঁইগুঁই করে ও বিকেল নাগাদ আই. জি. র টেলিফোন পায় :— ইডিয়েট ! নিজের অধিকারের মাত্রা জান না ? শঙ্কর যা বলেন তাই করবে।

হ্যাঁ সার, করব।

নাচার হয়ে দারোগা কোন ছেড়ে দেয়। বলে, তাজব বাত ! চিরকাল বন্দুকের নল ঘুরালাম অচুত আদিবাসীর দিকে। এখন নল ঘুরাতে হবে ?

শঙ্কর আবার আসে ও বলে, যেদিন দয়কার পড়বে, সেদিন “অস্ত্র কেসে অস্ত্রত্র গেছলাম”—এ কথা যেন শুনি না।

না সার।

দারোগা ঘরে নেয় শঙ্কর এবং খুয়ানা কোনো মহামানব হবে। বলে, সার্ভিস দেব সার, কিন্তু তখন আপনি একটা সার্টিফিকেট দেবেন।

এ সব কথা যুব লীগের কানে গেলে...

যাবে না সার।

শঙ্কর অত্যন্ত পুলকিত হয়ে ধারালো কলার লম্বা ঘাসে গাঁথা অনেকগুলো মাছ হাট থেকে কিনে ঘরে কেয়ে। মেরিকে বলে, এ-গুলো ভাজতে বল। খুব টাটকা আর সুস্বাদু মাছ।

অম্লেশ বলে, সব কথা হল ?

হ্যাঁ।

কাজ হবে ?

জানই তো, আমরা দিল্লী ছাড়া কারো প্রেমের উত্তর দিতে বাধ্য নই ?

এ ভাবেই হয়ে যায় সব কথা। ওদিকে তীরখনাধ রোমিওকে বলে, বুঝি না কিছু। সবাই চুপচাপ।

বেগারদের ডেকে পাঠান, কথা বলুন, কি বলে জানিয়ে যান। তারপর যা করবার, আমরা করব।

তীরখনাধের গোমস্তা ছগনদের ও সনাদের ডাকে। ছগন ও সনা তীরথকে বলে, কি কথা মহারাজ ?

যান কাটার সময় হচ্ছে যে।

আমরা কি করব ?

কি বছর কি করিস ?

বছর বছর বেগার দেই।

এ বছর নতুন কি হল ?

সে কি মহারাজ ?—দারোগাটা, গোরমেন বটে, জানাই গেল ই সন হতে বৈঠবেগার বেআইনী। তবে বেগার দিব কেন ?

দিবি না ?

না মহারাজ ।

ধান পড়ে থাকবে ?

না, আমরাই কাটব । মজুরি নিব ।

বটে ।

হাঁ মহারাজ ।

বেগার না দিলে বাহারের মজুর নিব ।

না মহারাজ । তা হতে দিব না ।

দিবি না ?

না মহারাজ, তা দিব না । খেতমজুরের পাণ্ডার ভি আইন হচ্ছে । চোটি না বললে জানতাম না । সি রেটে চাহি না, যা দাও, তাই দিবে ।

বেশ, শুনলাম ।

মোদের জানালেই আসি যাব ।

চোটির নাম উঠালি কেন ? সে বেঠেবেগার নয়, আর হয়মু জেহেল গিছে হতে মোর খেতের কাম ভি করে না ।

তারে বাদ দিলে মোরাদের কাম চলে ?

হুগনরা চলে আসে । ভীষ ধায় রোমিঙর কাছে । রোমিঙ ভীষকে বধোপযুক্ত উপদেশ দেয় । ভীষ জানায়, সে রাজী । তবে মজুরি দেবে সে হুগার হুগায় । সে কথা শুনে চোটি বলে, ওই মজুরি দিবার দিনে লাগবে ।—সে আবার যায় ভোহুরি ও হয়মু মন্নিচগুঁড়া ও লবণ ও কয়মচার আচার নিয়ে জঙ্গলে যায় । ধান কাটা চলতে থাকে । হুগা দেবার দিন আসে ।

হুগনরা, সনারা কাছারিতে যায় । স্বরূপের প্রেরিত মুণ্ডা ও ওঁরাওরা ঘরে ঘরে অপেক্ষা করে । ওরা খুবই স্থির ধীর । বেশিক্ষণ অপেক্ষা করতে হয় না । প্রচণ্ড তর্জন গর্জন শোনা যায় । হয়মুর ছেলের চুলটা লালচে ভামাটে বলে সে “লাল” নামেই পরিচিত । লাল চোঁচাতে চোঁচাতে আসে, তারা বিশজন বন্দুক উঠাচ্ছে । এক পরমা দিতে দিবে না । আমরা ধানায় যাই ।

খানা থেকে দারোগা এবং জীপে চড়ে শঙ্কর আসার আগেই রোমিওর গুলিতে পড়ে যায় উপার বাবা ছুখা, এবং এখন ছগনরা ছুঁড়তে থাকে পাখর, মুণ্ডরা ছোঁড়ে তীর। তীরখনাখ পালাতে চেষ্টা করে ও শোনে, কুখা যাও মহারাজ ? খেলার সব্বারে নামালে, খেলা দেখবে না ?—তীরখ দেখে চোড়ির হাতে তীর ও ধনুক।

প্রাচীন ভয় তাকে চেপে ধরে ও সে “মারিস না চোড়ি” বলে পড়ে যায়। ও দিকে রোমিওরা কাছারি ঘরের মধ্যে যেন আটকে যায় এবং খানের পালানে এসে পড়ে আগুনমুখো তীর, ঘরের মধ্যে। পহলোয়ান, রোমিও এবং দিলদার অজ্ঞাত তরুণদের বলে, বেরোও গুলি ছুঁড়তে ছুঁড়তে।—তারা বেরোয় এবং তীর খায়। তীর ছুঁড়ে পাখর ছুঁড়েই ওরা খানের পালির পেছনে বসে পড়ে এবং তীর পাজরে খেয়ে একজন চেষ্টায়, তীরে বিষ আছে, বিষ আছে তীরে। চোড়ি খামের আড়াল থেকে স্থির লক্ষ্যে তীর ছোঁড়ে, সনাকে বলে, বন্দুকের হাত জখম করি আগে। তার তীরে রোমিও, দিলদার, পহলোয়ান তিনজনেরই বন্দুক চালাবার হাতের কাঁধে তীর বেঁধে, বন্দুক পড়ে যায়। অস্ত্র যুবকগুলি নেতাদের বসে পড়তে দেখে ঘাবড়ায় ও পটাপট তীর খায়। গাছের ওপর থেকে উপার ভাই চেষ্টিয়ে বলে, পুলস ! এবং স্বরূপের দলের আদিবাসীরা নিম্নেবে পালায়। পুলিস আসতে যুবকরা আবার পবিত্র সংকল্পে জলে উঠতে যায় ও একসঙ্গে ভীষণ চেষ্টিয়ে ওঠে। তীরখনাখের গোলা খুলে ছগনরা মুঠো মুঠো লঙ্কার গুঁড়ো ছুঁড়তে থাকে।

দারোগা। পুলিস। এস. ডি. ও। শঙ্কর। এখন ক্রমে তীর বর্ষণ খামে এবং এগিয়ে এসে চোড়ি সম্পূর্ণ অস্ত্র গলায় বলে এস. ডি. ও.কে, দারোগা বলছিল বলে ইরা বেগার দেয় নাই। লালার সাথ মজুম্মির কথা। তাহার কথায় ইরা হুণা নিতে আসছিল। লালা ইরাদের ঘরে লুকায়ে রাখছিল। বন্দুক উঠানে উ—রোমিওকে দেখিয়ে বলল,—উ মারি কেলাল ছুখাটারে আর ছুখা যেমুন চৌচাল “জল”। উ—দিলদারকে দেখিয়ে বলল, উ মুখে মুতে দিল। তখন

আমরা ধনুক আনছি, পাখর আনছি, আর হুণ্ডা তো নাই। বৃগল হুসাদ ভি দেখ পাঁজরে লাগি মরি গিছে বুঝি।

তীরে এমন জখম !

আমার হাতে ধনুক ছিল মহারাজ। ইরাদের কপাল ভাল যি বন্দুক চালাবার হাতটো জখম করছি। তুমি মহারাজ ! তীরের জখমটো দেখলে, আর গুলির জখম বুঝি চোখে পড়ল না ?

পড়েছে, চোটি।—শঙ্কর বলে।

এখন ?

এস. ডি. ও. বলেন, জখমদের হাসপাতালে নিতে হবে। এ কি ? এ যে মরে গেছে ? তীরে বিষ ছিল ?

হতে পারে। গুলিতে বারুদ রয় না ?

তীরখনাথ কোথায় ?

আমি জানি ?

শঙ্কর বলে, চোটি, এখন ছেড়ে দাও। আমরা এসেছি।

চোটি যেন গত দেড়ঘণ্টায় নতুন মানুষ হয়েছে। সে বলে, ছাড়ি দিব কেন ? এখুনি জানি নাও, মালিকের কাছকে খেতমজুর হুণ্ডাটো নিতে আসছিল, তাহাতে মালিক কেন ই হুশমনদের আনি মোতায়েন রাখছিল ? বেআইনটো কে করল আগে ? তারপর মহারাজ ! হুণ্ডাটো ? সি না লয়ে কেউ যাবে নাই। তুমরা হুণ্ডা বাটি দাও আগে।

হুজন পুলিশ কুড়িটি বন্দুক তোলে, গুলি। শঙ্কর বলে, সব জমা নেবেন। জখমদের ওঠান।

“ইরাদ”-এর চাপে এহেন অকৃতপূর্ব কাজ করতে হচ্ছে বলে এস. ডি. ও. খেপে যান ও তীরখনাথকে বলেন, আপনাকে গুলি নিয়ে যাব। সাদা জল ঘোলা করে ঝড় তুললেন, এখন ম্যাও ধরে কে ?

শঙ্কর বলে, ও সব কথা পরে।

হোমিও শঙ্করকে বলে, “ইরাদ” হো, ওর জো হো, বাঁদীর বাচ্চা, তোমরা আমি দেখে নেব।

আহ! ছাট নাইস গাই!—শঙ্কর তিন মস্তানের কাঁধের বিজু তীর নেড়ে দেয়, ওরা চৌচিয়ে ওঠে। শঙ্কর বলে, চমৎকার, চমৎকার হাত চোটি! তিনজনকেই ডান হাত বোধ হয় বাদ দিতে হবে।

অখমরা চালান যায়, ছুটি লাশ। বোঝা যায় যুগলও লাশে রূপান্তরিত হবে অচিরে। এখন মেয়েরা ও বালকবালিকা, শিশুরা এসে পড়ে। এত কালো কালো মুখের ভিড় বড় অস্বস্তিজনক। চোটির বউ এসে চোটির হাত ধরে টানে। বলে, নিচু গলায় বলে, তারা চলি গিছে।—চোটি মাথা হেলায়। জেদ ছাড়ে না চোটিরা। পোড়া ধান, তছনছ কাছারি, অখমদের আর্তনাদ, ছথার বউয়ের আর্ত কান্না, সব কিছু চারপাশে নিয়ে তীরখনাথ হুণ্ডা বেটে দেয়। তারপর ধানায় চলে এজাহার দিতে। চোটিও সঙ্গে যায়। বলে, আমি বেঠবেগার নয়, খেতমজুর ভি নয়, কিন্তুক ছথারে বন্দুক দিয়া মারি দিল যেমুন, তেমুন মাথায় খুন চাপি গেল।

অখমরা যায় হাসপাতালে, এবং চোটি, ছগন ও তীরখনাথ যায় ধানায়। শঙ্কর থাকার ফলে রিপোর্টে ফুটকিনাটকি করা সম্ভব হয় না। যুব লীগের সেক্রেটারি ও পার্টি সেক্রেটারিকে শঙ্কর বলে, জেলার সবটাই তো আপনাদের দখলে। এ বেল্টে মাথা গলাবেন না।

যুব লীগের সেক্রেটারি যখন শোনে, জীবনে সব কিছুর মত, পেয়ারা-আতার মৌসুম, “সপনো কা মওদাগর” ছবি, মেয়েদের চুলে পোনিটেইল বাঁধার ফ্যাশন, জীবনে সব কিছুর মত, শঙ্কর ও খুরানার আঞ্চলিক অবস্থিতিও ক্ষণস্থায়ী, তখন সে তিন মস্তানকে বলে, চিন্তা কোর না ভৈয়া। এরা চলে যাক, চোটি গ্রাম জালিয়ে দেব। তবে তোমার কপাল ভালো। চোটি মুণ্ডা যদি চাইত, তোমাদের গলা বিঁধে মেরে ফেলত।

রোমিও সগর্জনে বলে, ডান হাত বাদ চলে যাবে। তীরের লোহার মরচে, তাতে টিটেনাস হতে পারে।

চোটির হাতে তীর! সোজা কথা?

ভৈরৱা, বন্ধুকের গুলির চেয়েও জোরে আর পনের পর তীর ছুঁড়ছিল। দেখলে ভি চোথকে বিশ্বাস যায় না।

তীরখনাথকে আমি ছাড়ব না। ঘাড়ের ওপর “ইয়াড” নিয়ে তোমাদের ডাকা ওর ঠিক হয়নি।

ওহি খচর।

খুবই বিষময় কল ফলে চোটি-অপারেশনে। ধনুষ্ঠাকারে ময়ে দিলদার। রোমিওর ডান হাত কাঁধ থেকে বাদ দিতে হয়, পহলোয়ানের ডান হাত বাদ যায় কনুই থেকে। দিলদার ও তীরঘাতে নিহত যুবকটির পরিবার—এক লাখ করে টাকা ও একটি করে পেট্রল পাম্প পায়। রোমিওরা এদের দুজনের জন্ত মরণোত্তর “পরমবীরচক্র” ও চায়, কিন্তু পায় না।

কেন যেন কারোই হয় না জেল হাজত এবং তিরস্কৃত তীরখনাথ ঠিকমত মজুরি দিয়ে ধান কাটাতে লুকুম দেয় গোমস্তাকে। সপরিবারে চলে যায় লালা তীরদর্শনে। যুগল ও দুখার পরিবারকে অম্লেশ পঞ্চাশ টাকা করে সাহায্য দিয়ে “মহানুভব” নাম কেনে। এবং এক সম্পূর্ণ, এ তাবৎ অচেনা শঙ্কর চোটির বাড়ি আসে ও বলে, সে হাঙ্গামার দিনে বাইরের কে কে ছিল চোটি ?

বাহারের ? কে ছিল ? কেউ ছিল না।

তোমাদের তীরেও বিষ থাকে ?

থাকতে পারে।

নিজেরা যা করবে কর চোটি, বাইরের লোকের কথায় ভুল না। তারা তোমাদের বন্ধু সেজে আসে। ওটা ভান !

তা কি করে মানি বল ? মোর কাছে বাহারের লোক শুধা তুমরা। আর তুমরা তো মদত দিয়াছ।

বলে গেলাম।

কোথায় যাবে ?

চাই সাইভে।

আচ্ছা।

আমরা না থাকলে ওরা জুলুম করতে পারে। কিন্তু তাতে আর কি, বল! তোমরাও লড়তে পার, হাকিম আর ধানার মদত পাবে। চোড়ি ঈষৎ হাসে। বলে, তামাশা করি গেলে মহারাজ? না না।

শঙ্কর ও খুরানা চাই চলে যায় ও যুব লীগকে এ ভাবে সবুজ আলো দেখিয়ে যায়। এখন চোড়ি গ্রাম মুক্ত রণাঞ্চল।

সতেরো

এ কথা শুনে স্বরূপ সামান্য হাসে ও বলে, ডেরাটা ভাল ছিল, ছাড়তে হল। কুরমি পাহাড়ের ওপাশের বনে অবশ্য থাকা চলবে এখনো।

হাঁটতে পারবা?

হেঁটেই তো যাচ্ছি-আসছি।

তবে মন করি শুন। চোড়ি নদীটো দখিনে যেতে যেতে কুরমি ঘুর যাই কুঠির জঙ্গলে ঢুকি গিছে। সি কুঠি কবে কার ছিল জানি না। জঙ্গলটো দুমাইল খানিক বহুত গহরা। মাটি সমান, নদী ছড়িয়ে গিছে। হাঁধির বুড় উ পথে পালার্মো রিজাকরেন্স্টে যায়। তাতেই কেউ পশে না।

পাহাড় নেই?

না। গাছে রবে। মাচাং বাঁধি! উ জঙ্গলটোর বড় কেউ যায় না। কেন কি, জঙ্গলটো নদীর বুকে, জল জমি দাঁক, সাঁপ ভি বিস্তর। সেখানেই এদের তুলে দিই।

তুমি কুখা বাবে?

অগ্ন্যাগ্নি খাঁটিতে। সাবধান করা দরকার। ভাবগতিক আমার ভাল ঠেকছে না। এ কথা তো সত্যি, যে আমাদের সংগঠনের মত কয়েকটা সংগঠনকে নিঃশেষ করার জন্তে অঞ্চলে “ইয়াড” ঢুকে গেছে। হোখা চলি যাও।

দয়াকর হলে জানাবে কি করে ?

সময় পাই যদি, লোক ভেজি দিব। লয়তো নদী যেথা জঙ্গলে
চুকল, সেথা পশ্চিমে এক আকাশ আশমান ফুঁড়া শিশুগাছ। তার
নিচে এক মস্ত পাথর। পাথরের উপর গাছের ডাল ভাঙি রাখি
আসবে ছেলারা ? নিত্য নজর রাখ কেন ? আর, আমার ঘরটো
তো বিশাই জানে। চলি আসবে ?

তাই ভাল।

হা তুমরা সবে পলাতেছ কেন ?

অনেকগুলো মামলা জুড়েছে সবার নামে।

দেয়ি কর না হে। গতিক ভাল নয়।

গতিক ভাল নয়, থাকে না। স্বরূপরা সরে পড়বার পরদিনই
যেন বাতাসে খবর পেয়ে পরিত্যক্ত জঙ্গলে ঢুকে পড়ে পুলিশ বাহিনী।
বনটি আঁতিপাঁতি করে খোঁজে এবং বেরিয়ে যায়।

রিপোর্ট :—চোন্টি-কোমাণ্ডি ফরেষ্ট বলয়ে সেদিনও কোনো
আত্মগোপনকারী দল ছিল। গুহাতে পাওয়া গেছে পোড়া বিড়ি,
দেখলাইয়ের খোল, মোমবাতির টুকরো এবং কাগজের ঠোঙা।
এখানে অরণ থাকে, চোন্টি গ্রামের ঘটনায় তীর ছুঁড়ছিল অন্তত
পঁয়ত্রিশ জন আদিবাসী। তারা সকলেই কি উক্ত গ্রামবাসী ?
যুব লীগের নিহত তরুণের দেহে ছিল স্মৃতির কুচিলা বিষ। এখানে
অরণ থাকে, পাতলা ও ছোট তীর, কলায় কুচিলা বিষ, এ দেখা গেছে
“আদিবাসী জঙ্গলভারতী”, “বীরসা দল”, “আদিবাসী সেবক সমিতি”
—এ সকল সংস্থার অ্যাকশন-অপারেশনে। দ্বিতীয় ও তৃতীয়
দল ছুটির অস্তিত্ব প্রায় সমূলে বিনষ্ট। প্রথম দলটিরই সংগঠন শক্তিশালী,
আদিবাসীদের সহায়তায় দলটি পুষ্ট এবং স্বরূপ প্রসাদ এখনো
সক্রিয়...

অচিরে ১৯৭৬ আসে। জুলাই। বর্ষণ বিলম্বিত, তবু বৃষ্টি
পড়ে। এঁকেবেঁকে জলের সিক্ত ধারাগুলি কলকল করে বাঁপিয়ে
পড়ে চোন্টি নদীর খোলা বুকে। মাটি ঢেকে যায় ভূগাছুরে। বনের

ও গ্রামের গাছগুলি স্নান করে বাঁচে এবং টাহাড়ের শিবমন্দিরের পূজারীর হাতিটা স্টেশনের কাছে পুকুরে নেমে আর উঠতে চায় না। স্টেশনে একটা শিশুগাছ পড়ে যায় কেন যেন। তীরখনাথ 'গ্রামে' করে। এখন বর্ষণসিক্ত সরস মাটিতে বীজ ফেলার কথা। তীরখনাথ কয়েক বোরা সরকারী বীজ নিয়েই ট্রেন থেকে নামে। উথম এ সময়ে ব্রিকক্লিড দিয়ে শর্টকাট করতে যায় ও চিতি সাপের কামড় খায়। মোটা মোজার উপর দিয়ে দাঁত বসাতে জুত পায় না সাপটি, কিন্তু উথম ভয়ে চলে পড়ে। খবর শুনে চোটিও দৌড়য় ও সঙ্গে তোহুরি যায় হাসপাতালে। উথমকে বলতে বলতে যায়, বাঁচি যাবে মহারাজ, ভয় নাই মহারাজ, জুতে কাটে নাই মহারাজ।—ডাক্তারও চোটির কথার পুনরাবৃত্তি করেন ডাক্তারী ভাষায়। অতঃপর ওরা উথমকে নিয়ে বাড়ি করে। হরবংশ উশখুশ করে বলে, স্বরূপ প্রসাদের সঙ্গে যে আমিই তোমার যোগাযোগ করে দিই, কারুকে বোল না।

না মহারাজ।

ওর খোঁজ চলছে খুব।

তাই না কি?

যে ফিরতে চোটির ছোট ছেলে, সোমচর বলে, সি বিশাইটে আসি বসি আছে আবা। তুমারে কি বলবে।

বিশাই বলে, স্বরূপ কুখা গিছে জান?

আমি জানব?

জঙ্গলে জল যত, সাঁপ তত। স্বরূপটো অমুদ আনে। মোর্য তিন দিন উপাসী, তা ছাত্ত লক্ষা আনি বলি কুখা গেল? শুনছ কিছু? আমারদের দলের কেউ কুখা ধরা পড়িছে শুনছ কিছু?

কুখা কুখা ঘাটি তুরাদেয়?

নরসিংগড়, চাই।

তাতেই চেঁড়া দিছে যি অচিনা মানুষেরে কেও ছাত্ত লক্ষা বিচবে না?—চোটি ভাবে এবং বলে, এখন আছার। টুনি দাঁড়া।—নিজেদের সক্ষম দেখে ও, বলে—তুরা কতজন আছিস সেখা?

ভিন্নিশ জনা।

সবাই মুণ্ডা ?

একটো দিকু। স্বরূপের ভাই।

দাঁড়া।

চোড়ি বেরিয়ে যায় ও উপাকে ডাকে। সব শুনে উপা ঘর ঘর থেকে আনে ছাতু-লবণ-লঙ্কা। চোড়িও দেয়। তারপর সোমচর ও উপা বিশাইয়ের সঙ্গে অন্ধকার বর্ষার রাতে নদীর পাড় ধরে চলে যায়। ওদের কিরতে রাত কাবার হয়।

অস্থির, উৎকর্ষ প্রতীক্ষা।

তারপর চোড়ি গ্রামের মুণ্ডা ও অছুতদের ডাক পড়ে তোহুরিতে, রাজবংশের কাঠগোলায় সংলগ্ন বাংলায়—যেখানে চোড়ির জীবনের বেশ কিছু সময় কেটেছে গল্পগুজবে, হাসিতে, চা বা ককি পানে। অম্লেশ ও শঙ্করের সাহচর্যে। স্বরূপের শায়িত শবদেহের মাথার কাছে বসে থাকে এক অচেনা শঙ্কর এবং অত্যন্ত অচেনা গলায় বলে, ভাল করে দেখ একে একে, চেন কি না।

স্বরূপের হাত ও পায়ে কোনো নখ নেই, উলঙ্গ শরীরে কালো কালো ফুটো, পুরুষাঙ্গ মাংসের কিমা। চোড়িই নেতৃত্ব নেয়। পরিষ্কার গলায় বলে, না, দেখি নাই কখনো, চিনি না।

সকলেই তাই বলে এবং বিরক্ত হয়ে স্বরূপের দেহ থেকে মছিগুলি ওপরে ওঠে, আবার বসে।

ওরা গ্রামে কিরে দেখে স্টেশনে পুলিশ চৌকি। সবুজ পলিথিনের তাঁবু চোড়ি নদীর ধারে। চোড়ি নিচু গলায় বলে, যি বাহার ঘর চলি যা। হালগতিক খুব খারাপ। বহুৎ খারাপ। উপা, আন্ধার হলি মোর ঘরে আর।

উপা যখন আসে, ও বলে, সি বার তু আর মোর সোমচরটো সামনে রহি তীর উঠাছিস বারবার। ঝপ করি যেয়ে ঘরে বলি আর, আর সোমচররে লই ভাগি যা জঙ্গলে। উরাদের বল্ গা, ই আমার কথা, স্বরূপ মরি গিছে। সকলে মরি লাভ নাই। উরারা যেমন

কুম্মি পাহাড়ের ঢালের জঙ্গলে চলি যায়। সেখা কেউ থাকে না।
তুয়া ভি চলি যা। ছিপায়ে থাক উরাদেয় সাধ। কুম্মিয় রতন মুণ্ডা
তুয়াদের ছাত্ত লবণ দিবে। যারা আছে তাদের ভি দেয়।

চলি যাব ?

তুয় বাপ মরছে, তু সামনে ছিলি, সোমচর ভি ছিল।

ওয়া চলে যায়। এই যাওয়া কত সময়মত হয় তা বোঝা যায়
পরদিন, যখন পুলিশ গ্রামের ঘরে ঘরে উপা ও সোমচরের খোঁজ
করে। তারা ধানবাদ গেছে শুনে পুলিশ বলে, কার কাছে গেছে ?

চোটি বিরক্ত হয়ে বলে, তা আমি জানি ? ই তুজনার কড়কড়াং
সবার বেশি। মজুরি মিলল তো হলুদ গেঞ্জি কিনা চাই। বাবুয়া
পায়ে রবারের চটি ভি পিনে। ধানবাদে যেয়ে কয়লা কাটবে, বেশি
টাকা নিবে, ছিনিমা দেখবে, দেখ মহারাজ ! হাতে কুন্ ঠিকাদার
লোভ দিশাছিল উরাদেয়। ই ঠিকাদারগুলোয় ধরতে পার ?
ইরাদের উসকানিতে মুণ্ডা ছেলাগুলো ভাগি যায়।

খবর পুেলে খবর দিও।

নিশ্চয় দিব। কিন্তু কেন মহারাজ ?

খবর দিও।

পুলিস চলে গেলে চোটি বউকে বলে, “ছেলারে জঙ্গলে পাঠাও
কেন” বলে কানতেছিলি না ? এখন বুঝিলি ?

ধরলে মারি দিত।

নিশ্চয়। স্বরূপটো দিকু ছেলা, শিক্ষিং ছেলা, শুনছি পরেশনাথে
উরাদেয় বাড়ি আছে। বাবাটো উকিল। তারেই মারি দিল ?

এয় পরে পরেই ভীষনাথের তলব আসে। ধান বোনার সময়
চলে যায়, যে আছ বেঠবেগার এসো।

কেউ যায় না। ছগন ভীষনাথের গোমস্তাকে বলে, বেঠবেগারী
বেআইন, তাতে সি বার দিলাম না। এত জুলুম হল। ইবার দিব
কেন ?

বুজি থাকলে দিতিস।

শঙ্করকে নতুন ভূমিকায় দেখে চোন্টির মনে সরকার ও প্রশাসন বিষয়ে প্রাচীন অবিশ্বাস দ্বিগুণ হয়ে কিয়ে আসে ও সে বলে, ই বার জুলুম আরো জবর হবে।

চোন্টি অনেক বোঝে, তবু সব বোঝে না। শঙ্কর শুকনো কাঠকাঠ গলায় বলে, প্রথম স্টেজে কোনো বাধাদান নয়। আমি দেখতে চাই, স্বরূপের দলের লোকরা এদের মদত দিতে আসে কি না। শুধু স্বরূপকে ধরা যথেষ্ট নয়। ওদের দলটাকে আমি ধরতে চাই। রাজনীতি করতে নেমে যে হিংসার আশ্রয় নেবে, সে যে-দলের, যে-বিশ্বাসের লোক হোক, তাকে ধরতে হবে। আমি জানি স্বরূপের দলের সঙ্গে ওদের অন্তত একবার যোগাযোগ হয়েছিল। এবারও হওয়াই স্বাভাবিক। তাই, প্রথম স্টেজে যুব লীগ অ্যাকশান করুক। এই অ্যাকশনের সময়ে ওদের মদত দিতে স্বরূপের দলের কেউ যদি না আসে, তাহলে ওদের দেখিয়ে যুব লীগকে হটিয়ে দেব। তাতে ওদের মনে ভরসা আসবে, ওরা অসাবধান হবে। পরের অ্যাকশানে স্বরূপের দল আসবেই।

যুব লীগকে জানাবার দরকার আছে ?

নিশ্চয়ই নয়। রাফিয়ানদের সঙ্গে আমার কোনো যোগাযোগ নেই। ওরা আমার কাছে ততক্ষণই প্রয়োজনীয়, স্বরূপের দলবলকে ধরতে যতক্ষণ লাগে। অশিক্ষিত, অসভ্য, বদমাশ ওরা।

হগনরা তীরধের ডাকে সাড়া দেয় না। তারপর হাতকাটা রোমিও এবং পহলোয়ান পঞ্চাশজন মস্তান নিয়ে দলের পতাকা উড়িয়ে চোন্টি গ্রামে আসে। পুলিশের অফিসার শুকনো গলায় বলেন, এ কি ? কি চান আপনারা ?

পলিথিনের তাঁবু থেকে মাথা বের করে শঙ্কর বলে, এ কি হচ্ছে ? পিকনিক না কি ? বন্দুক হাতে নেই কেন।

রোমিও তখন রাগে অন্ধ হয় ও বলে, আজ একটা পবিত্র কাজের দিন। বত বাঁদীর বাচ্চা আছে, সবেয় গরম ভাওব, ঠের আখন্নি দাদ জুলব এই “ইয়াড”কে মেরে।

হা-রা-রা-রা, ভারতমাতার জয়, বিজয়া মৌদী অমর রহে, যুব লীগ জিন্দাবাদ, ইত্যাদি প্রয়োজনীয় স্লোগান মারতে মারতে ওরা তীরধের গোমস্তাকে টেনে আনে। বলে, দেখিয়ে দাও কোন্ কোন্ হারামি বেগার দেবে না।—তীরধ ছুটতে ছুটতে আসে। বলে, আর না মারো ভৈর্য ইস্ দকে। पहले बात करो। বাতসে, কাম আসান হোতা হয়। বাপরে! আমি তো ডর খাই। সেবার ভেগে গেলাম। কিতনা দকে ভাগব বল?

রোমিও মহোল্লাসে বলে, ভাগ্ যা বাঁদীর বাচ্চা। ডরপোক আদমি, কবুতরের কলিজা তোর।

ছগনের ঘর দেখিয়ে দিয়ে গোমস্তা পালায় এবং বন্ধ দরজায় লাধি মারে রোমিও। পলায়ন পর ছগনের পিঠে গুলি বেঁধে ও একই সঙ্গে জলে ওঠে ছগনের ঘর। জানলা কেটে বেরোয় মেয়েরা। আবার গুলি। তারপর ধোঁয়া ফুঁড়ে তীর আসতে থাকে। তীরধ চৌচিয়ে পড়ে যায় পায়ে তীর খেয়ে। দৃশ্যটি নিমেষে মনোগ্রাহী হয়। ধোঁয়া ও আগুনের মধ্যে ক্ষিপ্ত যুব লীগরা, এলোপাতাড়ি গুলি ছুঁড়ছে, এবং ধোঁয়া ভেসে সরে যেতে দেখা যায় ছগনের ঘরের পেছনে ডাঙা জমিতে বলদহীন গাড়ি কয়েকটি, তাতে খড় চাপানো। তার পেছনে মাত্র পনেরো জন মুণ্ডা, হাতে তীর। শব্দর দূরবীনে দেখে ও বলে, না, তারা নেই।—এ সময়ে বৃষ্টি নামে। যুব লীগ সামান্য দিশাহারা। তীর কিন্তু আসতে থাকে। যুব লীগের একজন চৌচিয়ে ওঠে, আরেকজন। ওরা আবার গুলি ছুঁড়তে যায়। মাইকে শোনা যায় শব্দের গলা, ছ পক্ষই ধামো। পুলিশ আসছে।

রোমিও এখন এক যুব লীগের পিঠে লাধি মারে, আসছে। ও “ইন্ডাড” কো মারো গোলি।

শব্দর এসে পড়ে এবং রোমিওর বাঁ হাত পেছনে মূচড়ে দেয়, যুব লীগের মাথায় মারে রিভলবারের বাট। পুলিশ অপায়ন যুব লীগদের নিরস্ত্র করে ও প্রবল বর্ষণে তাদের ঠেলে ঠেলে নেয়

ক্যাম্পে। শঙ্কর মনে মনে যুব লীগকে প্রচুর গাল পাড়ে এবং পুলিশকে বলে, মুদা-জীন্দা-জখমি উঠাও।

হগন ও এক যুব লীগ জীবিত, গুরুতর জখম। এক যুব লীগ হৃৎপিণ্ডে তীর নিয়ে মৃত, মৃত হগনের ভাইঝি পুতলী এবং রামকুমারি ধোবিন। চোন্টিদের তীরধনুকও নেওয়া হয় কেড়ে। চোন্টি শঙ্করের কোনো কথার জবাব দেয় না এবং হগনকে ডেকে চলে হুর্নিমোধ্য আবেগে। তীরধনাধ দূরে ঠেস দিয়ে বসে কাঁদতে থাকে ও বলে, বাপ কোনোদিন মারে নাই, তোরা পা ভাঙি দিলি মোর? এমন বেইমান?

চোন্টি অগ্ন্যুদ্যোগে চেয়ে বলে, ক বছর হচ্ছে, টেনে কাটা পড়ত লালা, আমি বাঁচাই। কখন? যখন উ আমার ছেলারে জেহলে দিছে তখন। আজ ই জানোয়ারগুসারে দিয়া বিটিছেলা মারা কর্যাছে আর মোর নাতিরে বলে বেইমান!

তোরে বলি নাই।

আমি মারলে পায়ে মারতাম না।

মেয়ে ছটির লাশের সামনে দাঁড়িয়ে শঙ্কর যুব লীগের অপদার্থ-তায় মাথা নাড়ে ব্যস্তব্যস্ত। দেখে মনে হয় ও শোকে বিহ্বল। চোন্টি তার দিকেও চায় না। শঙ্কর খুশি হয়। এই রকম নিষ্কলুষ ও শুভ্র, ক্রোধী প্রতিক্রিয়াই ও চায়। চোন্টি, তুমি চোন্টি থাকো। তাতে স্বরাপের দলকে আমি ধরতে পারব।

ট্রেনে জখমরা ও মুদারা একদিকে চালান যায়, অস্ত্রেরা অগ্ন্যুদ্যোগে। শঙ্কর রীতিমতো একটি কেস খাড়া করে এবং যুব-লীগই প্ররোচক বলে প্রতিপন্ন হয়। কেন যেন কেস আদালতে পৌঁছয় না এবং জখম হগন ও যুব লীগ একই সদরে, একই হাসপাতালে সেয়ে ওঠে ধীরে, অতি ধীরে। হগন বেঁচে যাবে জেনে চোন্টি বলে, এখন জেহলে দিক, ফাঁস দিক, দুঃখ নাই।—কেন যেন চোন্টিরা সবাই হুমকি-খাসানি পেয়ে কিরে আসে।

আবার পুলিশ জঙ্গল চবে, "খুঁজে খুঁজে করে।

এখন চোন্টি যেন সব বুঝে কেলে। চোন্টিতে পুলিশ চৌকি থেকেই যায়। বর্ষায় ইটভাটি জলে ভাসাভাসি। সেখানে কারা অথবা কে যেন তীরধের গোমস্তাকে সাঁঝের আঁধারে কষলে মুড়ে কেলে নির্দম করে পেটায়। তীরধ হাসপাতাল থেকে ফিরে এসে গোমস্তাকে হাসপাতালে পাঠায়। গোমস্তা কারো নাম বলতে পারে না। ছগনের ভাইকে তীরধ ডাকে। সে বলে, না মোরা যাব, না কারে যেতে দিব।

এই ষোর বর্ষায় চোন্টিই যায় কুরমিতে। রতন মুণ্ডাকে বলে, সিদিন পোরমেনটো চক্ষুতে কাচ লাগায়ে মোরাদের দেখতেছিল। গুলি চলে, লাহাশ পড়ে, সি হারামি কাচ সরায় না। এখন বুঝছি বিশাইদের খুঁজতেছিল। তু জানি আয়, নরসিংগড়ে, চাইতে কুখা উরাদের খাটি উত্তরদিকে। আমার উপর লজর রাখে। তুরাদের কেও তাহাদের যেমুন সরি যেতে বলে। মোরাদের ছাড়ল কেন? ই হতে কত কম কারণে চাম খুলি নেয় যখন? আমি তো একটো ছেলারে মারি দিছি।

শুনলাম গোরমেনটো খুব মদত দিছে?

উজবুক? বুকা গাধা? গোরমেন যি হয়, নির্দোষে মুণ্ডা ছসাদ মারে। ই মদত বা দিতেছে কেন? সাঁপ জানি কাটতেছে না, চুমা খেতেছে। উ মোরে জেহেল ফাঁস দিলে বিশ্বাস যেতম।

তুমি যা বল। মোরা তোমারে জানি।

আর উ কথা শুনতে পারি না।

ছগনটো বাঁচি গেল।

ইবার আর টাকার খেলা নাই। ছগনের ঘরটো মোরা বাঁধছি। চাচা আর আনোয়ার টাকা দিছে কিছু। চাচা হতে কাটা ইট মাগি নিছি। ছগনটো ইবার পাকা ঘরে উঠবে।

উক্ত ঘটনার তিন মাস বাদে, পবিত্র দেবীপক্ষে আবার পুলিশ ক্যাম্প জোরদার হয়। আবার রক্তমঞ্চে নামে শঙ্কর। মনে মনে ঈষৎ বিচলিত। নিজেকে সে নিজেই সেনসর করে। “ইয়াড”-
চোন্টি-২৪

এর প্রশিক্ষণ। নিজের ভুলক্রটি ও দুর্বলতা দেখা দিলেই “ইয়াড” অফিসার নিজেকে সরিয়ে নেবে কর্মক্ষেত্র থেকে। “ইয়াড”-এর অপর অ্যানালিস্টের মতে, শঙ্করের ব্যর্থতা প্রমাণিত হয় এই সব দেখে—(ক) চোন্টি গ্রামে প্রথমবার অ্যাকশানের সময়ে তার বোঝা উচিত ছিল, স্বরূপের লোকেরা অ্যাকশানে ছিল। (খ) চোন্টি—কোমাণ্ডি জঙ্গল বলয়ে পুলিশের আগেই ঢোকা উচিত ছিল। (গ) স্বরূপকে মেরে ফেলা অত্যন্ত মূর্থতা হয়েছে। জীবিত স্বরূপকে প্রথমে নির্ধাতন, তারপর গুল্জায়া, তারপর নির্ধাতন, আবার গুল্জায়া, এ ভাবে চালানো উচিত ছিল। জীবিত স্বরূপকে টোপ হিসেবে রাখলে তার দলবলকে ধরা যেত।

শঙ্কর একটা চান্স পেয়েছে। নিশ্চয় পে চান্স সে পাবে। এবার একটি অ্যাকশান হবে, এবং স্বরূপের দল আসবে। যদি না আসে, তাহলে শঙ্কর, অ্যাকশানের হ্রাপা মিটে গেলে চোন্টি মুণ্ডা সহ চোন্টিকে রোমিওদের হাতে তুলে দিয়ে সরে পড়বে।

“ইয়াড”-এর অফিসার যুবলীগের সেক্রেটারিকে জানিয়ে রাখেন, রোমিও যেন কোনো কারণেই শঙ্করের ওপর টেকা না দেয়। “ইয়াড” শুধু শুধুই বসে নেই পালামো জঙ্গলে।

রোমিও উক্ত ধাতানি খায় এবং যেহেতু তার মন এক জটিল জঙ্গল, সে তার বিশ্বস্ত সঙ্গীকে বলে, ও যদি “ইয়াড” হয়, আমিও যুবলীগ। ভারতে কে যুবলীগের অগ্রগতি রোধ করতে পারে। ও আমাকে দু'বার নিজের জায়গায় অপমান করেছে। এখন আমি ওর শোধ নেব। এই জঙ্গলে, একটা বড়বক সদস্যের চামচা হয়ে আমি ডান হাতটা খোয়ালাম। যার জন্তে খোয়ালাম, সে ভি জীন্দা রইল।

কে? চোন্টি?

চোন্টি তো হু নখরী হুশমন। আমাকে তীর মারার সাহস পেল কোথেকে? ওই শঙ্করের জন্তে। শঙ্কর ওকে মদত দিয়ে যায়। শঙ্কর আর চোন্টি! তীরধ একটা ডরপুক। শালা না রাখে মস্তান,

না রাখে বন্ধুক। আমি এবার ও ছজনকে খতম করব। তারপর চলে যাব ধানবাদ। এখানে কি আছে? সেখানে টাকা পিটাও, লেবার মারো, ইউনিয়ন ওয়ার্কার মারো, কেউ কোনো কথাই শুধাবে না।

গুরু! যা বলো, করব। কিন্তু কিছু হবে না তো?

আরে, এখনো আমার লাশ, এ অঞ্চলে জীন্দা শঙ্করের চেয়ে বেশি ক্ষমতা ধরে।

ঠিক আছে গুরু।

শঙ্কর এসব কিছুই জানতে পারে না। কেন যেন এবার আরেকজন “ইয়াড” অফিসারও আসেন। শঙ্কর বোঝে, সেও এখন নজরবান। “ইয়াড” হয়তো মনে করে শোষিত আদিবাসী সংসর্গে থাকতে থাকতে শঙ্করের মধ্যে এগেছে ডিমরালাইজেশন। আহা! তা যে সত্যি নয়, তা প্রমাণ করবার সুযোগ যেন পায় শঙ্কর।

এবং পুলিশের ছাউনি দেখতেই চোটির। নারী ও বৃদ্ধ ও শিশুদের পাঠিয়ে দেয় নদীর ওপারে, তার জমিতে। বলে, আর যা হোক, গুলিতে মরতে দিব না।

ওরা চলে গেলে সনিখাসে চোটি বলে, ভয়ানক কিছু হবে বটে ইবার। ইবার আর মোরে জীন্দা রাখবে না।

ছগনকে ও সরিয়ে দেয়, ছগন সবে গ্রামে ফিরেছে। মাথা নেড়ে লে, ইবার গোরমেন পুলিশের সামনে লাহাশ পড়বে, মোরাদের সবাকার ঘর জ্বলবে।

সম্ভাব্য ঘটনাটি তেমনি ভীষণ বলেই মনে হয়, এবং রেলকুলিরা চলে যায় চাচার ইটভাটিতে।

রোমিওরা আসে। এবার ওরা শতাধিক। শঙ্কর উৎকর্ণ, প্রতীক্ষাতুর। কেন আসে না স্বরূপের দলের আদিবাসীরা? কেন তারা ধরা দেয় না, নিহত হয় না? তারা তো ধরা পড়বেই। কোনো ভায়োলেন্স তাদের অধিকার নেই। সকল অধিকার সরকারের।

চোদ্দা গ্রাম নিঃশব্দ। বিপজ্জনক নৈঃশব্দ্য।

শঙ্কর বোঝে, রোমিওরা ছড়িয়ে পড়েছে, গ্রামের দিকে যাচ্ছে। সে তাঁবু থেকে বেরোয়, চোখে দূরবীন লাগায়। আঃ! চোদ্দা নিশ্চয় ওই গরুর গাড়িগুলির পিছনে আছে, এখন চলবে বন্দুক, আসবে তীর। প্রত্যাশায় ওর মুখে স্নিগ্ধ হাসি জাগে। ভীষণ ভায়োলেন্সেই জরুরী অবস্থার “ইয়াড” অফিসার সম্পূর্ণ স্তব্ধ বোধ করে।

তখন শোনা যায় বিস্ময়োক্তি, আরে? বাঁদী কা বাচ্চা?—এবং উক্তির বিস্ময় নিমেষে উত্তরিত হয় পাশব উল্লাসে, আজ কোঁন তুঝকো বচায় গা শালা?—কি হচ্ছে তা বুঝবার আগেই শঙ্করের কাছে ছুটে আসে এক যুবলীগ ও ছ-ঘরা রিভলবারের সব ক-টি গুলি বুনে দেয় শঙ্করের হৃদযজ্ঞাঙ্গলে, স্বরূপের দলকে নিঃশেষে নিকেশ করবার হৃদয় বাসনার চারধারে। সঙ্গে সঙ্গে বাজে বাঁশি, তীর বাঁশি। যুবলীগটি রোমিওকে খবরটি দিতে গিয়ে মাথা ঘোরায়ে ও “ইয়াড” অফিসারের গুলিতে পড়ে যায়। পুলিশ, পুলিশ চারদিক থেকে বেরোয় স্পেশাল পুলিশ, এবং খুবই অদ্ভুত ঘটনা, পুলিশ এখন তাড়া করে যুবলীগের ছেলেদেরই। মেরে ও তাড়িয়ে ত্রাসিয়ে অভ্যস্ত এরা, মার ও তাড়া খেয়ে নয়। অতএব, তারাও যে “ইয়াড” হত্যারূপ মহাপাপের কলে পুলিশের তাড়া খেতে পারে, তা আবিষ্কার করে, নতুন আবিষ্কারের আবেগে ধূপধাপ পড়ে যায়। অতঃপর তারাই পুলিশের হাতে দড়িবঁধা হয়ে ওয়াগনে ওঠে। বন্ধ ওয়াগনে তাদের ওপর কাঁপিয়ে পড়ে পুলিশ। দারোগা কাঁপতে কাঁপতে, রোমিও এবং পহলোয়ানকে লাগি মারা নিরত “ইয়াড” অফিসারকে বলে, সার। এরা যুবলীগ।

অ্যান্ড আই বিলং টু “ইয়াড”।

সকলকে ওয়াগনে তুলে, ইঞ্জিনের সঙ্গে সেই ওয়াগন মাত্র জুড়ে সেটি ছাড়া হয়। চোদ্দা লাইনের থেকে নিরাপদ দূরত্বে দাঁড়িয়ে উল্লাসে কুলকুলি দেয়। তোহরি থেকে জীপের পর জীপে “ইয়াড”-

এর হেডকোয়ার্টার। খুয়ানাকে জানানো হয়, প্যাক অফ্‌। অতঃপর “ইয়াড”-এর নিয়মে জান বাঁচিয়ে চলতে থাকে ক্রমিক খোলাই, ধারাবাহিকভাবে। ফলে যুবলীগ, কংগ্রেস, পুলিশ, “ইয়াড” চার দলের মধ্যে চলে প্রবল টেনশন। প্রথম তিন দল মাস তিনেক লড়তে থাকে, লড়তে থাকে গোপনে। কোনো লাভ হয় না। খুয়ানা দিল্লীতে ক্রীমতীকে জানায়, পালামো পুনর্নির্বাচনে তাঁর দলকেই ভোট দেবে। পূর্বোক্ত গোপন সংগ্রামে “ইয়াড” থাকে অবিচল। “ইয়াড”-এর কাছে জবাবদিহি চাইবার অধিকার রাজ্যপর্ষায়ে কারো নেই। ১৯৭৭-এর জানুয়ারিতে জরুরী অবস্থার অবসান ঘটে। কুরমির জঙ্গল থেকে বেরিয়ে স্বরূপের দলের আদিবাসীরা একজন-দুজন করে ছাড়িয়ে যায় মুণ্ডা-ওঁরাও প্রধান গ্রামে। কালোয় কালো মিশে থাকে। তারপর আসে নির্বাচন। পাশা উল্টায়। উপা ও সোমচর এবার গ্রামে ফেরে।

চোটি বলে, ভয়তরাসের দিন কি কাটল? কে জানে?

কাটছে আবা।

না হয়মু, আর মোর বিশ্বাস নাই।

কাংগ্রেসী ছেলারা তো গিছে?

ইরা কি করে তা দেখ।

হরবংশ গোপনে চোটিকে জানিয়ে যায়, রোমিও এবং পহলোয়ান জেলে আটক।

তাতে কি হয়?

বিচার হয় না। জেলে পচে।

ছাড়ি দিবে।

না না। এবার অশু সরকার।

নুতন গোরমেন সুবিচারটো করবে, ই কি দেখে যাব? তুমি বল। মনে লয় না।

দেখে যাবে।

দেখি।

১৯৭৮-এর মারামারি রোমিও ও পহলোয়ান জেল থেকে বেরোয়। ভাতা শরীরে ধানবাদে সুবিধে হবে না জেনে তারা সফর জনতা দলের চারপাশে ঘোরে। “ইয়াড”এর রোষ থেকে তাদের বাঁচাতে পারেনি যুবলীগ, অতএব তারা যুবলীগকে বলে “চুড়িয়া অর্গানাইজেশান”, বলে, “রাজনীতি খুব মন্দ জিনিস” এবং অসংগত টাকা দিয়ে রাজবংশ চাচার ঠিকাদারী হাম করে ভোহুরিতে অধিষ্ঠিত হয়। সংবাদটি পেয়ে চোটি ক্ষীণ হাসে। বলে, উপা! সোমচর! হরমু! তুরা বুঝ্। ই চাচা ই কাম করল। মোরাদেব তুলে দিল উরাদেব হাতে, জানাল না একবার। দিকু দিকু এক টুপি হয়।

তাই হয়।

চোটি গ্রামের আদিবাসী ও অছুত পাড়ায় আবার প্রাচীন আশঙ্কা বনাতে থাকে।

আঠারো

১৯৭৭ সালে এ অঞ্চল থেকে যিনি নির্বাচিত হন, তিনি নির্বাচনের পরে পরেই মিটিং করে যান চোটিতে। ট্রেন দাঁড়ায়, সদস্য নামেন। স্টেশন-স্টাক চেয়ার, শতরঞ্জি, ফুলের মালা ও চা-মিষ্টির ব্যবস্থা করে। সদস্য বেঁটেখাটো, রোগাটে মানুষ। তিনি ইন্দিরা গান্ধীর পতন ও জনতা সরকারের আগমন যে কত ছোতক ঘটনা, তা বলেন। তারপর বলেন, বিগত রেজিমগুলির মত জনতা সরকারেরও আস্তা অহিংসার নীতিতে। চোটিগ্রামে বিগত রেজিমে কয়েকটি দুঃখজনক ঘটনা ঘটেছে সত্যি। কিন্তু হিংসার উত্তর হিংসার নয়, অহিংসার। যেহেতু জনতা সরকার সমগ্র ভারতের উন্নতি চান, সেহেতু চোটির উন্নতিও চান। এই আদিবাসী ও তপশীলী অধ্যুষিত গ্রন্থি এলাকার উন্নতি আসবেই, তবে সেজন্তে অপেক্ষা করতে হবে। অঞ্চলসংক্রান্ত সকল

অভিযোগের আর্জি তিনি মন দিয়ে দেখবেন ও বখাসাধ্য করবেন। কিন্তু কোনো সমস্তার প্রতিবিধানে বিলম্ব হচ্ছে বলে জনসাধারণ যেন ধৈর্যচ্যুত না হয়, আইন যেন না নেয় নিজেদের হাতে। জনতার ধৈর্য, সরকারে ও আইনে অটল আস্থা, এতেই গণতন্ত্রী ভারতে প্রজাতন্ত্র সফল হবে।—এ সকল কথা বলে, হাতঘড়ি দেখে, তিনি বলেন, ভাই! তোমরা গদ্বিব বলে হুঃখ কোর না। তোমাদের প্রধানমন্ত্রীও মোটে হু-চারটে জামা। —কথাটা শেষ করেই তিনি সামনে থেকে একটি নেংটে পুঁটে রেলকুলির শাবককে কোলে তুলে নেন ও বাঁধানো দাঁতে হাসেন। জটনৈক হতভাগ্য চেহারার ছোকরা ছবি তোলে তাঁর। তারপরই তিনি বাচ্চাটিকে নামিয়ে দিয়ে সহসা গর্জে ওঠেন, এইসব শিশুদের হাতে এক সুন্দর ভারত তুলে দিতে হবে। আশুন, সে কাজে আমরা হাত লাগাই। —তাঁর গর্জন শুনে শতরঞ্জিতে বসা নেংটে পুঁটেরা হু-একজন কেঁদে ওঠে। সভা শেষ হয়।

চোটি মাথা নাড়ে, মাথা নাড়ে। বলে, চল্ ছগন। তু-আমি বছং দিনের সাথী। মোর হরমু যখন চার বছরা টোকা, তোর মায়ে আরান্দি করতে চাহিল তো তুর মা কত হাসছে। চল্, মোরা বাই নদীর ধারে বসি হু চোক মদ খাই, ছুটা সুখহুখের কথা বলি।

চোটি নদীর বালিতে বসে ওরা। ছগন বলে, সকল বদলায়ে গিছে কিন্তুক নদীটো বদলায় নাই।

কিছুই বদলায় নাই। জুলুমটো বাড়ছে শুধা।

ই মেম্বরটো কে জানস ?

না।

ধানবাদে ঠিকাদারদের গরম খুব। ইয়ার ভাই সেখা ঠিকাদার। ঠিকাদারী জুলুম পুলিশ জুলুম হতে বেশি। ইয়ার ভাই বহোং টাকা দিছে। তাতেই ই এখন হচ্ছে মেম্বার। ঠিকাদার ইয়ার ভাই।

বুঝলাম।

কি বুঝলি ?

ঠিকাদার হলে হেখা হতে ইয়ার কয়লা লেবার নিবে। ঠিকাদার-

শুলান কয়লা খাদের জোতদার রে। আর মোরাদেব মত দেহাতি মুণ্ডা-তুসাদ তারাদেব বেঠবেগার। স্বরূপ কয়লা খাদে কাম করছে। সি জানত।

তাই হবে। মোরাদেব কপালে ভাল কি হবে?

ঠিকাদারলোকরা তো কাংগ্রেসী। কথার ধাঁচ শুনি মনে লয়, ই কাংগ্রেসী, কিন্তুক নাম পালটাছে।

তবে তাই।

এখন চিন্তা উঠি গেল, কিন পাকড়-জুলুম করবে?

কে জানে?

চোটি ঈষৎ হেসে বলল, আমরা আপনা হতেই জানি যাব ছগন। জেঠ-আষাঢ় ভি আসতেছে, আর লালার জমি ভি বাঁজা রাখবে না। তখনি জানি যাব। তখনি জুলুম উঠাবে লالا।

তীরধনাধ ১৯৭৭ সালের জুন মাসে জানায়, যথেষ্ট হয়েছে। বহু অনিচ্ছিত হান্ধামা হয়ে গেছে তার জমি ও কর্ষকদের নিয়ে। সেও নতুন সরকারকে স্বাগত জানাচ্ছে। নতুন জমানাকে। এখন কথাবার্তা বলে-কয়ে কাজ শুরু করা দরকার। এসব কথা সে ও তার খেত-মজুরদের মধ্যে হওয়াই বাঞ্ছনীয়। চোটি মুণ্ডা তীরধের খেতে খাটে না বহুকাল। তার বয়স হয়েছে, সম্মানিত মানুষ। তাকে এ সব কথার মধ্যে যেন না আনা হয়।

ছগন বলে, পরে জবাব দিব।

এখনি বল্ ছগন।

মহারাজ! কেউ বেগার দিবে না। মজুরি দাও, জলখাই দাও, তাহাতে কাম হতে পারে।

তীরধ কঠিনত্রে তীরণ অর্জেলি নিয়ে বলে, এমন কথা বলিস না ছগন। বললে আবার জুলুম উঠবে, আর মানিস বা না মানিস, আমি জৈন। বুড়া হয়েছি, এখানে জনম। আমি কোনো জুলুম চাই না।

আবার কাংগ্রেসী ছেলাদের আনবে মহারাজ?

কাংগ্রেসী? এ এলাকার কাংগ্রেসী কে? সবাই জন্তা।

সবাই ?

সবাই।

মহারাজ, জুলুম তুমি চাও না, মোরা চাই না, তবু জুলুম উঠে।
তুমি জুলুম চাও না, কি চাও ?

বেগারি তো উঠে নাই বাপ।

আইন হয় নাই ?

আইন আছে, বেগারিও আছে।

তবে মোরাও বলি, বেগার কেউ দিবে না।

তোরা নিজের ভাল বুঝিস না। ছেলেরা আসবে।

কথা বাড়িয়ে লাভ নাই মহারাজ।

সংবাদটি নিশ্চয় প্রপার চ্যানেলে ভ্রমণ করে, কেন না সহসা এস.
ডি. ও. আসেন চোটি। ঘটনাক্ষণে জন্ম। গভীর সহানুভূতি
মুখে মেখে ছগনকে বলেন, বুঝলাম সব। আমরা চেষ্টা করছি,
এমার্জেন্সির সময়ে অপ্রীতিকর ঘটনায় যারা মরেছে, তাদের পরিবারকে
কিছু ক্ষতিপূরণ দিতে। এখন এমার্জেন্সি নেই, কিন্তু আইন মেনে
চলার দরকার আছেই। কি কথা হয়েছে শুনলাম তীরখাবার সঙ্গে ?

আমার কথা হচ্ছে।

কি কথা ?

মহারাজ বেঠবেগার নিবে, মজুরি দিবে না। আমি বললাম,
আমরা বেগারি দিব না। তাতে সি বলল, কাংগ্রেসী ছেলেরা এখন
জন্ম নেই। তারা আসবে, জুলুম উঠাবে।

এই কথা !—এস. ডি. ও. ভাবিত হয়ে পড়েন। বলেন, এমার্জেন্সি
নেই, তবু এ রকম কথাবার্তা !

কি নাই বল মহারাজ ?

এমার্জেন্সি।

সে কি ?

সে খুব মন্দ সময় গেছে। এমার্জেন্সি যেতেই তো নতুন চূনাও
হল, তোমরা সব ভোট দিলে। তা দেখ, চোটি নিয়ে তো বহু

হল। বেঠবেগারি এখন বেআইনী তা যেমন সত্যি তেমনি এও সত্যি, যতটা সম্ভব কথাবার্তা বলে সমঝোতা করে নেওয়া।

মহারাজ! দোষ নিও না। মোর পিঠে গুলি লাগছিল, বাঁচব ভাবি নাই। তা তুমি ভি বলতেছ, লালার কথা মানি নিতে?

তা বলি নি।

লালা মোদের কোনো কথা শুনবে না, মোরা তার সকল কথা শুনব-মানব, তাহলে সি মন্দ সময়টো নাই বল কেন?

এস. ডি. ও. মনে মনে নোট করেন, ছগনের কথাবার্তার ঢং ইনসারজেন্‌ট ও মুখে বলেন, নিজেরা কিছু কোর না। কোনো দরকারে খবর দিও। আর হ্যাঁ, স্বরূপপ্রসাদের “আদিবাসী মঙ্গল-ভারতী”-র লোকজন বহু খুন-ডাকাতির মামলায় জড়িত এবং ফেরার। তাদের খোঁজ পেলেই পুলিশকে জানাবে, বখশিশ পাবে।

আচ্ছা মহারাজ।

চোষ্টি সব শুনে বলে, মন্দ সময়টো কেমন কাটছে তা মনে ভাবি দেখু তুয়া।

মনে ভাবব কেন বা, চক্ষে দেখতেছি।

কিছুক্ষণ চুপ করে থাকে ছগন। তারপর বলে, আর কাম কি থাকল। এখন সব চাচার ইটভাটিতে খাটবে।

তাই।

জঙ্গলের কাম ইয়ারা করতে পারবে না। কাংগ্রেসী ছেলারা সি ঠিকাদারি করে এখন।

কিন্তু লেবারে টান পড়ে অঞ্চলে। সদস্ত মিছেই সদস্ত হন নি। তাঁর ভাই এখন ধানবাদে প্রবল প্রতাপী ঠিকাদার। এবং বড় দাদার ছেলেই তাঁর সবচেয়ে বড় প্রোটেকশন। সে ট্রেড ইউনিয়ন চালায়। ধানবাদের খনি কুলিরা তার সাম্রাজ্য। ভাই পাঠায় আড়কাঠি এবং কিছু কিছু আদিবাসী ও তপশীলী, বিশেষ আদিবাসী, চলে যেতে থাকে ধানবাদ। চোষ্টি শুকনো হেসে বলে, কয়লা কুলি এই খাদে নামবে, পুরাণ মুণ্ডা হই বারাবে।

সহসা ভীষও বোঝে, শুধু জুলুমে লেবার মিলবে না। একে অঞ্চলটি
বিয়ল বসতি। স্বয়ং সদস্যের পয়োক মদতে যদি লেবার চলে যায়
খেত চষবে কে? অগত্যা তাকেই বলতে হয়, মজুরি দিব, কাম কর।

দিন কে দিন হাতে হাতে।

হুণ্ডা দিব।

হাঁ, হুণ্ডা দিবে গুণ্ডা আনি।

সে যা হয়ে গিছে।

ছগন স্বভাববিরুদ্ধ ক্রোধে বলে, হই গিছে? যা হই গিছে?
বুগল আর ছুখা, মোদের বিটিগুলার জাহান কিরবে? আমার
পিঠটো সিধা হবে? কি হই গিছে?

ভীষ বলে, দশ দিন ডাকুর, এক দিন সাধুর। যা করবি কর।
কিন্তু মোর দিন আসবে।

সে কথা শুনে উপায় ঘরবাসী স্বরূপের দলের দিশা মুণ্ডা বলে,
না না, আর সহি পারি না।

চোটি বলে, আবার তুরা কুরমির জললে চলি যা, মাথার 'পরে
বখশিশ। লালা উছেলাদের কাছ গেল বলি, গ্রামে প্লুস এল বলি।

তার কথাই সত্যি হয়। ভীষনাথ যায় চলে তোহুরি। সব
কথা শুনে রোমিও বলে, আমার এখন লেবার দরকার। এখন
তোমার কথা ভাববে কে?—“আপনি” বলে না রোমিও, তোমাকে
মদত দিতে গিয়ে আমার এই হাল। তা তোমার মুশকিল হচ্ছে
কেন? ওরা উচু গলায় কথা বলল, আর তুমিও মেনে নাও?

ভীষ বিষন্ন হয়ে বলে, আপনারা তো ক্ষতিপূরণও পেলেন, কিছু
নাফা থাকল।

বাপু “ইয়াড” আমাদের যে ধোলাই দেয়, তার অর্ধেক ধোলাই
খেলেও তুমি বুঝতে, টাকায় সে ধোলাইয়ের ক্ষতিপূরণ হয় না।

অগত্যা ভীষ গ্রামে কেঁরে। এখন তার মনে হয়, তার ছেলেরা
বা বলছে তাই ঠিক। কি হবে জমিজমার হেঁড়া নাথারা নিয়ে পড়ে
থেকে? বয়স হয়েছে অনেক। সব বেচে দিয়ে পাটনা চলে এলো।

হয়তো ওদের কথাই ঠিক। জমিজমার আনন্দে যেন মুন ঢেলে দিয়েছে কে। নিজের ছুঁথে তীরখনাথের কান্না পায়। কেমন ছিল সব! চোটিরা, ছগনরা যৎসামান্য মজুরি নিত, বেগার দিত, কখনোই ব্যক্তিগত সম্পর্ক নষ্ট হত না। কেন গ্রামের মানুষগুলি বদলে গেল? তীরখনাথ তো একই রকম আছে? বেঠবেগারি তো প্রথা, জুলুম না কি? কেন ওরা বদলে গেল? কতকাল তীরখ ওদের পরবে যায় না। আগে দেখতে যেত। যাদের সঙ্গে এই কচাকচি, তীরখ আজও তাদের সাহচর্যেই স্বাচ্ছন্দ্য বোধ করে। তার কোনো বই পড়া বা সিনেমা দেখা বা রেডিও শোনার ধান্দা নেই। প্রমোদ হিসেবে সে মোতিয়া ধোবিনের কাছে কেছা শুনত। ধোবিন বলতে প্রণয়িনীর কথা মনে পড়ে ও তীরখ মনে মনে বলে, আমার বুকে যত দাগা দিলি, তাতে তোদেরই মহাপাপ হবে।—এবং সঙ্গে সঙ্গে সে উৎফুল্ল বোধ করে। তারপর মনে হয়, এবার রবিতে অড়হর বুনতে হবে। চোটির বাবা বিসন্নর সঙ্গে তার বাবা তো কখন কোন্ ফসল বুনতে হবে তা নিয়ে সমানে সমানে পরামর্শ করত। দীর্ঘনিশ্বাস পড়ে তার। রোমিওরা মদত দিল না!

রোমিও এবং পহলোয়ান আসে চোটিতে। হরবংশ্ চাচার ত্রিকিলিডে। জনতার যুবক উইং তাদের সঙ্গে চারজন। চোটিদের ছগনদের চেনা মুখ। তখন হাতে বন্দুক থাকত, এখনো আছে। থাকে।

রোমিও হরবংশ্কে বলে, এরা আমাদের লেবার।

কেমন করে?

যদি বেচলে আপনি তার ঢোকায় দরজাও তো বেচেন।

এ কথার মানে কি?

রোমিও অভ্যস্ত সহজে মিছে কথা বলে, ভাই তো খুব বলেছিল, জঙ্গলের ঠিকাদারি খুব লাভের ব্যবসা। সে ধান্দা। সমস্ত লোকসানের। সে যাই হোক, সব অ্যাসেট শুদ্ধই তো নিরেছি কান্নবার।

তাতে কি ?

তো অ্যাসেট মানে কি লেবার নয় ?

লেবারের কথা লেবারের সঙ্গে ।

ওদের পাঠিয়ে দেবেন কাল ।

কখনো না । আমার সঙ্গে কথা বলে ওরা কাজ করছে ।

আরে পাঞ্জাবী কারবারী ! তুমি বুঝ না ।

খুব বুঝেছি বিহারী ঠিকাদার গুণ্ডা ।

জনৈক যুব জনতা বলে, না চাচা, তুমি বোঝ নি । বুঝবে পরে ।

ওরা চলে যায় । হরবংশ্ যায় এস. ডি. ওর কাছে । তিনি বলেন, ও লেবার লোক খচড়াই । আমি জানি ওরা রোমিও ঔর পহলোয়ানের কাছে আগাম টাকা নিয়ে তবু ভি আপনার কাজে লেগেছে । রোমিও আগেই রিপোর্ট করে গেছে । আপনি ওদের ছেড়ে অস্ত্র লেবার নিন ।

এ কি বলছেন ? ওরা একদিনও যায় নি ।

আপনাকে জানিয়ে যাবে ? আদিবাসী-তপশীলীর খচড়াই আপনি জানেন না ? আপনি মোটে ওদের পক্ষ নিয়ে কথা বলবেন না । স্বরূপ প্রসাদের নাম কখনো শুনেছেন ?

শুনেছি ।

তার দলের সঙ্গে আপনার লেবারদের হলায়-গলায় । সে দলটা ধরতে গিয়েই তো শঙ্কর মরল ।

এরাই তো মারে ।

আহা, ওরা তো তার দামও দিয়েছে চাচা জী । সে কথা ভুলবেন না । দেখুন, যা বললাম ।

হরবংশ্ অত্যন্ত দেরিতে বোঝে, রোমিও জুলুম উঠালে পরে এস. ডি. ও এ রেজিমে-ও তাকে মদত দেবেন না । নিখাস ফেলে সে বলে, কি করি ! নিমেষে লেবার পাই কি করে ?

টাইম নিন, টাইম নিন, মিউচুয়াল করে দিচ্ছি ।

মিউচুয়াল ?

হাতের কাজ সেয়ে নিন ? ওরাও তো ঠিকাদারি নিয়ে নেবার পর জঙ্গলে ঢোকে নি। দেখে টেখে নিক।

রোমিওকে তিনিই সব বলেন। রোমিও বলে, ঠিক আছে। আমি শুধু একবার ওদের হাতে পেতে চাই। চাচা নেই, লাল্লা নেই, একা আমি আছি, এ রকম অবস্থা করে তুলতে চাই। তারপর আমি দেখে নেব কি করে ওদের শাস্তি করতে হয়। ওদের চাম খুলে জুতো বানাব।

তেমন সুদিনের অপেক্ষা করে রোমিও। বর্ষা নামে। বর্ষায় গাছ কাটা চলে না, ত্রিকফিল্ডের কাজও হয় না। রোমিও সরেজমিনে দেখতে যায়, এমন কোনো অ্যাকশান—অপারেশন করলে কি রকম মদত মিলবে, এবং সরকারী পর্যায়ে কাঠের যোগান দেবার কন্ট্রাক্ট বাগায় ভালমত। বহুদিনের মত উধাও হয় ওরা, এবং সব হয়ে চুকে গেল মনে করে সবাই স্বস্তি পায়। কিন্তু ওরা ফেরে অক্টোবরের গোড়ায়। পবিত্র দেবীপক্ষ চলছে। চোন্টি স্টেশন স্টার্ক দুর্গা পূজা করবে বলে কলকাতায় প্রতিমার বরাত দেয়। এ উপলক্ষে “সংকটতারিণী দুর্গা” এবং “ছুপে রুস্তম” ছবি আনার কথা হয়। এবং আগের কথাবার্তা ভুলে রোমিও জানায়, পুজোর পরেই সে জঙ্গলে লেবার চায়। চাচার খাতায় যতজনের নাম আছে, সকলকে চাই। এস. ডি. ও. বলতে যান, কথা ছিল চাচা আর লালার কাজ হয়ে গেলে...

না না, আমার সরকারী কন্ট্রাক্ট।

কথাগুলি চোন্টিগ্রামে ঘোষিত হয়। কয়েকদিন গুমরে থাকে সবাই। তারপর দিশা বলে, আমি, উপা আর সোমচর চলি যাই। ই জুলুম হতে পুলুস আসবে। মোরাদের স্বরূপ বানাই ছাড়বে। জুয়ান ছেলা সব গেলেই ভাল।

চোন্টি বলে, যাবি কুখা ?

দেখি।

কখন যায় ওরা, কত রাতে, জানতে পারে না কেউ। চোন্টি

ধরে নেয়, সোমচরের সঙ্গে তার আর দেখা হবে না, দেখা হবে না হয়মুর ছেলে লালের সঙ্গে। আর ফিরতে পারবে না ওরা। রোমিও পহলোয়ান ও যুবক চারজন যায় জঙ্গল দেখতে। চাচার লোকই ওদের নিয়ে যায়। রোমিও বলে, চলে যাও তুমি। এ রকম জঙ্গলে আমরা হারাব না।

হাসতে হাসতে ওরা জঙ্গলে ঢোকে, ঢুকে যায়। যুবক চারজন ফিরে আসে। জীপ নিয়ে তোহুরির বাংলা থেকে মদ আনতে যায়।

ওরাই রোমিও এবং পহলোয়ানকে শেষ জীবিত দেখে। নিজেরা কাড়াকাড়ি করে মদ খেয়ে, তারপর বাজার থেকে আরো মদ নিয়ে ওরা গিয়েছিল। “গুরু”! বলে হাঁক পেড়ে যে যার মত গড়িয়ে পড়েছিল সবুজ ঘাসে। ঘুম ভেঙে ওরা বুঝেছিল রাত হয়েছে। তখন ওরা একটি গোড়ানি শোনে, এবং যেহেতু ওরা কাপুরুষ, সেহেতু “ভালু হায়” বলে জীপে ওঠে এবং ফিরে আসে। তারপর বাকি মদটুকু শেষ করে। চূড়ান্ত মাতাল অবস্থায় ওদের মনে থাকে, জঙ্গলে ভালুকের হাতে যদি পড়ে থাকে রোমিও এবং পহলোয়ান তাহলে মরতে পারে, নাও মরতে পারে। জীবিত ফিরলে, ওদের ওপর দুই গুরু ভীষণ প্রতিশোধ নেবে। এবারই কন্ট্রাস্ট বাগাতে গিয়ে পহলোয়ান এক প্রাক্তন যুবলীগকে, তলপেটে এমন লাথি মেরেছে, যে সে রক্তপেছাপ করে হাসপাতালে মরেছে। তাতেও পহলোয়ানের কিছু হয়নি। এদের চারজনকে মারলেও কিছু হবে না ওদের। অতএব পিঠি বাঁচাতে ধানবাদ চলো। তোহুরি থেকে ধানবাদ যাবার সময়ে মাতাল মাথায় ওরা জনৈক খাদে জীপ জগাশ করে। পরদিন উদ্ধার পেতে বেলা দুপুর গড়ায়। ড্রাইভার নিহত, একজন ব্রেন কংকালনে বেহোঁশ হয়ে হাসপাতালে পড়ে থাকে। আর দুজন নানা রকম ইন্জুরিতে বিছনা নেয় হাসপাতালে।

কলে রোমিও এবং পহলোয়ানের কোনো খবরই মেলে না। হৃদটনার রাতেই চোটি গ্রামের ছেলেরা ঘরে করে। সোমচর ও

লাল বলে, মোরা গিয়াছিলাম, তা জানি কেউ না জানে। দিশা চলি গিছে।

কুখা গেল ?

কুরমি।

কেন ?

উ ডেরায় পালাবে আবার।

দুর্ঘটনার পরদিন, উদ্ধারকার্ধের সময়ে রোমিও এবং পহলোয়ানের দেখা মেলে না। তাদের কি হল, তা কেউই বলতে পারে না। অবশেষে জঙ্গলে গাই চরাতে গিয়ে একটি গুঁরাও বালক হায়েনা-শিয়ালের খ্যাচার্খি শোনে। কোতুহলী হয়ে এগিয়ে এসে সে দেখে রোমিও এবং পহলোয়ানের মৃতদেহ। দুটি দেহেই কলিজায় তীর বেঁধানো।

এর ফলে যে রকম হুইচই হয়, তা অভাবিত। এখন ওদের দেহ পি. এম. করে জ্বালানো হয়। কংগ্রেস ও জনতা দুই আপিস থেকে মাল্যদান করা হয় শবদেহে। এবং সদরের পুলিশ-শিকারী কুকুর নিয়ে ঢুকে পড়ে জঙ্গলে। এই ঘণ্টা হত্যাকে বিচার দেয় সকলেই। পুলিশ বলে, তীর যখন, তখন আদিবাসীরা মেরেছে।

গ্রামকে গ্রাম আঁচড়ানো হতে থাকে। অবশেষে হাল ছেড়ে দেয় পুলিশ। গো-ঠেঙান ঠেঙিয়েও কবুলতিতে পৌঁছনো যাচ্ছে না। এস. ডি. ও.কে হরবংশ্ এবং তীরধ বলে, কে মেরেছে দেখুন ? এটা কি একটা কথার কথা হল ? এরপর আমরা তীর খাব ?

এস. ডি. ও. পবিত্র সংকল্পে বজ্র কঠিন হয়ে বলেন, এত বড় অস্ত্রায় সহ্য করা হবে না।

কি করবেন ?

সকল তীরবাজ আদিবাসীকে চোটি মেলায় আনব। পুলিশে ঘিরে রাখব। তারপর দেখে নেব।

আরে, আগে আমাদের সিকিউরিটির ব্যবস্থা করুন। আমি আর লালাজী এখন ভয়ে গেছি।

করছি।

চলুন লালজী।

হুজনে ঘরে করে একসঙ্গে। এভাবেই রোমিও এবং পহলো-
রানের মৃত্যু সার্থক হয়। লালী ও হরবংশ ছিল দুই যুগের মানুষ।
ওদের মহান মৃত্যুতে এরা মিলিত হয়। হরবংশ বলে, আপনার
ঘরে তো চাকর-বাকর শুধু। আপনি কেন আমার ঘরে থাকুন না
এখন? একা পড়ে আছেন জেনে আমি তো স্বস্তি পাব না।

বা বল ভৈরী!

এস. ডি ও. তশীলদারদের ডেকে গ্রামে গ্রামে ঢেঁড়া পেটাবার
কথা বলেন। এবার চোটি মেলায় আসা বাধ্যতামূলক। যে আসবে
না তাকেই দুই মহানায়কের হত্যাকারী বলে ধরে নেওয়া হবে।

চোটি গ্রামেও ঢেঁড়া বাজে, ঢেঁড়া বাজে। বাজে স্টেশনে
পুজোর ঢাক। সেখানে ভিড় নেই। মৃগা ও তপশীলীদের
উপস্থিতি অব্যাহত। বোঝা যায়, সকলেই ধাক্কা খেয়েছে। রোমিও
এবং পহলোয়ান, অঞ্চলের সকল আদিবাসীকে মেরে ফেললে
কেউ তা “অপ্রত্যাশিত” মনে করত না। আদিবাসীরা থাকে,
তপশীলীরা থাকে, রোমিওরা তাদের মারে, এ রকম তো হয়ই।
কিন্তু কোনো এক বা কয়জন আদিবাসী রোমিওদের মারলে তা
অপ্রত্যাশিত ঘটনা। রোমিওরা মারে, মারে না। নিয়ম। সকল
রেজিমে।

চোটির ঘরে ভেসে আসে চাকের শব্দ। দূর থেকে আদিবাসী ও
তপশীলী ব্রহ্মণী ও শিশুরা সতৃষ্ণ চোখে চেয়ে থাকে স্টেশনের দিকে।
চোটি কি যেন ভাবে, ভাবে আর ভাবে। তারপর বলে, সোমচর,
চল দেখি শৌসানবুরুতে ফুল দেই?

কোয়েল, মুন্নি, বাবা, মা, সমাধিপাথরে ফুল রাখে চোটি।
তারপর বাতাস আড়াল করতে নিচু হয়ে বিড়ি ধরায়। বলে,
সোমচর?—খুব নরম গলা, তুয়া মারছিল উরাদের।

হাঁ আবা।

কে কে ছিলি ?

আমি, দিশা, উপা, লাল ।

আর কেউ ছিল না ?

নরসিংগড়ের মুণ্ডারা পথে নজর রাখছিল ।

কেমনে মারলি ?

সোমচর সব খুলে বলে । এই হত্যার পরিকল্পনা দিশার । সে আগেই বলেছিল, এরা বেঁচে থাকলে আবার জুলুম উঠবে । জুলুম উঠাবার উদ্দেশ্য স্বরূপের দলবলকে ধরা । এরা মরলেও জুলুম উঠবে । জুলুম থেকে যখন বাঁচা যাচ্ছে না, তখন এদের হত্যাই শ্রেয় ।

সকল কথা দিশা একা বলছিল ?

প্রথমে একা । তারপর না কি সকলেই মাথা দেয় । প্রথমে ওরা চলে যায় ও নরসিংগড়ের মুণ্ডাদের সঙ্গে কথা বলে । তীর-ধনুক লুকিয়ে রাখে ঝাঁপালো এক বটগাছের ডালে । সেই গাছেই লুকিয়ে থাকে ওরা । রাজবংশ্ চাচার প্রাক্তন লোক কোন্ জঙ্গল দেখাবে তা ওরা আন্দাজ করেছিল । রোমিও এবং পহলোয়ান জঙ্গলের অতি গহীনে ঢুকে ওদেরই স্রবিশেষে করে দেয় । সোমচররা চারজন চারদিক থেকে ঘিরে আসে । পহলোয়ান প্রাণভিক্ষা চাইছিল । রোমিও ওদের গাল পাড়ছিল ।

কে মারে ?

যারাদের হক । স্বরূপের কারণে দিশা একজনারে, হুথার কারণে উপা আরজনারে ।

চোটি চুপ করে থাকে । তারপর বলে, চল, ঘর চল । আর কারেও জানি বলিস না ।

না ।

দিশাটো নাই, তু, উপা আর লাল আমারে হাঁটু ছুঁই কিরা কাড়ি বাবি, বি কারেও বলবি নাই ।

ওরা কিরা কেড়ে যায় । চোটি ধমকে থাকে, গুম মেরে । খুবই

অল্প বয়সে হয়ে যায় ও, কেন না খেতে বসে হঠাৎ গলায় ভীষণ উদ্বেগ নিয়ে হরমুকে বলে, এতোয়্য তুরাদেয় এক ভাই। ঐ কথাটা কুনো দিন বিনোওয় হস না হরমু।

না আবাব।

সহসা ও হরমুর মাকে রাতে বলে, তু জানিস নাই, কিন্তু মাচাঙের শিয়রে দেয়ালে গাঁথা আছে কৌটাটো। তাহাতে টাকা আছে। বহুৎ দিনে দিনে জমাছি। তিন-বিশ এক টাকা।

হরমুর মাকে দিনে বলে, আর কাম করিস না বউ। কাছখানকে বস্ টু'নি।

হরমু চিন্তিত হয়। বলে, দেহটো কি বুলে আবাব? কেমন বা করতেছ, কেন আবাব?

বয়স তো হচ্ছে বাপ। বাপ গেল, মা গেল, কোয়েলটো, মুংরিটো বতজনারে মরতে দেখছি, মনে কথা উঠে সবায়।

না আবাব, সহিতে নাহি পারি। তুমি নাই, চাঁদসূর্য নাই। তেমন দিনের কথা মাথায় ঢুকে না।

হরমু! বীরসা ভগবান মরল, ধানী মরল, স্বরূপ মরল, চাঁদসূর্য উঠে বাপ, আমি মরলে ভি উঠবে। একটো কথা!

কি?

ছগনটো ভি বুড়া হচ্ছে। উয়ারে বল্ মেলায় দিনে যেমুন উ চোলটো লই যায়। বহোৎ দিনের শখ উয়ার।

বলব।

আর লালটো যেমন সবারে বলি আসে, বুড়া ষায়া, তারাত যেমুন মেলাতে আসে।

সবে ডরি গিছে আবাব।

চোটি হরমদেও হয়ে যায় ও অলৌকিক হাসিতে মুখ আলো করে বলে, ভর কি বাপ? আমি আছি না?

ডরি গেল।

চোঁড়া শুনতে শুনতে চোটি বলে, ডরি যাবে না? পূজাটো দেখতে

দিল নাই, চোঁড়া দিয়া ডর ধরায়ে দিছে, ইবার মেলায় ডাকতেছে কেন ? না, কারা তীর ছুঁড়ছে, উরাদেয় মারছে, ধরবে।

হাঁ আবা।

এখন তো ডরি গেলে চলে না।

চোড়ির ডাক পেয়ে সবাই ওর বাড়িতে আসে। চোড়ি বলে, ইবার মেলায় কেন ডাকছে তা জান সব।

জানি।

যারা মারছে, তারাদের ধরলে ইবার যি জুলুম দিশাবে, তেমন মোরা কুনোদিন দেখি নাই।

জানি।

কিন্তুক সবাই যাবে।

সবাই ?

হাঁ। কাক-কুকুর বিনা কেও রবে না গ্রামে। বুড়া হতে কোলের ছেলা সবাই যাবে। বিটি ছেলারা ভি যাবে। আমি চোড়ি মুণ্ডা, আমায়ে তুমরা বহোৎ মান দিতেছ বছকাল যাবৎ। তা ই মোর ছকুম। সবাই যাবে মেলাতে।

যাব যাব !

আর এক ছকুম।

বল হে চোড়ি।

তীরখেলাটোর আগে নাচ-গান আছে। তখন তুমরা সবায়ে জানাই দিবে, নিজেরা ভি জানি রাখ, যি খেলার সময়ে কেও তীর লয়ে নিশানা বিঁধবা না।

তবে তাই হবে।

সবাই যাবে কুনো ডর নাই।

সবাই এসেছিল। যুবকরা পিঠে করে বয়ে এনেছিল অতি বুদ্ধদের। ১৯৭৮-এর বিজয়াদশমীর দিন মেলায় যত আদিবাসী এসেছিল, তত আদিবাসী কোনো দিন, কোনো মেলায় আসেনি। সবাই এনেছিল ধুক ও তীর। আর হাজার জন আদিবাসীকে নজরে

রাখতে এসেছিল আড়াইশো সশস্ত্র পুলিশ। এস. ডি. ও., দারোগা, তীরখনাথ, হরবংশ, সবাই এসেছিল। প্রচণ্ড টেনশান ছিল বাতাসে।

নাচ ও গান খুব অল্প সময় চলে। তারপর শুরু হয় তীরখেলার প্রতিযোগিতা। ভিন্ন ভিন্ন গ্রামের ও গোষ্ঠীর মুণ্ডা ও ঔঁরাওরা নাগারায় ঘা দিয়ে চলে ডিম্-ডিম্-ডিম্! কিন্তু কোনো আদিবাসী এগোয় না। এস. ডি. ও. তীক্ষ্ণ চোখে দেখতে থাকেন, দেখতে থাকেন, ও ক্রোধ জমতে থাকে মনে।

মুখের সামনে চোঙা ধরে তিনি চৌঁচিয়ে ওঠেন, কেউ আসছে না কেন? ভেবেছ না-এসে পার পেয়ে যাবে? প্রত্যেক বুড়োকে পেটাব, জোয়ানকে পেটাব, কোলের বাচ্চাদের কেড়ে খানায় জমা রাখব। বাচ্চা ফেরত চাও তো খুঁনেদের ধরিয়ে দাও।

সবাই নিরুত্তর। বাহাস্তরটি নাগারা বেজে চলে ডিম্-ডিম্-ডিম্। বাহাস্তরটি গ্রামের মানুষ এসেছে।

ভেবো না মেলা থেকে কেউ ঘরে ফিরবে। তীর খেলতে আসছ না কেন? কেন আসছ না?

চোন্টি তাকায় তার বউয়ের দিকে। হরমুর মায়ের চোখ বিক্ষারিত হয়। তাকায় ছগনের দিকে। তারপর সকলের ওপর চোখ বুলিয়ে যায়। সবাই তার দিকে চাইছে।

কেন আসছ না?

বিচারকের আসন থেকে উঠে দাঁড়ায় চোন্টি। বাতাসে শীত। শীতার্ভ বাতাসে দেখা যায় চোন্টি এক আটাত্তর বছরের বুড়ো মুণ্ডা। সমস্ত মুখে ও শরীরে তার অজস্র রেখা। চুল, সাদা চুল পেছনে উলটে ঘাড়ের কাছে পেতলের আঁটার ঢোকানো। কানে শোলা গোঁজা, পরনে ধবধবে সাদা ছোট ধুতি। ধমুক ও একটি তীর, তার তীর, সে প্রতিবার ব্রতপূজার আচারের নিয়মে বিচারক হবার সময়ে সঙ্গে আনে ও নিয়ে যায়। মস্তপূত তীর। তার দাঁড়িয়ে ওঠার ব্যাপারটি এমনই, যে নিমেষে সকল নাগারা ধেমে যায়। একা ছগনের মুখ আলো হয়ে ওঠে। তার মাথা নিচু হয় ও গভীর গভীর মমতার সে নাগারা

বাজিয়ে চলে য়ুহ, অবিলেহু, গন্তীর বেদনায়। চোষ্টি তার দিকে তাকায়, মুখ কেরায়।

বলে, কেউ আসবে না মহারাজ, উটো মোরে দাও। —এস. ডি. ও. অভ্যন্ত চমকে যান ও চোড়াটি তার হাতে দিয়ে বলেন, তুমি, তুমি ওদের বলে।

কথাটো তো উরাদেয় বলিবার নয় মহারাজ, তুমাদের বলিবার। কারা মরছে মহারাজ? যি জন্তু, তারাদের খুনিরে ধরিবার লাগি সকল মরদরে মারবে, সকল গৌদারে মায়েয় বুক হতে মুখ টানি ধানায় পুরবে?

চোষ্টি!—

ধামো মহারাজ! আজ হেথা দাঁড়াই সকল কথা মনে হতেছে। উ লালাতোর বাপের কারণে মোর বাপ মরে। কুনোদিন অবিখাসী করি নাই, তাতেও উ মোর ছেলারে জেহেল ভেজে, আর উয়ারে আমি রেলের চাকা হতে বাঁচাই! কুনোদিন যুগা ওঁরাও হুসাদ ধোবি অবিখাসী করে নাই! তাতে কি মিলল মহারাজ? কি দিলে মোরাদের? যারাদের খুনের বিচার লাগি মোরাদের উপর জুলুম উঠবে, তারা জুলুম উঠায় নাই? বিটি ছেলার ইজ্জত নিতে গিছে, পহান-পহানী-মোতিয়া-রেলকুলিটো-হুখা-মুগল-ছগনের ঘরের বিটি-ছেলেয়া—মরছিল সবে, তখন তো পুলস আসে নাই মহারাজ? এমুন করি কাম দিশাও নাই?

চোষ্টি ঈষৎ ধামে। গলা সাক করে। প্রত্যেকটি কালো কালো মুখ এখন উজ্জীবিত।

চোষ্টি বলে, কেমুনে কারে ধরবা তুমি? ইয়া কি জানে? এখন শুন, তারাদের মারছি আমি।

না—! হাজার গলা বলে ওঠে।

তুমি!

হাঁ মহারাজ! এখন মেলায় যত দোকানী, তুমরা যতজন, যুগা-ওঁরাও-হুসাদ-ধোবি—যতজন! আজ সবে সাকী। আমি করছি ঐ

কাম । জঙ্গলে ছিপায়ে আগাছি আর মনে মনে বলছি, আর উরাদেয় হাত হতে কুনোদিন মুণ্ডা তপশীলীর খালাস নাই, আর রাখব না উরাদেয় আহান । বহোৎ জুলুম উঠাছে উরা, বহোৎ লাহাশ কেলছে, গোরমেন বহোৎ মদত দিছে উরাদেয় । —বলতে বলতে চোড়ির গলা উঠতে থাকে ও কেটে পড়তে থাকে, কিভাবে মারছি জান ? আগের রাতে সবে যখন ঘুমে, তখন যেয়ে গাছে ছিপাছি ধনুক । পরদিন “কুরমি যাই” বলি চলি গিছি সেখা । বহোৎ সুবিধা হল যখন ছেলাগুলা চলি গেল । তখনই ছুজনারে, না ! “মা” বলতে দিই নাই মহারাজ । —চোঙা ছেড়ে দেয় চোড়ি । বুকে হাত ঠুকে বলে, আমি মারছি, হাঁ, আমি চোড়ি মুণ্ডা বটেক । আর ই লয়ে একবার জুলুম উঠাও তো চোড়ি গ্রামে লালা আর চাচা, কাছারিতে তুমি, কেউ জীন্দা রবে না । পুলস ? আন্ধারে স্বরূপের দল তীর মারি দিলে কুচিলা বিষ লোহুতে জারালে কুন পুলস কারে বাঁচাবে ? কুনো জুলুম নয় ।

চোড়ির বউ ঢলে পড়ে পাশে । ছগন বাজিয়ে চলে নাগারা, মুখে তার ছুবোধ্য হাসি ।

এস. ডি. ও. শুকনো মুখে বললেন, তুমি ! তুমি তীর ছুঁড়েছ ? তুমি কি দেখতে পাও নিশানী ?

চোড়ি নির্মল হাসে ও বলে, দেখাতেছি । —তারপর মুণ্ডারী ভাষায় দ্রুত বলে, ধানী মুণ্ডা ! তুমার নাম উঠায়ে তুমার তীর ছুঁড়তেছি আজ । নিজেই কাছ নিজে সাচাই থাকিবার লাগি ।

চোড়ি লঘু ও ক্রিপ্র পায়ে চলে আসে নিশানীর উলটোদিকে । সকলকে বলে, কুনো ভয় নাই তুরাদেয় । তারপর তীর ছোঁড়ে, লক্ষ্য ভেদ করে ।

তারপর সে দাঁড়িয়ে থাকে, নিরস্ত । দাঁড়িয়ে থাকতে থাকতে সে চিরকালের সঙ্গে মিলেমিশে হয়ে যায় নদী, কিংবদন্তী, অবিদ্যমান । একমাত্র মানুষই বা হতে পারে । সকল আদিবাসী আন্দোলনকে নিয়ে আসে বর্তমানে, এখন আদিবাসী ও তপশীলীর যুক্ত আন্দোলনে ।

তারপরেও সময় যায়। চোন্টি ধনুকটি ছুঁড়ে দেয় হরমুকে। হরমু ধরে নেয়। বলে, আর কেন? ধর আমারে? একটো তীরই আছিল মোর।

এস. ডি. ও. যেন জাহ্নমজ্জের আবশ কাটিয়ে উঠে দাঁড়ান, এগোন।

কিন্তু তখনি শূণ্ণে ধনুকশব্দ হাত তুলে হাজার আদিবাসী চোঁচিয়ে ওঠে, না! যারা আদিবাসী নয় তারা নিষেধের হাত তোলে।

একদিকে চোন্টি, অশ্রুদিকে এস. ডি. ও., মাঝে শূণ্ণে উত্তোলিত হাজার ধনুক। আর অনেক উত্তোলিত হাতে সাবধান ঘোষণা।

**Click Here For
More Books>>**